



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

**EX BIBLIOTHECIS GUDBRANDRI
VIGFUSSON et FRIDERICI YORK POWELL**
olim alumni, partim ab hoc legatis, partim
emptis, a. MCMIV.

13. 1. 14. 2 ✓





ILÍONS - K V Æ Ð I,

I.—XII. KVIÐA,

GEFID ÚT

AF

HINU ÍSLENZKA BÓKMENNTAFÉLAGI.


BENIDIKT GRÖNDAL


ÍSLENZKADI.

REYKJAVÍK.

Í PRENTSMÍÐJU ÍSLANDS. E. ÞÓRÐARSON.

1856.

 Þetta titilblað er til bráðabyrgða.



ILÍONS-KVÆÐI.

FYRSTA KVIÐA.

KVEÐ þú, saunggyðja,
of sollna reiði
Akkilless, þrúðlynda
Peleífs arfa,
ríka ok raunsvára,
er hún rekka varp
óöld akkneska
ok ótal raunum.

2. Hverði hún margra
hetja öndum
styrkra at stöðvum
stillis draugheima,
en fur hanka hratt
ok hrævarga,
ok lágt lagði,
lofðunga kind.

3. Svá mundu ráð remmast
ragna föður,
frá því er fyrst
fólknárúngar
tvistir upp risu,
ok rómu hófu:
allvaldr alþjóðar
Atreífs niðr,
ok at ógnum æfr
Akkilleífr.

4. Hverr mundi etja
öðlingum þeim
guð at grimmri
geira róstu?
Þat var sveigvaldr,
Seifi borinn,
ok Letóar
ljúfr arfi.

5. Reiðr varð hann ræsi,
ok í ræsis líði
sótt vakti svára,
en sjótir dóu;
því at Atreífs arfi
úvirðan hafði
Krýses, helgan
hörge gæti.

6. Gekk hann at gángthröðum
græðis-vögnum,
ok leysa vildi
ina ljósu mey;
flutti fjöld meiðma
fagra, ómældra,
dýrrar lausnargjald
dóttur sinnar.

7. Hafði í höndum
höfuðsveiga
lofðunga Apollons

ins lángskeyta;
gullspota á,
ok grátbændi
Akkverja alla,
en þó einna fremst
Atreifs arfa
alla um valda,
böðvar-þjóða
buðlúnga tvá:

8. „Þér Atreifs niðjar,
ok akkneskir
fagrhosaðir
fírar aðrir!
veiti yðr regin,
þau er ríkum valda
Ólýmps veum
ok vegsölum“.

9. At èr Brjáms borg
brjóta megit,
ok at èr aptr heim
heilir smúit;
en at èr leysit
mitt ljúfa jóð,
ok at launum þiggít
lausnar málma,
virðandi lángskeytan
valföðurson“.

10. Rómuðn þá allir
rekkar akkneskir
tölu vel
tíva varðar,
at hann virðr skyli,
ok vegligum
viðtaka veitt
vala málmi.

11. Var þó Atreifs niðja
at vettugi
slíkt of boðit,
at hann sinna knætti;

ρ. I, 14-34.

sendi hann segg braut
með svívirðu,
ok heiptaryrði
honum valdi:

12. „Okkrir skyli aldri,
þú hían aldri gaurr!
fundir saman fara
at fleyjum hveldum,
hvárt þú nú hær dvelst,
eðr dragast knátt
aptr língat
hóti sðar“.

13. „Uggir mik, at eigi
þik efla muni
gullinn sproti
nè gerfir sveigar;
lætk-at ek lausa
linnveingis þíl“.

14. „Fyrr mun hana elli
yfir stíga
oru at læi
á Argos-láði
fóstrjörðu fjær,
er hún fremja knáir
vef vandaðan,
ok vel um geingr
beð minn at búa;
en þú á brottu ver,
nè mik orðum æs
at ósköpum,
attú hëðan heill
hverfa megir“.

15. Svo mælti gramr;
en hinn gamli verr
hræddr hlýddi
hilmis boði;
gekk hann þegjandi
at græðis jaðri,

þars marr margfaldar
megingjálfr.

16. Gekk ár garpa sýn
greppr inn aldráði,
ok bæn magnaða
af manni sendi
Apollons til
ins ítrvalda,
er hin lokkprúða
Letó gat:

17. „Heyr mik, sjóli
silfrbogvaldr!
þú er Krýsesborg
kríng um svífr,
ok kynhelgrar
Killu múra,
þú er ramliga
ræðr Teneds ey!“

18. „Hafi-k, Sminþes!
sinni nokkru
hof þær reist
hveldu ráfi,
ok bóga brennt
á báli feita
geita eðr nauta,
þá gef mér nú
ósk þá, er æsklg,
at örvar þínar
hefnidir taki
yfir her Danáa,
fyrir tár mín
ok móðga harma.“

19. Mælti hann svá
mjök árnandi,
en bogvaldr
bæn hans heyrði;
gekk Apollon
Ólýmps tindum frá,

en móði svall
míldíngs hjarta.

20. Hafi á herðum
hilmir sveig bjúgan,
ok örvamæli
umrifjaðan;
glumdu gögnflaugar
á grams herðum,
þars hann reiðr fór
foldu yfir.

21. Sveif hann of skóð
svartnætti glíkr,
en síðan settist
særeiðum fjarr,
ok af ýstreing
ör of sendi,
en glymr gerðist
geigrilgr
fyrir sveigrapti
silfrvörðum.

22. Múlasna fyrsta
hann meinum varp,
ok greyhunda
geysiskjóta;
en síðan sjálfa
seggi hann lét
lostna hvössum
hvítmýlingum.

23. Brunna sífellt
bjartir eldar,
næmir ok nánir,
náum yfir.

24. Prenna daga þrjá
putu náskeyti
hilmis of horskar
Herjans sveitir,
en dag tífunda
dreingja stefndi

öld at þingi

Akkilleifr.

25. Blæs því buðlúngi

í brjóst ráði

Hera, himindís

in hvítarmaða;

því at hún Danáum

dýrum unni,

er hún dregna leit

at dauða fram.

26. En er fyrðar

allir váru

safnaðir í sveitir

ok saman komnir,

upp reis á þingi

ok orð um kvað

skeiðfrár öðlúng

Akkilleifr:

27. „Hygg ek nú, at oss,

Atreífs niðr,

aptr heimsfór sè

hættlig búin,

ok hafvillur

hættisamligar,

en þótt undan stýrum

aldrtila“,

28. „Fyrst nú darra hríð

drepsótt blandin

Akkverjum bana

beiskan ræðr.

En nú munum vèr spakan

spámann nokkurn

framast frétta,

eðr fórna-göða,

eðr draumsjáanda

dreingja nokkurn“;

29. „Því at draum gefr

día faðir;

sá skal gumum

ρ. I, 54-72.

gerst of segja,

hví Föbus Apollon

feiknum alfkum

reiði reisi

með rekka kind“;

30. „Hvart heit nokkurt

eðr hundraðsblót

at gremi ginni

glævalds muna;

eðr hvart hann vill

vea ilmi

lamba ok geita

geigrs-vana

gladdr gleðja,

ok gumna fjöld

ægu afstýra

æftjóni“.

31. Mælti svo niðlúngur,

ok niðr settist;

en upp stóð aptr

eptir öðlúngi

Kalkas, þjóðmærr

Þestors arfi;

sá þekkti gjörst

af geðspeki

fugls forsagnir

fljúganda hvers;

32. Ok vel vissi

veranda hvat,

verðanda hvat,

ok þats verit hafði;

haldit hafði hann

á hafreiðum

með Akkverjum

at Ilíonsborg,

33. Forvizku sinnar

framrar vegna;

fékk þá honum

Föbus Apollon;

heill í hugum
hann orð um kvað:

34. „Byðr þú mér, buðlúngr,
böndum kærri,
Akkilleifr!
orð at kveða
um ens lángskeyta
lofðunga gremi,
Apollons
álmsvaldanda“.

35. „Þér mun ek segja,
en þú mál mitt heyr,
ok vinn mér eið,
vísir allstyrkan,
attu mik viljugr
vernda knegir,
með orðum bæði
ok afli handa;“

36. „Því at uggir mik,
at æsist reiði
nokkurr sá, er ræðr
römmu valdi
Argverja í
allra lífi,
sá er akkneskar
aldir hlýða“.

37. „Því at stillis vald
styrkara er,
er hann manni reiðist
minna háttar;
því þótt buðlúngr
bræði knegi
samdægrs sefa
í sessi muna:“

38. „Þá mun sjóli samt
at seinni tíma
hatri halda,
at hann hefna megi,
geðknerri í;
ρ. I, 73-92.

en þú, gramr, seg,
hvárt þú munir mér
miskunn veita“.

39. Aptr annsaði
Akkilleifr,
fylkir fóthvatr,
forvitríngi:
„Hughraustr þú ver,
ok herm fólgit orð
vea heilagra,
er þú vita knátt“.

40. „Því við Apollon,
Allföður kæran,
sver ek, þann er þú,
Þestors mögr,
á heitir æ,
er þú öld Danáa
goðspár ginnhelgar
glöggvar sýnir:“

41. „At manna eingi,
at mér lifanda,
ok ljós lítanda
fyrir láðveg ofan,
einginn af allsherjar
öld Danáa,
skal harðar þik
hendr á leggja
hvolfbjúgum hrannar
hástigum at“.

42. „Ok eigi þóttú nefnir
niflúng frægan,
Agamemnon
yfirstýri,
sá er nú þykir
þeingill mestr
alþjóð ágætri
Akkverja með“.

43. Varð þá hugglaðr
ok vespjöll þuldi

spakur guni
fyrir gumna fjöld“:

44. „Er-at heit nokkut
nè hundraðsblót,
þats at gremi ginni
glævalds muna;
þat er úvirða,
sú er Agamemnon
helgum hofgöða
harðr sýndi“.

45. „Leysti-t hann hans
horska dóttur,
nè lausnarmálma
ljósa þáði;
því hefir Apollon
aldir vorpit
bölvi banvænu,
ok bøl mun veita“.

46. „Mun hann ei mundu
megindauða
sárri snúa frá
sveitum þeima,
fyr en feingit hafa
föður-hendr
augnfagrt man
aptr faðmat“.

47. „Ókeypta mey
ok ógoldna;
en þèr helgu skulut
hundraðsblóti
sæma Krýsesborg;
þá mun sveigaguð,
er vèr hann biðjum svá,
bölvi lètta“.

48. Svá mælti hann,
ok settist niðr;
en aptr öðlingr
upp nam standa,
Atreífs arfi

ρ. I, 92-112.

Agamemnon,
vegs um valdr
vísir þjóða.

49. Reiðr var ræsir,
ok regindimmri
mjök fylldist munr
meginbræði,
en blossa brunnu
bjartskínanda
jaðars augu
aldrnara.

50. Renndi ríkr
reiðum augum
fyrst til Kalkas
fylkir ok mælti:

51. „Segir þú aldri,
seggr inn illspái,
goðafreitt göða
gunum fyrir;
er þèr annast æ
illu at spá
hölda hveim,
úr hugarfylgsnum“.

52. „Mæltir þú aldri
af munnni orð,
heillir boðandi,
nè heill framaðir;
ok nú boðar þú
banda ráð
dimm Danáa
drengjum fyrir“.

53. „At hinn lángeyti
Letóar mögr
því þjaki þá
þúngum raunum,
at ek hafik ei
auð glósfagan,
ljóserar Krýseiðar
lausnargjald, þegit“.

54. „Alls mik hana heim
hafa tíðir;
kalla ek hana fremri.
Klýtemnestru,
munarmætri
minni beðju;
er henni hún
hvergi sýr“;

55. „Vexti hvorki
nè vænleik at,
nè at hyggja-víti,
nè hannyrðum;
mun ek selju samt
sjávar ljósa
aptr fá,
ef fremra þykir“.

56. „Viljum, at herra haldist
heill ok óþjáðr,
heldr en eyðist hann
heljar nauðum;
en mér halir búi.
heiðrsgjöf þegar,
at ek ei Argverja
einn of haldi
gjafarlauss brottu;
graupligt er slíkt“.

57. „Sjált er því, sveitir
segja allar,
at annarr maðr mér
mungjöf memr“.

58. Aptr honum
annsvör greiddi
fótstyrkr öðlingr
Akkilleifr“.

59. „Alfrægr öðlingr,
Atreífs niðr,
meiðma gjarnastr
fyrir mæld ofani
hve mundu Akkverjar
p. I, 112-132.

móðhugaðir
heiðrsgjöf þér,
hilmir, veita?“

60. „Vitum-a, vísir,
vala málna
fyrirliggjanda
fjölda mikinn;
en þats borgum ár
braut vèr rændum,
skipt er nú þegar
skatna milli.“

61. „Samir-a sjótum,
siklíng, aptr
saman at slaungva
sèr deildum feing;
en þú man of lát
ljóst af hendi
guði ginnreiðum,
gramr, rakna“.

62. „En vèr Akkverjar
þér aptr munum
þrefalt ok fjórfalt,
þeingill, gjalda,
ef Brjáms borg
böðvar-ramma
ann Allföðr
oss at brjóta“.

63. Aptr honum
annsvör valdi
allvaldr alþjóðar
Agamemnon:

64. „Dyl þú ei min þín,
þótt mætr sèr,
gildir Akkilleifr,
goðum líkr;
munt-at-tu min
muna tæla;
munt-at-tu mik
meinvælum gleypa,

nè mër, hilmir,
hughvarf telja“.

65. „Viltu at ek svá,
er þú sjálfr náir
góðrar heiðra-
gjafar at njóta,
þreyi þurfandi;
en inni þekku mey
skipar þú mër
at skila apr?“

66. „Skal ek þó skila
inni skíru mey,
ef mër Akkverjar
aðra velja
heiðrsgjöf
hugumstórir,
þá er minn
mun of kæti,
ok uppbót mër
aptr veiti“.

67. „En ef gumar ei
gjöf mër veita,
sjálfr mun ek taka,
sjálfr mun ek velja;
taka mun ek Ajants
tignargáfu,
sjálfs þín, öðlíngr,
eðr Odysseifs“.

68. „Man halr hverr
í huga reiðast,
hveim ek slíka
helmsókn gjöri;
en mál þetta
munum vèr síðar
framar ræða
ok frammi hafa“.

69. „En marar málfeta
munum vèr nú
dökkvan draga

ρ. I, 132-151.

at dimmum sævi;
ok á rakka hjört
horska velja
fyrða til farar,
ok fagrt búa
hundræðablót;
en á hrannar gota
Krýseiði flytja
fagrinnu“.

70. „Skal ok einn vera
með skötnum í för
ríkr ráðandi
rekka sveitum,
Ajant, eðr ok
Ídomeneifr,
eðr Odysseifr
inn ítrráði;

71. „Eðr ok sjálfr þú,
sonr Peleífs,
ægiligastr
allra manna;
sá skal sveitráðr
með sónarblóti
fylkis fluggláðar
friðar árna“.

72. Brúnölfi at buðlúngi
beindi ræðu
ógnhvatr þá
Akkilleifr:

73. „Fóli, fólmenni!
inn fremdarlausí!
frekr sjársækir
framar öðrum!
hve mundi nokkurr
hlýðni þínum
orðum súss veita
með Akkverjum?“

74. „Hvært heldr för
at fara nokkra,

eðr dólgmögum
deila móði;
því at hinnig hefi-k
haldit eigi
vegna Tróverja
tíragjarnra“.

75. „At ek deilak þá
dreingi við,
er þeir aldri mér
andvíg frömda;
naut frá mér
nema gjörðu-t,
nè mik reiðfákum
ræna knáttu“.

76. „Eyddu aldri
jarðar gróða
nokkru sinni
naðels boðar
á Flöju grundar
frjóvgum sverði,
sá fjöld fæðir
fólkbetrúnga“.

77. „Fyrir því at er
þeirra landa
margt á milli:
megindimmir
hálsar háfjalla,
ok hafsmegin
sollit sæbáru
sígjálfrandi“.

78. „En vér fylgdum þér;
fóll inn illi!
attu heill hlytir
ok í hug gleddist,
Menelási ok þér
mæðar árnandi,
tíkar trantr!
at Trójaláði“.

79. „Nè, þeingill, þá
p. I, 151-170.

þessa gætir,
nè at slíku þinn
sefi hnelgist;
ok nú hótar þú,
hilmir böðstyrkr,
harðr at taka
tignargjöf mína:“

80. „Er ek fyrir þöldi
þrautir margar,
ok megir Akkverja
mér um völdu;
nè ek hafa munk
heiðrsgjöf þinni
líka, lofðúngr,
þá er láta þjóðir
böðvarit Brjáms
brotið vígi“.

81. „Hafa þó, hilmir,
hendr mínar
mest of unnit
at mækis leiki;
en er herskipti
með höldum gánga,
mér meira miklu
mildíngi of fær“.

82. „En ek lífið eitt
ok ljúft mun taka,
haldandi hveitdum
hafreitðum at,
er ek móðr geing
frá Gauts eli“.

83. „Fara mun ek nú
til Flöju-borgar;
því víst held ek
hölzti betra
heim at halda
hafskipum á
stafna-bjúgum
of blár unnir“.

84. „Nè ek hær hyggat
heiðrs vani
auð ok iðgnótt
aura fagra
þær at afla,
þjóðkonúgr!“

85. Fylki apt.
fólka stýrir
annsvör veitti
Agamemnon:

86. „Flyðu framað,
alls þik fara tíðir,
ok hugr hvetr;
hildíngr, þik!
Munk-a ek þik biðja
fur mínar sakar
hær at dvelja,
því at dreingir aðrir
hjá mér eru,
þeirs mér heiðr hjá,
en Seifr þó mest;
megin-ráðvaldr.“

87. „En vera þykir mér
verstr þú
gramr gylfa
goðborinna;
er þær þráttan æ
þekkust hvervetna,
remi rómu,
ok refsils þytr;
ok þóttu, hilmir, sær
hölztu styrkr,
hefir þú afl
at Allföðr þegit.“

88. „Ráddu mildíngr,
Mýrmíðónum,
haldandi heim
hafskipum á

þínum, ok þegnar
þínir fylgi“.

89. „Nè hugr minn
hneigist at því;
hírdi-k nè heipt,
hilmir, þína;
en því hót-a-k þær,
alls ek harm of bít;
at fyrst Apollon
Föbus mik sviptir
Kryseíði, ljósri
linnveingis bil,

90. „Þá mun ek hana
á minni skeið
senda láta
með sveitum mínum;
en sjálfir ek
árna munk
tjalds þíns til,
ok taka þaðan
Bríseíði, konu
ina kinnfögru;
þat er, hilmir,
heiðrsgjöf þín“;

91. „Attu sjá megir,
hve miklu emk
þær of þrífmeiri
ok þróttmeiri;
ok at annarr einn
æðru geti,
ef hana eik ætlað mér
jafnan vera,
ok mínum í mót
mætti ráðast.“

92. Mælti svá ágætr
Atreífs niðr,
en móðr svall
megi Peleífs;
ok mótakara

í meginbrjósti
hvervetna hvarflaði
hluta milli,

93. Hvárt hana breiðum brendi
of bregða skyldi,
ok friðböndum
fólvi leysa,
ok upp reka
ölmaga fjöld,
en Atreífs arfa
aldri ræna;

94. Eðr skyldi hann
heipt of sefa,
ok munar möð
með sèr lægja.

95. Meðan breiðði í hug
ok hjarta þráðu
ráðagerð þessi
ríkr skati,
sverði lét hann sveipast
slíðrum úr,
miklu ok meinvöldu,
meginbjörtu.

96. En Apóna
hin augum-glæmja
ofan sveif
af Ólýmps tíndi;
því at Hera
in hvítarmaða
gyðju lét senda
goðstólum frá.

97. Unni hún öðlingum
allmjök báðum,
ok þeim heill vildi
af hjarta þráðu.

98. Stóð hún at baki
stilli ríku,
nam bróðr branda
it bleika hár
p. I, 189-206.

hart á þrúðlyndum
Peleífs arfa;
gerði grám einum
gyðja birtast;

99. Nè samarr nokkurr
nabðisi leit;
varð Akkilleífr
undrun fánginn,
ok við sèr ræð
ræsir snúa,
en hana kenndi strax
kvernbíts gyðju.

100. Leiptrabú henni
sem logavendir
ægillig augu;
en Akkilleífr
vænghröðum þegar
veldis-gyðju
orðum þelma
ávarpaði:

101. „Hví þú, dóttir
Herjaföður
ægiskjalda,
árnar hinnig?
Hvært viltu líta
heiptar-frekja
Atreífs arfa
Agamemnons?“

102. „En þér segja mun-k,
þat er síðar mun
fram koma ná,
ok fram gánga:
at hilmis heipt
in hermíllga
brátt mun honum bja
bráðan dauða.“

103. Aptr honum
annsvör greiddi

Aþena, gyðja
in glóeyga:

104. „Hinnig ek hvarf
af himinstöðvum,
þinn meginmóðgan
mun at sefa,
ef þú hlýðnast knættir;
en mik Hera sendi
himinstöðvum frá,
in hvíttarmaða“.

105. „Ann hún ykkar báðum
öðlingum mjök;
heill vill hún yðr
af hjarta báðum;
en hept nú, hildnagr,
heiptar-bræði,
ok sverð þitt lát
slíðrum falit“.

106. „En þú orðum æs
öðlinga kind,
alls þau eru sköp
skötum búin;
en þær ek segja munk
þat er síðar mun,
fylkir, fram koma,
at af frekju þessi
þær munu þrefaldir
þrífast aurar;
en þú heiptir hept,
ok hlýðnast oss“.

107. Aptr gyðju þá
annsvör greiddi
fóthvatr öðlingr
Akkilleifr:
„Sæmir þat, gyðja
in ginnheilaga,
orðum yðrum
eptir at fylgja“.

p. I, 206-224.

108. „En þótt reiðr sjá-k,
ok svelli hugr
-bræði bölmóðri,
betra er þat;
því sá er guðum
góðum hlýðnast,
honum munu þeir
heillir veita“.

109. Mælti svá mildíngur,
ok á meðalkafla
svára setti mund
silfrvarinn;
skaut hann skjóma
í skeiðar aptr;
var-at óhlýðinn
orðum gyðju.

110. En Aþena
hin augum-glæja
upp sveif til Ólýmps
aðalstöðva,
til sala Allföðrs
ægisskjalda,
ok goða annarra,
ginnheilagra.

111. En þrúðr aptr
Peleífs arfi
siklíngr særa nam
svárum orðum,
Atreífs niðja,
nè öflga reiði
í huga hepti
heiptar-ríkum:

112. „Vínbelgr vargsýnn,
vilgi þrúðr,
merhjarta meinflátt
it meginhræddat
hefir aldri þinn
hugr þorat
brynju at búast

bardaga at
með öld ítri
öðlingmanna;
nè með ágætum
Akkverja sveitum
lástu, lydda,
launsátrum í!“

113. „Þótti þér þat dani
bráðr vera;
er ok tryggara
(þó torfeingt sé)
um mannmargan
ok meginstyrkan
her Akkverja
heipt at beita“;

114. „Ok gjöfum guzuna
góðum ræna,
hvern er móti þér
mæla þorir;
mildíngr meinvísa,
mannavargr!
lýðstjóri leiðra
löðrmenna!“

115. „Vilda-k, hildíngr,
attu hinnsta sinni
hrópi heitaðist,
at heipt snúinn!
en vittu þat, vísir,
vinn ek þér eið,
eið aletyrkan
fyrir öld frammi.“

116. „Sver ek svá við minn
siklíngs-sprotu,
þann er aldri blómgevast
barri nè laufi,
nè aprt yngist,
sízt hann áðr hvarf
blómbjörkun frá
brandi sneiddr

p. I, 124-246.

á myrkviðar
meginsjöllum:

117. „Því at eikar-kvist
eggjar málma
berki ok brumi
blómgv flógu;
en nú halda þeim
höndum í
arfar Akkverja,
þeirs með öld ef dæma,
þeirs réttar reka
ragna-föður;
sá skal aleiðr,
öðlíngr, þér“:

118. „Kvarta munu ktræfir
konir Akkverja
allir, ok sakna
Akkillesar;
munt-at-tu hvergi,
mildíngr, þá,
gumum guasfrægum
gagna mega,
þótt þitt gremi
geð of þjá!“

119. „Þá er hölda fjöld
helgreipum spennt
mannmyrði fyrir
at moldu hnígr
Hektori, en þú
í huga gremst,
er þú einu virðir,
þann er Akkverja
bezt var
ok böðstyrkastr“.

120. Svo mælti þrúðr
Peleífs arfi,
ok á vág of varp
veldis-sprotu
gulli vörðum

úr gildri mundu,
en sjálfr síðan
settlst niðr.

121. En annars vegar
Atreifs niðja
möði svall munr
meginreiðr.

122. Reis þá upp Nestor
með niðungum,
mjúkmáll Pýlverja
málsnillíngur;
rann orða-hreimr
hans af tungu
ok hvarfi tanna
hunángsætr.

123. Sæt hafði hann svífa
und sólar tjaldi
lífs-aldir tvær
láðbyggjenda,
þær með mannbaldri
í meginhelgri
ólust Pýlusborg
ok aldr gátu;
en með öld þriðju
öðlíngur var.
Heill í hugum
hann orð um kvað:

124. „Sæ þar harn sáran!
svalar meinvættir
of Akkverja
aldir svífa;
mun nú Brjámi búin
ok Brjáms niðjum
gleði gagusæl,
ok görpum Tróju“.

125. „Ef þeir frøtt feingi
af feiknum þessum;
er þær heiptar hug
ρ. I, 246-268.

hjórvum berizt,
mildíngar Danáa,
mest of fremstir
reginráðum at
ok rómu bæði“.

126. „En hlýðit nú,
hildíngar, mér,
er ykkar beggja
aldr minni;
hefi-k ok áðr
með hölum verit,
yðr, fólkskatar,
at fremd ríkri,
nè þeir mál mitt
mátu vettugla“.

127. „Sá-k-at slíka,
nè sjá mun-k,
svo sem þrúðr
Pírípóus,
eðr dróttvaldr
Drýas of var;
ítr Kynelfr,
ok Eksadíns,
ok þrýði búian
Polýfemus;
[ok Þeseifr
þeingils kundr
Egeífs alfrægr,
jólnum glíkr.]“

128. „Váru þeir styrkastir
storðar barna,
meginmestir
moldbyggjenda;
þeir við afmesta
ýta þreyttu
kappdeilur karaktir
ok kalda rómu“.

129. „Börðust við tryllðan
bergrisa lýð,

Ferubúa,
ok þeim fjörrað unnu
hildar leikum at
hermilligum“.

130. „Fór ek þráðsagri
Pylasborg frá,
ok með mönnum þeim
munda-k svífa
fjarrum löndum frá
of feiknstigu;
báðu mik böðvísir
beimar þess“.

131. „Börðumk ek böðvitrum
bragníngum með,
hafða-k sveit minni
sjálfr at ráða;
en manngi nú,
á mold alinn,
brandi móti þeim
beita knætti“.

132. „Heyrðu halir þeir,
hvat ek ráða nam,
ok orðum mínum
öðlingar hlýddu;
hlýðit mér nú ok,
hjaldrs stjórar;
svá mun best búast
fyrir bragna fjöld“.

133. „Munt-at-tu, mildíngur,
þótt mætr sèr,
láta lofðung svípt.
ljósum svanna;
láttu, lýðvaldr,
linnveingis bil,
er hana fyrst
fyrðar námu
hildíngi frægum
at heðrsgjöf“.

134. „Nú þú, inn þráði
p. I, 268-287.

Peleífs níðr,
döglingi móti
deilu þreyt;
því at ójaína
öðlingr þá
fólkvaldr fremd;
fyrðum metri,
þeim Seífr veltti
vísis ljóma“.

135. „Þóttu metri sèr
at meginafli,
er þik gyðja ól,
goðborin móðir:
fremri er þér samt
fólkráðvaldr,
er hann öld stærri
yfir ræðr“.

136. „En þú þína hept
heiptar-reiðl,
Atreífs arfi,
eljunsára;
en Akkilleíf,
at hann af láti
hatrs huga,
helzt mun ek biðja;
því at Akkverjum
öðlingr er
megin-múrveggr
fyrir málmþrymu“.

137. Annsaði aptr
öðlingi ríkum
Agamemnon
yfírstýrir:
„Öll eru orð þín,
inn aldni verr,
sannlig, samboðin
sannleik mærum“.

138. „En þegn þessi
þjóðum öllum

fremri vera vill,
ok valdi kúga;
ríkr ráða
rekka sveitum,
ok gumum stjórna
girnist öllum“.

139. „Vill hann öld allri
yfir bjóða,
megnum mállögum,
þeims manngi hlýðir;
því þótt veitt hafi
vísar himna
hetjumátt honum
at hildar leikum,
hvárt munu þeir leyfi
honum gefit
hrópi ok heiptyrðum
hali at þjá?“

140. Framm í tölu tók
tívum glíkr
Akkilleifr
öðlingmennis:

141. „Kalla mætti mik
kaldyrðum með
hvervetna þræl
hvergi nýtan,
ef ek æ annaði
orðum þínum,
ok frekju hverri,
er þú frammi hefir“.

142. „Heldr öðrum hroka
höldum þú sýn,
en elgi mik
mantu kúga;
því ek lítt mun láta,
lofðóungr, at
hótunum þínum,
nè hlýðni veita“.

143. „En annat mun ek þér
p. I, 287-306.

orð of segja,
en þú geym
í geðknerri“:

144. „Munk-at ek mínum
meyjar vegna
höndum harðmóðga
hildi drýgja;
eigi við þik, öðlingr,
nè annan hvern,
er þér aptr takit,
þats áðr gáfut“.

145. „En meidma annarra,
þeirs hjá mar-ljónum
mínum hrafndökkvum
ok hröðum liggja,
munt-at-tu þeirra,
þeingill, it minnsta
at nauðgum mér
námi taka“.

146. „Reyn þú þat, ríkr
ræsir, lát sjá,
at þat öld sæt
einnig fái;
þá mun ek í þínu,
þeingill, görva,
darr of djfa
dökku blóði“.

147. Deildu dýrir
döglíngar svá
svárum sáryrðum
fyrir sjótum frammi,
ok upp stöðu;
en aldar-þíngi
slitu siklíngar
at særeiðum.

148. Gekk þráðlyndr
Peleífs arfi
at jafnbyrðum

ægis hestum,
ok tjalda til;
en tiggja fylgdi
Meníts konr
ok kníar hans.

149. En öðlingr
Agamemnon
drafnar dreginn lét
dökkvan gota
ægisdjúp á,
ok ýta valdi
vaska tuttugu
til víðis leiðar.

150. Ok hundraðsblót
hann of setti
hafreið á
himintíva,
ok Krýseíði,
kinnfagra mey;
en mildíngr,
inn margráðugi
Odysseifr,
ýtum ræði.

151. Geingu á gaoð
garpar svinnir,
ok of víðis leið
vota svífu.

152. Bauð Atreífs arfi
at öld lèti
móðgum meinsullum
moldar farit;
en hreinsast námu
halir þegar,
ok saur svárum
á sæ köstuðu.

153. Fluttu öðlingi.
Apolloni
heilar ok hreinar
hundraðsfórnir,
ρ. I, 306-325.

geita ok nauta,
at græðis jadrí,
þess er brum nè blóm
bera knáir.

154. En fórnar ilmr
faldinn mekki
hvarf til heilagra
himinstöðva.

155. Starfaði at þat
ströðvanin þjóð
herbúðum í,
en hildíngr
ekki af lét,
Agamemnon,
heipt við Akkilleif,
er hann ógna nam.

156. Mælti tiggi
við Talpýbús
ok Evrýbates;
en þeir ýtar váru
konúngs kallalar
ök knáir líðar,
öflgir ok ótrauðir
erendsrekar:

157. „Haldit hvárrtveggi
herbúða til
Akkills, prúðlundaðs
Peleífs arfa,
ok í hönd takit
ok hinnig leiðit
Bríseíði, brúði
bjarthaddaða“.

158. „En ef hann ei
ykkir of fær
margullna mey,
mun ek sjálfr taka,
ok megins njóta
manna fleiri;

sú mun honum heimsókn
hræðillig þykja“.

159. Þeim mælti sjóli,
sendi guma braut,
hörðum orðum
í heiptar móði.

160. Geingu gumar
at græðis jaðri,
vilgi viljugir,
þess er vætki blómgast;
mundu at hertjöldum
Mýrmíðóna
árna, ok skjótum
skipum niðr.

161. Hittu hilmí
at hertjaldi,
at dökkleitura
drafnar blakki;
sat þar öðlingr
Akkilleifr,
gladdist-at gramr
við gumna komu.

162. Stóðu skelfdir
fyrir skjöldungi;
öðlingr óttuðust
ógn- um -fráan,
nè af munni fram
máli hreifðu,
frétt nè frömdu
at fólkskata.

163. En gramr mundi
í geðknerri
skilja skýrflga
skatna erendi,
ok þá öðlingr
ávarpaði:

164. „Kærir kallarar,
kátir sèt èr,

sendiþóðar Seifs
ok sveita jarðar“.

165. „Árnið nær, ýtar,
áfelli-k-at yðr;
erut èr at
ills um valdir,
heldr öðlingr
Agamemnon,
sá yðr svanna
at sækja bauð“.

166. „Heyr, Patróklus
inn þrúðlundaði,
leið þú fram ljósa
linnveingis bíl,
fá hana í hendr
höldum þeima,
at þeir flytji hana
á fylkis vald“.

167. „Kveð ek yðr báða,
kallarar mærir,
vitni at vera
fyrir vísum himna
sælum ok svásum,
ok sjótum jarðar,
ok fyrir heipthörðum
herkonungi:“

168. „At ef þegnum þörf
þykir minna
herstyrkra handa
helnauðum at —
mæli-k at meirr,
því at móðr jaðarr
illum heiptar hrekst
hamförum í“.

169. „Veit-at vísir,
þótt velti huga
hèðra ok þaðra,
hinnig ok þinnig,
hve hann heilum skal

höllum stýra
bardaga í
at brimdyrum“.

170. Mælti hann svá;
en mildings vinr
Patróklus hlýddi,
þrúðlundaðr;
leiddi hann konu
ina kinnfögru,
Briseíði hjarta,
böðtjöldum frá.

171. Lét hann ljósa
lagar selju
brögnum at flytja
á braut þaðan;
en þeir aptr
Akkverja til
skipa skunduðu
skráðfaldina;
gekk nauðugt man
at naglförum
ágætum með
eimnis reynum.

172. En Akkilleifi
úrgar dögguvar
harma hrundu
fyrir hvarma mjör;
lángt gekk loðúngur
frá liðum sínum,
ok fjarri settist
sorgum speuntr,

173. At brimhvítrar
báru jaðri,
ok á dröfn starði
döprum augum;
fórnaði höndum,
ok fremst um bað.

móður, meginmæra
marar gyðju:

174. „Móðir mæra,
er þú mik um ólt
skammæan mög
fyrir mold ofan,
heilðr skyldi mér
Herjaföðr
þrífast láta þó
þrumuvaldr“.

175. „En nú einkis virðir
allvaldr mik,
því at vítt of valdr
vísir þjóða
úvirt hefir mik
Atreífs mögr,
er sjálfr tók
ok svárum höndum
minni heldr hilmir
heilðrsgjöf“.

176. Mælti svo mildingr
móðgum harmi;
en mæðr móðir
mög of heyrði,
þars hún sægrænum
sædjúpum í
sat at öldúngs hlíb
aldri vorpins.

177. Upp sveif eiða
úr ægisdjúpi
skjótliga, skuggligum
skýmjörkva glfk,
ok hjá syni settist
sævar gyðja,
þars hellti hann
höfgum tárur.

178. Mýkti milding
mjúkri hendi

margullin móðir,
ok máli hreifði:

179. „Hví þér, mögr minn,
móðgir harmar
hvarma væta?
hvat er harms efni?
Seg mér þat, sonr,
nè þú sorgmóðr
böl í mun byrg,
at bæði vitim“.

180. Stunu þúngri
stríðra harma
ógnhvatr mælti
Akkilleifr:
„Veiztu þat, móðir;
hví ek mæla skal,
er þú allar kannt
ófarir mínar?“

181. „Fórum til þífi
fremst of helgrar,
Eetíóns
aðalborgar;
brutum borgvirki,
ok brandi eyddum;
bárum allan braut
báru ljóma“.

182. „Skiptu réttlíga
rekkar akkneskir
með sèr góðmálmi
ok meiðma fjöld;
en Atreífs arfa
ítrum völdu
Kryseíði, konu
ina kinnfögru“.

183. „En meyjar faðir,
mærr hofgoði
lofðúngs ins lángskeyta,
Letóar arfa,
skjótt skundaði

p. I, 361-380.

at skjótum gnoðum
aldar Akkverja
eirbrynjaðrar“.

184. „Leysa vildi hann
ina ljósu mey,
flutti meiðma fjöld
fagra, ómældra;
hafði í höndum
helga sveiga
lofðúngs Apollons
ins lángskeyta“

185. „Gullsprotu á,
ok grátbændi
Akkverja alla,
en þó einna fremst
Atreífs arfa
alls um valda,
böðvar-þjóða
buðlúnga tvá“.

186. „Rómuðu þá allir
rekkar akkneskir
tölu vel
tíva varðar,
at hann virðr skyli,
ok vegligum
viðtaka veitt
vala málmi“.

187. „Var þó Atreífs nið
at vettugi
slíkt of boðit,
at hann sinna knætti;
sendi hann segg braut
með svívirðu,
ok heiptar-yrði
honum valdi“.

188. „Reiðr varð ræsi
rekr hinn aldni,
árnaði braut,
en Apollon

bæn of heyrði
hörða gætis,
er hann honum heill
hugum unni“.

189. „Sendi örvaguð
Argverja sveitum
nöpr náskeyti
naðum undin;
en alþjóð
at aurmoldu
hrönnum hnè
fyrir hremsu dauða“.

190. „Flaug flagglöð
fenju jafars
of allan her
Akkverja lýðs;
en spámaðr
spakr ræði
oss Apollons
eljan-gremi“.

191. „Bauð ek þá fyrstr
böðvísri sjót
drottinn dynföru
dýrstan mýkja;
en Atreifs arfa
æðis reiði
hörðum spennu hug
heiptar-greipum“.

192. „Stóð upp stillir,
strítt of mælti
heiptar hótunum
harðmóðigum;
eru nú þegar
in illu ráð
öðlings ok ógnanir,
allt fram komit“.

193. „Flytja fráneygir
fyrðar meyju
akkneskir, græðis
p. I, 380-398.

á gota skjótum,
Krýsesborgar til;
en konungi
gjafar góðar
garpar velja“.

194. „En nú námu mér
námdúks hildi,
bjarta Bríseíði,
frá búð minni;
komu kallalar,
ok konu tóku,
þá er mér Akkverjar
áðr gáfu“.

195. „Ef þú mátt, móðir,
muntu nú þínum
megi lið ljá,
þann er leiði þjáir;
svíf þú Ólýmps til
aðalstöðva,
bænum biðjandi
banda föður“.

196. „Hafir þú, svása mín,
sinni nokkru
huga fróat
Herjaföðrs
orðmælsku með
meginsætri,
eðr vísi glatt
verki nokkru“;

197. „Heyrða-k þik laungum,
himnesk móðir,
í föður þíns
þylja sölum,
er þú ein kvaðst
Kronussyni,
svartskýja-Seifi,
sjóla máttkum,
undan stýrt hafa
aldrtila,

upphimins ein
alráðenda“.

198. „Þá er goð önnur
á Ólýmps tindi
banda blóðföður
binda hugðust:
Hera hvítörnuð,
ok hauðrs skelfir
Posídon, ok þrúð
Pallas Aþena“.

199. „Komstu þá, gyðja,
ok konúng himna
leystir launstyrkum
læðíngi úr“.

200. „Sóttir þú sjálf
at sölum hámm
hundraðhenta
hrímpursa kind;
kalla Brífareif
bönd in mæru,
en Ægeif
alda sveittir“.

201. „Er því sá
sínnum föður
ámáttkari
jötundólgr;
settist sælum
Sigföður hjá
frægð feiknljósri
faldinn leifi“.

202. „Ræddust regin
ríksæl ok góð,
nè frekefíðra
fjötra neyttu.
Nú muntu, móðir,
minnast þessa,
ok konúngs himna
knè of spennu“.

203. „At lið lofðúngr
ρ. I, 398-418.

ljá megi nú
ok tír veita
Trójumönnum;
en Akkverja
at ægis hestum
aptr hrekja,
ok at öldu þraungva“.

204. „Láttu þá hníga,
ok hrönnum deyja,
at þeir níflíngs síns
njóta knegi;
ok at Atreífs arfi
Agamemnon
kenna ná þess,
er hann kappa mæstan
sjóta smánaði,
ok særðan lét,
ok afglapan
illa framdi“.

205. Svaraði síklíngi
sævar-gyðja,
ok tár of felldi
af týrum hvarma:
„Aum er ek þess,
arfi minn,
er ek þik um ól
illu heilli!“

206. „Vilda-k, at þú
at víðis dýrum
sorglaus og heill
sitja knættir;
er þér örstutt lagt
æfiskeið,
nè dagar lángr
fyrir Dellíngs hliðum“.

207. „Ertu smæmmendis
sorgum hrífinn,
ok at úgæfu
öðrum framar;

illu heilli
hefi-k alit þik,
arfi minn,
at auðsölum“.

208. „Mun ek nú þessar
þrumuglöðum
segja Seifi
sorgir þínar;
svíf ek Ólýmps til
snjóvi drifins,
ef oss hugga mætti
Herjafaðir“.

209. „En þú, sonr, sit
særeldum hjá,
fákum farakjótuna
fjarðar ála;
reiðstu Akkverjum,
en rómu frá
hept þik, hildíngr,
ok hildi alrí“.

210. „Því með Eþíópum
alda faðir
ágætum er
at jarðarstraumi;
sótti veizlu
siklíngr í gær,
ok goð öll
grami fylgdu“.

211. „En dag tólfra
mun döglíngr
Ólýmps þér
aptr vitja“.

212. „Mun ek þá árna
til eirvarins
Sigföðrs salar,
siklíngr knéfangá;
held ek víst,
at ek vilja knegak

bænum beygja
banda föður“.

213. Mælti svo mæR
marar gyðja,
ok burtu hvarf
frá hildíngi;
lèt hún eptir gram
gremi sollinn
fyrir mey fagra
fagrbeltaða,
þá er ýtar
með ofríki
nauðgum námu
frá niðfúngi.

214. En Odysseifr
inn ítrráði
kom til kynhelgrar
Krýsesborgar,
helgar flýttjandi
hundraðsfórnir.

215. En er leið-liðar
at lagar polli
ála innstum
inni váru,
þá segl seggir
á siglu mari
hefluðu við rá
ok hleyptu niðr;

216. Lētu voð lagða
í lagar gota
kvið dökkleitan
dreingir at þat;
hleyptu hræsvelgs dúks
með höfuðbendum
lauki skjótliga
í lokfelli.

217. Knýðu karskir
kníar síðan

hraðan hrannar blakk
at hafnar inni;
lētu lagðan
at lagar grunnum
styrkan stjóra,
ok at stefni bundu.

218. Geingu at þat
af græðis faki
halir hraustir
á hafs-ströndu,
ok hundraðsblót
heilög færðu
örva öðlingi
Apolloni.

219. Stè af streingja
stríðum faki
Krýselðr, kona
in kostsama;
leiddi ljósa
linnveingis bil
at meginaltari
inn margráðugi
Odysseifr,
ok ítra mey
föður fèkk
faðmi kærur,
en hann orðum þeima
ávarpaði:

220. „Krýses, helgr
hörge gætir!
sendi mik öðlingr
Agamemnon,
allvaldr alþjóðar
ítrfægr,
at ek færa þær
þína dóttur“,

221. „En hundraðsblót
helg at færa

dólgfinna Danáa
dreingja vegna“,

222. „At vèr mýkt fáum
upphímis gram,
er hann ótal
Argverja fær
napra nauða
ok náhrða;
vekr þat stunur
með virða kind“.

223. -Mælti svo mildíngr,
ok mundum fèkk
föður sagra mey,
en fegins höndum
faðmaði faðir
fríða dóttur.

224. En halir færðu
hvatvísliga
heilagt hundraðsblót,
ok hávan kríng um
beimar blótstalla
blótdýr stilltu;
sðan þógu
sínar hendr,
ok blótbygg
bleikt of námu.

225. En Krýses, helgr
hörge gætir,
höndum fórnaði,
ok fremst of bað:

226. „Heyr mèr, inn svási
silfrbogvaldr,
þú er Krýsesborg
kríng um svífr,
ok kynhelgrar
Killu múra,
þú er ríkliga
ræðr Teneds ey!“

227. „Alls þú áðr mik,

öðlingr, heyrðir,
þá er leitaba-k
líknar þinnar;
virðir þú mik, vísir,
vegliga þá,
ok Akkverja varpt
aldrtjóni“.

228. „Veit mér nú eianig,
þats um ek blöð,
bæg nú bölsárum
banaskeytum
Akkverjum frá,
ok eynd þessi“.

229. Mælti svo helgr
hörge vörðr,
en bogvaldr guð
bæn hans heyrði.

230. En er bænræknir
of beðit höfðu,
ok blóthyggi
bragnar dreift,
beygðu blótsvíra
fyrir brodda jafri
seggir ok slátruðu,
sðan ok flógu,

231. Ok blótbíta
úr blóðgum lærum
skatnar sðan
skera mundu;
huldu mörlaga
milli tveggja,
ok hær ofan á
hrátt of lögðu.

232. Ok blótbíta
brenndi aldinn
skati á skföum,
ok skæru víni
yfir dreypti;
en úngir sveinar
p. I, 453-472.

teinum fimmyddum
framliga hældu
at hlið hofgoða
í höndum sèr.

233. En er blóthitar
brunnir váru,
ok iðrar etnar
ýtar höfðu,
brytjuðu blótkjöt
bragnar annat,
ok á steikara
stúngu teina;
steiktu gumar allt
gætiliga,
tóku sðan,
ok af teinum drógu.

234. En er erfði
ok önnum þeirna
hættu halir,
hófu upp veizlu;
nè lysting leið
lýðum gerðist,
neyttu dreingir
af deildum verði.

235. En er lýðir
lysting höfðu
á bug ekit
áts ok drykkjar,
skaptker sveinar
skærum veigum
barmafull
fyrir bragna settu.

236. Deildu öllum
dreingir, ok sðan
skötnum í röð
skálar feingu.

237. Svá mundu ýtar
endlángan dag
bogvald at blóti

blíðkaðan láta;
 sýngu sveinar
 sætu lofi
 lángskeytum ýs
 lofðungi fyrir;
 en hann glöðum hug
 heyra knátti.

238. En er röðull
 rann til víðar,
 ok rökkr leið
 yfir leiptra sali,
 þá naglfars njótar
 náðir tóku
 at skutfestum
 skipa niðri.

239. En er árrisul
 rósinfíngra
 birtist mönnum
 Morgunskæra,
 aptr hældu
 til Akkverja
 sóknstýrkra sveita
 sverða reynar.

240. Lèt Lángskeytr
 yfir leiðar djúp
 hægan himinvind
 höldum fylgja;
 reistu rálauk
 rekkar snjallir,
 ok dripthvíta
 dúka þöndu.

241. En óþrotligr
 elris rakki
 bólgnum hvoptum
 blès í voð;
 þá við stefni
 at stærðum skrið
 mórauð hafalda
 hátt of glumdi,
 ρ. I, 472-491.

en ráhjörtr
 rennandi fór
 lábrostna leið
 leiðar sinnar.

242. Sveif sólborðs fák
 yfir sæbáru,
 ok of götur gekk
 græðis djúpa;
 en er til Akkverja
 aptr váru
 komnir liðar liðs
 Leifnis granda:

243. Drógu drafnar blakk
 dreingir þegar,
 grásendna á
 græðis strönda;
 streingmar studdu
 stoðum laungum;
 en gildir geingu
 garpar síðan
 skildir at skipum
 ok skatna tjöldum.

244. En at skriðskjótum
 skjöldúngur sat
 hrannar fákum
 í heiptar móði
 goðkunnigr, þrúðr
 Þeleifs arfi,
 ógn- um -frár
 Akkilleifr.

245. Hirti nè heiptagr
 hildfíngur þá
 of hölda hirð
 heiðrsæla,
 nè at gildum gekk
 góins leiki;
 heldr svárri sorg
 síklíngur lét

mótt móðakarn
mætr dvína,
saknaði snerru
ok Sviðris hríðar.

246. En er þáðan frá
þreyttar váru
tólf dagsólrir
of Dellíngs hlíð:
þá svifu sælar
sveitir goða
allar at Ólýmps
aðalstöðvum;
en Seifr var
fyrir Sigtívum.

247. Gleymdi-t gyðja
græðis djúpa
bænum burar síns
ins bölpjáða.

248. Sveif hún af svartblám
sævar öldum,
ok at myrkbjarma
morgunstundar
viðs víðbláins
vitja knátti,
ok Ólýmps
aðalstöðva.

249. Hitti hún hlími
himins banda,
er hann einn of sat
öðrum fjarri,
á tindi hæstum
tíva leitis,
marghálsuðum á
meginhnjúki.

250. Settist sæyardís
siklíngi hjá,
ok vísis kné
vinstri hendi
faðma mundi,
p. I, 491-510.

en mundu hægri
undir höku tók
á himins jaðri.

251. Bænum bíðjandi
bládjúps gyðja
kvaddi konúng þá,
Kronusar mög:

252. „Hafi-k, heimsvaldr
Herjafaðir,
sigri at þér snúit
með Sigtívum,
orði vinhollu
eðr verki nokkru,
þá veit mér, öðlíngur,
þats um ek beiði“.

253. „Veittu veg mínum,
vísir, niðja,
sá er aumastr er
með öldum getinn;
hefir úvirt hann
ok hrópi móðgat
allvaldr alþjóðar
Agamemnon“.

255. „Hann hans of tók
tignargáfu,
ok henni heldr
hilmir sjálfr;
veit nú honum veg
ok virðing ljósa,
regin-ráðvaldr
ragna sjótar,
yfirbjóðandi
Ólýmps tinda!“

255. „Veit þú Tróverjum
tír ok remi,
þar til er akkneskrar
aldar sveitir
bur minn böðfrægum
búa heiðri,

ok honum svása
sæmd of veita“.

256. Mælti svá gyðja;
nè gylfi himna
megin-ráðvaldr
máli hreiðoi;
sat þegjandi
siklíngr leingi.

257. En marardís
mildíngs knjám,
Þetis svásfögr,
sleppa gerði-t;
hèlt blíðstyrkum
bænar-tökum,
ok öðru sinni
orðum hreiðoi:

258. „Muntu, mildíngr
meginráðr,
vissu veita mér,
ok víst of heita,
höfuðhneigíngu
himneskri með,
eðr syn setja
sefa mínum“.

259. „Er-a þèr orða,
öðlíngr, vant,
at ek vel
of vita megak,
at sjá-k í sölum,
sjóli, yðrum
sízt of sæmd
sveitum banda“.

260. Stundi þúngan
stillir himna,
Seifr, svartdimmra
sjóli skýja,
ok ægis gyðju
ávarpaði:

261. „Leitt er, lagardís,
p. I, 510-527.

er þú leiða vegr
róstu rifrildis,
rögnum sára,
mfn á milli
ok mærrar Heru,
er þú mér ávítur
illar velr“.

262. „Vegr hún endrum ok
orða rómu
mér á móti
með mærum guðum;
kveðr mik æ
at kesju hríðum
Trójumönnum
tír of veita“.

263. „En þú aptr far,
at þik elgi sjái
Hera, hvítörmuð
himins gyðja;
en ek þessa munk
mest of gæta,
uns þat allt
afrekat hefi-k“.

264. „Víst mun ek nú,
attu vita knegir,
hneigíngu vekja
hvarma sóla;
er þat mesta mín
at máttkum guðum
jarteikn æ
óðauðligum“.

265. „Má-at umbreytast,
nè aptr takast,
ónýtt gjörast
nè óframt,
heit mitt, er hefi-k
með hneigíngu
mark of miðlat
meginramrí“.

266. Mælti svá mildíngur
mjörkva skybólstra;
brúnum bláðimmum
bákna náði;
en af jaðars höfði
óðauðligu
lokkar ljúfhelgir
liðum hristust;
en Ólýmps skulfu við
undrsalir.

267. Ráðguðust þannig
ríklunduð goð,
ok síðan skildu;
en sævar gyðja
niðr í rastir reið
regindjúpar
albjörtum frá
Ólýmps tindr.

268. En salar síns
Seifr vitjaði;
en ginnheilög goð
görva stóðu
sínum af sætum
siklíngrí mót;
nè nokkurr sat
við niðlúngs komu,
en allir geingu
ok grami heilsuðu.

269. Settist Seifr
á siklíngrs stól;
var-at Heru léynt,
er hún vísi sá,
at ráð of ráðit
með ræsi hafði
þetta fótþögr,
sjarðar ála
aldri vorpins
öldúngs dóttir.

ρ. I, 528-547.

270. Meinyrðum með
megingyðja
illum öðling þá
ávarpaði:

271. „Hverr hefir nú
hug of ráðgast,
sjóli svikráðr,
með sefa þínum?
er þér ætíð þægast
ok þekkast beztr
ráð at brugga
at baki mér“,

272. „Ok laun-látum
leiðum beita;
nè þú nokkru,
niðlúngur, sinni
mínum mun
at miðla þorðir,
hvat þér hugkvæmdist
í hugar fylgsnum“.

273. Aptr annsaði
uppheims freyju
mildíngur guða
ok moldbyggjenda:

274. „Huga-at-tu, Hera,
attu hvervetna
værað mína
vita fáir;
konu kaldlyndri,
er kynmagnaðr
þér of svárr
sefi minn“.

275. „En þats mínum
mun of þóknast
heyranda hveim
hljóðbært fremja,
þat mun manngi fyrr
frétta, en þú,

guða ekki,
nè jarðar barna“.

276. „En þats ræðk ek
rögnum hulit,
ok hjaranda hverju
hyggjumk dylja,
skalt-at-tu, skær
skatyrnis freyja,
fremst of frètta,
nè fá þess getið“.

277. Svaraði sviþmikil
sjóla aptr
sjónfögr, tigin
salar gyðja:
„Ægiguð ógnligr,
arfi Kronusar,
hvílikt hvarf þér orð
af hvarfi tanna!“

278. „Emk-at annars vön
alls of frètta,
nè huga þinn
hulu svipta;
en í ró, ræsir,
þú ráða knátt,
þat er þínum hug
þekkast fellr“.

279. „Óttumst ek nú
ægiliga,
at þik fótögr
of fundit hafi
þetis, dóttir mæra
marar-öldungs;
mundi hū þér hjá
at morguns ári,
konúngr, sitja
ok knè of spennu“.

280. „Muntu, mildíngur,
marar gyðju
höfuðhneigingu

ρ. I, 547-567.

heiga gefit,
attu Akkilleifi,
aflaðir heidrs,
ok marga myrðir
at marar-ljónum“.

281. Svaraði Seifr,
sjóli skýbólstra,
aptr uppheims dís
orðum þelma:

282. „Undrsamlig
uppheims freyja,
er þér grúnr æ
í geði djúpu,
nè mæ, drottning, þú
dyljast knátt“.

283. „Gerir-a þér gagna,
þóttu geta knáir,
en hug mínum
hverfr þú æ firr;
mun þér þé móðr
minnar reiði
hölzti, himindis,
hermiligr“.

284. „Ok þótt hitt,
þat er þér of gremst,
framgáng fái:
þat mæ fellr svá;
sit nú, ok sinn-at-tu
svárum orðum,
ok mæru hlýð
mínu boði“.

285. „Mandu-t mæris
mildíngar himna,
þeirs á Ólýmps búa
aðalbóli,
gagna þér, gyðja,
ef ek gaungum nær,
ok þik harðmóðgar
hendr á legg“.

286. Mælti hann svá;
 en mildíngs rúna
 sveipaðist sjónfögr
 svárum ótta;
 settist hún þegjandi,
 ok sefa móðgan
 hepti harðliga
 frá heiptyrðum.

287. Urðu blif bönd
 bláheims salar
 sorgum orpin
 sefa höfgum;
 reis þá upp Hefastr
 hugvitsfrægr,
 ok orðum yppti,
 at uppheimsgyðju,
 móður mærrar,
 munr huggaðist,
 Heru háleitrar,
 hvítarmaðrar:

288. „Sè þar harm sáran,
 ok sorg þunga,
 atburði illa
 ok óþolandi,
 er bæði beitið
 bölsyrðum þit
 dauðligrar vagna
 dreingja sjótar“;

289. „Er þit upp vekit
 með uppheims guðum
 deilu dólgsvára;
 nè dýrrar veizlu
 gleði gagnast má
 með goðþjóðum,
 er it illa æ
 ofarr verðr“.

290. „Mun ek nú miani
 móður ráða,
 þótt hún vits vana
 p. I, 568-586.

vilgi sè,
 at hún dýrðraman
 día föður
 blifðum blifki
 bænna orðum“,

291. „At ei Allföðr
 aptr hana
 heiptyrðum hreki
 hermiligum;
 ok með oss,
 jólna sveitum,
 vespjöll veizlu
 verða megi-t“.

292. „Má því mildíngr,
 ef munr ræðr,
 leiptra logvaldr
 lýrnis sala,
 oss öllum varpa
 af aðalstólum;
 öllum því hann er
 aflla-meiri“.

293. „Mæl nú, móðir,
 mærum orðum
 ok banda föður
 blifðaðan lát;
 mun þá aptr oss
 alls of valdr
 miðgarðs mildíngr
 miskunn sýna“.

294. Mælti svá Fótlafr,
 ok fremst of reis;
 tók hann mundum
 tvíker lágrt,
 ok í mund mæra
 móður fækk,
 en uppheims freyju
 ávarpaði:

295. „Þreyðu, hraust móðir,
 ok þungum sefa

haltu höptum í,
þótt þú hörmug sèr;
at ek, eiða, ei
angum leiði
þik þjakaða,
nè þrautum kvalda“.

296. „Munk-at ek þá,
þótt ek mjök haríni,
líknar þær
leita mega;
því at ólýmpskr
alda faðir
þrautþúgr er
at þrótt ok remi“.

297. „Brá mèt buðlúgr
banda styrkr
eitt sinn, er ek vann
andstæði drýgja,
hátt und himins ráf,
hreif jarka stoð,
ok mèt Viðris varp
frá vegsölum“.

298. „Þaut ek þrömmúgs leið
þrotlángan dag,
en er sæl of seig
sól í ægi,
lagða-k leiðarflug
at Lemnarhólmi;
var mèt þá lítt lagit
líf í brjósti“.

299. „Tóku mik slíkan
Sintíar þar,
er ek af himni hrantk,
ok mèt hjúkrun veittu“.

300. Mælti svo Fótíamr;
en fagrörmuð
brosti Hera,
Hefasts móðir,
ok af burar mundu
p. I, 587-606.

brosandi þá
tvíker, glæst
græðis loga.

301. En at hægri hendi
Hefastr blétt
goðum öðrum
gullnar veigar,
ok eldbjartri ódáins lind
skæru skakkr jós
af skaptkeri.

302. En hvervetna
hlátr of reis
reginríkr
rögnum sælum,
þá er Hefast
himinbúar
skakkskjótast litu,
ok skálar særa.

303. Gömnuðu sèr glaðir
glæstra blásala
dag döglingar,
uns drafnar hvel
svásgullinn fal
sólar ljóma,
nè gleði góða
grami skorti.

304. Skorti nè gullinnar
gígju hljóma;
öðlingr Apollon
at jólna læk;
ok saungdísir
saungva hreima
vesnjalla vöktu
á víxl fagra.

305. En er it svása
sólar blys
himins hvarf
af hveli bláu,
allir til sinna

sala hurfu
sælir sigtívar,
at svefnværðum.

306. Þars Fótlamr
fagrt smíði,
mæra hafði höll
hverjum reista,
ök hugviti snjöllu
hála búit.

307. En blíðsaðir
banda mærra,
Seifr, til sinnar
sængr hvarf,

leiptra logvaldr
lýrnis sala,
Ólýmps jadarr
aðalstöðva.

308. Þars hann vanr var
værðar at njóta,
þá er sætr svefn
siklíngs augum
frægs nam at fróa;
fór hann þinnig;
hvíldi hilmí hjá
himins freyja.

ÖNNUR KVÆÐA.

SVÁFU sælir
sigtívar aðrir,
ok renni-reynar
reiðarbríma,
gersta grímu,
en guða sjóli
sætum svefnblundi
sinna mátti-t.

2. Reifðist rögnar
reginvöldum
hugsun í hug,
hve hann heiðrs skyldi
Akkilles unna,
en Akkverja
marga myrða
at marar ljónum.

3. Leizt þá lofðungu
í leynum munar
bezt ok bragðvísast
blfðum vera,
gælandi grímu
ginnanda draum
Atreifs at senda
arfa frægum.

4. Læt þá vænghröðum
varpat orðum
sjóli at svipi
svefna brautar:

5. „Svíf þú, svipr
svefna glysmála,
Akkverja at
öldufákum;
svíf þú ok svíf þú
at sjóla tjaldi
Agamemnons
Atreifs niðja“.

ρ. II, 1-18.

6. „Svíf þú ok seg þú
at sögn minni
gerst ok glöggvast,
þats ek gerik bjóða;
bjóð þú buðlúngu,
at hann brynjast láti
hárfagrar hverjar
Herjans kindir“.

7. „Því nú mundi niðlúnger
naði eyða
Brjáms borgvirki
in breiðstrætudu;
er-at því leingr
lofðungum himna
hugr tvískiptir
í hjarta laginn“.

8. „Beygði því Hera
bönd in mæru,
(háum Ólýmps á
aðalstöðvnm);
en Tróverjum
er torveldi
ok feigð ferlig
fremst of búin“.

9. Mælti hann svá;
en mun-gælir
Svipuðr sveif
at síklíngs boði;
hvarf hann hvatliga
of hulinsleið
Akkverja at
ægis-gotum;

10. Sveif at grami,
gunnfrægum arfa
Atreifs ágæts,
Agamemnoni;

hitti hilmí
hertjaldi í
hellti blundr of brá
blíðum anda.

11. Sveif svefna-guð
yfir sjóla höfuð,
Nestori Neleifs
niðja glíkr,
þeim er þeingill
þjóðmæringa
allra virði mest
Agamemnon.

12. Var honum glíkr
guð svefna heims,
ok á öðling varp
orðum þeima:

13. „Sefr þá, sonr
ins sigrvalda
glitnis gulltatma
gylfa Atreifs!
Sæmtr-at-sjóla,
at sofa þannig
gersta grímu,
þeims gumnum stýrir“,

14. Þeims virða vald
veitt er ok gefit,
ok þeims allt skíkt
at annast ber.
Heyr mik nú, hilmir,
hvatvísliga:
ek em sjóla Seifs
senditívi;
ann þér sá, fylkt,
þótt fjarri sé,
ok þik, öðlingr,
aumkva ræðr“.

15. „Byðr hann þér
brynjast láta
háprúðar hvervetna

ρ. II, 18-37.

Herjans kindir;
nú muntu, niðlingr,
nati eyða
Brjáms borgvirki
in breiðstrætudu“.

16. „Er-at því leingr
lofðungr himna
hugr tvískiptr
í hjarta laginn;
beygði því Hera
bönd in mæru
hávum Ólýmps á
aðalstöðvum“.

17. „En Tróverjum
er torveldi
ok feigð ferlig
fremst of búin;
svá eru ráð rík
ragna-föður“

18. „En þá, gramr, geym
í geðknerri,
attu gleymir ei
grímu látum,
þá er þér, jafarr,
unaðmærir
blundstafir bresta
brátúnglum frá“.

19. Svá mælti Stípuðr,
sveif á brautu,
lét eptir svá
lofðung mæran;
hvörfluðu hlutir
of hugar fylgsni,
þeir er sízt of feingu
fram at gánga.

20. Hugðist hárelst
hjörvi rjúfa
Brjáms borgvirki
at birtingu.

skammsýnn skati;
skilja knátti-t
þau er ráð ræði
ragna-föður.

21. Vildi hinn mæri
mildíngi himna
ramri rómu at
ok randa dunum
Tróum ok Danáum
tíragjörnum
bölhrfðir búa
ok beiskar nauðir.

22. Vaknaði vísir
af værum blundi,
en glaumbergs ómr
guðstilltr nam
hljóðstraumi hella
of hilmí fjarum;
settist upp sjóli,
ok af silki reis.

23. Klæddist konúgr
kyrtli mjúkum,
nertílskærum,
nýla unnum,
ok skikkju yfir
skati varpaði.

24. Ok undir fríða
fætr batt
öðlingi ilskó
iðja-fagra;
en á herðar
hardla breiðar
sveipaði sverði
silfrvörðu.

25. Tók í þrekna hönd
hilmir at þat
föðurfeinginn sprota
frægd um sveiptan;
ρ. II, 38-56.

gekk svá gramr
græðis reiðum
Akkverja at
eirbrynjaðra.

26. En mæi gyðja
Morginskæra
hám at Ólýmps hvarf
himintindum,
at hún ljúft ljós
lofðungi færði
Seifi ok sigtívum
svásuðrum.

27. En Agamemnon
aldastýrir
hrópurum bauð
hvellrómuðum,
at þeir háprúða
hvetja skyldu
dreingi akkneska
at aldar þingi.

28. Kváðu öld saman
kallarar mærir,
en seggir söfnuðust
í sveitir þegar.

29. Setti sjóli fyrst
svinnhugaðra
ráðþing rekka
roskinhærðra
Nestors naddföstum
naglfara hjá,
prúðlundaðs vísis
Pýlusborgar.

30. En er öðlingr
öldungum hafði
saman safnat,
þá af sefa brunni
ráðum vísir varp,
viti snjóllum:

31. „Heyrit mæi, halir:

at höfgum blundi
svip leit ek svífa
of sefa leyni,
um guðhelgrar
grímuleiðir“.

32. „Var hana Nestori
næsta glíkr,
yfirbragði at
ok öðlíngs hæð,
vexti völdum at
sýndist vísi líkr“.

33. „Sveif hann mér sofanda
sjónum yfir,
ok á mik varp
orðum þeima“:

34. „Sefr þú, sonr
ins sigrvalda
glitnis gulltauma
gylfa Atreífs!
Sæmir-at sjóla
at sofa þannig
gersta grímu,
þeims gumum stýrir“,

35. „Þeims virða vald
veitt er og gefit,
ok þeims allt slíkt
at annast berr.
Heyr mik nú, hilmir,
hvatvísliga:
ek em sjóla Selfs
senditívi;
ann þér sá, fylkir,
þótt fjarri sæ,
ok þik öðlíng,
aumkva ræðr“.

36. „Byðr hann þér
brynjast láta
háprúðar hvervetna
Herjans kindir;

ρ. II, 56-75.

nú muntu, öðlíng,
naði eyða
Brjáms borgvirki
in breiðstrætudu“.

37. „Er-at því leingr
lofðungum himna
hugr tvískiptr
í hjarta lagian;
beygði því Hera
bönd in mæru,
háum Ólýmps á
adalstöðvum“.

38. „En Tróverjum
er törveldi
ok feigð ferlig
fremst of búin;
svá eru ráð rík
ragna-föður;
en þú, gramr, geym
í geðknerri“.

39. „Svá mælti svipr,
sveif á brautu;
en ek blundi brá
blárra drauma;
en vèr munum nú
málmpíngs boða
brynjast láta
bragði nokkru“.

40. „Fremst mun ek freista,
ef ek fá ráðit;
rètt er at reyna,
rètt at kanna;
mun ek þeim bjóða
á báru ljónum
margþóptuðum
of mar at flýja“.

41. „En þér, öðlíngar,
annars vegar

hepti sveitir hverr,
at ei heim snúi“.

42. Mælti svá mildíngr,
ok at mæltum orðum
síðan á sæti
settist niðr;
en upp reis Nestor
ítrvaldr
sendinnar, prúðhelgrar
Pýlusborgar;
heill í hugum
hann orð um kvað:

43. „Heyrit, Argverja
jöftrar snjallir,
fólkstjórar frægir
ok fyrirliðar!
hefði annarr einn
oss um kveðit
svefna sjón þá
í sveitum þeima“,

44. „Mundu lýðir víst
lygi kallat,
ok seggi segjanda
sízt of trúat;
en nú ístrastr
öðlíngr sá
svip svefngamans
með Sviðris öldum“.

45. „Munum vèr nú
málmþíngs boða
brynjast láta
bragði nokkru“.

46. Mælti svá þeingill,
ok þíngi af
fyrstr sveif
fólnárúnga.

47. Stóð upp stillir hverr
stafs um valdr,
ρ. II, 75-95.

ok þjóðmæringi
þegar hlýddu;
en at þíngi þutu
þegna sveitir;
riðlaðist reginstórr
rómu-mágr.

48. Var þíngmúgr
sem þèttir sveimar
þýja broddsárra
bornir flugi;
hvarfla hveldum úr
hellis djúpum,
en flokki flokkar
fylgja nýir.

49. Hvarfla hretþèttir
heingisveimar
vorblóm kríng um
ok vallar-liljur;
þjóta flugþjóðir
þèttskipaðar
áttum öllum með
jarðar-veingis.

50. Svá mundu sveitir
sverða þínga
báru björnum frá
ok báðum skunda;
þraungdust þèttir svá
þegna sveimar
ótt á aldar þíng
at jöðrum sævar.

51. Brann brunandi
með beima fjöld
sendigoð Seifs
ins sigrvalda;
þat var Ossa;
þegna hvattí,
en seggir söfnuðust
í sveitir þegar.

52. Þraung varð á þíngi,
þyss á velli;

und fyrða fetum
foldvegr dundi,
þá er settist sjót
ok sæti valdi;
hraung var herbrautum
harðtroðnum á.

53. Svífu þrennir þeir
þjóðkallarar,
ok hölda heptu
háreysti frá,
at þeir ys ok ópi
eyða knætti,
ok goðborna lýðr
graml heyrði.

54. Loks váru allir
á lýðstóla
skipaðir, ok kyrrir
skatnar sátu;
hættu hljómdunum
ok háreysti,
ok þyss þjóðrídils
í þögn breyttist.

55. Reis þá upp öðlíngr
Agamemnon;
á hélt vísir
veldis-sprota;
þann hafði Hefastr
hugvitsfrægr
guðliga fágat
græðis logum.

56. Gaf Hefastr
Herjaföður
Kronussyni
konúngssprota;
en Seifr aptr
senditíva
Argusbana
ítrum veitti.

57. En Hermes aptr
ρ. II, 96-113.

himinborinn
Pelópi gaf
glitnis-völdum;
en Pelóps aptr
aski sæmdi
Atreíf, ágætan
öðlíngr þjóða.

58. Læt buðli hann
á banadægri
þeingli hjarðríkum
Þýesti eptir;
sá mundi grams-sprota
gullinn veita
Agamemnoni
aptr at bera,

59. At hann grams-sprota
Grikklands eyjum
ok Argos láðum
yfir ræði.
Stöð upp stillir,
studdist gullsprota,
ok at öld of varp
orðum þeirna:

60. „Heyrit, Danáa
dreingir snjallir,
garpar geirdrottins
gunnar-frægir!
hefir kaldráðr
Kronusar burr
eymdum orpit mik
afar-þúngum“.

61. „Svalr er sefi
siklíngr himna,
er hann mēr hæt
höfði mæru,
at ek svá aptr heim
halda skyldi,
at Brjáms borgvirki
brandi eydda-k“.

62. „En nú hefir
hermiliga
vælum vorpit mik
vísir, ok býðr,
at ek aptr farak
frægdum snauðr,
at málmþings meiðum
mörgum liðnum“.

63. „Svá vill nú siklíngr
svalbrjóstaðr
ráð reginvælt
ráðit láta;
hefir háborgir
hilmir sá
margar ok málmvarðar
moldu orpit,
mun ok margar enn
múrum eyða;
eru því ráð ríkust
ragna-föður“.

64. „Svívirðlig smán
sannliga er þat,
at alda seinni
áar heyri,
at alfræg öld
Akkverja lýðs,
fremst of faldin
Fjölnis skruði,“

65. „Mátti-t at gera
at mækis leiki,
ok einskis til
eir of dúði,
er við færri fyrða
fólk um þreyttum;
sæst nè Sviðris
sóknar endir“.

66. „Því ef vildim vèr,
vígþrimu sjót,
tírgjarnir Akkverjar
p. II, 114-134.

ok Tróju-liðar,
allstyrkum hvárrtveggi
eiðum bindast,
ok á beggja tölu
beima varpa:“

67. „Tækim vèr Tróa
tírgjarna,
þá er arin eiga
ok inni byggja:
skiptum skötnum,
skildum sveitir
törgu trygghlífa
tugum eptir:“

68. „Tækim vèr hvern
Trójumanna
ver vopnsveitum
vín at særa:
mundi margar þá
meginþettar
tugsveitir vanta
vínberanda“.

69. „Segi ek svá
sjótúr fleiri
akkneskar vera
öldum Tróju,
þeir er borg byggja
böðvar-ramma“.

70. „En vápnavanir
virðar eru
margir mörgum úr
meingis borgum,
þeirs mik hindra
ok þúngt of vinna,
at ek Brjáms vígi
brotið fák
reginramt,
þótt ek ríkt of vildi“.

71. „Eru nú nú
niflúngs himna

ár of runnin
alda brautir;
fúnar fura
flóðmörum á;
festar raknaðar
at fjarðar ljónum“.

72. „Uggir mik, at nú
ossar kvánir
ok börn bði,
brjóstmýlkíngar,
eptir oss þreyi
at auðsölum;
en óframin iðn
er oss öllum sú
er vèr hèr fremst
of fremja vildum“.

73. „Heyrit nú, höldar,
alls ek hljóð of þá,
hlýðit, rekkar, nú
ráðum mínum;
flýjum aptr fremst
tíl fóstjarðar
marar málfetum
margnegldum á“.

74. „Manum-at því
meginramma
Brjáms borgtinda
brotna láta“.

75. Mælti svá mildfng;,
en móðhuguðum
sveiptist munr
sefa hvörfum
öldum allsherjar
eirbrynjuðum,
þeirs hilmis hjal
heyrna knáttu.

76. Þrömmun varð ok þyss
at þingsveitum;
sem þá er hrygglangar
p. II, 134-153.

hrannir dynja
vindsöðmum íkars
vágleiðum á,
þá er vilgi tryggr
veðra gustr
bláfreyddar báru
af blundi vèr,
vindr váligr
af vala slóðum.

77. Sem vestanblær,
varinn ilmi;
yfir axastrá
ólmr þýtr,
þau er á djúpum
þróast eingjum:
skelfr skálpreyrr
skugga-lðu,
hneigjast glókollar
á gullvöndum.

78. Þannig þyrja nam
þínghelma sveimr;
þustu þjóðflokkar
(þverruðu-t óp)
hrannar hestum at,
en at himni stè
undan sólketum
foldar salli.

79. Hvöttu hverir
höldar aðra,
at þeir á skipum
skyldi taka,
ok græðis-gota
gúlum hvelða
dimmt á drafnar hvel
dregna láta.

80. Mokuðu martraðir
málmþings boðar,
en til himins hvarf
hölda gjálbr,

þá er fýsti fíra
at fóstirláðum;
heimtu hlunna
undan hafreiðum.

81. Mundi þar Argverjum
of örlög fram
heimför hæðilig
hafa orðit,
hefði ei Hera
in hvítarmaða
Aþenu ávarpat
orðum þeima:

82. „Eru slíkt undr,
Atrýtóna,
Allföðrs jöð
ægiskjalda!
at þannig þreyti
þegnar akkneskir
fremst of fúsir
at fóstirláðum“;

83. „At fólkhjóð
flýi þannig
yfir breiða
báru hryggi;
en Trójuliðum
tír of láti,
ok Brjámi búi
höðfagrt lof:“

84. „Elenu argverska,
ina ítru kván,
sem málmpíngs meiðar
margir fyrir
bana biðu
at Brjáms múrum,
lángt frá lofsælu
láði feðra“.

85. „Svíf nú, sverðadís,
at sveitum þegar
p. II, 154-173.

alda akkverskra
eirbrynjaðra;
hept hölda hvern
hugkænum orðum,
nè þú líði leyf
lagar vagna
jafnbýrða draga
á dáfú leiðir“.

86. Svá kvað uppheims dís;
en Aþena
vara-t óhlýðin
in augumglæja;
fór hún brunandi
fram af háum
uppheims jaðra
aðalstöðvum.

87. Kom með skyndingu
skjóma freyja
hröðum at hölda
hrannar gotum;
hitti standanda
stilli, bragðvísan,
sem Sigföðr sjálfan,
son Laertess.

88. Særti-t sjóli
sínnum höndum
svartan sævar blakk
sigluraman;
var sorg sværri
siklíngs hjarta
fremst of falit,
ok fylgsni munar.

89. Nærri standandi
naðels boða
mælti þá Aþena
in augumglæja:

90. „Gylfi goðborinn,
gagnráðvaldr,
arfi Laertess

Odysseifr!
 flýit þannig þér,
 þjótandi at
 marar málketum
 margþóptuðum,
 fúsir at fara
 til fósturláða?“

91. „Ok Trójakíðum
 tír of veitið,
 ok Brjámi búit
 böðfagrt lof:“

92. „Elenu argverska,
 ina ítru kván,
 sem málmþings meiðir
 margir fyrir
 bana biðu
 at Brjáms múrum,
 langt frá lofsælu
 láði feðra“.

93. „Svíf nú, siklíngr,
 svinnhugaðr,
 dvelj-at-tu, dróttu
 Danáa til;
 heptu, hildíngr,
 hugkænum orðum
 hölda hvern
 hugumstóran,
 nè þú líði leyf
 lagar vagna
 jafnbyrða draga
 á dúfu leiðir“.

94. Mælti svá mæðr
 mímunígs freyja;
 en hildíngr
 heyrði mál gyðju;
 tók á rás ræsir
 ríkr þegar,
 skikkju skrúðbúna
 skók af herðum.

ρ. II, 173-192.

95. Geymdi skikkju
 gildrómaðr
 Evryþates
 Íþöku frá;
 þat var kallari,
 fylgdi konungi.

96. En gramr gekk
 gildir móti
 Agamemnoni
 Atreífs megi;
 sprota gullrekin
 af gylfa nam,
 frægan föðurarf,
 þann er fölna mátti-t.

97. Hælt í hendi
 honum gildri,
 ok til skipa
 skunda náði
 Akkverja niðr
 eirbrynjaðra.

98. Hvern er hitti hann
 hildíngmennu,
 eðr höfðíngja,
 hergötum á,
 þann hepti hilmir
 hugkænum orðum,
 nærri standandi
 naðels boðum:

99. „Einrænn auðrunnr!
 er-a sæmilígt,
 æðru at bregðast
 sem blotamanni;
 sezt niðr sjálfr,
 ok seggjum öðrum
 haltu í taumi,
 heilmfúsum mjök“.

100. „Kunna þú ei knátt
 konúngs ráð,
 Agamemnons

Atreifs magar;
frelstar nú fylkir
fólvis reyna;
en höldum mun hann brátt
hefndir búa“.

101. „Heyrðum-at vèr allir
á herþingi,
hvat ræsir ríkr
ræða mundi.
At hann nú ei reiðr
rekka sveitir
bölvi beysti
bráðum móði!“

102. „Er því goðborinn
gramr búinn
svárum móði,
er at sefa þraungvir;
en honum hefir
hilmis veldi
gefit goða faðir,
sá er grami ann“.

103. En hvern er hólða
hitti siklíngr
óðan, æpandi
æstum móði:
þann mundi sprota
þeingill ljósta,
ok hörð heiptyrði
honum velja:

104. „Dveldu kyrr, dóli,
dusilmennil!
heyra skaltu mál
heldri skata,
þeirs at frækleik þær
framar standa;
sjálfr ertu blauðr,
ok at böðvi slakr“.

105. Ert-at-tu nýtr
at einnis veðri;

ρ. II, 192-210.

knátt-at-tu duga
dróttþíngum á;
nè vèr allir hær
Akkverja megum
vísar verða
eðr vígráðendr“.

106. „Er-at öldum holl
öðlínga fjöld;
döglíngr einn
dróttum ráði;
jaðarr einn,
sá er Allföðr,
mögr Kronusar
ins meginslæga,
einum veitti áðr
öðlíngs veldi;
laga læðíngs ráð,
ok lofðúngs sprota,
at þeim mætti þeingill
þjóð of ráða“.

107. Mælti svá mildíngr
meginráðr,
ok her allan
hneigja gjörði;
en fjöld fyrða
fólkumstyrkra
hrannar gotum frá
ok hertjöldum
þysjandi þraungdist
of Þrúðvalds þráði.

108. Brunuðu böðþjóðir,
sem báru æstar
marghljóðandi
megindjúpa
ægisöndum á
ólmar stynja:
beljar Byrvils leið
brimlæðrandi.

109. Sátu seggir
sethekkjum á;
váru kyrrir karskir
kesju reynar;
en þersftes einn,
þysmáligr gaurr,
hark nam at vekja,
at hlýddu-t lýðir.

110. Váru þrjóti þelm
þrálígr lagin
örð í brjósti,
ok illr vill,
at hann heitaðist
hildínga við,
(vara dællíkt slíkt
nè drótt sæmandi),
hvat er honum
hlægíligt þótti
Akkverja at
öldum vera.

111. Fór sá með brögnum
at Brjáms vígi
ásýnd armastri
alls of búinn;
þjúgsettr, haltr
á hverjum fæti;
herðar hásettar,
hnúðrbakaðar,
bendust axlir
at brjósti niðr.

112. Há var hausi á
hvirfilstríða,
reifufð rotligum
relkar dúni;
hataði hann mest
í hildar sveiktum
Akkilleif ítran
ok Oðysseif.

113. Yrtist hann æ
p. II, 211-230.

öðlinga við;
ok nú hrópyrdum
hæðiligum
móðgaði hann mæran
míldíng þjóða,
Agamemnon
Atreífs niðja.

114. Váru honum reiðir
rekkar akkneakir,
hötuðust við hal
hermilíga,
ok bræði brunnu
í brunni munar.

115. Valdi vísi
vargefiðum klíð
hróp ok heiptyrði
halr grályndr:

116. „Hví þú kveinar nú,
konr Atreífs?
hvers þarftú framarr,
hildíng, við?
Full hefir þú
af fádum eiri
hertjóld hvívetna,
ok hildar málmi“.

117. Áttú margar ok
meyjar valdar,
þærs í herbúðum
hýrast inni,
er vèr Akkverjar
efst þær gáfum,
þá er borgvirkí
brotin létum“.

118. „Eðr þarfnast þú,
þeingill inn fægjarí,
gulls glóanda
gímí ljósu,
þats þær Tróa nokkurr
tírangjarara“.

láti lausnargjald
 líðins arfa,
 er ek bundinn læti,
 buðlúngr, ok þær
 færðik, eðr annarr
 Akkverja nokkurr“?

119. „Eðr vantar þik,
 vísir stórráðr,
 hrund haddbjarta
 hjá at búa,
 nýja ok námsæla
 námdúkshildi,
 er þú einn æskir
 öðrum fjarri“?

120. „Sæmir-at sjóla,
 þeims sveitum ræðr,
 mæðu at möðga
 mögu Akkverja“.

121. „Blotamenn blauðr,
 ok beima hrát!
 karlmanns krepjur
 kvennhjartaðar!
 munum vèr nú
 meginfúsir
 heim aptr halda
 hafreiðum á“.

122. „Leyfum lofðungi,
 at hann líta knegi
 tírargjarn
 á Trójuháði
 gjafar, ok fái
 gjafa notið;
 at síklíngur
 sæt of fái,
 hvárt vèr vísi veg
 veita knegum,
 eðr honum ok
 ógagn vinna“.

123. „Hefir niðfúngur nú
 ρ. II, 230-248.

naðels boða,
 Akkilleif, honum
 alls of fremri,
 óvirt, ok hans
 heiðrsgjöf
 síklíngur heldr,
 ok sjálfr tók“.

124. „Er-at þó gremi
 í göðknerri
 Akkilleifi,
 nè ofstopi;
 því at ella mundir þú,
 Atreifs mögr,
 hrópi heitast
 hinnsta sinni“.

125. Mælti hann svá
 meiðyrðum þeim
 við Agamemnon
 alda stýri;
 en Odysseifr
 tírráðr,
 stóð af skyndíngu
 at skata hlíð.

126. Sígu svartar brýr
 sjóla reiðum;
 á varp orðum
 illmæltan hal,
 heiptar orðum
 hölzti þúngum:

127. „Orðhvass aðglapi
 ok illmæltur,
 þóttu röddu sèr
 snjallri gæddr,
 hept huga þinn,
 nè þú hildingum
 hyggst dólgrægum
 deila einn móti“.

128. „Hygg-at ek ýta
 einna nokkurn

grályndari þær,
greppr, vera,
þeirra er hinnig
at þrymu hældu,
Briám at beysta
með burum Atreífs“.

129. „Skylir at því þú
of skjöldunga
til ok ótamina
orð um velja;
meiðyrði meinráð
mjök þú segir,
ok aptírför
öllum ræðr“.

130. „Knegum-at vèr víta
nè vandla sjá,
hvat böðþjóð
á baugi verðr,
ok hvárt vèr áar
Argosláða
heilir munum halda
heim, eðr ei“.

131. „Sitr þú hær nú,
seggr inn illi,
meiðandi málhvass
mildíng frægan
Agamemnon
Atreífs niðja“:

132. „Er honum vaskir
veiti Danáar
gjafar góðar,
gripi marga;
þat máttu eigi
þola, afglapi!
en öðling. sáir
illri ræðu“.

133. „En þat segi-k þær,
þat er síðar mun
fremst ok fullkómnat
p. II, 248-267.

framgáng hljóta:
ef ek hitti þik
með hætti þeima
örvita illu
æði munar“

134. „Skal-at Odysseífi
skarar klettr
á breiðum herðum
hafa sæti;
nè ek nefnast skal
niðja míns
tíginn faðir
Telemakkuss“:

135. „Ef ek klæðum ei,
karl, þik fletti,
ok þik allan læt
alskapaðan;
skikkju ok möttul
skal ek nema þær,
ok skapa skjól,
attu skammast knegir“;

136. „En þik sjálfan
ek senda mun
hljóðandi at hveidum
hrannar gotum;
þik skal ek þjá
þúngum höggum
sveitþingi af
ok smánarligum“.

137. Mælti hann svá,
ok meginafli
knýði hrygg ok herðar
hörðum geirspröta;
en í keing beygðist
beimr lostinn,
ok tár hrundi
af týrum hvarma.

138. En undan geiri
gulli vörðum

bólgnaði blágarðr
blóði þrúgunn;
en nðmáll nððingr
niðr settist;
skelfdist munr
fyrir skata reiðum.

139. Sárt sveið und,
fyrir svárum geiri;
glópsligum glyrnum
greppr upp brá,
ok tár þerrði
af týrum hvarma.

140. Hlógu þá at hal
Herjans sveitir,
þótt honum rekkar
reiðir væri;
mælti þá einnhverr
af munni orð
ok síns leit til
sessunautar:

141. „Eru þat undr,
hve Odysseifr,
mildíngr mærr,
hefir margt of framit,
ráð of ráðit,
rekkum gagnat,
fólkjörü framat
ok fólvis leik“.

142. „Hefir þó nú
hilmir frægr
ágætast unnit
Akkverjum gagu,
er hann nðmálgu
neyti tanna
þraungdi á þingi
þúngum móði“.

143. „Uggir mik, at eigi.
aptr muni
þegni rísa þor,

ρ. II, 267-287.

þótt þrár of sæ,
meinyrðum meiða
mildínga fjöld,
ok nðmál niðungum
naprt velja“.

144. Mæltu svá margir
málmþíngs boðar;
en þaðarr böðramr,
Odysseifr,
upp stóð á þíngi,
á hêlt sprota;
hjá stóð Aþena
in augumglæja.

145. Var þá glífk
veglig gyðja
kallara, og knfa
kvaddi at hljóði,
at allir samt
Akkverja lýðir,
innstir ok yztir,
mætti eyrum leiða,
ok ráðvís ræsis
ráð of nema;
heill í hugum
hann orð um kvað:

146. „Atreífs niðr,
alda stýrir!
nú vilja Akkverja
niðjar þik
aumastan gera
allra manna
máli mælandi
fyrir mold ofan“.

147. „Halda þeir eigi,
þats heita ræðu,
þá er jóauðgu
Argos láði
fóru fyrðar frá,

sjarðar leiðir:

at þeir aptr heim
halda skyldu,
þá er þú Brjámsborg
of brotið hefðir“.

148. „Gjöllum gráti
glymja hersveitir,
sem ekkjur bölþjáðar,
eðr brjóstmylkíngar:
harmar þannig
hverr annan við,
fúss at fara
til fósttrjardar“.

149. „Er ok víst harmr
hverjum einum
heim at halda
huga móðgum“.

150. „Er ok hal hveim
höfugr leiði,
er hann mánað einn
ægis-gota
margnegldum á
ins mæra víss
sakna hlýtr,
sefa stúnginn“.

151. „Þá er hrammar marr
hörðum byljum
hrekst ok harðmóðgri
hefríngar lá;
en nú er ossum
alda sveitum
ár it nífunda
umliðanda,
biðandi at böðrömmum
Brjáms hervirkjum“.

152. „Lál-k-at því
lýðum þeima,
þótt sè óþolnir
at ægis-gotum;
ρ. II, 287-307.

er þó smán
ok svívirða
leingi at liggja
lýðborgum hjá,
ok jafntómhenta
aptr snúa“.

153. „Bíðum nú, bragnar,
bíðlund sýnum,
at um síðir vèr
vita fáim,
hvárt satt segir
sjónvís gumi
Kalkas forvittr,
eðr fleipran tóma“.

154. „Vitum allir vel,
ok vel munum,
þeirs ferligar
feigðar dísir
ei mundu leiða
myrkheima til
dimmra í gær
eðr dag inn fyrra“;

155. „Þá er áðr
í Álavágum
söfnuðust Akkverja
sævar blakkar,
þeirs aldrtjón
ok illan dauða
Brjámi ok Brjáms liðum
búa skyldu“:

156. „Mundum vèr þá,
málmþíngs reynar,
fullkomnar færa
fórnir guðum;
stöðum at stílltri
straumiðu lind,
hástalla hljóðir
helga kríng um“.

157. Óx þar yfir eik,

allaufgat trè
 platans prýðiligt,
 prúðsett limi;
 en und myrkum
 meiðar rótum
 fagrrennandi
 foss um læk“.

158. „Sám vèr þar, seggir,
 sjónar undr:
 bráinn, á baki
 blóðlitaðan,
 undrsamligan;
 en Allföðr
 sjálfr sendi hann
 sjónum várum“.

159. „Varp sèr vinduðr
 frá vèstalla,
 ok mjúkliga brást
 at meiðar limi“.

160. „Sváfu þar í brumi
 smáfugls úngar,
 hæstum á kvisti
 und hlynar laufi;
 átta váru úngar,
 eiða in níunda,
 sú er fugla gat
 í fagrlima“.

161. „Gleypiti grafvitnir
 gini hvumleiðu
 smáfugla, veinandi
 veiku hljóði;
 en mædd móðir
 mundi fljúga
 kveinandi kríng um
 kona dauða“.

162. „Tók tryggðvani
 titranda væng
 snákr sðan
 saknandi móður;
 ρ. II, 307-326.

en er ormr
 of etið hafði
 móður, ok mæddrar
 móður únga“.

163. „Lèt þá Allföðr
 jarteikn setta,
 sá er áðr snák
 of sendan hafði;
 því at mögr
 ins meginslæga
 Kronusar steinbúa
 í stein breytti“.

164. „Stóðum vèr allir þar
 undrun fángnir,
 er jarteikn slík
 oss um birtist;
 er undrsjón
 uppheimsbúa
 hundraðsblóti at
 hverfa náði“.

165. „En Kalkas spakr
 spásagnir þuldi,
 vèspjöll vísa
 veldisramra:
 „„Hví þèr hljóðir
 at helgum stalla
 hárprúðir standit,
 Herjans árar?““

166. „„Hefir mildíngr
 meginráðr
 Seifr jarteikn sýnt,
 svára þjóðum;
 mun seingeingin
 sjón fram koma,
 ok með öldum æ
 uppi vera““.

167. „„Eins ok snákr sá
 smáfugl gleypiti,
 ok fugls úngum

fjörtjón ræði,
átta, ok eiðu
enni nífundu,
þeirri er fugla
fædda hafði“:

168. „Munum vèr svá
at múrum Tróju
of ár nýu
nöðum veifa,
en á tíunda
tíragjarnir
eyða Brjáms borg
breiðstrætada“.

169. „Svá mælti spakr
spámaðr þá;
ferr nú eptir allt
orðum þeima“.

170. „Heilir svá, halir,
hèr skulum bíða,
Akkverjar strir
eirserkjaðir!
þar til er höfum
at hildar leiki
Brjáms borgvirki
brotin látið“.

171. Svá mælti öðlíngr;
en Argverjar
ópi ypptu
ógurligu;
en ægis hestar
endrkvæðu
reginglym rymjanda
refilvaldenda.

172. Þá er þjóðmúgr
þysjandi kvað
lofúngs lof.
Laerts niðja,
mælti þá málsnjallr
mæringr alda

ρ. II, 326-346.

Nestor, gerenskr
gramr reiðar:

173. „Eru undr slíkt,
er þèr alls of mælit
sem börn brjóstlaga,
böðvar liðar!
er sem þèr aldri
elmnis hrífir
ok ym randa
hafit áðr þekkt“.

174. „Hvar eru eiðar?
hvar eru rambundin
heit herþjóða,
fyri hjörvum unnin?
Eigu ræsa ráð
ok rekka speki
eldi at eyðast,
ok at eingu verða?“

175. „Eiðar, óblöndnum
unnir veigum;
handsöl hugkvæm,
þeims vèr heilir treystum?
er vèr þannig
orðum keppum,
nè ráð nokkurt
nema knægum,
þótt hèr þreyjum
hölzti leingi“.

176. „Atreifs arfi,
er þú áðr vart
alda öðlíngr
af alhug kjörinn!
leið nú jöru lið
at leiki stríðum
Hildar hjörmála,
ok herbraki“.

177. „Þrífist aldri þeir
pollar branda,
einn eðr tveir,

4*

með Akkverja sveit,
þeirs ráð ráða,
ræsir, þær
andvígt, ok þær
ýfast móti“.

178. „Aldri munu þeir
annat fá
frammi haft,
þótt segnir vildi;
farist þeir, ok farist,
fyr en koma
þeir aptr heim
at Argos-láði!
farist þeir, fyr
en fáí kannat,
hvárt öðlíngr heit
ægiskjalda
lýðum lánaðist,
eðr lygi reyndist“.

179. „Kveð ek Kronusson
kynjaraman
höfði mæru heit
hafa gefit,
á degi þeim,
er á drafnar mörum
hèldu Argverjar
út á hafs leiðir,
Brjámi at búa
böl ok dauða“.

180. „Lèt þá lofðúngr
leiptr blossa
hægri hendi at,
heilla merki“.

181. „Skyldi því eingi
skjaldar hlynr
heimför heimta,
þótt higr fýsi,
fyr en hefir hann
með hrund tróverskri

ρ. II, 346-366.

beð of byggt
at Brjáms sölum;
ok harma Helenu
hefndir tekit,
ok svanna svalat
sorgar stunum“.

182. „En ef einna hvern
alls of fýsir
heim at halda
hjörva reyna,
dragí hann dökkvan
drafnar gota
gljúpan á græði,
ok geði frói,
at hann öðrum fyr
aldrtila
ok feigð ferliga
fái hlotið“.

183. „En þú, öðlíngr
inn ítrsnjalli,
sinn þú ráðum ok
seggja annarra;
því at eigi munu
ónýt reynast
ráð þau, er ræð-k,
ráðvaldr, þær“.

184. „Skiptu, skati,
skötnum í sveitir,
ok hölda hluta
í herflokka;
sveit skal sveit styðja
at sverða dunum,
flokk stöða flokk
í fólvis leiki“.

185. „Kenna muntu gerla,
konúngr, þá,
hverir hraustir eru,
hverir ónýtir,
flokks foríngja

ok fólkakata,
þrimars þjóða
ok þrúðs liða,
er þeir snúa sèr
svipulhjólum“.

186. „Þá muntu, konúgr,
kanna mega,
hvárt þér bœð banna
buðlúngar himna,
eðr dáðleysi
darra reyna,
ok fávísi
at fólkjöru“.

187. Apþr annsaði
Agamemnon,
vegs um valdr
vísir þjóða:

188. „Ertu fremstr æ,
aldinn skati,
rekkum öllum
at ráðspeki;
Vilda-k þat, voldugr
vísir himna!
Apollon ývaldr!
ok Aþena!
at ek tíu hefðak
hali slíka,
rama at ráðum
ok reginvísi“.

189. „Munda-k þá bráðla
moldu verpa
Brjáms borgvirki
buðlúngs mega;
mundu þá múrar
und mínaum höndum
hroðnir ok hrundnir
at haudri ryðjast“.

190. „En uppheimsvaldr
hefir Allföðr
p. II, 366-385.

sárum orpit mik
sorgar meinum;
varpaði vísir
vesölum mæ
út í ófært stríð
ok orða rómu“.

191. „Áttumst ek við
ok Akkilleifr
móði meinsollnum
meyjar vegna,
ok orða leik
illan þreyttum;
hófk ek sjálfr
harða rimmu“.

192. „Ef at hraustir vèr
höldum saman,
nè frekum fjandskap
fremst of annat,
þá munu Tróar
tíragjarnir
harma hlè
hafa sízt at feing“.

193. „Árnit nú, ýtar,
at aptans verði,
at vèr bœð brátt
of búit fáim“.

194. „Hvetjið hjörva
at Hildar leiki;
búit buklara
at Bölverks dunum;
veitið fótfrám
fákum töðu;
hyggi nú hverr
at hjörþrymu,
ok ramhvelda
reið of búi“.

195. „At vèr allan dag
drýgja knegim
harðgreypa hildi

hraustum móði,
ok at ekki hlè
höldum verði
vápna veðrs at
vindsvölum dyn,
nema nætrskelð
numit fái
bragna böðvi
bráðæstri frá“.

196. „Þá mun vökna
þveingr skjaldar,
er brjósti býr
bragna verju,
sveita fyrir,
at sigmóðum dreing,
ok við handarfáng
hönd of þreytast“.

197. „Mun silfrtoppr
sveita geta,
sá er rennandi knýr
reiðar þúnga;
en hölda hvern,
er ek heyri dvelja
fremst of fúsan
at fjarðar ljónum
skelfiligr skal
skræfu þeirri
böldauði búinn,
at bráð hann verði
hauka ok hrævarga
hauðri ofarr“.

198. Mælti svá mildíngur;
en móðhugaðir
Akkverjar æptu
ægum glaumi;
sem á háströndu
hrönn of dynr;

mokar brimi marr
at melttilbergi.

199. Sogast þar sjár
sígjálfrandi
upp ok niðr
fyrir öllum vindum,
þeirs hvaðanæfa
yfir heim þjóta;
verðr-at ládeyða
at lagar hömrum.

200. Stóðu styrkir upp
stúfsvaldendr,
ok at skipum
skunduðu görva;
hófust hyrreykir
herbúðum frá;
sátu ýtar at
aptans verði.

201. Færði fyrða hverr
fólkráðendum
guðum alheilur
áheitsfórnir;
æskti ýta hverr,
at aldrtila
forðast knætti
ok feigðar geira.

202. En Agamemnon,
alda stýrir,
Allföður fórn
færa náði:
frey fimmvetrungi,
feltum næsta
blótaði buðlúngr
banda vísi.

203. Kallaði konúngr
kappa mesta
ok öldunga
alda sveita:
Nestor fremstan,

fólkráðan hal,
ok ídomeneif
jöfur frægan.

204. Kallaði öðlúngur

Aianta tvo,
ok tirlæstan
Týdeifs arfa,
sjötta, svartskýja
Seifi glíkan,
Odysseif mildíng,
at meginráðum.

205. En Menelás

inn málrómsterki
sjálfboðinn sveif
at sifa gildi;
vissj gjörla
í geðknerri
bölmæði bróður
böðvar skati.

206. Stóðu at þjóri

þegnar framir;
tóku blótbygg
bragnar snjallir;
en buðlúngur
bæn um hóf,
Agamemnon
alda stýrir:

207. „Allföðr, alvaldr

aldar jáðarr!
svartskýja sjóli
und sólar hjálmi!
drag þú ei at dúni
Dvalins leiku!
reifa þú ei rökkri
Rindar elju“,

208. „Fyrr en hefi-k

hrynja látið
böðvarinn Brjáms
borgkastala,

p. II, 405-424.

siklúngs auðsali
sóti dökkva,
ok eldi eytt
öðlúngs hallir“,

209. „Fyrr en hefi-k

Hektori römum
brynju blóðbleiku
af brjósti flegit,
ok sigmálmi sárum
sundr höggvit;
margir fallit
mækis reynar
kappa kríng um,
ok kalda moldu
faðmat darraðar
dauðatökum“.

210. Mælti svá mildíngur;

en manna faðir
heyrði-t hilmis bæn,
nè hana framaði;
tók tiggj himna
tírarblóti,
en seggjum sendi
svárar nauðir.

211. En er bænæræknir

of beðit höfðu,
ok blótbyggj
bragnar dreift,
beygðu blótsvíra
fyrir banda föður
seggir, ok síðan
slátruðu ok flógu;

212. Ok blótbíta

úr blóðgum lærum
skatnar síðan
skera mundu;
huldu mörlaga
milli tveggja,

ok hær ofan á
hrátt of lögðu.

213. Brenndu blóðbita
beimar sðan
á skíðum logandi
laufi sviptum,
ok á steikara
stúngu teina,
ok yfir hældu
hyrjar logum.

214. En er blóðbitar
brunnir váru,
ok iðrar etnar
ýtar höfðu:
brytjuðu blótkjöt
bragnar annat,
ok á steikara
stúngu teina;
steiktu gumar allt
gætiliga,
tóku sðan,
ok af teinum drógu.

215. En er erfiði
ok önnum þeima
hættu halir,
höfu upp veizlu;
nè lystíng leið
lýðum gerðist,
neyttu dreingir
af deildum verði.

216. En er lýðir
lystíng höfðu
á bug ekit
áts ok drykkjar,
þá mælti málsnjallir
mæringr alda,
Nestor, gerenskr
gramr reiðar:

217. „Fólkvaldr frægstr
p. II, 424-444.

fölvis þjóða,
Agamemnon,
alda stýrir!
skulum nú dvelja
skamma hríð,
nè fólkjöru
á frest draga,
þá er oss Herfóðr
á hendr fól“.

218. „Fremjum fólkvíg nú,
ok fölvis leika
kallarar kalli
knísa saman,
aldir akkneskar
eirbrynjaðar,
skriðskjótum at
skipum niðri“.

219. „En vèr munum fremst
í flokki halda
afarvðan um
Akkverja her,
at vèr fólkvíg
fremst of vekim,
ok dörr dýja
dreingi látim“.

220. Mælti svá mæringr;
en manna stjóri
var-at óhlýðinn,
Agamemnon;
bauð fyrst buðlángur
at bragði þegar
herköllurum
hvellrómuðum,

221. At þeir at böðvi
of boða skyldu
hárprúðar Akkverja
Herjans sveitir.
Knísa kallarar
kölluðu saman,

en seggir söfnuðnat
í sveitir þegar.

222. En goðbornir
gylfar þutu
ágætan kríng um
Atreifs niðja;
beittu hervalði,
beimum skipuðu;
en optir ítrum
öðlingum sveif
Aþena, gyðja
in augumglæja.

223. Baug darra dís
dúði frægan;
elli ómáðum
ægiskildi
sveifnaði svipmikil
salgarðs freyja,
uppheims undraðón
óðauðligri.

224. Læku hundrað
í lopti hreifsör
of hlíf hvelða
heingi-skúfar,
eldrauðum orpnir
ægis ljóma;
var verðr hverr
hundrað tarfa.

225. Hvössum hjörva dís
hvarma mánum
geysaði glóeyg
of geirsveitir;
hvatti hölda,
hverjum vakti
móð megintraustan
í muna sæti,
at þeir hvíldarlaust
hjörvum veifði,

p. II, 444-461.

ok dólgdarr
dýja knætti.

226. Gerðist þá aptr
með auðrunnum
sætr í sefa
sverða glymr;
vildu heldr þat,
en heim snúa
at lofsælu
láði feðra.

227. Sem á tindum hám
heiðar fjalla
eimr geysar
ógurligr
í mörk myrkviðar
meginvísðri;
leggr báls birtu
brautir lángr:

228. Svá mundi svífa
sólbliki fáð
birta böðfögr
af bragna hlífum,
feiknbláum undir
foldar hjálmni
hátt að hveldri leið
himinboga.

229. Váru hersveitir
höfgar fjölda,
sem fugla fljúgandi
feikna sveimar;
sem helsíngjar
eðr heiðar-trönuð,
eðr lásvanir
lánghálsaðir;

230. Þeirs flug þreyta
þrömmunga brautir
of Áss-eingi,
eðr aðallindir
Kafstrs kríng um

klettafossa;
þýtr fugla fjöld
fram ok aptr,

231. Ok víðum vængjum
veifa kátir,
glaumi gjallanda
ok glöðum hljómi;
líða leitum nær,
en láðvellir
endilángir óm
undir taka.

232. Svá mundu svífa
sveitir darra,
feiknum fjölmennar
fjarðar gotum
frá ok herbúðum
at hervelli,
þar er Skamandr
skelfir báru.

233. En Óðins brúðr
undir stundi
geigríga,
er gullinfaxar
ok málmpíngs meiðir
moldveg tráðu
fallandi fetum,
faldnir málmi.

234. Stóðu styrkir
stúfsvaldendr
Skamandrs á grund
skrúðblómgvaðri,
ótal iðdreingir,
sem urmull laufa
á völlum verðr
vartíma á.

235. Sem flugna fjöld
feiknum úir
sfsveimandi
suðu-flugi,

ρ. II, 461-479.

þar er hirðar fê
hafa á stöðli
vartíma á,
er væta skjólu
mjúksætir spena
mjaðarstraumar:

236. Svá mundu margir
móti Tróverjum
sigjöru svárir
sveimar standa
vígvallar á
víðum fleti;
svall móðakarn
morð at drygja.

237. Fylktu fólkskatar
flokka múgum
morðbráðum at
mækis leiki,
sem þá er hjarðsveinar
hjarðir skilja,
blómgum blandnar
beitlöndum á.

238. Gekk með öðlingum
Agamemnon,
vegs um valdr
vísir þjóða;
blossuðu bogar
buðlúngs hvarma
ægigeislum
ennimána,
sem Allföðrs
augu skína;
var ok hilmir honum
at höfði glíkr.

239. Váru lofðúngs lendar
linda gyrðar
ægiligum,
sem Ares tjáist;
en buðlúngs brínga

in böðvarhvelda
sem á máttugum
miðgarðs skelfi.

240. Sem í öxna-hjörð
úamargri
vegligstr þykkir
vera griðúngur,
er hann öllum fram
öxnum tekr
mikilleik at
ok meginprýði:

241. Eins gerði Seifr
Atreifs frægan
dróttvaldan nið
á degi þeima;
lofðúng hann lét
lýðum öllum
fremstan ok fyrstan
fólkpíngum á.

242. Teljit mér, svásar
saungdísir, nú,
þers Ólýmps unit
aðalljóma!
hreingyðjur himneskar!
er þær hvívetna
æ of erut,
ok allt vitið!

243. En vèr eim einan
eyrum leiðum
Sögu saungva,
sjáum-at neitt;
segit mér, dísir!
dróttvaldendr,
ok jöfra Akkverja
ítráða.

244. Munda-k nè minnast
málmþíngs boða,
nè nafni nefna

p. II, 479-497.

naðreyna sjót,
þótt ek tíu
túngur hefðak,
ok tíu ómandi
tanna sali.

245. Ok þótt setta-k rödd
órfíandi,
ok móðakarn
málmi varit:
munda-k-at slíkt
mælt of geta,
nè tölu týframra
tiggja framit:

246. Ef ei Allföður
ægiskjalda
dýrar dætr,
dísir hljóma,
milk á minnti,
ok muna styrkti,
hverir Brjáms borg
at brjóta fóru.

247. Mun ek fólkstjóra
fremst of þylja,
ok græðis dýra
getið láta.

248. Buðu böðþjóðum
Bæótínga
prúðr Lestus,
ok Peneleifr,
Arkesílas,
ok jöru vanr
Klonfus, ok prúðr
Propóenor.

249. Ræðu þeir höldum,
þeims Hyrju byggðu,
ok Álafoldu
fjöllum setta,
Skínus ok Skólus,
ok skörðótt land,

Eteónuss
jarðar-leiti.

250. Þespfu, Græju,
ok grundarvíða
Mýkalessu mærrar
meginvelli.

251. Byggðu höldar sumir
Harmu kring um,
Ílesfu
ok Eryþru;
sumir Eleón,
aðrir Hýlu,
ok Peteóns
aðalstöðvar.

252. Byggðu Ókæli,
ok Medeón,
vel of byggða
at borgmúrum,
Kópu, Evtresu,
ok klettnána
dali þispu
dúfu-audgrar.

253. Sumir Koróne
knífar byggðu;
sumir hauðrfrjóvan
Halíartus;
áttu pall sumir
at Plateu;
sumir glóð-arín
at Glísanti.

254. Lágþífi sumir
líðar byggðu,
múrstyrka borg
ok böðrama;
sumir Onkestus,
alhelgan stað,
ljúfsælan lund
lagar drottina.

255. Váru sumir
ρ. II, 497-516.

vínfrjóvum stað
Arne mærum frá,
ok Mídeiu,
Nísu alhelgri,
ok Anþýdóni,
er á liggir
landamærum.

256. Lögðu fimmtugir
lagardýra
borgum þeima frá
á báruslóðir;
en á sérhverju
seggir váru
tíu tugir,
ok tuttugu.

257. Asplédón sumir
ýtar byggðu,
ok aðalból
Orkómenus
Mínýinga;
en mærir ræðu
Jalmenus öldum
ok Askláfr.

258. Ól öðlinga
Astýokka
at Aktors inni
Áseífs niðja,
heiðvirð mæri,
er hún á hápall stöð,
Aresi frægum
jöru drottni.

259. Lagðist með ljóstri
linnveingis bíl
fólkvaldr goða
frægr í leyri.
Höfðu halir þeir
hælugbarða
þrenna tugi
þópturamra.

260. Fókum fólkstjórar

frægir ræðu
Epístrófus
ok ítr Skedfus;
váru þeir arfar
Ífitusar,
þess er nýtr
Nábólus gat.

261. Byggðu kníar þeir

Kýparissus,
ok Pýþó helga
háffallaða,
Krísu alhelga,
ok Hýamsborg,
Dális, Anemór
ok Panópis.

262. Áttu aðrir

arinhellur
Kefissus at
köldum straumi;
en sumir liðu
frá Liljuvöllum,
Kefissus efstum
at aðallindum.

263. Höfðu halir þeir

hèlugarða
fjóra tugi;
en fólkstjórar
Fókum skipuðu
í fylkingu,
fast at Bæóta
fylkingar armi
vinstra, váligri
at vígþrymu.

264. Ræði lofðungur

Lókrum frægr,
Aiant, Eyleifs
arfi getinn;
var-at tiggi

p. II, 517-537.

sem Telamons,

Aiant, arfi,
en öllu minni.

265. Var síklíngur

smávxanari,
líttill vexti,
ok í línþrynu;
en Hellena allra
ok Akkverja
knýði kesju leingst
ok kólf böðvar.

266. Óþúnti frá

ýtar váru,
Kýnosborg,
ok Kallíarus,
Bessu ok Skörfu,
ok blómfögr
Ágíu láð
einnig byggðu.

267. Törfu ok Þróníu

þegnar áttu
heima at Búakrs
bláum straumi;
þat váru Lókrar,
þeir er láð byggja
helgri Evbey
andspænis móti.

268. Höfðu halir þeir

hrannar dýra
tvö ok tuttugu
tírarþjarnir.

269. En þeim, er yrktu

Evbey fagra,
Abantum málmþings
móði þrúngnum,
Eretru, Kalkis,
ok alblómgvaðar
hæðir vínberja
Histíeu,

270. Kýrinþus borg,
 á bökkum sævar,
 ok Díum fremstum
 fjallriðum á,
 Karýstusborgar
 knísum ok Stýru:

271. Þeim mundi ráða
 þeingill böðstyrkr,
 Elefinor,
 Aress kynstafr,
 Kalkódons konúnga
 konr frægr;
 sá var iðgjörnum
 Abantum fyrir.

272. Fylgdu öðlingi
 Abantar fráír,
 þeir er hár bera
 á hnakka apr;
 vanir vígdómum
 varpa girntust
 ok bragna beysta
 böðvar kólfum;
 brynjur brjóta
 af bríngum vildu
 móðgra morðdólga
 málmi speingdar.

273. Höfðu halir þeir
 hælugarða
 fjóra tigi
 fremst of dökkra.

274. En þeirs Aþenu
 ýtar byggðu,
 borg böðstyrka,
 ok byggða vel,
 þars Erekeþeir
 átti heima;
 ól upp Aþena
 öðling mæran.

275. En Fjörgyn fylki
 ρ. II, 538-557.

fyr um gat;
 setti herðis hann
 at hörgi sínum
 [blómgu blíðvörðum
 brumi meiða]
 fremstan af auðgri
 Aþenuborg.

276. Þars beimar at sér
 buðlung heilla,
 öxnum og sauðum,
 at Aþenuborg,
 at árstíðum
 um svífandi
 jarðar hvel
 alda straumi.

277. Ræði morðmeiðum
 Menesþeifr,
 prúðr mögr
 Peteóuss;
 var-at frjósamri
 fylki þeim
 fremri fólkskati
 á fold alinn,

278. Ólmum at stýra
 jöru fákum,
 ok at skjóma leiki
 skjaldar hlynum,
 nema Nestor
 niflúngr einn;
 var því öðlings þess
 aldr meiri.

279. Höfðu halir þeir
 yfir hafs leiðir
 tugi fimm
 fjarðar ljóna.

280. Hælt með skip tólf
 inn tírarframi
 siklíng Aiant
 Salamis frá

[fylkti fólkhjóðum
hjá fylkingum
Apenumannanna
aldar-stjóri].

281. Þeims Argosvigi
ok umgirða
Týrunsborg
teitir byggðu,
Hermíónu
ok hákastala
Asínus,
at öldu-bakka;

282. Trözen ok aldna
Elíonsborg,
ok Epidárus,
jörð vínfjóva
Egínu, ok mönnum
Masesborgar,
afspringi ítrum
Akkverja láðs:

283. Þeim ræði rekkum
rómstyrkr jaðarr
Díómedes,
dörrum vanr,
ok Stenelus styrkr,
stílli borinn
Kapanefi
inum kynfræga.

284. Ræði ýtum ok
öðlingr inn þriðji,
Evrýalus
jólnum glíkr;
var hann mögr alinn
Mekisteifi,
týfrömum tiggja,
Talaossyni.

285. En öllum yfir
öldum ræði
rómstyrkr döglingr
ρ. II, 558-576.

Díómedes;
höfðu halir þeir
hélugbarða
almjörkvaðra
átta tugi.

286. Þeir, sem Mýkenu,
ina mæru borg
vel of vandaða,
vaskir byggðu,
ok Korint, málmi
ok meiðmum auðga,
ok Kleónu
kunna þjóðum;

287. Þeirs Orníu
ýtar byggðu,
ok Árdyr
unaðsfagar,
ok Sikýón,
þar er siklíngr
Adrastus áðr
yfir ræði;

288. Hýperesíu,
ok hárelsta
Gonóessu
á gil-brúnum;
ok þeirs Aigíu
ýtar byggðu,
ok Pellene
á Pelops-ey;

289. Ok um alla strönd
Aigíaluss,
ok um Helíku
hauðs-víða:
hundrað höfðu þeir
hélugbarða
ýtar allröskvir
at iðleiki.

290. Ræði rekkum þeim
ok reiðum sævar

Agamemnon

Atreifs mögr:

fylgdu fólkskata

flestir ok beztir

at skölkvíngs gný

skjaldar hlynir.

291. Bjóst buðlúngr

björta skróði,

alglastum eiri

ok ægishjálm; .

fremstr framgjarnra

fólknárunga,

mestr mæringa

fyrir mold ofan;

því hraustastr var

ok her flestan

leiddi lofðúngr

at leiði sverða.

292. En lýðum þeim,

er Lakedemón

byggðu böðvísir

björgum kríngða,

hálsu horfna,

hömrur studda;

293. Faris ok Spörtu,

ok þá er fjöld elr

mærra dúfna

Messuborg,

Brýseu, Ágíu,

ok Amýklu,

ok Elus, ægi

iðbláum hjá;

294. Ok lýðum þeim

er Láas byggðu,

ok þeims at Oitílus

áttu heima:

þeim ræði frægr

fylkis blóði,

Menelás

inn málrómsterki.

295. Sá ræði sex tugum

sævar ljóna;

váru fyrðar sér

í fylkingu;

gekk horskr gramr

at gunni fram,

treysti meginmóði,

ok menn hvatti.

296. Var hilmí helzt

í hug lagit,

at hann Helenu

hefndi sorgar,

gráts og gremi,

ok gjallra harma,

tárugs trega,

ok tvistra rauna.

297. En þeims práðhelga

Pýlus byggðu;

ok Arentu

unaðsæla;

ok Þrýu, þars Alfeus

yfir ferja,

ok Aipuborg

allvel byggða;

298. Ok Kýparissus,

ok Amfígeníu;

Pteleus, Elos

ok Dóríu,

299. Þars saungdísir

inar svásrómuðu

Þamýris hittu

inn þrakverska,

ok hann sætum saung

svipta náðu,

þá er ítr sveif

frá Oikkalíu,

ok frá Evrýtus
inum otkkalska.

300. Þóttist fóli fær
freku drambi
í saung at sigra
svásum gyðjur,
og þótt sýngi sér
sjálfar móti
Allföður dætr
ægiskjalda.

301. Reiddust þá rómdáslr,
ok rök of kváðu;
námu seggi sýn,
ok sól fálu;
tóku saung sætan
ok svása röddu;
lētu grepp gleyma
gígu hljóði.

302. Ræði þegnum þeim
þjóðmæringr
Nestor, gerenskr
gramr reiðar;
svifu gjálfrýr
glæstum stöfnum
þrenn þrjátígi
Þvinnils rastir.

303. En þeim öldum,
er Arkadú
byggðu und klettum
Kýllens hryggjar,
þars hangr Epýts er
öðlings vorpinn,
höldum hraustum
í höggorrustu;

304. Þeims Fenu byggðu,
ok fjárvika
Orkómenus,
ok Enispu
stórvíðrum streitta,

ρ. II, 596-617.

Stratíu, Tegeu,
Hrípu, ok munfagra
Mantíneu;

305. Þeims Stýmfalus
styrkva byggðu,
ok Parrasfu
prúðum þjóðum:
þeim ræði ríkr
ræsir, mögr
Ankeífs ágæts,
Agapenor.

306. Höfðu þeir sex tugi
sævar ljóna;
en á hverjum
hélugbarða
mörðvanir gingu
margir líðar
Arkadú frá
jarðar dölum.

307. Gaf þeim sjálfr
gramr þjóða
Agamemnon
unnar hreina
þóptusterka,
at Þvinnils leiðir
mætti iðdreingir
yfir svífa;
því halir þeir hyggja-t
at hafs iðju.

308. En þeims byggðu
Búprasfu,
ok Ellis-jörð,
jólnum helga,
þars yzt halda
Hýrmens leiti,
ok þars Mýrsínus
moldvegr grær;

309. Þars Ólensstapi
ok Áleysa

Ónars dóttur
innilykja:
leiddu liða þá
at leiki sverða
fólkvaldar sjórir
of fjarðar leið.

310. Hafði tiggí hverr
tú at ráða
báruskjótum
björnum sævar;
en á sérhverjum
seggir margir
Epear váru
öldu vagna.

311. Ræðu ýtum þeim
Amfímakkus
ok Þalpíus,
þjóðnárúngar;
bræðrum váru báðir
burir getnir:
Kteati ok Evrýti
Aktors niðjum.

312. Ræði flokki
fylkir þriðja
Díóres, arfi
Amarýnkeífs;
en inum fjórða
jólnum glíkr
Pólýxenus
prúðhjartaðr,
arfi Agastens
Ágíassonar.

313. En drótt darra
frá Dúlíksey,
ok helgum Ekíns-
hólmum frá,
þeims fyrir haf
handan búa,

andspænis móti

Elis-láði:

314. Þeim ræði Meges
móðhugaðr,
Aresi jafn,
jöru hilmí,
Fýleífs niðr;
en Fýleífr
riddari gat,
ragnaföður kær,
sá er fyrri fór
föður reiðr
dýrr döglingr
til Dúlíkseyjar.

315. Hældu halir þeir
hrannar dýrum
fjörutígi
yfir fjarðar báru.

316. En Odysseífr
öðlingr ræð
Kefallenum mærr
móðhuguðum,
ok þeims Ípaks-ey
ok alþakin
laufi Nerítens
leiti byggja.

317. Ok þeims Krokfley,
ok ósléttrar
Aígílípu
urðir byggðu;
Sakýntsey, Sámsey,
ok sævar jaðra
meginlands, ok láð
þat er móti liggir:

318. Þeim ræði ágætr
Odysseífr,
Allföður glíkr
at ítrum ráðum;
hafði skipa tólf

tiggi frægr
hlýrroðinna
at hjörva dunum.

319. Etólum ræði
arfi frægr
Andremons,
ítr Þóas;
þat váru Pleifrumenn
ok Pýlenu
ok Ólens
innbyggjendr;

320. Byggðu-Kalkis ok
at kólgu djúpum,
ok Kalýdons
klettahauðr;
því mundu-t þá
fyrir mold ofan
Óneifs ágæts
arfar lifa;
nè sjálfr siklíngur
sólarheims naut;
ok bleikhárr Melakr
bana þáði.

321. Var því Þóas
þeingill kjörinn
Etólum öllum
yfir at ráða;
hafði hilmir
hrannar dýra
at sólkvígum
fjóra tigi.

322. Ræði kníum
Krítareyjar
öðlíngur iðfrægr
Ídomeneifr,
ok þeims Knóssus
kunna byggðu,
ok Gortýnsborg
girða múrum,

ρ. II, 637-656.

Lýktus, Míletus,
ok Lýkastus;
sú er borg of byggð
á bjargi hvítu;

323. Festu ok Hrytu,
höfuðborgir
allvel byggðar
ok auðsælar;
ok ýtum öðrum,
er eyju Krítar
byggðu, háborgum
hundrað setta.

324. Þeim ræði ágætr
Ídomeneifr,
döglíngur drótta,
dörrum vanr;
ok Meríónes,
manna bana
Aresí glíkr
íðnáringi.

325. Hældu halir þeir
hrannar dýra
átta tugum
yfir ægis djúp.

326. Hælt týframar
Tlepólemus,
horskr ok fagr
Herakless arfi,
ráhjörtum nú
frá Róðeyju;
skipuð þá rökakvir
Róðeyíngar.

327. Róðey byggðu þeir
reynar sverða,
eyju þrískipta
þegna sveitum;
þar Línus er,
ok Ílýsus

ok Kamírus
á kletti hvítum.

328. Þeim ræði týfrægr
Tlepólemus,
dýrr döglíngr
dörrum vanr,
sá er áðr ól
Astýokka
við Heraklesi
himintíva.

329. Hafði guð hana
frá hauðri Effýru,
þars Selleis
svella straumar;
lèt hann frægra
fólknárúnga
borgir vorpit
bjaðar moldu.

330. En er upp um ólst
að auðsölum
Tlepólemus
inn týframi,
myrði föður hann
móður-barma,
svipti snarliga
siklíng aldri,
Líkýmnius,
lofðung aldinn,
afspríng Aresar
ítrfrægan.

331. Byggði skjótla þá
bersa sævar,
ok fjöld fyrða
til farar kvaddi,
því at hótunum
hræða mundu
buðlúng burir
ok bura niðjar

Heraklesar
himintíva.

332. Hreppti hafvillur
of hrannar leiðir
ræsir, ok rakst
Róbeyjar til;
var öðlíngr
orplinn nauðum.

333. Byggðu bragnar þar
bólm þríðeildir;
ok þeim Seífr unni
uppheims valdr,
sá er gumna fjöld
ok guðum ræðr
[ok Kronuss arfi
kostsamligum
auði ok unað
of aldir jóa].

334. Hælt Níreífr
hrannar dýrum
sæhröðum þrem
frá Sýmeyju;
Níreífr, námsæll
niðr Æglóar,
ok Karópusar
konúngmennis.

335. Sá var fegrstr
fyrða allra,
er Ilíonsborg
at eyða geingu,
ok Danáa;
þó var einn fegri,
þat var þrúðlyndr
Peleífs arfi.

336. En Níreífr
var at naðeli
magnaðr lítt,
nè móðhugaðr;

fylgdu honum ok
fáir liðar.

337. En þeims Níáýrus
nýtir byggðu,
Krapaþus ey,
ok Kasoshólma,
Kós, aðalból
Evrýpýluss,
ok Kalauðnir
kólgu girðar:

338. Þeim mundu ýtum
yfir ráða
Feitippus ágætr,
ok Antífus,
þessaluss arfar,
ins ítrvalda
Herakless sonar,
himintíva.

339. Hældu halir þeir
hrannar dýra
tugum þrem
at þjóðmorði.

340. Nú mun ek nefna
njóta knáa,
þá er Argos byggðu,
jörð Pelasga;
Alos, Trikkínu,
ok Alópe,
Fiðju ok Hellas,
hrundfagrt láð;
kveða Hellena,
ok kind Akkverja,
ok Mýrmíðóna
menn þá heita.

341. Hælt með höldum þeim
at hjörva dyn
ægis dýrum á
Akkilleifr,
tugum fjórum,

ρ. II, 675-694.

framarr tug einum;
hugðu-t halir þó
at herleiki.

342. Var-at því brögnum
á baugi uppi,
at lofðúgr væri,
sá er leiða knætti
hali hörðum at
hildarleiki,
ok þá fremst særa
í fylkingu.

343. Því at öðlíngur
Akkilleifr
fótramr lá
at lagar hreinum;
heiptaðist hilmir
fyrir haddfagra
bjarta Bríseíði,
brosfagrt man,

344. Þá er hilmir nam,
ok nauðir margar
fyrir ljósa þoldi,
Lýrnesus frá;
braut borgvirki,
bar út meiðmar
frá Lýrnesus
fylkir, ok Þífi.

345. Myrði Mýnetus,
ok at moldu varp
Epístrófus,
iðstyrka tvá
Evenuss arfa;
en öðlíngs þess
Selepíus var
sagðr faðir.

346. Harnaði mildíngur
meyju þessa;
mundi þó skati skjótt
skálm of veifa.

347. Þeim er Fýlaku
foldveg byggðu,
ok Pýrasus
prúðblómgvat láð,
þar er Demetru
dýran kveða
helgan lund
hauðrs kindir;

348. Ok þeims Ítónu
ítrir byggðu,
þar er lamba fjöld
fóðri gæðist;
ok Antrón, allnærri
ægis djúpum,
ok Pteteu eingi
in iðja-grænu:

349. Þeim ræði práðr
Prótesflás,
Aresar ættstafr
eljunhraustr,
meðan ljós sólar
lofðúngr sá;
en nú vorpinn var
vísir moldu.

350. Sat síklíngs kván
sefa skörðum
eptir í húsi
at öðlíng líðinn;
var hús höfðingja
hálfu minna;
en dögling drap
dardanskr verr,
er hann upp af hljóp
hrannar ljóni
Akkverja fyrstr
allra á land.

351. Váru þó eigi
vísir líðar
foríngjalausir

ρ. II, 695-713.

(þótt fylki práðu):
bauð þeim Podarkes
inn prúðlyndi,
Aresar afspríngr
ítrfrægr.

352. Sá var arfi
Íffklusar,
Fýlaks magar
ins fjárauðga,
barmi skilgetinn
böðstyrks vísis
Prótesflásar
ins prúðlundaða.

353. Var Podarkes
ýngri getinn,
en Prótesflás
prúðr ellri;
ok hraustari
at hjörleiki
Aresi alinn
öðlíngi var.

354. Vantaði-t lýði
lýðforíngja;
söknudu síklíngs þó
ins sigtrygga;
höfðu halir þeir
hrannar dýra
fjóra tugi
at Tróju láði.

355. En þeims Feru
foldveg byggðu,
hjá Böbuvatns
björtum unnum,
þeims Böbuborg
byggja ræðu,
Glafýr, ok Jólkus
allvel reista:

356. Þeim ræði þegnum
þeingill frægr,

Evmelus, arfi
 Aðmetusar
 (váru ellefu
 öldu fákar).

357. Þann gat Alkestis
 við Aðmetusi,
 salfreyja svásum
 sigtívum glfk;
 var hún Pelfasi
 prúðum borin,
 döglinga dætra
 dýrst ok fegrst.

358. En þeims Meþónu
 moldveg byggðu,
 ok Þámakíu
 þegnum snjöllum,
 Melibæu
 ok megingrýttar
 Olidsónu
 innbyggjendum:

359. Þeim ræði frægr
 Flóktetes,
 sá er boga vel
 benda kunni;
 hafði sævar sjö
 svarta hreina.

360. Geingu gumar
 á gnoð hverja
 fimmtíu fimir
 und flausthramma;
 kunnu dreingir þeir
 dal at benda
 flestum betr
 foldar þjóðum.

361. En loðúngur lá
 líkams haldinn
 á ey einni
 illum nauðum,
 lýðhelgum á

q. II, 713-732.

Lemnarhólmi;
 létu hann eptir
 Akkverjar þar.

362. Þoldi þeingill
 þúngar kvalar,
 er hann eitruíngur
 illr um hjó.
 Lá hann þar bœlvi
 beisku þjáðr;
 en þó bráðla
 böðþjóð skyldi
 mildíngs minnast
 at marar ljónum.

363. Váru-t fyrðar þó
 foringjalausir,
 en þótt sakna
 sjóla gerði;
 fyrir þeim Meðón
 mildíngur var,
 Eyleifs arfi
 óskilgetinn.

364. Þann gat Hrena
 við hílmi frægum
 Eyleifi, eyði
 aðalborga.

365. En þeims Trikku
 ok Íþómu
 hrjóstrug byggðu
 hamrabelti,
 ok Oikkalfu,
 Evrýtusar
 öðlings borg
 ins oikkalska:

366. Þeim ræði þegnum
 þekkir arfar
 Asklepíuss
 ins ítrfræga;
 læknað lýðfrægir,
 lífgefandi,

Makkaón prúðr,
ok Pódalírus.

367. Höfðu halir þeir
hrannar ljóna
tugi þrjá
at þjóðvígum.

368. En þeims byggðu
Ormeníu,
ok Hýperíu
höfgar lindir;
þeims Asteríu
inni byggðu,
ok hvíta tinda
Títans hamra:

369. Þeim ræði ýtum
Evrypýlus,
ágætr arfi
Evemónuss;
hafði hildíngur
hrannar dýra
fjóra tugi
at fólkprymu.

370. En greppum þeim,
er Gýrtónu
byggðu, ok Argissu
eiga ræðu,
Orpu, Elónu,
ok Oloossón,
borg háreista
hvíta steini:

371. Þeim ræði prúðr
Polýpötes,
móði magnaðr
at mækis gný,
prúðr arfi
Pírípóuss,
þann er Seifr ól
óðauðligr.

372. Átti hann hrund fræg
ρ. II, 732-750.

Hippódamía
prúðhjörtuðum við
Pírípóus,
á degi þeim
er döglíngur
á vann feiknloðnum
Ferubúum.

373. Þraungdi lýðum þeim
þeingill ríkr
Pelíoni frá
Pírípóus,
ok þá neyddi
at nema land
aptr, ok byggja
Epíkum hjá.

374. Var-at hann einn,
en vísi studdi
Leontes, Aresar
ættarstafr;
mögr var hann
ins meginríka
Korónusar
Keneífs arfa.

375. Hældu halir þeir
hrannar ljónum
fjörutígi
yfir fjarðar djúp.

376. Hèlt Gúneifr
gnoðum frá Kyfos
tveim ok tuttugu
at töru leiki;
fylgdu öðlíngi
Eníenar,
ok Perebar
prúðlundaðir;

377. Þeirs Dódónu
dali byggja,
vindsvölum veðrum
vetrar reifða;

ok þeirs akra erja,
þars unaðsælir
Títareisíuss
titra straumar,

378. Þess er vötn veltaast
in vágskæru
í Penes-fljóts
fossa-hylji;
verða nè sólhvítri
silfr-iðu
meinguð Peneuss
meginstrauma.

379. En röst rennr
in reginskæra
sem víðsmjör, vatni
vakir yfir;
er því afrennsl
árstraumur sá
eiðvatns Stýgar
ins ægiliga.

380. Ræði Propóus
prúðlundaðr
Magnaeta þjóðum
móðhuguðum,
týframr arfi
Tenpredónuss.

381. Þeir it laufkvika
lýðir byggðu
Pelíonsfjall,
ok at Peneus:
ræði sóthvatr
fylkir þeim
Propóus
inn prúðlundaði.

382. Hælt hildíngr
at hildar leiki,
fjarðar dýrum
fjörutigi.

383. Þessir váru herskatar
p. II, 751-769.

at hildar leiki,
dýrst Danaa
döglínga fjöld;
seg mér nú, in svása
saunghljóma dís,
hverr mestr mundi
mildínga vera,

384. Bæði buðlúnga,
ok blakka skjótra,
þeirra, er ítrum
Atreífs niðjum
fylgdu at ferligum
fólvis leiki.

385. Bestir voru blákkar
at Brjáms múrum
Feretis afsprings
ins ítrfræga;
ók þeim Evmelus
at iðleiki
fákum fótfrám,
sem fleygir væri,

386. Jóm jafnhærðum
ok jafngömlum,
mörum jafnhávum
at mældum hrygg;
þá ól at Peru
prýðifáka
Apollon, sjóli
silfrbogvaldr;
þat váru hryssur,
ok of hervöll slaungdu
óttu gunntrylldum
geira drottins.

387. En bragna allra
var böðframastr
týhraustr Aiant
Telamons niðr,
meðan reiði ól
Akkileifr;

því fremstr var hann
at fólkröðl,
ok fákar frððir,
er um foldvegu
þrúðlundaðr ok
Peleífs arfi.

388. En nú sjóll sat
sjótum fjarri,
at straumdýrum
stafnabjúgum;
brann buðlungs
bráðr munr
Atreífs arfa til
aldastýris.

389. En lýðir lèku
at lagarjaðri;
vörpuðu steinkrínglum,
ok vigrum stinum;
ý upp drógu,
ok örvum skutu.

390. Stóð fákr sèrhverr
at sinni reið;
lèt lættfetum
ljúfr smári,
ok steinselja,
starar vana,
sú er á vátlendum
vaxa náir.

391. En háþöndum
hertjóldum í
reiðir dúkreiððar
ræsa stóðu;
en herskatar
hilmis söknuðu,
mildíngs málmþinga
ins móðhugaða;
hvörfluðu hvervetna
of herbúðir,

p. II, 769-787.

nè vígfléinum
veífa knáttu.

392. Geingu gunnþjóðir,
sem of grænan svörð
foldar ferr
funi heitr;
en storð steinvarin
stunum hreiðl,
sem fyrir þrúðvaldi
þrumuglöðum.

393. Þá er beystir hann
böllum móði
jafnharðan jaðra
jörmungrundar,
kríng um Týfóeif,
kvalda óskepnu,
Áreíms at
undrlendum,
þars hvílu herma
halir lagða
ófreskju ægrar
í jarðardjúpi.

394. Svá mundi stynja
storðar hvel,
fallandi fetum
fólkhjóða undir,
þá er ýta fjöld
á fram sveif;
tráðu hervöll hart
herfylkingar.

395. Sveif til Tróverja
tíragjarnra
Íris vindfætt
of veðra brautir;
flutti Seifi frá
fregn geigvæna,
Allföður ofan
ægiakjalda.

396. Váru þegar
at þíngraðum
Brjáms hilmis hjá
hallardyrum;
safnaðir saman
í sveitir allir
úngir ok aldnir
öðlingar váru.

397. Stöð himindís
in hraðfleyga
nýtum nærri
naðvaldendum;
var mæð gyðja
í málrómi glfk
Polites, Brjámi
bornum arfa.

398. Sá hafði sviðt
at sjóna hváli,
skjötleik treystandi,
skötnum at spæja;
sat hæst á haugi
hilmis aldins
Æsýtusar
orpins moldu.

399. Beið á haugi þeim
hilmis arfi,
at Akkverjar geingi
elliðum frá;
þeim var guma glfk
goðborin dís
Íris, og mælti
orðum þeima:

400. „Eru ætíð þær,
aldinn skati,
orð þau hugþekkust,
er á hvörfum snúast,
eins ok fyrri
á friðaröldum;

en nú er brögnum búi
böðvar ráðit“.

401. „Kom ek opt at köldum
kvernbits leiki,
þars morðlíðar
mæki dúðu;
sák-at þó sízt
sveim hjörva gnfs
líkan þessum
yfir láð svífa“.

402. „Eru þeir sem lauf
á limi meiða,
eðr sem ögngrúi
æglaanda,
þars þeir of völl
viðan gánga,
vilja borg brjóta
böðvar-rama“.

403. „Kveð ek þik helzt,
Hektor mæri,
attu at gætir
orðum mínum;
því málmpíngs meiðar
margir eru
bandamenn kríngum
Brjáms vígmúra“.

404. „Eru iðdreingir
ýmissa þjóða;
mállýzkur margar
morðvaldenda;
þjóði nú brögnum
buðlúngr hverr,
ok öld leiði,
er hann yfir ræðr,
út á eimnis völl,
ok innbyggjendum
Brjáms borgvirkis
at böðvi fylki“.

405. Mælti svá himindís;

en Hektor lét
gyðju orð geymd
í geðknerri;
sleit hann skjótliga
skatna þingi;
þjóst bæsfings þjóð
böðvar skruði.

406. Hríktu opnut hlíf
á hjarásum
öll; en þjóð þusti
at þjóðvígum,
fáka foringjar
ok fótgaungumenn;
hvarflaði herglaumr
at himinskantum.

407. Stendr hár hóll
hermúrum nærri,
víðsýnn ok einn sér,
á vallar grundu,
má hann umhverfis
allan renna;
kalla bjaðar börn
Batíeu;
en ódauðlegir
uppheimsbúar
kveða dauðadys
darra meyjjar
Mýrínu, á stökki
meginléttrar.

408. Þar mundu Tróar
tírgargjarnir
ok bandamenn setja
böðfylkingar.

409. Ræði Tróverjum
týhraustr verr,
Hektor, hróðmögur
inn hjálmkviki
Brjáms ins böðvísa,
at borgmúrum;

ρ. II, 807-427.

fylgdu fylkis nið
flestir ok bestir
málmpings meiðar
at morði fúsir.

410. Dardanum ræði
döglíngur fagr
Eneas, alinn
Ankísesi.

411. Þann lét alinn
Afrodíta
Ankísesi frægum,
á ídu hálsnum;
lagðist gyðja ljúf
á láði fjalla
megi með
mökubúenda.

412. Ræði-t þó einn
öldum skati;
ræðu arfar tveir
Antenors með,
Akamas
ok Arkelokkus,
garpar gagnvísir
of göll hverja.

413. En þeims Seleiu
sveitir byggðu,
ídu undir
aðalmúlum,
(váru rekkar þeir
ríkir næsta),
at Esepúsar
iððökkri lind:

414. Þeim ræði lofsæll
Lýkáons arfi,
Pandarus hraustr
ok prúðlundaðr;
gaf honum sjálfr
silfrbogvaldr

Appollon ý
úrsvignæman.

415. En þeims Adreate
ítrir byggðu,
ok at Apesus
áttu heima,
Ferju tindfjalla
tífrargjörnum,
ok Pítýu
prúðum þjóðum:

416. Þeim ræði Adrastus
ok Amfíus,
loftúngr lofsæll
línbrynjaðr;
þeir váru mildíngi
Merópi bornir
Perkótu frá
prúðir arfar.

417. Var Meróps
moldbúenda
gæddr allra mest
mærrí spávísi;
nè niflúngr
niðjum leyfði
at morðsvárum gánga
mækisleiki.

418. En þeir hílmi
hlýða gerðu-t;
hèldu heldr at
hjörva dunum;
því feigðar nornir
ferligar knúðu
hildínga horska
at heljarþröm.

419. En þeims Perkótu
ok Praktíon
borgir mundu
byggja kríng um,
ok at Sestusborg
p. II, 827-846.

sitja náðu,
Arisbu helgri
ok Abýdus:

420. Þeim mundi horskr
Hýrtakusar
arfþegi
Asíus ráða;
drógu' dreyrrauðir
döglíng fákar
Arisbu frá
ok undra-stórir,
Selleis frá
svölum unnum.

421. En Hippobóus
hildíngur ræð
Pelasga drótt
dörrum vanri,
ok þeims Larissu
láðfrjóva byggðu;
þeim ræði horskr
Hippobóus.

422. Ræð þeim ok Pýleus
prúðlundaðr,
Aresar alinn
afspríngur mærr;
váru lofðúngar
Leþuss niðjar,
tiggja Pelasga,
Teíftams arfa.

423. Ræðu Þrökum
þeinglar frægir
ítr Peiróus
ok Akamas;
þeir hafröstum
Hellu-ála
bægjast þeimum frá
bjaðar öðrum.

424. Bauð Evfemus
yfirstýrir

knáum Kískónum
kesjurömum;
sá var týframs
Trözens mögr,
gylfa Keass
goðborins arfa.

425. Ræði Pýraikmes

Paíóna sveitum,
þeirs boga bjúgan
benda kunna,
fjörrum láðum frá,
þars fold víða
Amýdóns vætir
Axíons straumr;
kveða þegnar þær
Þrúðvalds brúði
fegrstar væta
fjallalindir.

426. En Pafflagónum

Pýlemenés
bríngulóðinn bauð
böðvar skati,
Enetum frá,
þars ýtar kveða
verða stóð alin
villhumúla.

427. Þeir Kýtóru

kníar byggðu,
ok Sesams svörð
svásan örðu;
þeir at Parþens
prýðistraumi
áttu alfrægar
aðalborgir:
Krómnu ítra,
ok Egíalus,
ok jarðar-leiti
Eryþína.

428. En Alizónum

p. II, 846-865.

Oðfus bauð,
ok Epístrófus,
frá Alýbu,
fjörrum láðum frá,
þars fold elr
iðgrátt silfr
í aur-kviði.

429. Ræðu Mýsum

mildíngar tveir,
Krómus ágætr,
ok Ennómus,
fugla forsagnir
fremst vitandi;
mundi-t þó mildíngi
mærum bjarga
feigðarnornum frá
fyrirvísi.

430. Því at fótfrás

und fylkis mundum
öðlíngr deyði
Eaks-níðja
árstraumi í,
þars Akkilleifr
Tróum bana bjó
bráðan mörgum.

431. Ræðu Frýgum

Forkýs ágætr,
ok Askaníus
jólnum glíkr;
váru allfjarri
frá Askaníu;
þráðu manna morð
móðhugaðir.

432. Buðu Meónum

Mestles frægr,
ok Antífus
ítrfagr;
váru teitir burir
Talemeness;

Limna grami gat
Gýgar vættr.

433. Ræðu Meónum
mildíngar þeir,
Tmólus frá
tinda riðum.

434. Bauð niflúngr
Nastes Korum;
þeir máli mæla
mest ókunnu;
þeir Míletus
menn of byggðu,
ok Feiru-fjall
fagrlímat.

435. Ok at Meandrs
mærur straumi,
ok at Mýkals
megintiadum;
ræðu öldum þeim
Amfímakkus
ok Nastes niflúngar,
Nómíons arfar.

436. Gekk Amfímakkus

óvitrum hug
gulli gagnbúinn
at gunnar dunum,
eins ok mærmeyja;
nè þó mildíngur
glapinn gulli lét
grimman dauða.

437. Því at fótfrás
und fylkis mundum
öðlúgr deyði
Eaks-níðja
árstraumi í;
en Akkilleifr
böðramr buðlúgr
hangum svipti.

438. Ræðu lofðúngar
Lýkíumönnum:
Glákus sigfrægr
ok Sarpedon,
fjörru láði
Lýkíu frá,
þars Xanþus höfgri
hverfir iðu.

ÞRÍÐJA KVIÐA.

EN er seggja
sveitir váru
fylkingum festar
ok fyrirliðum,
þá svifu Tróar
tírar gjarnir
glym gjallanda,
gnýdimmum þys,
sem fljúga fuglar
fiðrvarðir.

2. Sem himinn hljómar
haudri ofarr
trana-sjöld fyrir
flugglymjandi,
er þær regnskúrir
ok reginhriðir
flýja, ok ferliga
frera-bylji.

3. Fljúga fuglar þá
at fallstraumum
umferðar iðu
jörmungrundar;
dauða dvergþjóðum
dapran búa,
verpa urðardrótt
aldrtila;
svífa nærr ok nærr
ok neyð særa,
morð ok mæðu
at morguns ári.

4. En Akkverjar
á fram svifu,
þögn var at þjóðum,
þrúnginn sefi,
svall móðr svárr
sigjöru lýð,

ρ. III, 1-18.

at hvárir öðrum
at hjálp veittist.

5. Sem bregðr vindr
á bjarga rið
svifinn suðri frá
svartri þoku,
þá er hirða lítt
hugum fróar;
lýzt þjófum ljúfari
en lágnætti;

6. Þá er seggir sjá
sjóndeildar hring,
þars at fold fellr
framþeytt steinn:

7. Þannig þeyttist upp
þyrilsveipr
dusts dynfara
und dreingja fetum;
svifu sóknþjóðir
snarliga fram,
ok megin-móðgir
morðvöll tráðu.

8. En er halir hart
hvárir aðra
naðels nálguðust
ok nær geingust,
gekk fram buðlungr
fyrir Brjáms liða,
Alexandr
jólnum glíkr.

9. Hafði hildíngr
á herðum sér
pardus prúðhærða
prýðikápu;
búinn ýboga
ok björtum hjörvi

frammi fylkir stöð
at fylkingum.

10. Dúði döglíngur
darr eirrekin
mærum mundum tvö
meginsagr;
manaði mæringa
at mímúnga leiki
Akkverja ítrasta
ok iðstyrkasta,
at seggir sör
sækti móti,
ok þunga þreyttu
Þrúðar rimmu.

11. En er Menelás
móðhugaðr
sagran fylki sá
frammi standa
fylkingum fyrir
fólkvaldanda,
rennanda röddu
yfir rómu-veingi:

12. Gladdist ítr þá
Atreífs mögr,
sem að drjúgri bráð
dýr it óarga;
dýrskrokki stórum
ok stæðiligum.

13. Er þat hjört hremmir
hornvaldanda,
eðr húngrat hafr
hitta getr;
etr vargr vel,
alls vindskjótir
hundar elta
ok horskir sveinár.

14. Svá mundi Menelás
munr kætast,
er hann ítran lett

ρ. III, 18-36.

Alexandr,
ok öðling iðsagran
augum leiddi.

15. Hugðist hilmir
hefnd at veita
guma glysmálgum
ok grimman dauða;
stökk á storð niðr
stillir ofan
vápnum varinn
af vagnhveli.

16. En er Alexandr
jólnum glíkr
fremst at fylkingum
fólkskata leit,
þá varð hjarta hans
hræðslu sveipat,
glúpnæði munr
í geðknerri.

17. Hopaði halr,
ok í hölda sveit,
at hann feigð flýði,
fremst sik duldi.

18. Eins ok þá gumi
grafvitni lífr
afdal í
eitrsláinn;
hopar á hæl þá
hræddr gumi,
verðr at legg ok lið
lostinn skjálfta;
snýr seggr aptr,
nè sækir leingra,
en dreyri hverfr
af dreings kinnum:

19. Eins mundi ítr
Alexandr
aptr í sveit
ýta hopa,

Tróverja til
tírgjarnra;
óttadist ágætán
Atreífs niðja.

20. En er Hektor leit
hugblauðan ver,
mælti mæringr
meiði-yrðum,
illum orðum
eljunsárum:

21. „Heyr, París, illu
alinn heilli,
manna fríðastr
fyrir mold ofan!
fríðill freklyndr
fjórða hverra!
glópr glysmáligr
við gulls selju!

22. „Vilda-k, at aldri
þú alizt hefðir!
attu ókvænt
eyðast knættir!
vilda-k þat víst,
at væri svá;
mundi þægra þat
þegnum verit,
en at þannig þú
þjóða hræsi
ok athlægi yrðir
annarra manna“.

23. „Munu Akkverja
ýtar snjallir
hárprúðir hlæja
ok hæða þik,
er þeir þik hugðu
hraustan vera,
alls þú fagr ert,
at fólksveitum“.

24. „En hjarta þitt er
ρ. III, 36-54.

hræðslu sveipað;
máttlaus ertú,
ok móði sviptr“.

25. „Hve hefir slíkr
halr þorat
of haf at halda
hèlugbarða,
kvatt til farar
knía hrausta,
erlendra ýta
átthaga til?“

26. „Hve hefir slíkr
halr, sem þú,
konu kinnfagra
frá köppum numit
fjarrum láðum frá,
ok fólkrannra
bragna tekít
brúði ljósa?“

27. „Föður þínum til
feikna harma,
lýð ok láði til
leiðrar mæðu,
fjandum frekum til
fremstrar gleði,
en sjálfum þèr, slinni!
til smánar-hóta“.

28. „Þorir-at þú nú,
þrjótr, at bíta
Menelásar
ins morðvana.
Veiztu, inn meinragi,
hvat manni var,
er þú ítra namt
eigin-rúnu?“

29. „Ljár-a lið þèr
in ljóðsæla
gígja, nè gjafir
gyðju frygðar,

nè hár it fagrá
ok fegrð hver,
er þú lágt liggr
í láðryki“.

30. „Er nú liðum Brjáma
brostinn hugr;
mundir þú ella,
inn móðvani,
steini orplinn
á storð liggja,
fyrir böð bragna,
er þú búa ræðst“.

31. Aptr annsaði
Alexandr
öðlíngi mærum
inn ítrfagri:
„Hektor, er þú mik
hrópi kvaddir,
víst at verðúngu,
ok vánum eptir“.

32. „Er hjarta æ,
öðlíngr, þitt,
sem öx iðhörd;
ómiáandi,
sú er eyðir ótt
elkar-viði,
ok gegn um geíng,
und guma höndum“,
33. „Þess er trè telgir,
ok timbr högg,
er hann sævar svan
svartan reisir;
en þúng þveita
und þegns mundum
reitt högg rekr,
at riðit fái“.

34. „Þannig er lund þér,
þjóðar skati,
harðmóðig hvívetna

ρ. III, 55-73.

í hjarta lagin;
en lastaðu ei, lofðúng,
ljúfar gjafir
unaðrfrkrar
ástagyðju“.

35. „Er því eigi
ágætligum
gjöfum guða
á glæ kastanda,
er þeir gumum gefa;
en gumum sjálfum
gefst ei, þó gírnist,
gæfu at taka“.

36. „Nú ef gírnist þú,
níflúng,
mík at málmþrymu
mæki beita,
þá muntu seggi
setjast láta,
Akkverja alla,
ok öld Tróju“.

37. „Mik í miðju set,
ok Menelás,
vápnum vanan
vísi þjóða;
báðir skulum berjast
of it hjarta man,
ok of glóanda
gull it rauða“.

38. „En sá er svásan
sigr vinnr,
ok efri verðr
at vápnleiki:
veitist honum vel
vala-málm,
heim svá haldi
með hringa selju“.

39. „En aðrir þér
eptir sitjið,

at eiðum unnum,
í aldar friði,
ok Tróju byggit
tírargjarnir,
frjóvan og fagran
fjörgynjar beð“.

40. „En hallir hinir
halda skulu
aptr at jó-auðgu
Argos-láði,
ok áthaga
Akkverja til,
þars fljóð fegrst
á fold búa“.

41. Mælti hann svá;
en móðhugaðr
gladdist Hektor mjök,
er hann mál heyrði;
hepti fylkingar
fölvis reyna,
ok á miðjan fram
morðvöll gekk.

42. Greip gramr hendi
um geir miðjan;
sefuðust sóknharðar
sveitir þegar;
en Akkverjar
af ýbogum
hárprúðir hilmí
hremsur sendu.

43. Stefndu stálbryddum
stáfsvaldendr
gögnum ok grjóti
at grami frægum;
en Agamemnon
alda stýrir
hávum hreifa nam
herði-rómi:

ρ. III, 73-90.

44. „Stöðvið, Argverjar,
æði munar;
sendit grjót ekki
nè gögnflaugar;
stendr því stillir
studdr geiri,
Hektor hjálmkvíkr,
vill við her mæla“.

45. Mælti svá mildíngur;
en málmþíngs boðar
hættu herleiki,
ok hljóðir urðu
at bragði þegar;
en böðstykr
her hvárn við
Hektor mælti:

46. „Heyrit mèr, Tróar
tírargjarnir,
ok bragnar akkneskir
brynhosaðir!
hvat ítr mællir
Alexandr,
sá er víg vakti
ok valdöggvar“.

47. „Byðr hann Tróum
týfrömum öðrum,
ok öllum Akkverja
alda sveitum,
at þeir vápn fögr
framla leggi
frjóvan ok fjölblómagan
á foldar þróm“,

48. „At sjóli sjálfr
síðan megi
ok Menelás
inn morðvani
miðjum á
mæki reyna
vápna velli,

ok vísar sjálfir
Helenu um
ok auð berjist“.

49. „En sá er svásan
sigr vinnr
ok efri verðr
at vápnleiki:
veitist honum vel
vala-málmar,
heim svá haldi
með hringa selju“.

50. „En aðrir vèr
vinir gerumst,
at eiðum unnum,
í aldar friði“.

51. Mælti svá mældingr;
en málmþíngs boðar
hljóðir urðu
á hervelli.
Mælti þá í sveit
siklingr frægr
Menelás
inn málrómsterki:

52. „Heyrit nú ok mtk,
ljörva þjóðir,
alls minn huga helzt
harmr þjáir;
bygg ek at herleikr
hætta megi
Akkverja ok Tróa
tíragjarnra“.

53. „Hafit því þér
þunga harma
þolat þrautgóðir,
ok þrautir beðit,
af ramri rimmu
ráða minna
ok Alexandra,
er jöru vakti“.

ρ. III, 91-110.

54. „Bíði bana sá,
er bráðimmar
feigðarnormir
feigan kjósa;
en ýtar aðrir,
at öllu sáttir,
hætti sem skjótast
hildi sðan“.

55. „Leiði nú lömb
lýðir hinnig,
annat hvítt, annat
ullu svartri,
Fjörgyn at fórn
ok fagrahvels ás;
munum Selfi vèr
sækja annat“.

56. „Sækit ok Brjánn
buðlung hingat,
at sjóli sjálfir
setji eiðstafi;
eru því arfar
aldins vísa
seggir svikráðir
ok svalbrjóstaðir“.

57. „At ýta eingi
eiðum spilli,
nè tryggð rjúfi
ok trúnað eyði;
er því úngum æ
eimnis reynum
á hveli hverfanda
hugr laginn“.

58. „En ef aldinn er
með öldum halr,
mun hann sjá, þats var,
ok þats verða mun,
hversu hugkvæmast
hlutir falla,

eiðvinnendum
til yndis báðum“.

59. Mælti svá mildíngur;
en í mun glöddust
Akkverjar ok Tróar
tíragjarnir,
er þeir hugðu
ok í hug væntu,
at eyddist eymdir
eimnis hríða.

60. Hældu halir þá
höstum fákum
í röð, ok rekkar
af reiðum stigum,
klæddust málmí úr-
meginþúngum,
létu vápn á völlum,
váru þètt saman,
ok svigrúm sárlítt
sveita milli.

61. Sendi Hektor þá
herkallara
tvá til böðstýrkra
Brjáms hermúra;
at sauði sækti,
ok siklíng aldinn
bæði Brjám svífa
böðþjóða til.

62. En Agamemnon
alda stýrir
Talpybíus sendi
inn týframa,
at hann at húðhvældum
hrannar dýrum-
svífi, ok sauði
sækja knætti;
nè óhlýðinn var
ítr gumi

orðum allvalds
Agamemnons.

63. Hvarf til Helenu
af himinstöðvum
Íris, alfagrs
unadsvanna;
var veglig gyðja
at vexti glífr
arfa Antenors
eigin-rúnu,
Láodíku,
þá er lófóúngur,
hróðmógr Antenors,
Helfkon átti.

64. Sá var sífkona
svásrar Helenu,
björtust alin
Brjáms dætra;
hitti hún Helenu
í herbergi.

65. Hafði uppi
háborin frú
vef vandaðan,
ok vefa knátti
skikkju skróðfagra,
skrautlitaða,
ofna purpura
prýðilegum.

66. Dreifði fögr drós
dýrðar gliti
dreyrgum á dúk
darra leiki
Tróa fákvaldra,
ok tíragjarnra
alda Akkverja
eirserkjaðra,
þeim er þjóðir
þreyta hlutu

und herguðs höndum,
hennar vegna.

67. Nærri standandi
námdúks hildi
mælti þá Íris
in iðjaskjóta:

68. „Gakk hinnig, göfug
goðborin frú,
attu undrsjón
angum leiðir,
tryggðir Tróa
týfakvaldra,
ok Akkverja
eirserkjaðra“.

69. „Þeirs Tyrri váliga
veita knáttu
hvárir öðrum
hildi targa
hervelli á,
ok helzt of vildu
dýja darr
at dreyrgum undum“.

70. „Sitja nú þöglar
Sviðris þjóðir;
hættir hljómpýtr
hjörva veðrs;
standa studdir nú
sterkum hlífum;
eru fleinar festir
í foldarþröm“.

71. „En Alexandr
ok ítrfrægr
Menelás,
inn morðvani,
vilja laungum nú
vigum berjast,
hvárri þik hljóta skuli,
haddfagrt man!
Svá mantu sögð,
p. III, 128-146.

þess er sigr fær,
ljúfust beðja
lögðis reynis“.

72. Mælti svá gyðja,
ok mærum svanna
vakti saknaðar
svása laungun
eptir ýtrum ver,
þeim er áðr naut,
ok foreldrum eptir
ok föðurborg.

73. Bjó sik brúðr
blæju smágjörvri,
silfrglitranda
snjóvi glökri;
hvarf hilmis kván
úr herbergi;
hrundi hvarmdögg
at hlýram ljósum.

74. „Var-at hún ein:
henni fylgdu tvær
þekkar úr sal
þjónustumeyjar:
Eþra, þrúðlynds
Pítþeifs dóttir,
ok Klýmena
in konúngeyga“.

75. Komu skjótliga
skýrar hrundir,
þar er Skæhlið
skulfu á hjörum.

76. Sátu seggir
sveita elztir
at Skæhliði,
skatar þjóða:
Brjámr, buðlúnger
borgar Tróju,
Panþóus knár
ok Klýtús,

77. Ítr Lampfús,
ok settstafr
Aresar ágætr,
Íketáon,
Þýmöytes jöfurr,
ok Úkalegon,
ok Antenor
inn ágæti;
váru báðir þeir
bragnar öðrum
fremri at forsja
ok fyrirvísi.

78. Váru hættir þeir
hildar leiki,
alls þeim elli
aptra náði;
váru þó vitrir
at vígráðum.

79. Váru þeir áþekkir
eingisprettum,
fögru laufi í
fagrlima:
sitja ok sýngja
ok at sjótar eyrum
leiða ljúfan eym
liljusvásan.

80. Sátu þannig
sjótföringjar
á turni hám
Tróju múra;
en er þeir litu
ljósa brúði,
Helenu, hverfa
at hervirki,
þá mælti einn hverr
annan við
hægt ok hljóðliga
hröðum orðum:

81. „Eigi eru undr,
p. III, 146-165.

þótt Akkverjar
brynhosum búinir
ok Brjáms liðar
of svanna slíkan
sókn of þreyti,
ok eynd ali
aldr lánan“.

82. „Er því brosfögr
brúðr næsta
óðauðligum lík
uppheims gyðjum;
en þótt fögr sè hún
ok fremst kvenna,
þá skal hún árna
at ægis ljónum;
nè hún várra
niðja verði
illt aldrtjón,
þá er aldir líða“.

83. Svá mundu mæla
mildíngar aldnir;
kvaddi hilmir hár
Helenu síðan:

84. „Lífð hinnig, ljúfa mín!
ljósagrt man!
sezt hjá mèt sæl,
svása dóttir,
attu sífjunga
sjáir ok vini,
ok þanns fyrri var
framligr verr“.

85. „Ert-at-tu minna
meina um völd;
eru guðir valdir
óðauðligir;
vöktu vísar mèt
veldis himna
iðspjöll altárug
Akkverjum mót“.

86. „Seg mér nafn, svanni,
sókindreings þessa,
sá er stendr þar
stórr um vaxinn;
er hann öðlingum
Akkverja með
vænn ok vaskligr
á velli at sjá“.

87. „Ok þótt aðrir sè
öðlingar honum-
vexti hærri
með hersveitum,
aldrei augum þó
annan leidda-k
fríðan ok fagran svá
ok fyrirmannlígan;
er hann all-líkr
öðlingmennni“.

88. Svaraði síklíngi
sjónfagrt man,
Helena, horskust
hauðs drósa:

89. „Ertu ætíð mér
öllum hærri,
ok virðingar verðr,
vers míns faðir!
vilda-k valinn mér
vandan dauða,
ok faðmlög ferlig
feigðar dísar,“

90. „Þá er ek ítrum
arfa þínum
fremst of fylgdak
af fóstirláði;
þá er ek bjóst
úr brúðsölum,
og fyrir lét
frændr mína;“

91. „Ok barn mitt, blífvarit
p. III, 166-184.

bríma ástar,
ok jafnöldrur,
er ek unna fremst.
Mundi-t þá eynd þessi
öldum þjaka;
renn ek því raunmóð
römum tárur“.

92. „Þér mun ek, gylfi,
gerst of segja,
alls þú spyr mik
ok eptir frèttir:
er öðlingr sá
Agamemnon,
allvaldr alþjóðar,
Atreífs niðr“.

93. „Fremstr er fylkir
fólknáránga,
fremstr fólkefðra
fólvis reyna.
Var hann mágtr minn,
meinráðs svanna,
meðan Menelás
minn var bóndi“.

94. Mælti hún svá;
en mildíngur
öðling undraðist,
ok orð um kvað:

95. „Sæll ertu, ágætr
Atreífs niðr!
goðheillum góðum
á grund borinn!
haldinn hamíngju
hauðri ofarr!
Víst ertu, vísi!
vígmæringa
akkneskra margra
yfirstýrir“.

96. „Fór ek ok fyrrum
at Frýga láði,

völlum víngróða
vöxnum mærum;
fann ek Frýga þar
fjölmennasta,
rekendr rökva
reiðarbríma“.

97. „Váru lýðir þeir
lofðungum háðir
Ótreifi, ok Mýgdoni
meginfrægum;
lágu hildingar
herbúðum í
at Saungár-bökkum
svarðar-gljúpum“.

98. „Var ek mækis með
mærum reynum;
lèða-k liðveizlu
lýðum þeima;
þat var tíð þann,
er þrymvanar
svifu skjaldmeyjar
á skilfíngs eingi“.

99. „Váru þó hvergi
hersveitir þær
fráneygum glíkar
fyrðum þeima“.

100. Sá sjóli at þat
siklíng frægan
Odyssees, ok fremst
of frétta nam:
„Seg mēr, svás dóttir,
hver sá muni;
nefu mēr ok nafn
niðlúngs þessa“.

101. „Er hann lægri
at líkams hæð
Agamemnoni
Atreife niðja;
eru herðar beims

ρ. III, 184-203.

breiðvaxnari,
brínga breiðari
en á böðvaldi“.

102. „Liggja vápn lagin
á láðvelli
fögnum ok frjóvum
at fótum niðri;
en sjálfr hann
sem hornglói
gegn um gumna sveim
greiðla þýtr“.

103. „Jafna-k jöfri þeim
jöru kunnum
ofrhryníng við
ullarsælan,
þeim er fjár-svetma
svífr gegn um,
fjöld fannhvíta
fríðra sauða“.

104. Svaraði siklíngi
Seifi borin
Helena, horskust
hauðrs drósa:

105. „Sá er lofðungur
Laerts arfi,
Odysseifr
inn ítrráði,
sá er Íþaks-ey
alit hefir,
hauðr háfjalla
hömrum varit“.

106. „Sá veit vísir
vélráða gnótt,
slægastr manna
fyrir mold ofan“.

107. Svaraði aptr
svanna mærum
Antenor
inn eljunprúði:

108. „Rætt mundir þú,
ristill, mæla,
ok orð ólogin
þú inna knáttir;
því at Odysseifr
inn ítrfrægi
hafreiðum hêlt
hinnig áðr“.

109. „Hêlt hann þín vegna
hêlugarða,
ok Menelás
inn meginprúði;
gista-k grami
gestbeinliga;
veitta-k vísun
at vegaölum“.

110. „Knátta-k kynnast
konúngum báðum
ásýndum at
ok ítrspeki“.

111. „En er Tróum með
túrgjörnum
avífu síklíngar
at sjóþíngi,
þá var Menelás
inn meginprúði
hæri at standendum
herðabreiðr;
en at sitjendum
sjólum þótti
fylkir Odysse
fyrirmannligri“.

112. „Ok er ypptu þeir
fyrir eyrum sveita
rökum ráðgjúpum
ok ráðspeki,
mælti Menelás
mildíngur þá

skjótt ok skapliga,
en þó skýrliga“.

113. „För orðum fám
fremst of snjöllum,
nè margmáll
mildíngur var;
gætti gagnorðr
greinar sianar,
þótt hann at aldri
ýngri væri“.

114. „En er Odysse
inn ítrráði
reis upp reistum af
ræðu-stóli:
stóð stillir æ,
ok á storðu leit;
festi fyrst sjónir
á foldar þröm“.

115. „Veifaði-t vísir
vendi helgum
hinnig og þinnig
í höndum sér;
hêlt grafkyrrum
gramr sprota,
var guma glíkr
greinar-vana;
halda mundu halir
hílmí vera
mann magnreiðan
eðr megin-heimskan“.

116. „En er ræðu rödd
renndi mildíngur
eljunar landi
iðsvinnu frá,
iðaði orðgnótt
undrsamliga,
sem snjár svífr
frá svölum hinni“.

117. „Þá skyldi eingi

Odyssseifi

þreyta mun móti
moldbyggjenda;
nè oss furða
framarr virtist
lofðung at líta
at lýðsveitum“.

118. Leiddi augum enn
aldinn skati
þjóðvald inn þriðja,
þrymsterkan hal,
Aiant, ok enn
eptir frètti:

119. „Hverr þar annarr er
öðlíngr sá
mikill vexti
ok mannvænlig?
Hreykir hávaxinn
höfði ofarr
Akkverjum öllum,
ok öxlum brekðum“.

120. Annsaði öðlíngr
ágæt brúðr,
svanni seifborinn,
sfömöttlaðr:

121. „Aiant þat er
inn ógnami,
morðmúrr Akkverja
meginstyrkr;
en á hönd aðra
Ídomeneifr
stendr konúngr
at Kríteyíngum“.

122. „Eru safnaðir
sjóla kríng um
kappar Krítar
knáir næsta;
gisti opt mildíngr
at Menelásar,
p. III, 223-242.

oru at inni
á Argos-láði,
þá er karskr kom
frá Krítar-eyju“.

123. „Sè ek alla aðra
öðlíngr nú,
fráneyga fíra
fóstrjarðar;
velt ek alla vel,
ok vísa nöfn
kann ek, konúngr,
kær at telja“.

124. „Má ek þó eigi
mildíngr tvá
augum leiða
eljunprúða:
mák-a ek mæran
móðnis þreyti,
Kastor, líta,
nè knefastyrkan
Polýdevkes
inn prúðlundada,
sjóla sammæðra,
sifa mína“.

125. „Eðr hvárt hældu ei
hildíngr frá
láðfrjóvu láði
Lakedemónar;
eðr hældu þeir
hèlugbörðum
yfir hafs hrannir
at hauðri þvísa?“

126. „Eðr vilja nú
vísar eigi
fólkvíg fremja
ok fólvi reyna,
alls fólkskatar
fyrirverðast,

er ek illri smán
orpin vark“?

127. Ræddi svá ristill;
en röskevur sjólar
fálust frjóvu í
foldar skauti;
þeim í láðfagri
Lakedemón
fróaði faðmr
fóstrjarðar.

128. Fóru kallalar
um konúngs borg;
báru týhelga
tryggðar eiða:
lömb tvö, ok ljúfan
láðvegs gróða,
gómsætar gullveigar
í geitbelgi.

129. En ídeifr
ítr kallari
vínbikar bar
birtu fáinn;
ok gulli glæstar
gumi hreifði
helgum höndum í
heita skálar.

130. Stóð at öðlíngi
aldri vorpnum;
hvatti hilmí
hröðum orðum:

131. „Rístu upp, lofðúngur,
Láomedons niðr!
kalla karskastir
kesju reynar,
Tróar fákfrægir,
ok fólkuþvön
eirbrynjaðra
Akkverja sjót“.

ρ. III, 242-260.

132. „Attu at sveitvelli
svífir niðr,
ok böðþjóðir
bindist tryggðum;
en Alexandr
ok öðlíngur
Menelás
inn morðvani
munu svásan um
svanna berjast
lensum laungum
á láðvelli“.

133. „Skal hrund fylgja,
þeim at hjaldri sigrar,
gull ok gersemar,
ok gildir áurar;
en vèr aðrir
munum eptir sitja,
at eiðum unnum,
í aldar friði;
munum Tróju byggja
meginsfrjóva“.

134. „En halir hinar
halda skulu
aptr at jóauðgu
Argos-láði,
ok áttþaga
Akkverja til,
þars fljóð frfóust
á fold búa“.

135. Mælti hann svá;
en mildíngi
hrollr skelfði
hugar sæti;
bauð sveinum sjóli
silfrtoppum
rennivökrum
fyrir reið beita.

136. Hlýddu hilmí þegar

horskir sveinar;
 stæ ræsir at þat
 á reiðar sæti;
 tók í tauma
 at teygðum streing
 ok at sêr dró
 dróttar vísi.

137. Settist Antenor

hjá öðlíngi
 hávan hástól á
 hvelsvífanda;
 hældu hildingar
 at hervelli
 fákum skeið-skjótum
 um Skæju-hlíð.

138. En er konúngar

of komnir váru
 öldum Tróju at
 ok Akkverja,
 renndu sêr ræsar
 af reiðum niðr,
 á foldveg frjóvan
 falinn blóma;
 svifu týframir
 Tróa milli
 ok Akkverja
 eljunprúðra.

139. Rísu upp rökstjórar

reginvaldir;
 Agamemnon
 alda stýrir
 ok Odysseifr,
 allra fremstr
 siklínga snjallra
 at slægvizku.

140. Geingu göfgir

guma kallarar;
 banda blíðra
 báru eiðstafi;

ρ. III, 260-279.

blændu blkar í
 björtum veigum;
 helltu vatni á hendr
 hildar stjórur.

141. Dró Agamemnon

yfir-stýrir
 blótsveðju beitta
 úr bandhlífum;
 hëkk æ eggæár
 einnis systir
 at siklíngs hlíð
 hjá sverðskeiðum.

142. Snelð siklíngar

af sauba höfðum
 eiðtoppa alhelga,
 ullarmjúka;
 en kallarar
 kappa stjóra
 deildu toppum þeim
 dýrstra milli
 Akkverja ok Tróa
 tírargjarnna.

143. Fórnaði höndum

fólka jafarr,
 Atreífs arfi
 Agamemnon,
 ok fremst um bað
 at frömdum eiði:

144. „Allsóðr af íðu

öld stýrandi,
 öllum efri
 aldar vëum!
 ok Helíus,
 þú er hvervetna
 augum leiðir allt,
 ok allt of heyrir!“

145. „Jörð ok íbúföll

jörmungrundar!
 alstyrkir jafarr

undirheima,
þær er dauðra at
dæmit vœum

menn meinsvara,
þótt moldu hyljist!

146. „Verit vátтар nú,
vísar ríkir!

ljáit yðra vernd
várum eiðum!“

147. „Ef Alexandr
ítrfægan

Menelás
mæki vegr,
þá skal hildíngur
Helenu fá,
ok iðgnótt aura
alla taka“.

148. „Höldum vør þá heim
hèlugbörðum
bekkjar blárastir
báru þrúgnar“.

149. „En ef Alexandr
aldríón hýör
bleikhárum fyrir
blóða mínum,
þá skulu Tróar
tírgjarnir

Helenu skíla
ok skírum meiðmum.

150. „Skulu þeir Argverjam
einnig veita
smánar-bætr,
þær er sæma þykkir,
at víðreign vár
verða megi
nefnd með öldum æ,
ok uppi vera“.

151. „En ef Brjámar
ok Brjáms niðjar
p. III, 279-298.

synja mër slíka
sæmd at veita,
ef ítr fellr
Alexandr
fyrir mærum mundum
Menelásar“,

152. „Þá mun ek þreyta
þrimars leika,
ok of smánar-bót
sókn of drygja;
hèr mun ek dvelja,
ok darri veifa,
uns ek enda sæk
ímunveðra“.

153. Svá mælti sjóli,
ok sauðkinda
brá á barka
beittri svedju,
lagði lömb niðr
at láðvegi;
en þau sprikluðu
sperrtum fótum,
þá er lamba líf
leið úr brjósti,
því at eirr eyddi
andartökum.

154. Skvettu skatar
úr skaptkeri
víni skæru af
skálum gullnum;
báðu bragníngar
bænum heitum
jólna allvalda
æverandi;
mundi margr þá
at morðsveinum
Akkverja ok Tróar
orð um kveða:

155. „Seifr, öllum efri.“

aldar vœum,
ok guðir aðrir
óðauðligir!
eins ok lagar nú
láðvelli á
heili svæfðra
sauðar-kinda,
ok eins ok veigar
um vág renna“:

156. „Látið segg svá deyja,
þann er sinnir eigi
eiðum, ok fyrri
eiðspjöll rýfr;
sjálfan hann afmát
ok ættarbaðma,
ok fjandr fláir
fljóð hans nemi“.

157. Mæltu þeir svá;
en meginráðr
eigi heyrði þá
uppheims vísir;
mælti þá Brjámr
inn böðsnjalli,
Dardani getinn,
at dólg sveitum:

158. „Heyrit mæ, Tróar
tíragjarnir,
ok bragnar akkneskir
brynhosaðir!
Held ek nú heim
um hæl aptr
allhárrí at
Ilíonsborg“.

159. „Mák-at ek því
mínum leiða
augum ítíran
ástsælan mög,
þá er hann móti
inum morðvana“.

ρ. III, 298-316.

mæki reynir
Menelási“.

160. „En Seifr veit,
ok sigtívar
upphímíns aðrir
óðauðligir,
hvárn feigðarnorn
saðma muni,
döprum darraðar
danða-tökum“.

161. Mælti svá ræsir,
ok á reiðar stól
lömb nam at láta
lofðúngr mærr;
stè upp at þat,
ok jótauma
at sèr endlánga
allvaldr dró.

162. Settist Antenor
hjá öðlíngi
hávan hástól á
hvelsvífanda;
hèldu hildíngar
á hjólsætum
aptr ítrir at
Ilíonsborg.

163. Stíkuðu nú stað
stúfsvaldendum,
einvíg at þreyta
æðl þrúngit,
Hektor hjálmkvíkr
hróðmög Brjáms,
ok Odysseifr
inn ítráði.

164. Hristu hluti
halir síðan
ægi í of þat
elri vörðum,

hvárr skyldi fyrri
fira þeirra
morðgeir málmvarinn
úr mundu knýja.

165. Hófu bragnar bæn
buðlunga til
himins há sala,
höndum fórnudu;
mundu margir þá
málmþings boðar
Akkverja ok Tróa
orð um kveða:

166. „Allföðr, ídu frá
ofan lítandi,
öllum efri
aldar vèum!
láttu þann kða
ljóssheimi frá,
ok í Hadess heim
hverfa niðr“.

167. „Þann er með þjóðum
þrymu vakti,
ok oss um varp
illum nauðum,
en at oss verði
eiðar geymdir,
tryggðir vèhelgar
ok vinahót“.

168. Mæltu með sèr svá
málmþings boðar;
en Hektor hjálmkvíkr
hristi luti,
snèri öfugri
ásjónu frá;
upp kom lutr skjótt
Alexandrs.

169. Settist ájót at þat
í sveitraðir,
hverr í sæti sitt

p. III, 317-337.

þar er sèr hverjum
fákr festr stóð
fótum-lètt,
þars lýðvápn lágu
láðvelli á.

170. Bjóst nú björtu
Bölverks skrudði
ok of axlir varp
Alexandr,
vaxtar-fagr verr
vífs ins mæra,
Helenu haddfagar,
hauðrs ljóma.

171. Festi fagar
fótleggjum á
brynhosur, speingdar
björtu silfri,
bendi blóðleiku
of bringu sèr,
átti Lýkáon,
lofðánga bróðir,
en hjálmgöll féll
at hildings limum.

172. Varp at lét vísir
á vænar herðar
sverði sárbeittu,
silfrnóðduðu,
vápnir eirvörðu,
ok víðri törgu,
sterkri ok stinnri,
stíllir faldist.

173. Glæstan gullfáin
gramr fagr
setti síðan
sèr á höfuð;
var hrosshárs-burstu
hjálmr faldinn;
iðaði jörmunfax
ægilliga.

174. Greip geir stinnan
gramr at þat,
þann er höndum-hans
hæfa mundi;
þjóst ok buðlúgr
Bölverks váðum,
Menelás
inn málrómsterki.

175. En er buðlúgar
beggja þjóða
hertýgjast höfðu
at hersveitum,
svífu þeir snarlíga
á svæðis miðju,
Akkverja ok Tróa
ítra milli.

176. Bistum brúnum
buðlúgar hleyptu,
öttu ægum
ennimánum;
furðaði fáklipra
fíra Tróju,
ok bragna akkneska
brynhosaða,
er þeir lofðunga
líta gátu.

177. Stóðu stríðmóðgir
á stað settum,
mældum morðvelli,
mildíngar tveir;
darr of dýðu,
dólghlíf skóku,
hótuðust heiptyrðum
hræðiligum.

178. Sendi fyrri flein
fríðr sjóli
Alexandr
afarlángan;
hæfði hvelða rönd
p. III, 338-356.

hríngborðsjafta,
þá er ítr bar
Atreífs niðr.

179. Gekk-at þó geirr
gegn um törgu
eiri varða;
oddr bognaði
skapta á skæru
skjaldar hveli.
En Atreífs arfi
örðigr reis
hátt hervæddr,
hèt á Alkfödur:

180. „Veit mér nú, vísi
vegsalar heima,
at ek hefnað hróps
þess ins hermiliga;
at ek Alexandr
ítran deydak,
er mik fjandskap varp
at fyrri bragði“.

181. „Lát nú hal hníga
fyrir höndum mánum
at ókomnar
aldir skelfist,
ok at optar ei
ýtar veiti
gestvini hverjum
græmi stríða,
er hann áðr þeim
af alúð veitti“.

182. Bað svá buðlúgr,
ok böðvar'geiri
vígtrylldr veifði
at vígra leiki:
hæfði hvelða rönd
hríngborðsjafta
hlífir Brjáms burar,
bragníngs fagns.

183. Gekk geirr stinnr
 gegn um törgu
 eiri eflða,
 ítrfáða;
 brauzt í gegn um brynju
 bragnings fagra,
 hagliga gjörva,
 herfleins oddr.

184. Skáru skikkjudúk
 skarpar eggjar
 beint undir brynju
 at buðlungs nára;
 en bragníngi
 beyðist niðr,
 forðaði fjörvi,
 ok feigð of dvaldi.

185. Dró þá ítr
 Atreifs mögr
 sverð sáreggjat,
 silfrnaddat;
 hóf upp skati
 ok hrotta laust
 hjálmstól herkumla
 höggi þúngu.

186. Saung í sverðbrandi
 und siklíngs hendi;
 brast blóðrefill
 brotinn sundr;
 þreföld, fjórföld
 at foldar jaðri
 skullu sköfnings brot
 úr skata greipum.

187. Þá varð móðakarn
 Menelásar
 Atreifs arfa
 ekki þrúngit;
 ok í sverða sorg
 siklíngi leit

til upphimins
 ok orð um kvað:

188. „Er-at annarr,
 Allföðr, þær
 verri ok váligri
 vða nokkurr;
 munda-k nú hafa
 hefndir tekit
 Alexandri á
 fyrir eymdir mínar“.

189. „En í mundum mæ
 mækir brotnaði,
 stökk stúfrefill
 stæltr sundr;
 hrökk mæ herbrái
 hölztí ónýtr
 meinlauss úr mundu;
 mátti-k-at hal deyða“.

190. Þeim kvað þeingill
 þúngum orðum;
 spornaði foldu fast
 fótum styrkum;
 þreif höndum hörðum
 hástól glæstan
 fjörnir fæxa
 feikngrúfandi;

191. Snæri sjóla við,
 ok svárum móði
 dró til Akkverja
 eirserkjæðra;
 herti hjálmreim
 at hildíngi;
 knúðu hvítan háls
 herði-ólar
 smátt saumaðar
 at svíra bundnar.

192. Dregit hefði dreing
 döglingr þar,

ok sigfrægðar
sèr of feingit,
ef ei it mæra
Allsóður jóð
hefði annat ráðit,
Afrodíta.

193. Brá blíðu-dís
böndum sundr,
bola böndum,
þess er bragnar skáru;
hèlt hildíngr
hjálmi tómum
(nè hauss fylgdi)
höndum styrkum.

194. Fleygði fylkir
fjörni tómum,
veifði ægi í hring,
til Akkverja;
en hann þegar
horskir tóku
ýtar upp
Agamemnons.

195. Aptr freistaði
eljunsárum
móði Menelás
mildíng at vega
vigri eirvörðum;
en voldug gyðja
Alexandr tók
Afrodíta.

196. Var þat hölztu hægt
himins gyðju;
fal hún fríðan ver
firinnjörkva,
hann í svásan sal
setja náði,
árgan ilmanda
ítrsætri.

197. Sveif gyðja síðan
svanna at kalla,
Helenu horska,
hrunda prýði;
hittí hún hana
á hávirki;
váru drósir margar
drottningu kring um.

198. Snerti sjafna dís
silfrglitaðar
línblæjur ljósrar
lofðúngs brúðar;
var gyðja glíf
gamalli hrund,
spuna-konu
sprakka ins mæra.

199. Sú vann ullar
aldin tróða
lagða lánggreifða
at Lakedemóni;
sú unni Helenu
hrunda mest;
þeirri gyðja glíf
goðborin kvað:

200. „Gakktu hinnig,
it horska man!
vill Alexandr
attu inn svífir;
blundar hann á beði,
brosir hann á dóni,
dreymir hann dýrðligum
draumbríkum á“.

201. „Orpinn er öðlingr
yndis-ljóma,
ok klæðum kostligum,
nè þú kveða mundir,
at frá hildar bríf
hafi svífit

blíðr bóndi þinn
á beðdýnu“.

202. „Mundir þú heldr
hildíng ætla
búinn með drósum
dans at stíga;
eðr hefði hann
hvíldar leitað
létan eptir leik
líða stundu“.

203. Mælti svá gyðja;
en mærum svanna
meirr svall móðakarn
móðgu yndi.
En er hvítan háls
himindísar
víf it ljósa leit
ljóma undinn;

204. Er hún brjóstbúngur
bylgjandi sá,
ok svásra sjónstjarna
sædjúpan hríng:
undráðist iðfögr,
ok orðum þeima
uppheims-gyðju
ávarpaði:

205. „Hví viltu glepja mik
gælingar orðum,
gyðja grímmhjörtuð,
gremisárum?
viltu varpa mæ
víðar um jörðu,
fagrreistra til
fleiri borga?“

206. „Frýgfu til
fjövra láða,
eðr Meóníu
munaríagnar?
áttu þar annan

ρ. III, 391-412.

ástvin, gyðja,
mærrí mælandi
manna röddu?“

207. „Er Menelás
at morðleiki
sigráði ítran
Alexandr;
ok mík, mansmán,
at mildíng vunnum
flytja vildi
til fósturjarðar“.

208. „Svífr þú til mín
slægum vélráðum
hluta þessarra
þúgráð vegna? —
Svífr þú síklíngs til,
seztu grami hjá;
nè á glæstum gakk
goða brautum“.

209. „Stífg þú ei á stírnandan
stólveg himna;
nè þú íljum troð
Ólýmps sali;
harma hans at hlið,
himindís, æ;
vertu honum hlíf
hverra rauna“,

210. „Uns hann þín of fær
at eigin-rúnu,
eðr ánaudga
ambátt gerir;
geing-at ek þínnig,
gram vil-k-at líta;
hygg ek þat sízt
hjarta sæma“.

211. „Sízt mun ek með sjóla
sæng of byggja;
munu meyjar Tróju
mík allar fjá;

hlaðast sorgir mitt
hjarta kríng um,
ótal sorgir,
er ek undin emk“.

212. Reiddist bríma-björt
blásalar gyðja,
ok aptr annsaði
ítrum svanna:

213. „Reyt mik ei til reiði,
ríklunduð snót,
at ek ei æfleið
þik yfirgefi,
nè þik jafnfrekri
fjón of verpa-k,
ok nú elska-k þik
inniliga“;

214. „At ek yppak ei
ægum raunum,
beysti böðþjóðir
belskum harmi
Danáa ok Tróa
tíragjarnra,
ok þú sjálf svæfist
smánar-dauða“.

215. Mælti gyðja gröm;
en goðborin
hræddist Helena;
hugr glúpaði;
leið braut línvarin
lágims tróða
glæru glófögr
gliti sveipuð.

216. Leið á braut þegjandi
lofðungs brúðr;
sá-at snótir,
er hún sveif þeim frá;
leið hún, en leiddi
it ljósa man

hendi hulinni
himins gyðja.

217. En er komu þær
Alexandrs
hárrar hallar til
hála fagrar,
þjónustumeyjar
þegar geingu
valdrar vinnu til
vilgi traubar.

218. Gekk sólfögr
siklíngs beðja
hávan í sal,
þars hilmir lá;
en brosfögr
blíðu gyðja
sæti snjóhvítum
snerti mundum,
setti gagnvart grami
gullfagran stól.

219. Settist sæti á
siklíngs brúðr,
svanni sigtíva
sjóla borinn;
undan sá lðfögr,
ok eigin-ver
ámælis-orðum
ávarpaði:

220. „Komtu knárra frá
kappa leiki?
Vilda-k, at værir þú
of veginn þar
af fólkskata
frægum ok styrkum,
sjá var áðr minn
eigin-verr“.

221. „Þóttistu áðr
þrautefldari

at afli ok at armi,
ok at iðleiki;
kvaðstu þik knárri
en konúng mæran,
Menelás
inn morðvana“.

222. „Árna nú aptr,
ok öðling nýjan
mana morðleik í
meginraman.

En ek þér of ræð,
inn ráðfái verr!
attu haldir eigi
at hildar leiki“;

223. „Attu morðleikinn ei
Menelás við
bleikháran reynir
at böðvar leiki
(reikanda ráð
ræð ek slíkt vera),
at þér jöfurr ei
aldrtila
veiti dreyrgum
darra eggjum“.

224. Aptr annsaði
Alexandr
horskri Helenu,
hrunda prýði:

225. „Mátt-at-tu mik,
man it ljósa,
ámælis-örðum
illum verpa;
mundi því morðvönum
Menelási
Aþena veita
at einvígi“.

226. „Aptr mun ek síðar
öðling sígra;

eru með oss einnig
uppheims guðir“.

227. „Svíf nú hinnig, svása,
sólfagrt man!
skulum blíft búa
á beði saman;
brann-at mér brími
í brjósti slíkr
fyr til þín, Freyja
fagrljósa!“

228. „Elgi, þá lagða-k
frá Lakedemóni,
flutta-k þik blásvörtum
á brimdýrum;
lætum Lofn ráða,
ljúft var yndi,
sátum í sefi
í Svarfeyju“.

229. „Unna-k-a þér þá,
sem ek ann þér nú;
brenn ek blossanda
bríma ástar;
svellr mér sefi
sætu yndi,
ok innfjálgu
ástar móði“.

230. Mælti svá ítr
Alexandr;
sté á búinn beð,
beðja fylgdi.
Sváfu sæl bæði
á silki-mjúkum
dúni, döglingr
ok djúpelds leika.

231. En Atreífs arfi
æðisgeinginn
hamföllum hvarflaði
sem hrævargr,

ef hann hilmis nið
hitta knætti,
Alexandr
inn ítrfagra.

232. Mátti þá manngi
mækis þjóða
vísa hilmí á
horfinn skata;
máttu-t Tróar
tíragjarnir,
nè lofsælir
liðar þeirra
vísa öðlingi á
Alexandr.

233. Duldu dreingir ei
döglíng horfinn
virðum af vilja
eðr vináttu;
fjáðu fyrðar
fólkragan hal,
sem dauða dimman
dróttir hverjar.

234. Mælti þá mærr
at málmpíngi

Agamemnon

yfirstýrir:

235. „Heyrit mèr, Tróar,
ok Tróju liðar,
Dardana dreingir
darrum vanir!
víst hefir bleikhárr ..
blóði minn
sólbjartan sigr
sverði vunnit“.

336. „Látið nú af hendi
ljósagrt man,
Helenu horska,
ok hverjar meiðmar;
veitið ok, virðar,
vegligar bætr,
sjótum sæmandi,
at síðar megi
þat með öldum æ
uppi vera“.

237. Mælti svá frá
Atreífs niðr;
rómuðu ræðu
rekkar akkneskir.

FJÓRÐA KVIÐA.

SÁTU sigtívar
saman mærir
grami guða hjá
í gullnum sölum;
bar bjór svásan
böndum himna
Heba, alskærar
óðáins veigar.
Drukkust þar dýrir
döglingar á
(glatt var með guðum)
af gullkerum;
sáu Tróju til
tívar sælir.

2. Freistaði þá
frágr Kronusson,
hilmir hástöðva,
Hera at egna
æsingar orðum,
ok uppheims dís
— yppti horn-auga —
ávarpaði:

3. „Tvær 'ro gyðjur,
er týframar
stöða Menelás
inn málrómasterka:
önnur er Hera
in argverska;
hin er Apena,
Alalkomens dís“.

4. „Sitja þær ok sjá
sinni glöðu
fjarska í
fólvis leika;
er ólúk þeim
Afrodíta:

ρ. IV, 1-19.

gætir guma hins
gyðja brosfögr,
ok feigð ferligri
frá honum bægir“.

5. „Halp hám honum ná,
er hann hugðist nærri
döprum ok dimmum
dauða laginn;
vann þó vegsælan
vísir sigr,
Menelás
inn meginpræði“.

6. „En vèr sjá munum,
sigtíva fjöld,
ok um gætast
gjörðir þessar,
hvárt skulum aptr
hildi vekja,
ok ímunstunur
ægilligar“;

7. „Eðr með báðum
bæðvar-þjóðum
sátt vèr setjim,
ok sennu hamlim,
ef þat allra er
eptir vilja,
ok hugþekkt
himins búum“.

8. „Þá mun borg byggjast
Brjáms ins fólkvalda,
ok stöðir standa
stillis sala;
en Helenu aptr
at Argos-lábi
mun Menelás
mæra flytja“.

9. Mælti hann svá;
 en málmþíngs gyðja
 ok uppheims freyja
 ýskruðu við.
 Sátu saman
 svásar dísir,
 hugðu Tróum harm
 ok hel at vísna.

10. Sat Aþena,
 ekki mælti,
 nè mál um lét
 af munni líða;
 reið var hún föður
 inum reginmáttka,
 var hún öðri fyllð
 eljan-gremi.

11. En Hera ekki
 heiptum knátti
 gneggi í
 grimmum halda;
 svall sefi þrúnginn
 svárum móði;
 mælti heiptug þá
 himins freyja:

12. „Ægiguð ógaligr,
 arfi Kronusar!
 hví þú orðum yppir
 allvaldr, svá?
 Hví viltu allar
 at eingu gera
 þrautir mínar,
 ok móðgan sveita,
 er ek sveittan hefki
 at svalri rómn?“

13. „Hafa hölztu þreytzt
 hestar mínir,
 er ek sjótum saman
 safna náði,
 er ek Brjámi böl
 ρ. IV, 20-37.

of búit lètk,
 ok hróðmögum
 hilmis Tróju“.

14. „Ger þú, inn ginnsterki
 gramr himna,
 ok ráð ráð þú,
 er þèr réttast lízt;
 en vèr aðrir
 uppheims búar
 munum eigi þèr
 allir fylgja“.

15. Stundi þúngan við
 stillir himna,
 buðlúngr blásvarttra
 bólstra skýja:
 „Undarlig“, kvað hana,
 „uppheims freyja!
 hvert vann þèr Brjámr böl
 ok Brjáms kemir,
 er þú einatt reið
 óðfús þráir
 ágæta at eyða
 Ilíons-borg?“

16. „Mundir þú harmi
 of hrundit geta,
 ef þú inn geingin
 of aðal-grindr
 ok háva múra
 horfin yfir
 hráan upp ætir
 öðling mæran,
 blóðga bryddir
 Brjáms hróðmögu,
 ok ýta aðra
 Ilíons-borgar?“

17. „Ger nú, gyðja,
 þat þèr gagn þykkir,
 at eigi rísi
 út af þessu

illar deilir,
ok okkar milli,
þín ok mín,
þráttan verði“.

18. „En annat mun ek þér
orð of segja,
en þú geym
í geðknerri:“

19. „Ríst mēr í brjósti
reginmuni,
ok ek eyða vil
aðrar stöðvar,
aðra borg,
þar er inni byggja
ástvinir þínir
einka-ljúfur:“

20. „Skaltu þá eigi,
skatyrnis freyja,
mínun hamla mun,
heldr mēr hlýða;
þar gaf ek þér
þekkar borgir,
nifúngum naðefidar,
nauðgum huga“.

21. „Því borga allra
und bjartri sölu,
ok und blástirndum
bogum himna,
þar er dauðligar
dróttir byggja,
ok meiðnum deila
moldbúendr:“

22. Þeirra var mēr æ
Ilíons-borg
innan-brjósta
alhelg kærust;
Brjámr buðkíngur,
ok Brjáms lýðr,

döglíngs darrakelfis
ins dáðum-fræga“.

23. „Var-at því vant
veizlu-krása
blótstalla mínum
brögnum deilðra,
dreyptra dýr-veiga,
ok dásæts ilms,
heiðra hellagra
himinbúa“.

24. Svaraði svipmikil
sjóla aptr,
sjónfögr, tigin
salar gyðja:

25. „Þrjár erumk borgir
þekkastar allra,
ann ek þeim mest
í munarhelmi:
ann ek Argos,
ann ek Spöрту,
ann ek Mýkensborg
inni breiðstrætudu“.

26. „Eyddu þær, jöfurr!
aðalborgir,
ef þær harm auka
huga þínum;
ei mun ek aptra
armi þínum;
máttu þeim verpa
at moldar jafri“.

27. „Ok þótt ek vildi
því aptrat láta,
ok þér eigi leyfa
þær at eyða,
munda-k þó eigi
mega hamla;
er því máttur þinn
miklu ríkri“.

28. „En þó minni ei má

móðr verða
ónýtis til,
nè at öllu máttlauss;
em-k því einnig goð
ok af einum runnin
kynstofni með þær,
konúngur himna!“

29. „Ól mik alstyrkr
efsta dætra
Kronus, buðlúngur
inn bölvísi,
at kyni bæði,
ok ek kölluð emk
beðja þín, buðlúngur
banda svásra“.

30. „En í þessu þó,
þeingill, skulum
hvárt eptir annars
óskum fara:
ek at þínum,
þú at mínum;
munu jólnar oss
aðrir fylgja“.

31. „En þú skalt
skyndiliga
þjóða Aþenu
ímun-goði,
at hún til Tróa
ok Akkverja
naðels nauðsollins
niðr svífi“.

32. „Ok at rómu-dís
of reyna skuli
Tróa at egna,
at þeir Akkverja
dádfrægri drótt
drygi fyrri
óvina iðju,
ok eiða rjúfi“.

ρ. IV, 57-77.

33. Mælti hún svá;
en manna faðir
ok gramr goða
gerði hlýða;
læt Allföðr
Aþenu til
vænghröðum orðum
vikit þeima:

34. „Gakk þegar, Glóeyg,
til gunnar múga
Akkverja ok Tróa
tírarargjarnra;
reyn þú, rómu-dís,
reiðum-fræga
Tróa at egna,
at þeir Akkverja
dádfrægri drótt
drygi fyrri
óvina iðju,
ok eiða rjúfi“.

35. Mælti svá mildíngur,
ok móð of vakti
Aþenu, áðr
eljan-framri;
skundaði skjótliga
sköfnúngs Freyja
alglæstum frá
Ólýmps tindi.

36. Sem þá ins kænvísa
Kronusar burr
sfu Múspella
sendir bjarta,
mark á myrkri leið
marlföndum,
eðr hjörvönum
hildar sveitum;
þjóta gim-gneistar
frá gunn-ljósi

ótal umhverfis
alla vegu.

37. Þeim var glossa glífk
Ginnregins mæR,
er hún ofan fór
at foldar jaðri,
ok at svæði rëð
svífa miðju;
undradist alþjóð
á horfandi,

38. Tróar fákfrægrir,
ok fólksveimar
bragna akkneskra
brynhusaðra;
mælti þá einn hverr
annan við,
ok síns til leit
sinna næsta:

39. „Rísa mun aptr
refils glaumr;
munu aptr æsast
illar deilir;
eðr ok Seifr
of setja sætlar
frið ok fólklhlæ
með fyrða sveitum,
sá er mönnum með
morði deilir“.

40. Mælti margr svá
í megin sveimnum
Akkverja ok Tróa
tírgjarnra;
en Aþena,
Allföður jóð,
at sveitum Tróa
svífa náði.

41. Lík var hún lofþangi
Láodokusi,
Antenors arfa,

ρ. IV, 77-97.

ógnstyrkum ver;
leitaði at þrúðum
Pandarusi,
ef nokkurstaðar
næði hann hitta.

42. Hitti ljúfan
Lykáons arfa,
hraustan, herfrægan,
hjörva Freyja
standanda, en stilli
stöðu kring um
skarar skálmvanir
skjaldar hlyna.

43. Þat váru þeir,
er þeingli fylgdu
frá Esepus
unnar straumum.

Nærri standandi
naðels boða
vænghröðum gyðja
væk at orðum:

44. „Mundir þú hlýða mér,
inn herkæni
arfi Lýkáons.
ítrfrægr?
þá mundir þú þora
þeingli at senda
meginskjóta ör
Menelási“.

45. „Mundir þú árna þér
allra Tróa
þakkar og þokka
ok þjóðar lofs,
en þó allra helzt
af Alexandri
þakkir þiggja,
þeingils kundi“.

46. „Mundir þú gjafir
geta fríðar

fyrst ok framast
af fylkis nið,
ef lofoúngr lítr
lagðan jöfur,
Menelás
inn morðvana
Atreífs arfa,
fyrir ör þinni
ok bölblossanda
á bál stíga“.

47. „Heill svá! hremsu
sendu hildíngi
Menelási
inum meginfræga;
heit á Apollon,
inn ýviðs-fræga,
lofoúng lángskeytan
Lýkiu foldar“,

48. „Attu frumgetinna
færa skulir
honum hundraðsblót
helgra sauða,
þá er þú heim
of horfinn ert
sváshelgrar til
Seleyjuborgar“.

49. Mælti svá meginsterk
mækis Freyja,
vakti heimskum hal
hug í brjósti;
tók tvívið
törgu meiðr
skafinn, ok skæru
skrúði búinn.

50. Var hann fráum af
fjalla hafri,
þeim er fylkir
fyrir um deyddi,
p. IV, 97-116.

ok brjóst undir
bösl slaungvaði
fársfullu frá
fyrirsátri,
þá er hafr gekk
á hamar fram.

51. Hitti brjóst bokka
bösl at vettfángi;
föll hann upp í lopt
at arin-björgum;
váru horn há
úr hausi vaxin,
mældar sextán
mundar breiddir.

52. Tegldi hornsmiðr
högum mundum,
ok vandvirkir
vel ræð búa;
fágaði fagran
senju þeyti,
ok hring gullian
á glæ setti.

53. Bendi nú boga
bölþytvaldan
vísir, ok vel
á völl of lagði
studdan storðar þröm;
en stilli mæran
skatnar skálmramir
skjaldborg huldu,

54. At ei ímunþráð
Akkverja sjót
áðr upp þyti,
ok æsti rómu,
en Menelás vætri,
inn morðvani
Atreífs mögr,
at moldu hniginn.

55. Opnaði síðan

örvamæli
fylkir, ok loku
frá nam renna,
tók ör óskotna,
arinfleyga,
eiðu iðnauða
eljan-dimmra.

56, Hagræddi hilmir
hvatvísliga
broddi sárbeittum
á bendum streing;
hét á Apollon
inn víðs-fræga,
lofðung lángskeytan
Lýkiu foldar:

57. At hann frumgetinna
færa skyldi
honum hundraðsblót
helgra sauða,
þá er hann heim
of horfinn væri
sváshelgrar til
Seleyjuborgar.

58. Dró streingflangar
stillir síðan,
ok ýstreing
af oxahúð,
böl-síma at brjósti
bendan teygði.
en brodd at boga
beittan færði.

59. En er hafði hann
í hring látið
boga beygðan
at bölvi sáru,
þá gall glymjandi
fyrir grams höndum
streingr álms, en ör
in oddsára

ρ. IV, 116-135.

stökk af streing,
ok staðar vildi
nema óðfús
í naðels sveimi.

60. Gleymdu eigi þér
guðir sælir,
Menelás óðlíngr!
óðauðligir;
fyrst var ok fremst
fólkvígs gyðja,
feingsæl Apena,
Allföður jóð:
stóð hún, stillir,
sterk þér nærri,
ok bösl þér bægði
banvænni frá.

61. Væk hún valbroddi
frá vísis holdi,
eins ok mæðir
frá megi sínum
smám, sofanda
sætum blundi,
bægir flugu brott
blíðum armi.

62. Beindi broddi
branda gyðja
þángat, er brynbeltis
bjartar speingr
saman hældu
of sikling miðjan,
ok brynju-boðánger
báðir mættust.

63. Flaug dynfara,
ok festist í
brynju-belti
buðlungs praungu;
brauzt gegn um báinn
brynju linda,

ok brynkyrtíl
bjartan gegn um.

64. Gegn um bryndregil,
er buðlúngi
hörðum veitti hlíf
hremsum móti,
þann er hafði hann
yfir hörundi:
gekk þar ok gegn um
gagnar oddr.

65. Reist á efsja
öðlíngs hörundi
ben böðvarsárr
broddr fenju;
streymdi þegar
at storðu niðr
dökkur dreyri
frá döglíngs undu.

66. Eins ok þá fannhvítt
flsbein litar
purpura-liti
logarauðum
kona meðnsk,
eðr kárversk snót,
kinnbjörg á fákum
fleygtvökrum.

67. Geymdr er gripr
í geymslu-sal;
girnast riddarar
grip þann margir;
en hann göfgum gram
geymdr hvílir,
djásn ok dýrindi
á dunum reiðar,
at hann búníngs-bót
bæði sè
hesti, og heðr
þess, er hesti riðr.

68. Í líking þessa
ρ. IV, 136-155.

litast náðn
lær þín, döglíngur,
dökku blóði
vel of vaxin,
ok, vísir, þér
ruðust sótleggir
ok fagrir öklar.

69. Skelfdist við þá sýn
skatna stjóri,
aldar öðlíngur
Agamemnon,
þá er hann dökkvan
dreyra sá
laga láði at
frá lofðúngs undu.

70. Hryllti við sjálfan
inn hergjarna
Menelás,
morði vanan;
en er gramr leit
girnis tangar
ok örvar-króka
fyrir utan vera,
þá reis hildíngi
hugr aptr,
ok móðr í brjósti
meginsterkr.

71. Stundi þúngan þá
at þegna kind,
ok orðum yppti
Agamemnon,
tók í mildíngs mund
Menelásar;
en kríng um konúnga
kappar stundu:

72. „Bróðir bezt!
búit hefi-k eða
þér til andráns
ok aldrtila,

er ek þér einum
otaðak fram
fyrir Akkverja
mót öldum Tróju“.

73. „Lustu þik lævísir
liðar Tróju,
ok eiði alhelgum
eyða gerðu;
er-at þó eiðr
eingu nýtr,
nè lambs dreyri
á láðvöll runninn“;

74. „Nè óblandnar
eiða veigar;
nè hægri hendr,
er vèr hölztu trúðum.
Því þótt allvaldr
Ólýmps vísir
eigi hafi þegar
endalykt veitt“,

75. „Mun hann sekt setja,
þótt sðarr verði;
munn þeir ægillig
iðgjöld hljóta:
hausa láta,
hrundir missa,
sonum sviptast
fyrir svik ráðin“.

76. „Veit ek því vel,
ok þess viss of emk,
geymi-k þat gjörla
í geðknerri:

77. „Dragast mun dagr
yfir dróttmøgu,
er alhelg eyðist
Ilíons-borg,
Brjámr buðlúngr,
ok Brjáms lýðr,

döglíngs darrakelfis
ins dáðum-fræga“.

78. „Mun kynja-líár
Kronusar mögr,
sá er upphimin
efstan byggir,
yfir illum þeim
ægiskildi
svardimmum sveifla
sjótum öllum“.

79. „Reiðast mun ríkr
ragna-faðir
svikráðum þeim,
er þeir sýnt hafa;
mun þetta allt
eptir gánga“.

80. „En mèr, Menelás,
móðgir harmar
fyrir þik rísa
í fylgsnum hugar,
ef þú dapran fær
dauda þannig,
ok mæli fyllir
mærrar æfi“.

81. „Munda-k þá aumastr
allra manna
vatnslausra Argoss
vitja láða;
því at þá mundu
mærrar þegar
Akkverjar minnast
móðurjarðar“.

82. „Mundum vèr þá
málmþíngs boðar
óak mæраста
öldum Tróju
ok Brjámi buðlúngi
inum böðfræga,

Elenu argverska,
eptir láta“.

83. „En bein þín, bróðir,
bjöð mun feygja,
þars þú lágt liggr
í landi þvísa;
nè þú máttir
mundum knáum
verki snúa
at völdum enda“.

84. „Mun þá einn hverr
ofgángsríkra
Trójumanna
máli hreifa,
þá er hösvast hann
á hangi vorpnum
Menelásar
ins meginfræga:“

85. „„Vilda-k, at öllum svá
Agamemnon
reiði-reisíngu
rekkum veitti,
eins ok hann nú hèlt
her ónýtum
Akkverja at
oru láði““.

86. „„Hèlt hann nú heim
hrannar fákum
aptr at fögru
fóstrláði,
ok ítran kapp
eptir skildi,
Menelás
inn meginprúða““.

87. „Mun einn hverr svá
máli hreifa;
en svá mik svelgi
in svarta fold!“

88. Huggaði hilmí
p. IV, 173-192.

horskr bróðir,
bleikhárr Menelás,
ok beindi ræðu:
„Vertu hugglaðr,
ok hræð elgi,
öðlíngr, iðstyrkan
Akkverja lýð;
hefir-at inn hvassi
holund búit
böðvar broddr
á bana stað“.

89. „Hefir brynabelti
björg mér veitta,
ljóst ok liðugt
lista-smíði;
brynju-skyrta
ok bryndregill,
sá er eirsmíðir
áðr um gerðu“.

90. Svaraði aptr
síklíngi frægum
aldar öðlíngr
Agamemnon:

91. „Vilda-k víst óska,
at væri svá,
Menelás
inn meginprúði!
Látum nú lækni
líta á und,
ok á leggja
lyf ok smyrsl,
ef at knegi þau
kvölum eyða
döprum ok dimmum
úr dreyrgrí undu“.

92. Talaði tiggi,
ok Talþýbús
ítran kallara
ávarpaði:

93. „Gakk Talpýðús,
ok ger at sækja
skjótla Makáon
mæring hinnig,
mög ins lofsæla
læknis þjóða
Asklepíuss
ins ítrkunna“.

94. „At haan iðvísum
augum leiði
mæran Menelás,
mildíng Akkverja,
þann er einhverr
hefir öru lostið
bogmaðr týframr
Trójumanna
eðr Lýkverja,
til lofs sèr sjálfum
ítrfags,
en oss til mæðu“.

95. Mælti hann svá;
en mærr kallari
var-at óhlyðinn
öðlings boði;
sveif hann þegar
of sveitir allar
Akkverja lýðs
eirserkjaðra.

96. Skygndist skjaldhlynr
of skatna meingi,
mildíngi eptir
Makáoni;
hitti standanda
stilli mæran;
svifu kríng um hana
sveitir eflidar
skrúðvápnaðra
skjaldberenda,
þeir er hestauðgri

p. IV, 193-212.

hilmi fylgdu
Trikku frá
at Týs leiki.

97. Gekk kallari
at kappa þegar,
ok vænghröðum orðum
vísí kvaddi:

98. „Fylg þú mæ, ará
Asklepíuss!
kallar öðlingr
Agamemnon“,

99. „Attu iðvísum
augum leiðir
mæran Menelás,
mildíng Akkverja,
þann er einhverr
hefir öru lostið
bogmaðr týframr
Trójumanna
eðr Lýkverja,
til lofs sèr sjálfum
ítrfags,
en oss til mæðu“.

100. Kvað svá kallari,
ok í kappa brjósti
mæran vakti móð
megin-ríkan;
geingu gumar
gegn um fjölda
úamargan
Akkverja lýðs.

101. En er komu
karskir gumar,
þar er bleikhárr stóð
bölvi lostinn
Menelás
inn meginprúði,

102. Stóðu kríng um hann
kappar beztir

meingis morðliða:
 en í miðju stöð
 goðum glíkr
 gallar stjóri.

103. Dró úr brynbelti
 brodd iðsáran
 læknir námsæll
 nærri skornu;
 en er ör
 út var dregin,
 brotnuðu á bak aptr
 bǫldu krókar.

104. Spretti brynbelti
 af buðlúngi,
 brynju-boðángum
 ok bryndregli,
 er yfir lá
 öðlings miðju,
 ok eirsmiðir
 höfðu áðr gert.

105. En er und læknir
 hafði á litið,
 ok ben blóðga
 fyrir broddi sárum,
 sang hann úr sári
 svartan dreyra;
 lét á laghentr
 læknisdóma,
 þá er inn kænvisi
 Kíron hafði
 föður hans Tyrri
 frægum gefit.

106. En á meðan
 Menelási
 mæringar hjúkruðu
 málrómsterkum:
 þá geingu skálmramir
 skjaldar hlynir,

p. IV, 212-230.

Trójumenn, fram
 at Týs leiki;
 en Akkverjar
 á aðra hönd
 björtu bjuggust
 böðvar skráði;
 váru öðfúsir
 at iðleiki.

107. Mundi manngi þá
 milding hafa
 sæt svefnugan,
 sjóla mæran,
 Agamemnon,
 nè iðtraudan,
 nè vilja vana
 víg at hefja.

108. Heldr skundandi
 skilfingr var
 heiðrsælum at
 hildar leiki;
 lét eptir fáka
 fleygivakra,
 ok reiðar, eiri
 reginvarðar.

109. Hælt þjónn tiggja
 með taumum fríðum
 fákum snæsandi
 at fylkis baki,
 Evrýmedon,
 alinn frægum
 Ptólemeusi
 Píreífs niðja.

110. Honum hildíngur
 at halda bauð
 sér at hlið
 silfrtoppum,
 þá er þeingils knè
 þreytast næði,

er hann hervaldi
of hjörþjóð sviði.

111. En fylkir fór
fótgángandi
of hersveitir
með hervaldi.

112. Þá er fylkir fann
fákvaldandi
Akkverja skunda
at iðleiki,
þar nam staðar
þeingill frægr,
ok hólða hvatti
hröðum orðum:

113. „Látið, Argverjar,
aldri bila
móð meginstyrkan
at mækis leiki;
því vísir himna
mun ei varmennir
sterkr stoða
at storðar þröm“.

114. „Þeir er eiða
ýtar fyrri
rufu ok riptu
af reginsvikum:
þeirra munu nauðfölvu
nái slíta
haukar, ok holgrafa
í holdi glópa“.

115. „En vèr, kappar,
munum kvánir þeirra
ok börn flýtja
at brimdyrum,
þá er vèr Brjáms borg
of brotið höfum“.

116. En þá er buðlúngr
bragna leit
linliga búast
p. IV, 230-250.

at leiki sverða:
þeim mundi þeingill
þúngar veita
átölur harðliga
ok heptuliga:

117. „Argverjar, illir
örvaþrjótar!
skammizt er yðar ei,
skræfur aumar!
Hví þér hýmit svá,
horfnir móði,
allt eins ok hræddir
hindarkálfar?“

118. „Þeir er þreyttir,
at þreyttu skeiði
vísan yfir völlu,
veslir standa;
nè móðbrími
í brjóstum þeirra
hræddra sèr hrelfir,
eðr hugar þrek“.

119. „Allt eins standit er
öndu horfnir,
nè er hyggit
at hildar leiki.
Eðr hvárt bífrit er,
at Brjáms liðar
bráðla at skipum
skunda nái,

120. „At brimdyrum
brandu-fögrum,
iðgráum at
ægis jaðri;
at er sjá getið,
hvárt Seifr muni
yðr verndar hendi
halda yfir?“

121. Gekk með hervaldi

hilmir þannig
 harðfeingar gegn um
 hildar sveitir;
 kom til karskra
 Kríteýinga,
 gegn um gángandi
 gunnar sveima.

122. Hervæddust halir
 at hjörva glaumi
 iðfrægan kríng um
 Ídomeneif;
 var frægr sjálfr
 með frumherjum
 gramr, gagnstuddr
 galtar móði.

123. En Meríónes
 mætr hvatti
 bakflokka buðlungs
 böðfylkinga.

124. En er sjóli þá
 sjónum leiddi,
 gladdist ágætr
 Agamemnon,
 ok orðum blfðum
 Ídomeneif
 aldar öðlingr
 ávarpaði:

125. „Met ek þik framarr
 fákvaldöndum
 Danáum öðrum,
 Ídomeneifr!
 bæði at böðvar
 bitrum leiki,
 ok einnig at
 öðrum störfum“.

126. „Ok at veizlu
 vegs um ljósri,
 þar er döglingar
 dýrstir Akkverja

ρ. IV, 250-269.

deila dýrum at
 drykkjar-skálum
 skært ok skrauti lýst
 skjöldúnga vín“.

127. „Því þótt hárfagrir
 halir akkneskir
 at munar-sumblum
 mælt of drekki,
 þá stóð þó ætíð,
 öðlingr, þinn
 bikarr bálfaínn
 barmafullr“.

128. „Eins ok mín sjálf,
 attu, öðlingr,
 drekka mættir,
 þá er munr hvetti;
 en rís nú, ræsir,
 at rómu leiki,
 slíkr sem þú áðr
 sagðist verit“.

129. Svaraði aptr
 Ídomeneifr,
 karskra konúgr
 Kríteýinga:

130. „Mun ek þær, ágætr
 Atreifs mögr,
 hollr vera. æ
 hildar sinni,
 eins ok áðr ek
 hæt þær, öðlingr,
 ok fest þess
 fullum tryggðum“.

131. „En hvet nú hina
 hárum-prúða
 Akkverja einnig
 at orrustu,
 at vèr it skjótasta
 skálmum veifim,

er Tróar hafa
tryggðir rofit“.

132. „Munu þrjótar þeir
þúngum síðan
aldríla
ok eyndum verpast,
er þeir fyrri
eiða-rufu“.

133. Mælti þat fylkir;
en fram hjá sveif
(glæðr var öðlíngr)
Agamemnon;
gekk um gramr
gunnar sveima,
kom til Aianta
ítrægra;
hervæddust horskir
herkonungar;
en skýmjörkvi
skjaldar-hlyna
foríngjum fylgdi
fótgángandi.

134. Eins ok sjá getr
af sjóna hváli
geitvörðr mikinn
mjörkva skýja,
þann-er svífr fram
sævi yfir
fyrir váblástri
vestan-anda;

135. Sýnist geithirði
at sjá úr sjarska
biki svartari
bólstr skýja,
svífandi yfir
sævaröldum,
byl bráðharðan,
bjöð færandi;
gerist hræddr þá

ρ. IV, 269-289.

geita-vörðr,
hóar fê undir
hellis-skoita.

136. Í líking þessa
þéttar fluttust
fylkingar fyrða
með fólkvöldum
Aiantum, sjólum
Seifi bornum,
blásvartar fram
at böðvar danum,
vigrum reistar,
ok varðar skjöldum.

137. Gladdist gramr,
er gotna sá,
allvaldr alþjóðar
Agamemnon;
lèt þá mildíngur
at morðlíðum
vænghröðum orðum
vikit þeima:

138. „Aiantar ágætir,
eirserkjaðra
yfirstjórar
Argosmanna!
hykk-at ek hlýða,
at hvetja ykkur,
nè fram eggja
at orrustu“.

139. „Því at sjálfir þit
seggi hvetjð,
at þeir vaskliga
vigra dýi.
Veittu þat, Seifr,
sjóta faðir,
iðfræg Aþena
ok Apollon,
at móðr samí
magnaðr sè

brögnum öllum,
í brjóst laginn“.

140. „Mundu þá hníga
und höndum várum
Brjáms buðlungs
borgar múrar;
mundum brátt eyða,
ok mæki hrjóða
borg böðstyrka,
ok brjóta niðr“.

141. Mælti hann svá,
ok mildínga
eptir skildi,
en annat gekk.
Hitti hann Nestor,
niflúng frægan,
siklíng Pýlverja
snjallrómaðan.

142. Fylkti lofðúngur
liðum sínum,
ok hvetja nam
til hildar leika;
prúðr hjá þeingli
Pelagon stóð,
Alastor knár
ok Kromfús,
Hemon höfðingi
ok horskr Bías,
fríðr hirðir
foldar þjóða.

143. Fylkti fremstum
fákvaldendum,
gotum með góðum
ok gunnreiðum;
en fótgaungumönnum
fylkir skipaði
bak við riddara
vöskum ok mörgum,
vörzlugarð

ρ. IV, 289-308.

at vigra leiki.

144. En ræsir skýr
rak í miðja
hrædda hali
herfylkingu,
at þeir nauðugir
nöðum veifði,
móti vilja sínum,
ok morð efndi.

145. Hvatti riddara
ræsir fyrsta,
at þeir hestum fast
hældi taumum,
ok at þeir eigi
fyrir Óðins veðri
of rekka sveitir
riðlast skyldi:

146. „Treysti eingi
ftri kunnáttu
reiðar, ok remi,
nè renni fram
einn öðrum fremri,
fúss at berjast
Tróa við
tífrargjarna;“

147. „Nè á hæl hopi
hölda nokkurr;
veikari þá
þær verða munut;
en nái nokkurr
nabæls boði
vagni öðrum
frá vagni sínum,
skal hann beita þá
beittum vigri;
mun höldum þetta
heilladrjúgast“.

148. „Þannig gerðu
gumar fyrri,

er þeir borg brutu
ok borgar múra ;
höfðu huga
halir þenna,
ok grein þessa
í geðknerri“.

149. Hvatti þjóð þannaig
þeingill aldinn,
sá er fyrr kunni
at fólkvígum.
Gladdist gramr,
er hann göfgan leit
Nestor, allvaldr
Agamemnon,
ok hann orðum skjótum
ávarpaði:

150. „Vilda-k, siklúgr,
at svá sem þér
brími böðvar
er í brjóst laginn,
at þér eins
orka fylgdi,
ok þér all væri
innan beina“.

151. „En þik elli
yfir stígr,
sú er öld alla
ætíð beygir.
Vilda-k at annarr
elli bæri,
en at þú geingir
með görpum úngum“.

152. Annsaði aptr
alda stýri
Nestor, gerenakr
gramr reiðar: -

153. „Æski-k þess einnig,
Atreife niðr,
at ek enn værak
p. IV, 308-329.

aflí búinn,
sem þá er áðr
Erevþalson
öðlúg iðstyrkan
aldri rænta-k“.

154. „En ei allt veittu,
nè at einu gáfu
mildlúgar upphímis
moldbúendum.
Úngr ok eflr
ek áðr vark,
en nú elli mik
yfir stígr“.

155. „Mun ek þó enn vera
með ýtum reiðar,
orðum eggja
ok ítrum ráðum;
er því slíkt
aldinna lof“.

156. „En vígrum verpi
verar úngir,
þeirs mēr at aldri
ýngri eru,
ok treysta týframir
traustum móði“.

157. Mælti svá öðlúgr;
en Atreife mögr
fram hjá fór
fremst of glaðr;
hitti standanda
hestvaldan gram
Menesteif, prúðan
Petás arfa.

158. Stóðu styrkvan
stilli krúg um
ógn um alkunnir
Aþenumenn;
en allnærri
níflúngi stóð

Odysselfr
inn stráði.

159. En hjá kappi þeim
Kefallena
fylkingar stóðu
fremst of transtar;
því at enn eigi
eimnis sveitir
heróp höfðu
hlustum fángat.

160. Heldr einmitt þá
herfylkingar
saman sigu
sverð at reyna:
Tróju liðar
týfakvaldir,
ok Akkverjar
eirserkjaðir.

161. Stóðu því bragnar;
biðu eptir,
at sveit önnur
Akkverja geingi,
ok við Trójumenn
Týs leik fremdi,
víg of vekti,
ok vigra dyði.

162. Átaldi lýði,
er þat augum leit,
allvaldr alþjóðar
Agamemnon;
lèt at gunnhjóðum
gumna drottinn
vængröðum orðum
vikit þeim:

163. „Heyr þú, inn þráði
Petás mögr,
síklingi seifborins
sagðr arfi!
ok þú, fláum

ρ. IV, 329-348.

fremst of báian,
læviss lofðungur,
Loka ráðum“!

164. „Hví þit hræddir
hvar sjarri standit,
ok eptir öðrum
ytum hðit?“

165. „Sæmir ykkir
síklingum báðum
fremst at fylkingum
frómum standa,
ok at brennheitum
böðvar leiki
dýja darr
fyrir dreygum röndum“.

166. „Fyrstir ok frematir
fórut it at sumbli,
bragningar báðir,
at bekkjum mínum,
þá er vèr Akkverjar
ypa náðum
veizlum völdum
virða ríkra“.

167. „Þar munr gleðst
fyrir góðum kostum,
steik at eta,
ok steypa veigum
svásam niðr
at sylgjar grumum,
eins ok lætr lyst
lofðum ráðit“.

168. „Fegnir sæit it nú
fránum sjónum,
þótt tvennir fimmi
flokkar Akkverja,
ykkir fremri
at sókvígum,
sárbeytta reyndi
sóknar-málma“.

169. Reiðr færð inn ráðsvinni,
ok með reiðisvip mælti
Odyssseifr
tíðlings þá:
„Atreifs arfi
inn strfrægi,
hvískt orð leið þér
af hvarfi tanna!“

170. „Hversu hermir þú,
hildíng, oss
raga ok ráðsá,
rimmu at heyja?
Þá er vèr Akkverjar
eggja hrfðir
vekjum Tróum mót
týfákvöldum:“

171. „Sjá munu þá,
siklíng, ef vilt,
ok ef þetta þér
þykir nokkru varða,
söður týspaks
Telemakkuss
fremstan standa
með frumherjum,
Tróum móti
týfákvöldum;
marklausu, mildíng,
máli þá hreifr.“

172. Brosti buðlíng,
böðvar stjóri,
ok orðum yppti
Agamemnon,
þá er hann sá
þeingil reiðan,
vendi annan veg
vísir orðum:

173. „Lofsæll, seifborinn
Laerts niðr,
Odyssseifr

p. IV, 349-368.

inn strráði!
er-a mér þörf
þik átelja,
nè þik at eggja
í orrustu“.

174. „Því at ek veit,
hve var mér æ
hugr þinn
í hjarta ljúfr;
varstu mér sætð
vina beztr,
siklíng, samhuga
í svárum ráðum“.

175. „Munum vèr, sjóli,
á síðan þetta
báðir með oss
um jafna mega,
þótt mér hryti nú
heilptar-yrði;
láti þau allvaldar
at eingu verða“.

176. Mælti hann svá,
ok mildínga
eptir skildi,
en annat gekk;
hitti týframan
Týdeifs arfa,
Díómedes
inn dáðum-rakka.

177. Stóð stríðeifdr
stillir á reið
málsetum spenntri,
málmvarinn;
stóð honum frægr
Stenelus hjá,
Kapaneifs
karskr arfi.

178. Átaldi Týdeifs
týframan mög,

er hann augum leit,
 Agamemnon;
 lét vænghröðum
 varpat orðum
 vísir at tiggja
 tírargjörnum:

179. „Heyr mèr, hildíngr,
 ins hestvísa
 Týdeífs arfi
 týfákvalda!
 Hví þú hræddr ert,
 ok herkvíar
 ósvinnum æðru
 augum leiðir“?

180. „Var-at svá týframs
 Týdeífs hugr,
 at hann æðraðist
 at einnis leikum;
 fram gekk fylkir
 fjandum móti,
 leiks of lystr,
 frá liðum sínum“.

181. „Herma svá halir,
 þeir er hildíng sáu
 vígum valda
 á velli rómu;
 mætta-k honum ei,
 nè ek mildíng sák;
 en sagðr var hann fremri
 sírum ðörum“.

182. „Kom einu sinni
 án orrustu,
 gestr var mildíngr,
 til Mýkenu,
 með príðum guma,
 Polýneikes;
 leitaði liðsbónar
 lofðúngur þá“.

183. „Háðu hjörva leik
 ρ. IV, 368-388.

hildíngar þá
 múrum þífi
 móti helgum“.

184. „Beiddust buðlúngar
 böðvar liða
 vel ok vísliga
 vörpuligra;
 vildu menn verða
 við vísa bón,
 ok góðan róm
 gerðu at máli“.

185. „En Seifr eyddi
 seggja ráðum,
 sýndi ill merki
 uppheims-valdr;
 en fólkvallar
 fóru þáðan,
 ok leiðir lángr
 liða náðu“.

186. „Komu til Asópuss
 ins unnum-skæra,
 straums ins sefdjúpa
 ok starar- gróna:
 þá sendu Akkverjar
 ððlíng Týdeif
 á njósn aptr
 ítrfrægan“.

187. „Fór á stað fylkir,
 fann hann marga
 Kaðmunga þar
 karlmannliga;
 sátu at sumbli
 sveinar góðu
 allir at inni
 Eteókless“.

188. „Nè þá æðraðist,
 þótt einn þar
 með mörgum kominn
 Kaðmúngum væri

Týdeifr, tiggí
inn týfákvaldi,
gestr geinginn
at garði sjanda“.

189. „Kallaði þá konúgr
at kappleiki;
vann verðlaun hver
vísir hægliga;
slíkan veitti sjóla
sverða Freyja
sigrmátt svásan
at sigföllum“.

190. „Reiddust konúgi
Kaðmúngar þá,
þeir er skínfaxa
á skeiði preyta;
ok fyrir fylki
fyrirsát gerðu
margra manna,
ok myrða hugðust“.

191. „Váru fimm tígir
at fyrirsátri
sveinar valdir
at síklíngs bana;
en foríngjar tveir
flokks of váru:
Meon Hemons son,
sigtívum glíkr,
ok Átofons
arfi frægr,
Polýfontes
inn þrúðlundabi“.

192. „En Týdeifr
inn tírargjarni
lèt sneypu-för
seggjum búna;
drap hann alla,
en dreing einn lèt

sendan heim
frá hjörva leiki“.

193. „Sendi Meon heim
sjóli þjóða,
hlýðinn merki
himins tíva;
þannig var Týdeifr
inn týfákvaldi,
etólskr öðlíngr,
öðrum fremri“.

194. „En son hefir
sjóli getið
sér linara
at leiki sverða,
en spakara
spjöll at þylja
böðvar ráðum at
með buðlúngum“.

195. Mælti mildíngr;
en meginramr
annsaði-t döglíngr
Díómedes;
þá veitti virðíngu
vísa orðum
ríkr kappi
remi-sárum.

196. Mælti þá aptr
ins meginfræga
Kapaneífs konr
at konúgi:

197. „Inn-at-tu, öðlíngr,
ósannindi,
er þú, sjóli, kannt
satt at herma;
þykkjumst vit
þrautstýrkari
okkrum feðrum,
ok öllu betri“.

198. „Tókum vit þífi

traustbyggðan stað,
þar er háreist sjö
hlið of standa;
höfðum lið færra,
ok hældum þó
ógnstyrkan undir
Aresar múr“.

199. „Treystum táknum
tíva himna,
ok hjálpar hendi
Herjaföður;
en þeim eiginna
óverknaðr
hyggjulausum
til heljar kom“.

200. „Skalt-at-tu því,
skati, jafna
feðrum okkrum
við okkr saman,
nè gylfum þeima
gunnarskæra
virðingu velja,
vísir, sem okkr“.

201. Brúnölfi þá,
beindi ræðu
Díómedes
inn dólgrami:

202. „Heyr, heilla-kari,
hlýð þú mínu ráði;
ypp-at-tu máli,
nè þú orð um vek;
lái-k-at lofðungi,
lýða stjóra,
allvaldi mærum
Agamemnoni,
þótt Akkverja
eirserkjaða
hvetji hilmir
at hildar leiki“.

ρ. IV, 406-424.

203. „Því at heibr
mun hilmi fylgja,
ef Akkverjar
eirserkjaðir
Tróum ferligar
feigðir búa,
ok Brjáms borgmúra
of brotna láta“.

204. „En þá er harmr
hilmi búinn,
ef Akkverjum
auðna bregzt.
Heill svá, hildfngri!
skulum hreysti sýna
vigra verkum at
ok vígdómum“.

205. Mælti hann svá;
ok málmbrýnjaðr
stökk at storðar þröm
af stríðsvagni.
Umdi eirbrynja
ægiliga
of brjóst buðlungs
it böðvar-ramma,
er hann upp æddi,
ok ótti mundi
hal inn hugmesta
of hrifit fá.

206. Eins ok holskeða
hefjast náir
margstynjandi at
marar strönda;
dunar alda á
öldu ofan,
vakinn vestanblæ
frá víðis grunnum.

207. Bölguar blágram fyrst
blóðughadda;

brotnar síðan
 at breiðum söndum;
 öskrar æðandi
 Ægis hljóði,
 beygir brimfalda
 ok breka-froðu
 brimsaltri spýr
 fyrir beystum gjögurum:

208. Svá mundu síga
 í sífellu
 fylkingar Danáa
 fremst of hraustar,
 ákaft æðandi
 at orrustu.

209. Bauð hverr stani
 sveit öðlíng,
 geingu þegjandi
 garpar hinir;
 nè þú kveða mundir,
 at körskum þeim
 væri brögnum rödd
 í brjóst lagin.

210. Óttuðust þúglir
 yfirstjóra;
 en alla kríng um
 ógnar liða
 var leiptranda
 ljóma slegit
 Sköglar skruð
 á skjaldar-hlynum.

211. Váru ýtar Brjáma
 sem ær margar,
 þær kauða anuga
 í kvíum standa
 hundruðum saman,
 ok in hvíta mjólk
 hreytt er frá júgrum
 í hola skjólu.

212. En þær án afláts
 p. IV, 424-445.

eru jarmandi,
 er þær lamba rödd
 leiða eyrum:
 eins mundu óp
 alda Tróju
 of her víðan
 válig glymjá.

213. Var þó öllum ei
 ein rödd lagin,
 nè glaumr glíkr
 gumnum veittr;
 því blandnar váru
 bragna túngur,
 ok margra þjóða
 mækis reynar.

214. Hvatti Akkverja
 Áþena dýr;
 en Ares mannmýrðir
 eggjaði Tróa,
 ok Skelfíng ok Skelkr
 ept' skötum ráku,
 ok þrávallt þjótandi
 þrætu-vala,
 sú er Aresi
 ætíð fylgir
 mannmýrði, hans
 holdgetin systir.

215. Líðr hún fram
 lítil í fyrstu,
 en höfuð síðan
 við himin styðr,
 ok foldar þröm
 fótum spornar.

216. Læt hún váliga
 varpat jöfnum
 þrætum ok þrasi
 með þegna kind;
 gekk of gumma sveit
 geigrilga,

ok með öldum jók
ímunstunur.

217. En er váru nú
naðels sveimar
saman safnaðir
at svæði einu,
skelldu skjöldum
skatnar saman;
vígrar og vígmóðr
mættust valþjóða.

218. Gall rönd við rönd
reginhvelda;
reis rómu-þyss
refilvaldendum;
hófst unda óp
ok orra-gleði
vápnbitinna
ok vegenda.

219. Varð vígvöllr
valdögg sleginn;
var sem hauststraumar,
er af háfjöllum
steypast sterkliga
frá standbjörgum,
ok vatni velta
válga fram
djúpum at dal báðir
í dökkum gljúfrum
felknamiklum frá
fjallalindum.

220. Heyrir hriðir,
sá á hamri sítr,
fossa fallandi
í fjarska ðuna:
svá gerðist glaumar
með gunnþjóðum
ok skelfingar gnyr,
er skatnar at geingust.

. III, 445-466.

221. Vág Antílokkus
vera fyrstr
Trójumanna einn
tíragjarnan,
fræknan í fremstri
frumherja sveit,
Ekepólus
arfa þalýsfuss.

222. Hitti þann
halr fyrstr
á ægis knapp
jörmunfextan;
kom höfugt högg
hals á enni
gekk eir-oddr
at innstu beini,

223. Sæ sorti dauða
fyrir seggs angu,
föll fram lostian
at láðvelli,
eins ok turn, typþr
tindi hávum,
at valglaumi
váðaligum.

224. Tók í fætr
fallins guma
Elefinor
inn ítrvaldi,
Kalkódons mögr,
móðhugaðra
Abanta stýrir
at ægri rómu.

225. Dró ákaflega
öðlíngr hann
undan skeytum,
at it skjótasta
mætti vápnum fletta
valfallinn dreing;

var-at þó verk þat
vísis leingi.

226. Því þá er ftr
Agenor
sá, at nifiúngr
var ná at draga,
þá rak hann eirspjót
í öðlings síðu
nökkða hjá skildi,
þá er skati laut,
ok limu hans
lémagna gerði.

227. Sveif síklings önd
frá sólarheimi;
en ægiliga
yfir öðlings ná
róma regingrimm
rísa náði
Akkverja milli
ok manna Tróju.

228. Geingust at gumar
sem grimmir vargar;
einn at öðrum
æða mundi;
maðr manni
móti barðist;
vágust at verar
í valglaumi.

229. Vág Símóisíus,
son Anþemíons
úngan ok æfdan
æsku-móði,
týframr Aiant
Telamons niðr.

230. Þann éi móðir
mög ástkæran,
er hún frá Ídu
ofan fór,
á bökkum Símóis
p. IV, 466-485.

svarðargljúpum,
þá er hún foreldrum
fylgja náði,
saði at sjá
síðlagðaða.

231. Því var kallaðr
konr hennar
Símóisíus
af sjótum foldar;
nè frækinn verr
foreldrum kærum
fèkk fóstrlaun
fremst of goldit.

232. Var því skata skömm
sköpuð æfi;
laust hann Aiant
inn ógnrami,
ok darr dýði
í dreings blóði.

233. Laust hann geirvörtu
guma hægri,
þá er hann fremstr gekk
at fólkprymu;
gekk geirs oddr
gegn um skata
eiri varinn
hjá axlarbeini.

234. Fèll gumi flatr
at foldar þröm,
svá sem ösp laufguð
at láði hnígr,
sú er á váteingi
vöðu þróast.

235. Er stofn slètttr,
en á efstum toppi
lim laufvarit
í lopti hreifist.
Höggr ösp háva
hvelvagna smiðr,

ok at fold fellir,
fáðum málmí,

236. At hann hlyn megi
at hringi knýja,
hála smíðuðum
á hvelvagni;
liggr ösp höggvin
ok upp þornuð
árbökkum á
iðjagrænum.

237. Eins nam arfa
Anþemíons,
Sfmóisíus,
sjóla úngan,
svipta sigskráði
ok sefa ræna
Aiant gunnstyrkr
inn goðborni.

238. En þá Brjáms burr,
inn brynju-kvíki
Antífus, darr
döglíngi sendi
beitt ok eirvarit,
at böðvar sveimi.

239. Missti hann mildíngs;
en mæran fèlaga
Odysseífs, Levkon,
ljósta náði;
gekk geirs oddr
í grams nára,
er hann dreing dró
daudan úr val.

240. Fèll þá niflúngr
um ná fólvan,
ok lík missti
úr mundu sinni;
en móðakarn
mótt þrútnaði

Odysseífs
at jaðar veginn.

241. Fram gekk fylkir
of frumherja,
fremst of faldinn
fránum eiri;
gekk nær gramr,
ok gunnkólfi
(sá í kring vísir)
varp úr mundu.

242. Hopuðu Tróar
tífrargjarnir,
þá er kappi
kesju sendi;
nè öðlíngr
til einkis skaut
vígri stinum
sterkri hendi.

243. Hæfði öðlíngr,
óskilgetinn
son Brjáms döglíngs,
Demókoon;
kom hann ítri frá
Abýdusborg,
ok hryssum frá
fleygiskjótum.

244. Þann laust gramr
á gagnauga
skapti eirvörða
Odysseífr;
var ræsir reiðr
af ráni andar
fèlaga frækins,
er at foldu hnè.

245. Gekk eir-oddr
annat gegn um
einnig gagnauga
á ítrum hal;
en helmyrkvi

honum faldi
unað eyglóar,
ok fyr' augu seig.

246. Föll frækinn gumí;
fold við dundi;
hríngluðu hroðmar við
hildar váðir;
hopuðu á hæl þá
halir fremstir,
ok Hektor
inn herskæri.

247. Æptu Argverjar
ógurliga
ok braut náðu
nái draga;
öðu allir mjök
á fram leingra.

248. Reiddist þá Apollon
álmsvaldandi,
leit frá Pergamus
lofðungur niðr;
æpti Tróa til
tíragjarnra,
ok þá æsa nam
at einnis leiki:

249. „Rísit upp, röksvir
rómu liðar,
Tróar, fræknastir
fákvaldendr!
látið alls ekki
undan síga
fyrir Argverjum
at orrustu“.

250. „Því þeirra er
þegna eigi
hold af steini
nè stæltu járn,
at þat eiri megi
aptrat láta

ρ. IV, 503-520.

holdvinnanda
at hildi sendum“.

251. „Er nè Akkíles
at orrustu,
Þetisar haddfagarar
horskr mögr;
meltir mildíngur
móð hugsáran
stafnbjúgum at
stála hreinum“.

252. Mælti svo máttagr
mildíngur skeyta
frá borgvirki
inu böðvar-rama.
En Akkverja
æsti at rómu
sverða Freyja
in sigfræga,

253. Trítógenía,
tíva dóttir
Allföður, allyalds
uppheims boga;
gekk hún of glæstar
gunnar sveitir,
þars hún lina leit
liða at hildi.

254. Þá nam feigðarnorn
fjörvi ræna
Díóres, arfa
Amarýnkuss;
var lofðungur
lostinn hrufóttum
á ökla hægra
ógnar-steini.

255. Honum kastaði
hildíngur Þraka,
Píróus, ágætr
Imbrasuss mögr;
var öðlíngur

frá Enusborg
svifinn sárum at
sverða leiki.

256. Marði grágrjót
gjörsamliga
sinar báðar
á siklíngs fótum,
ok bein buðlúngs
braut í sundr
jarðar negg
it jörmunþunga.

257. Föll upp í lopt
öðlingr þá
lágð at láðryki,
ok at liðum sínum
út rétti arma,
arma báða,
andarslitrum í
ægilligum.

258. En Píróus,
sá er öðlingr laust,
stökk skjóttliga
at skjöldungi,
ok í nafía
niflúngi knýði
darr it dynstinna,
dólgi sínum.

259. Fëllu iðr öll
ok ultu þarmar
holund út um
ægiliga;
en helmyrkvi
honum faldi
unað eyglóar,
ok fyr' augu seig.

260. Varpaði at vísi
vaðanda fram
þóant inn etólski
þúngu darri;

ρ. IV, 520-538.

gekk í brjóst grami
at geirvörtu;
nísti lensoddr
niflúngs lúngu.

261. Óð þóant síðan
at þeingli fram;
kippti kólfi
úr konúngs brjósti;
brá beittum síðan
buðlúngr hjörvi,
ok miðjan hjó
á mildíngs kvíð.

262. Ok hann öðling þar
öndu rænti,
en eigi vísi
vápnum svipti;
því at í kring um
konúng stöðu
þrakar hárvaxnir
á hvirfli efstum.

263. Þat váru lofðúngs
liðar knáir;
höfðu darr laung
í höndum sínum;
ruddu þeir frá sèr
þóanti braut,
þótt mikill væri
ok máttarríkr,
ok alfrægr
at einnis leiki.

264. Fór hann undan þeim
í flæmingi.
Lágu þannig
í láðryki
endilángir
öðlingar tveir:
höfðingi þraka,
ok horskr stýrir

Epeumanna
eirserkjaðra.

265. Hnigu einnig
höldar margir
mildfinga kríng um
at moldu niðr.

266. Þar mundi eingi,
sá er at kæmi,
verki vígbjóða
valit ávítur;
þótt hann ólostinn
ok óhöggvinn
ógnar eiri
iðja-sárum

267. Svifi með sveitum;

ok sverða Freyja
leiddi hal við hönd
at herglaumi;
en hún frá beimi
bægja næði
böðvar broddum
bifþjótöndum.

268. Því dreingir margir
á degi þeima,
Tróju alda
ok Akkverja,
lágt of lögðust
at láðryki;
maðr manni hjá
lágu marflatir.

FIMMTA KVIÐA.

MUNDI nú týfrömum

Týdeifs arfa

Díómedesi

darra Freyja

vígmóð veita

ok veldis-afl,

at hann auðkenndr

frá öllum gerðist

Argverja lýðum,

ok lof sèr ynni.

2. Óprotligan jók

ógnar ljóma

á hlíf ok hjálmi

hildar skata;

var logi líkr

leiptrblossa

meginbjartrar

Múspells síu,

3. Er haust höldum

of hauðr boðar,

ok björtust brenn

á boga himins,

lauguð láröstum

lagar bláum,

þeim er um renna

jörmungrundu.

4. Því lét báli brennt

böðvar Freyja,

á höfði ok herðum

hildar skata;

æsti öðling

at smun miðri,

þars fyrðar flestir

fólkbraut tráðu.

5. Var beimr einn

með Brjáms liðum,

ρ. V, 1-17.

Dares at nafni,

dreingr góðr,

rekkr ríkr

af rauðmálmi,

Hefasts hofgoði

ins hugvitsfræga.

6. Átti arfa tvá

auðkýfingr:

Fegeif ágætan,

ok Ídeus;

kunnu þegnar þeir

þrautir allar

valdra vígdóma

of vegu sverða.

7. Létu halir þeir

móti lofðungi

atgaungu ypptri

einir saman;

óku á reiðum

rekkar báðir,

en fylkir var

fótgángandi.

8. En er allnærri

váru öðlingi,

ok nær geingust

gildir beimar:

Fegeifr fylki

fyrri sendi

lens lángskeptan

of lopt knúinn.

9. Flaug fleinbroddr

yfir fylkis öxl

vinstri, týframs

Týdeifs niðja,

nð líkam ljósta

lofðungs náði.

Veifði vísir þá
vigrs eiri
hóti sðarr,
sonr Týdeifs.

10. Nè fylki fló
fleinn úr mundu
aði afrenndri
tíl ónýtis;
brást fleinn böðvar
at brjósti miðju
Fegefs frækins;
föll hann af reið.

11. Reis þá Ídeus
af reiðarsæti;
hljóp af hvelvagni
hála fögrum.

12. Þorði fylkir ei
fram at gánga
fyrir ljúfan
liðinn bróður.
Mátti-t þó seggr
af sjálfs valdi
ferliga flýja
feigðar dimmu.

13. En honum halp
Hefasts máttur,
lét hann þoku
þykkri vorpinn
at elgi yrði
aldinn skati
eymd ok eljansorg
yfir þyrmdr.

14. Rak reiðarbríma
röskr á braut
mögr Týdeifs
ins móðhugaða;
fókk félögum
fáka at reka

at stafnbjúgum
stála hreinum.

15. En er Tróar
tírarjarnir
dýra sáu
Daress arfa:
annan flúinn,
en annan veginn
ok at reið orpinn
aldrtila:

16. Þá skelfdist hugr
í skatna brjóstum.
En Ginnregins mæð
in glóeyga
tók at mund Ares
inn mannskæða,
ok hann á varp
orðum þeima:

17. „Ares, Ares,
eyðir manna,
blóði drifinn
borga dólgr!
munum vit elgi
morð of láta
Akkverja drygja
ok dreingi Tróju,“

18. „At vit sjá getim,
hveim Seifr ann
frægðar at njóta
at fólkvígum;
en vit víkjum
af valslóðum,
ok ragna-föður
reiði flýjum“?

19. Mælti meginsterk
mækis Freyja,
ok Ares mannskæðan
frá morði leiddi;
ok böðvar drottinn

á bakka hávan
Skaniandrs setti
sköfnúngs gyðja.

20. Snèru á flótta
seggir Danáa
Trójumönnum
at Týs leiki;
vág þá vísir hverr
at valdunum
einn, ok aldri
alls of rænti.

21. Þar vág fyrstr
frægr skati
Agamemnon
alda stýrir
ok af vagni varp
vaxtarmiklum
Odíus, öðlingi
Alizóna.

22. Laust hann lofðungr
laungum fleini,
er hann frá snèri
ok flýja vildi;
hljóp darr flogit
herða milli
ok út um
öðlings bríngu.

23. Fèll frækn gumi;
fold við dundi;
hríngluðu hroðnar við
hildar váðir.

24. Vág ágætr
Ídomeneifr
Festus, Bórußs mög
ins meónska;
var Törnru frá
tiggri kominn
svarðarfrjóvri
at sigjörü.

ρ. V, 36-54.

25. Þann vág ágætr
Ídomeneifr
döglíng dýran
darri laungu,
þá er ræsir fram
reið of keyrði;
kom í öxl hægri
á hildíngi.

26. Fèll ofan fylkir
af fólk-kerru;
hreif hann helmjörkvi
hræðilligr;
en vápnum sviptu
vísi fallinn
ágætir sveinar
Ídomeneifs.

27. En Skanandrfús,
skata kunnan
veiðum, ströðefldan
Stróffuss nið:
þann laust Menelás
mögr Atreifs
beittu darri
at böðdunum.

28. Var hann vaskr mjök
veiðimaðr;
hafði sjálf Artemis
öðlingi kennt
dýra hvat
á heiðum skjóta,
þat er upp elr
aldinskógr.

29. En þá ekki gagn
gylfa veitti
Artemis
in örvum-glaða,
nè bogfimi,
sú er buðlúngi

var fyrr leikin
framarr öðrum.

30. Því at Menelás
mögr Atreífs,
dýrr döglingr
darrum-frægr,
lofðung ljósta nam
laungum fleini,
er hann undan fylki
flýja vildi.

31. Laust hana hilmí
herða milli;
æddi darr út um
öðlings bríngu;
föll gramr á grúfu
at grundu þegar;
hríngluðu hroðnar við
hildar váðir.

32. En Fereklusi.
feigð um bjó
Meríones,
megi þjóðhaga
Harmoníðess;
en horskr kunni
Fereklus höndum
hagla smíða
hluti alla
fyrir hólða kind.

33. Því at þjóðhaga
af þokka góðum
þráðum unni mjök
Pallas Apena;
hann byggði borðróna
báru fáka,
upphaf ógæfu
ok ótal rauna,
handa öðlingi
Alexandri.

34. Urðu gnoðir þær
p. V, 54-72.

görpum Tróju
at illu einu
öllum saman,
ok sjálfan smíð
sorgum vurpu;
því hann ragna ráð
ráða mátti-t.

35. Því Meríones
á meginskeiði
hal fékk hrist
hördum mundum,
ok í þjóhnapp
þegn of lagði
hægra megin
hvössum fleini.

36. Gekk ginnskarpr
gúngnis broddr
gegn um blöðru
beini undir;
hraut á kné hilmir,
hljóðaði við;
sæ dauði dimmr
á döglinga augu.

37. Vág Pedeus
prúðr Meges,
Antenors arfa
ítrfrægan;
ok þótt væri hann
óskilgetinn,
þá ól hann þeanó
þokka beztum.

38. Ól hann jafnt upp
eiginbörunum;
blíð var björk hringa
bónða sínum.
Gekk at honum
gumi frægr
Fýleífs niðr
inn flein-rami.

39. Laust hann svíra
und seggs hausi
fleini flugbeittum
at fólkþrymu.

40. Gekk gunnánálmr
gegn um tennt,
ok undir túngu
í öðlings mun;
föll lofðungtr
at láðryki,
knýðu kaldan málm
klettar góma.

41. En Evrýpýlus
Evemóns niðr
horskan kappa
Hýpsenor vág,
mög Dolópfons
ins móðrakka;
hann var Skamandrs
skýrr hofgöð,
ok af gumum virðr,
sem guð væri.

42. Þann nam at elta
Evrýpýlus
Evemóns arfi
ítrfrægr,
ok á hilmis öxl
höggva náði,
er hann flýja
íremst of vildi.

43. Hjó hildíngtr
hrotta bitrum,
hjó hönd af
hilmis trausta;
föll hún magnaús
at moldryki
dreyra drifn
fyrir dólgs brandi.

44. En dimmr dauði.
p. V, 73-91.

dreyra fáinn
svalkaldtr sæ
fyrir síklíngs augu,
ok iðgrimm dís
aldrtila

svipti sjónir hans
sólarljósi.

45. Mundu þannig
þraut of framja
dreingir at dunum
darra þægum.

46. En eingi mundi
augum leiða
mega týframan
Týdeifs niðja,
hvar dólgr drýgði,
hvárt með dreingjum Tróju
eðr með Akkverjuní
ímun fremdi.

47. Því at hann of völl
þjóta náði,
eins ok bjargstraumar
bakkafullr,
er í vatna vexti
vilgi hægr
flóðgarða brýtr,
af fjöllum runninn.

48. Hepta hann elgi
hlaðnar stíflur,
þars hann bjöð beystir
beljandi fram;
nè honum bæga
blómvaxinna
girðingar þettar
gróðrreita,

49. Er hann fram veltist
í vetfángi,
ok Seifs regnskúrir
svárar þýngja;

falla forvirki
fíra horskra
fyr' stríðum stráumi,
nè standast mega.

50. Svá mundu riðlast
rómu sveitir
Tróa tugmargar
fyr' Týdeifs arfa;
nè nabels beðar
niðfúnga biðu
meginmóðuga,
þótt margir væri.

51. En er lofsæll,
Lýkáons arfi
lofðung leit
inn lýðum-fræga,
þars hann of völli
þjóta náði,
ok fylkingar
fyrir hopaðu :

52. Þá nam hildíngur
hæfingu gera
týfrömum at
Týdeifs arfa,
ok af boga bjúgam
buðlúnga ólmum
í öxl hægri
öru sendi.

53. Laust brynjubóðung
böðvarhvelðan
ok í gegn um fló
gögn in hvassa,
ok inn um óð
öðlúnga vöðva;
varð björt brynja
blóði lituð.

54. Þá sepi hávum
ok hvellum rómi
p. V, 92-111.

lofðungur, Lýkáons
lofsæll mögr:

55. „Rísit upp, Tróar
tírrargjarnir,
rennireynar
reiðarbríma;
því at dýrum í
Danáa sveitum
horskastr hilmir
er hremsu lostinn“.

56. „Hygg-at ek leingi
lofðungur mundi
magnat skeyti
mega þola,
alls mik svá leiddi
frá Lýkfu
Apollon hinnig
til hildar leika“.

57. Kvað svá hróðugur
hremsu þeytir,
en þó eigi ör
öðlúng deyddi;
hopaði ræsir,
ok fyrir reið framan
ok fáka sína
frækinn kvaddi
Kapaneifs
kon Stenelus:

58. „Rístu upp, Kapaneifs
konr inn mæri,
stíg af styrkri reið
á storð niðr,
attu mér úr öxl
ör of dragir,
brodd bólsáran,
er mik beysta náði“.

59. Mælti svá stillir;
en Stenelus
stökk af styrkri reið

á storð niðr;
stóð hjá buðlúngi,
ok beitta hremsu
fremst of dró
úr dreyrgu holdi.

60. En frá hjarthringum
brynjustúku
dreyri fram
of fossa mundi.
Hèt þá á háva
himins-valda
Díómedes
inn darrum-frægi:

61. „Heyr mēr, horsk dóttir
Herjaföður
ægiskjalda,
Atrýtóna;
hafir þú, sverða dís!
sinni nokkru
mik of stoðat
ok minn föður
mannskæðum at
mækis leiki,
þá veit mēr einnig nú,
víga Freyja!“

62. „Veit, at ek ver þann
vega megak;
lát skata koma
í skotfæri,
þann er mik fyrri
fífu laust,
ok happi hrósar,
at ek hvergi leingi
muni ljúft ljós
líta sólar.“

63. Baðst svá buðlúngur
at böðvi fyrir;
heyrði hann þrúð
Pallas Aþena;
p. V, 111-132.

limi liðuga
lofðungs gerði,
hendr ok báðar
bjarkir ilja.

64. Nam staðar nærri
niðlúngi þá,
ok hann orðum skjótum
ávarpaði:

65. „Vertu hughraustr
víg at drýgja
móti dreingjum Brjáma,
Díómedes;
hefi-k nú þitt
hildar móði
magnat móðakarn;
ok at morði eft“,

66. „Svá sem Týdeifr
tírargjarn hafði,
skeiðfrárja jóa
skjaldar-hlynr.
Hefi-k frá þínum,
þeingill, augum
sorta sveipat,
er sveif þær yfir“,

67. „Attu vel megir,
mildíngur, greina
gumna frá guðum,
at glaumi sverða;
ok ef guð geingr
at gunni nokkurr,
fífra freistandi,
þá far þú elgi
óðauðligum mót
upphelms-búum
öðrum andvígr
at einvígi.“

68. „En ef at geingr
Afrodíta
dóttir Seifs

darra leiki,
þá skaltu særa
svárum málmum
ástar-gyðju
ina iðfögru“.

69. Mælti þannig
mímúgs Freyja;
gekk frá gunni
Glóeyg at þat;
en Týdeifs arfi
inn tíframi
fremst of fór
til frumherja.

70. Var fyrr lofðungur
lystr at rómu,
ok Brjáms dreingit
darri beysta;
en nú þrefaldr
þeingli römum
magnaðist móðr
ok megín-græmi.

71. Eins og dreýra-gjarnt
dýr it óarga,
þat er hirðir lítt
ljósta náði,
nè drepa mátti,
er móði aukit
stökk inn í sjárgarða,
á frjóvu túni,
ótt at sauðum
ullarsælum.

72. En hirðir mátt
ok móð þess æsir;
verst eigi framarr
verr máttvani;
felst í fjárhúsum;
en flýja kindr
varnarlausar
fyrir vargi grimmum.

ρ. V, 132-150.

73. En lágt liggja
lagðir saubir,
hverr öðrum hjá
í hrúgu margir;
en æðisgeingit
óarga dýr
út stökkur grimmliga
yfir garð hávan.

74. Svá mundi mildingur
móði þrúinginn
Díómedes
mót dreingjum gánga
Týs leik at heyja
Trójuborgar.

75. Vág þar öðlingur
Astýnóus,
ok Hýpíron
hílmí þjóða;
rak ræsir öðrum
rekk í brjóat
darr eirrekit
ofarr geirvörtu,
en hinn at öxl
hjörvi lagði
vísir váliga
á viðbeini.

76. Ok öxl alla
öðlingur hjó
frá háls-svíra
ok hryggjar-liðum.
Lèt hann eptir þar
þegna dauða;
óð at Pólýsðus
ok Abanti.

77. Þeir váru arfar
Evrýdamants,
draumavíss
döglings aldins.
Lèt-at faðir þeim

forspár þuldar
dimmra drauma,
er í dólgi of geingu.

78. Heldr válligan
valdi dauða
Díómedes þeim
inn dólgrami;
þaut móti Ksantus
ok þóni síðan,
Fenóps erfingjum
elligetnum.

79. Var faðir hrumr
fyrir hám aldri;
átti ekki
aðra sonu,
er notið feingi
nýtra meiðma,
ok arf þegit
at þeingil látinn.

80. Svipti hann þá
seggi gunnmálm,
ok bana báðum
búa náði;
en föður fékk
feikna-harma,
ok eynd æsti
eljun-sára.

81. Því at faðir ei
fyrða þáði
aptr at arni
úr orrustu;
en ættíngjar aðrir
ættar-fjarrir
meiðmum sín
á milli deildu.

82. Þá tók hann tvá
tiggja syni,
Brjáms döglinga,
Dardans magar;
p. V, 150-169.

váru báðir
á vagni einum,
Ekemon karskr
ok Kromíus.

83. Í lífking þá
sem ljón stökkur
í hjörð nauta
hörðum móði;
sima eðr kvígu
at svíra brýtr,
er þau björkum hjá
á beit eru:

84. Eins lét týframr
Týdeífs niðr
beimur báðum
brugðit ofan;
naðga niðlunga
neyddi af kerru,
ok vápnnum svipti
vera síðan.

85. Fékk hann fáka
félögum sínum,
at þeir leiddi þá
at ljónum sævar.

86. Þá nam Eneas
öðling líta,
er hann feigð freka
fylkingum bjó;
gekk hann of ægan
orrustu-sveim,
ok geitra glym
gunnarþíngan.

87. Goðum glíks
gramr leitaði
Pandarus, ef hann
hitta knætti;
fann hann lofsælan
Lykáons arfa
ok iðstyrkan,

ok orðum þeima
at hildings hlíð
hann of mælti:

88. „Hvar er nú, Pandarus,
harðr sveigr,
ok flugglaðar
fenjur þínar?
ok list leikin,
lofðungur, þér?“

89. „Má-at því manngi
móti þér keppa
hinnig svifinn
at herleiki;
né líða nokkurr
í Lýkíu
þykist fremri þér,
þeingill vera“.

90. „Heill svá, ok hræmsu
hvassa sendu
manni þessum
(heit á milding himna),
sá er fram brunar
í böðvar mæði,
ok ótal illt
hefir oss um gert“.

91. „Hefir hann mörgum
mönnum hraustum
á knè komit
ok knýð at dauða;
nema nokkurr sè
niðfanga hinna
Tróum tý-reiðr
fyrir tófn heilög;
er-a gumnum góð
greml tíva“.

92. Aþtr öðlingi
annsvör grettði
Lýkáons lýðfrægr
ok lofsæll arfi:

p. V, 170-188.

93. „Eneas, Tróa
eirserkjæðra
ráðvaldr ríkr
at rómu leiki!
hygg ek þeingil
þenna vera
töruþrúðan
Týðeífs arfa“.

94. „Kenni ek kappa
á krínglu skjaldar,
ok á Hropts hattar
hárrí pípu,
ok er jóa sè-k
jaðars fráa;
veitk-a ek þó víst,
nema væa nokkurr
sè þat, svifinn
at sigjöru“.

95. „En of þetta er
arfi Týðeífs,
herkænn hilmír,
sem ek hygg hann vera,
mun hann eigi svá
at óvilljandum
hamramr æða
himna guðum“.

96. „Stendr hjá sterkum
stilli nokkurr
óðauðligra
upphelmsbúa,
mjörkva halinn
herðum yfir,
sá er skjótt skeyti
frá skjöldungí
líða lét
of leið aðra“.

97. „Senda-k sikilíngi
sára sífu,
ok í öxl hægri

ek hilmí skaut;
brauzt bensárr
broddr örvar
of brynjubodáng
böðvarhveldan“.

98. „Hugða-k hilmí
hverfa mundu
at niðheimi niðr
ok at ná verða;
en ek hilmí ei
aldri ræntak;
er reiðr víst
ragna nokkurr“.

99. „Eru ok eigi
jóar hær
ok reið röm,
er ek renna megak;
en í Lýkáons
ljósri höllu
ellefu reiðar
eru fagrar,
nýla naddaðar
ok nýsmíðaðar,
dúkum dregnar
dýrðarligum“.

100. „Standa hjá sérhverri
samoks-hestar,
jóar tveir
jörmunfextir;
en þeir jóar
á einkorni
ok hvíta-byggi
hastir sæðast“.

101. „Bað mik böðvaldr,
er ek brautu sveif,
öðlíngr aldinn
ítr Lýkæon,
ok ríkt á við mik
ræsir lagði

ρ. V, 188-208.

heima at hám.
hallar sölum:“

102. „At ek hestum
hleypta skyldi,
ok fólkreiðar
fremst of njóta,
þá er ek Tróa
at Týs leiki
leidda lèti
fyrir leifnis-grandi“.

103. „En ek hildíngi
hlýða gerða-t;
hefði þat þó víst
verit betra“.

104. „Því at ek hestum
hlífa vildak,
er ek hræddr vark,
at eldi þryti,
þá er böðþjóðir
um borg sæti,
en grasi gnógu
gotar vanir“.

105. „Lèt ek því eptir
lèttfeta þá;
kom ek gángandi
at gördum Tróju;
treysta-k tvíviði,
treysta-k örum;
vill nú hvárigt
at hildi veita“.

106. „Hef ek hræmsu sent
hildíngum frægstam
tveim: týfrömum
Týdeifs arfa,
ok Atreifs nið
ítrfrægum;
báðum buðlúngum
blóð um vakta-k;“

veltust valfossar
víst úr undum“.

107. „En ek enn framarr
æsa gerði
meginmóðugra
mildfinga skap;
hef ek illu
heilli numit
ofan boga
af bitnagla“,

108. „Á degi þeim,
er ek dvölum brá,
ok lagrfrjóvrrar til
fór ek Tróju,
ok ek liða lét
leidda hinnig,
Hektori mærum
til mungleði“.

109. „Ef ek aptr kem
til áttþaga,
ok aptr mínum
angum leiði
föður, ok mína
mæra kván,
ok hallar sali
hárafraða:“

110. „Þá skal þegar
þegn útlendr
höfuð af herðum mér
höggvit láta,
ef ek eigi þessum
á eld hjartan
sveig of varpa,
ok sundr brýt;
bar ek at böðvi
boga ónýtan“.

111. Aptr honum þá
annsvör greiddi

Eneas, tiggj
Tróju-sveitar:

112. „Skalt-at-tu þannig,
skati, mæla;
mun þat ei fyrri
fara veg annan,
en báðir vit
mót þeim þessum
höldum herfákum
ok hveldum kerrum“,

113. „Ok við hann þreytum
vápna-flmi;
en heill svá, hilmir,
ok á hvelða reið
kom þú mína,
attu kenna fáir,
hve Trós hestar
hnáir eru,
ok skjótir at skunda
skelðvelli á,
hvervetna at elta
ok undan renna“.

114. „Munu fákar oss
fá of dregit
borgar til,
þótt böðvar lofi
sigfrægan sjóla
Seifr skryði,
tífrargjarnan
Týdeífs arfa“.

115. „Taktu nú, tiggj,
tauma glæsta,
ok svipu, at keyra
silfrtoppa;
en ek mun, ræsir,
á reið sitja
ok gunnar gny
gerat of vekja“.

116. „Eðr ok þú

mót öðlingi
tak týfrömum,
en ek traustum munk
at böðvi beita
bitilhreinum“.

117. Aþr honum
annavör greiddi
Lýkáons lýðfrægr
ok lofsæll arfi:

118. „Haf þú, Eneas,
hesta þína
sjálfr, ok glæsta
gullintauma;
munu marir draga
miklu betr
reið hvolfbjúga
und höldi þeim,
sem vanizt hafa
vakrir fákar,
ef fylki fráan
flýja þurfum“.

119. „Munu annars þeir
æðru geta,
ok af ótta stórum
staðir verða,
nè oss um draga
frá darra leiki,
er þeir sakna
þinnar raddar“.

120. „Þá mun týframr
Týdeifs arfi
at oss ráðast
æðisgeinginn,
sjálfa oss vega,
ok síðan reka
jóa einhæfða
frá orrustu“.

121. „Ráð því reið þinni,
ræsir, sjálfr,
p. V, 228-247.

ok hestum þínum
halt við tauma;
en ek mun mildingi
móti taka
eggjum skörpum
ógnar fleini“.

122. Svá mæltu sjólar,
ok á sigreiðar
fagrsmíðaðar
fremst of stigu,
ok meginmóðgir
móti hældu
Týdeifs arfa
tauma dýrum.

123. Leit þá Stenelus
stillir frægr,
Kapaneifi
konungi alinn,
ok vænghröðum
varpat lét
orðum til
Týdeifs magar:

124. „Díómedes,
dýrr Týdeifs son,
kærstr manna mēr
fyrir mold ofan!
tvá sè ek kappa
kynja-rama,
er við þik vilja,
vísir, þerjast“.

125. „Eru þeir auknir
undra þreki;
annarr bogmaðr
beztr þjóða,
Pandarus, er kveðat
prúðr vera
Lýkáons mögr,
lýða hirðis“.

126. „En Eneas

afspríngir læzt
 ágæts Ankísess
 ítr vera;
 en hans móðir
 er it mæra goð,
 Afrodíta,
 sú er ástum ræðr“.

127. „Skulum vit því,
 skati, flýja
 rómum reiðum á,
 nè þú, ræsir, svá
 æð ferliga
 gegn um frumherja,
 at líf þú látir,
 lofðungur, ei“.

128. Sökkti sjóli þá
 síðum bránum
 darrstyrkir ok mælti
 Dlómedes:
 „Ei skaltu, fêlagi,
 flótta minnast;
 hlýði-k þér sízt
 at slíkum ráðum“.

129. „Vark-at ek slíkr
 und sól alinn,
 at ek fremst flýði
 at fólkvígum;
 nè ek æðrast má
 at unda flóði;
 minn er móðr enn
 megintraustr“.

130. „Leitt erumk lipri
 líða á kerru;
 en ek móti þeim
 mun svá gánga;
 hefir böðvar mēr
 bannat Freyja
 æðru at geta
 fyrir glaumi sverða“.

p. V, 247-266.

131. „Munu eigi
 marir skjótir
 döglinga aptr
 draga báða
 okkrum höndum úr,
 þótt annarr flýi“.

132. „En annat mun ek þér
 orð of segja,
 en þú geym
 í geðknerri“:

133. „Ef at veitir mēr
 víga Freyja
 ráðum-rísk
 rómu heilðr,
 at ek beima þá
 báða vega-k:
 okkrum þú halt
 jómi of kyrrum
 at herðum taumum
 frá hvelstóli“.

134. „En þú Eneass
 á skalt ráðast
 mari (minnstu þess)
 megin skjóta,
 ok Tróum frá
 taumdýr þú rek
 Akkverja til
 eirserkjaðra“.

135. „Þér mun ek inna
 uppruna þeirra:
 eru sama kyns
 jóar þessir
 ok þeir, er inn víðskygni
 veitti Seifr
 Trós konungi
 at tignargjöf“.

136. „Gaf hann grami þá
 í gjalds skyni
 fyrir gripinn son

Ganýmedes.
Þeir eru beztir
bitilhreinar
eygló undir
ok árgeisla“.

137. „Stal kyni því
konúngr þjóða,
Ankíses
ítrfrægr,
ok Lámedon
leyna gerði,
er hann hryssum hēlt
und hófglymjendr“.

138. „Ólu þrenna tvá
þeingli sðan
hryssur fola
at hallar gördum;
fjóra þeirra
föðra náði
jöfurr at jötu,
jóa skjóta“.

139. „Tvá gaf hann ítrum
Eneasi,
fuglum fljótari
yfir fold skeiða;
ef vit næðim nú,
niflúngr, þeim,
myndum góðan vit
geta hróðr“.

140. Hjöluðu þeir svá
hvárr við annan.
Komu nú skjótla
kappar nærr;
beystu blakka
brugðnum ólum;
mælti þá fyrri
við mildínga

Lýkáons ljúfr
lofsæll arfi:

141. „Meginmóðugr
mækisvaldr,
Týdeifs hróðmægr
ins týframa!
hefir-a, vísir,
veitt þér bana
ör mín oddsára
ok ógnar-skjóta;
nú mun ek freista,
ok flein láta
okkar milli
of örlög dæma“.

142. Mælti hann svá,
ok meginlaungum
veisfaði vigri
vísir í hríng;
skall á skildi
skata breiðum,
Týdeifs arfa
ins týframa.

143. Ok í gegna um
gylfa törgu
óð eirbroddr
allt at brynju;
þá nam at æpa
efldum rómi
Lýkáons mögr
lýðum-frægr:

144. „Laust ek nára þér,
lofðúngr, gegn um;
nè ek leingi hygg
at þú lifa knegir;
hefir þú hávan
heiðr búit
mér, mildíngr,
af morði þvísa“.

145. Skalf-at skjöldúngr,

nè skerðist móðr,
annsaði döglíngi

Díómedes:

146. „Ekki laustu mik;
leið mēr hjá skot;
en ek hygg ykk
ei hvílast munu
fyr en annarrhvár
at foldu hniginn
unda iðstraumi
Ares seðr,
óþrotligan
orrustuguð“.

147. Þat mælti kappi,
ok kesju sendi;
en geiri stefndi
gunnar Freyja
at nefi buðlúnga
hjá brúna mána;
hljóp fleinn gegn um
hvítar tennr;

148. Ok túngurætr
tiggja skáru
gúngnis eggjar
gunnar-skarpar;
en oddr óð
út um kverkar
aptr neðstar
öndvert móti.

149. Fèll ofan frækinn
fylkir af reið;
hríngluðu hroðnar við
hildar váðir
ok Sköglar skruð
it skriðkvika.

150. En hestar þá
út á hlið fældust
fráir, fóllettir;
en fólkvaldi

ρ. V, 286-304.

líf úr brjósti leið
fyrir lagi sváru.

151. Ofan stökk Eneas
öðlíngr þá
með hlíf hrínglagða
ok hræmæki;
óttaðist hann,
at Akkverjar
ná mundu nema
nýla veginn.

152. Gekk í kríng gramr
guma dauðan,
sem dýr it óarga
þat er aðli treystir;
lagði laungu fram
lofðúngur darri,
ok hlíf hrínglagðri
hyljast náði.

153. Vildi vísir þá
vega mann hvern
öðfúss ok æfr
andvígan sèr;
orgaði öðlíngur
ógurliga,
hamaðist höfugum
heiptar móði.

154. Tók þá upp
Týdeifs arfi
stein stórmikinn
styrkri mundu;
mundu nè tveir,
sem menn nú eru,
bjarg þat borit
bragnar hafa.

155. En hann aleinn
ógnar bjargi
(þat var hilmí hægt)
í hríng sveiflaði;

hreytti af hendi,
hitti öðling
mæran Eneas
á mjaðmarbeini,

156. Þar sem lærbein
ok bein mjaðmar
(heltir augnakarl)
um kríng leika;
brotnaði beinhnúta
fyrir bjargi þúngu,
ok sína-bönd bæði
brustu sundr.

157. Hruflaði hörund
af holdi allt
snarpr steinn
sendr krapti;
en á knè bæði
kappi fèll:
studdist storðar þröm
styrkri hendi;
sè nótt ok nið
fyrir niðlungs augu.

158. Þar hefði Eneas
Ankísess mögr
bana beðit
fyrir bjargi þvísa,
hefði ei ríkt ráð
of ráða knátt
Afrodíta,
Allföður jóð,

159. Mildings móðir,
sú er mög átti
Ankíses við,
er hann öxna gætti;
lèt hún um ljúfan
lofsælan nið
hvítum örmum
hniginn undit.

160. Breiddi hún blæju
p. V, 305-324.

ina bjartljósu
fellingum faldna
of fallinn skata,
at þat vörn væri
fyrir váskeytum,
nè Danáa
nokkurr skyldi
inna reiðkænu
í ræsis brjóst
flein of reka,
ok fjör taka.

161. Tók hún at þat
inn týframa
mög sína frá morði
meginrömu.

162. Gleyndi ei kour
Kapaneífs
boðum buðlungs,
þau er boðit hafði
mildíngur mærr,
inn málrómsterki
Díómedes
dáðum-frægr.

163. Stöðvaði sterka
stillir fáka,
ok hlaup hepti
hófskúaðra;
hèlt frá hám
hildar glaumi;
remmdi tauma
frá reiðar stóli;

164. Ok síðan at jóm
Eneasar
fylkir ræðst,
inum faxprúðu;
rak þá Tróa frá
rómu sveitum
Akkverja til
eirserkjaðra.

165. Fækk þá Deífýlus,
 dýrstum vini,
 er hann allra mest
 unni jafnaldra;
 var því hjarta hans
 hugprýði búið,
 ok skaplíkir
 skatar báðir.

166. Bað stillir hann
 at stála breinum
 reiðar dýr
 at reka niðr;
 en sjálfr sjóli
 settist á reið,
 ok glæsta greip
 gullintauma.

167. Hælt hann skjótliga
 hestum síðan
 herðastyrkum
 eptir harðmóðgum
 Týdeifs arfa
 af ákefð stórrí.

168. En Díómedes
 inn dólgrami
 elti Kýpris
 með eggmálmi;
 víst hann vissi,
 at var þat gyðja
 kraptafá
 ok kjarklítil,

169. En elgi nein
 naðels dísa,
 þeirra er ægum
 orrustum ráða:
 hvárki Aþena
 nè Enýó,
 sú er böðvarröm
 borgir rýfr.

170. Fann hann þar Freyju
 ρ. V, 325-343.

fagrljósa,
 ok hann elti
 of ógnar sveima;
 stökk fram stillir,
 ins stórhugaða
 Týdeifs ágætr
 tignarmógr.

171. Ræðst ræsir at
 reginmóðugr,
 ok hvössum fleini
 á hendi særði
 gyðju frygðar
 fagrveikri.

172. Gekk gunnmálmr
 gegn um hörund
 þegar at bragði,
 ok blæju rauf
 hreina, himneska,
 er höfðu vunnit
 Fegurðargyðjur
 fríðar sjálfar.

173. Kom lag lófa
 ljósum ofarr,
 en ódauðligr
 út rann dreyri,
 ljósglætu lögr,
 svá sem lífa náir
 alsælum í
 uppheimsbúum.

174. Því at einga þeir
 eta fæðu,
 nè vín drekka
 it dökkglóanda;
 eiga-t því dreyra
 í æðum sínum,
 ok ódauðligir
 með öldum heita.

175. Æpti hátt upp
 ástargyðja,

ok frá sèr fleygði
frægum syni;
tók þá tiggja
traustum mundum
Febus Apollon,
fylkir örva.

176. Huldi hann dögling
dimmu skýi,
at eingi Danáa
inna jófrægu
skyldi skapt reka
í skata bríngu,
ok fjörvi svipta
fagra limu.

177. Kallaði mildíngur
málrómsterkr
Díómedes þá
til dísar fagrar:

178. „Vík þú fólku frá
ok fólvis leikum,
dóttir Allföður,
ástargyðja!
er þér eigi nóg
attu nautnum at
kvenna kjarklausra
krapt of ginnir?“

179. „Hygg ek þat, gyðja,
ef at hildi þú
aptr um árnar
ægiligri,
at þér ófriðr
ógna muni,
ok þótt fólk fjarri
á fold spyðr.“

180. Mælti hann svá;
en it mæra goð
braut árnaði
öndu hálfri;

sveið sollin und
sárum kvölum.

181. Tók hana Íris
orrustu frá,
vindfrá dís,
úr valglaumi;
hældu sjafna dís
sárar kvalar;
dökknaði hörund
it driphvíta.

182. Fann hún at þat
inn fólk-ólma
Ares, at víghrymu
vinstra megin;
var darr hans
dökkva hullit,
ok móðgir marir
mjörkva faldir.

183. Föll á knæ gyðja
fyrir guði sverða,
skilgetnum bróður
bríma ástar,
ok inniliga
ægan beiddi
gram um gota
gullbeizlaða:

184. „Bróðir bezt,
þjarga þú mér!
fá mér fáka
ina faxprúðu,
at ek Ólýmps til
árna megak,
ódaðligra
aðalstöðva.“

185. „Svíða mér sárt
svárar undir,
þærs mér dauðligr
dreingr um hjó,
Týdeífs hróðmögur,

er ek hygg at mundi
nú móti Seifi
sjálfum vega“.

186. Mælti hún svá;
en mímúngs tívi
gaf henni gota
gullbeizlaða.
Stó á kerru-stól
stúrin gyðja;
var hugr harmi
höfgum sleginn.

187. Settist hennf hjá
hraðfleyg Íris,
ok glæsta greip
gullintauma;-
knýði fáka
at keyrðum hrygg;
en þeir ljúft liðu
á loptbrautum.

188. Komu þær skjótla
at skærum tindi
Ólýmps, atsetri
uppheims guða;
þar nam at stöðva
stríðum taumum
Íris reginskjót
reiðarbríma.

189. Leysti hún hesta
frá hveldri kerru,
ok ódáins fóðr
fyrir þá lèt;
en hin ágæta
Afrodíta
hneig at Diónu
dýrrar skanti.

190. Þat var mæð
móðir hennar;
vaðði örmum jóð
it ástkæra;

p. V, 262-381.

klappaði dóttur
kærri mundu
eiða in ágæta
ok orð um kvað:

191. „Hverr hefir þik
himinbúa
hart svá leikit,
mitt horska jóð,
ósæmilliga,
sem eitthvat þú
hefðir illt gert
fyr' allra sjónum?“

192. Aptr annsaði
Afrodíta
gyðja brosfögr
blíðri móður:

193. „Varp mik váliga
vándu sári
týmóðugr tiggil
Týdeífa arfi,
er ek arfa minn
frá smun-glaumi.
flytja vildak,
frægan Eneas,
er ek mest of ann
moldum ofarr“.

194. „Því eigi leingr
einir drýgja
ægan eimnis leik
Akkverja þjóð
ok Trójumenn
tíragjarnir;
heldr Danáar
darrum veífa
einnig guðum mót
óðauðligum“.

195. Aptr annsaði
ástar gyðju

Díóna, ágæt
upphimins dís:

196. „Vertu þolinmóð,
þekkust dóttir;
þoldu þrautir vel
þótt þúngar sè;
eru margir vár
væa himna
illu orpnir
af alda sonum,
þá er harðar vær
hverir öðrum
raunir reisa
ríkt of vildum“.

197. „Illt hlaut Ares
endr at þola,
er Ótus styrkr
ok Effaltes
Alóeifs synir
á hann ræðust,
ok hann ferligum
fjötri bundu“.

198. „Lá hann mánaði
lánga þrettán
eirsterkum undinn
jarðar múrum;
mundi þar ólmar
orrustu tívi
Ares hafa
andrán beðit,“

199. „Ef ei stjúpa
stríðsguðs hefði,
ágæt ok fríð
Erfböya
Hermesi hermt
af hörðum leiki,
ok Aresar honum
ófarir tjáð“.

200. „En senditívi
p. V, 381-400.

sendan lét braut
Ares á laun,
ok hann leysa gerði.
Var Ares þá
illa haldinn,
ok þúngu þjakaðr
þófi moldar“.

201. „Illt hlaut ok Hera
endr at þola,
er alstyrkr arfi
Amfitrýóns
hana laust
at hæggra brjósti
ör þrýddri
eljansárri“.

202. „Tók af því háleit
himins freyja
ógurligar
eymdar-kvalar“.

203. „Hlaut Hades enn
harm at bíða
afarstórr
undra-þúngan,
þá er inn sami
seggr hann laust,
allramr arfi
Ægiskjalda“.

204. „Þat var at Pýlus,
er inn þrautefldi
Herakles Hadesi
harm of bjó
á vígvallar
víðum fleti,
náum hjá
inum nauðfölvu“.

205. „Var hann sváram
sútum undinn,
er hann ör laust
í öxl hægri;

ok hann til Allföður
ægiskjalda
árnaði, at Ólýmps
efstum tindi“.

206. „Reið þá Peon
á raman tíva
smyrslum svásu,
at sefaðist kvöl,
ok hann læknaði;
því at eigi var
Hades dauðligum
hlutum alinn“.

207. „Ofdirfsku-fullt
var afarmenni,
sá er eigi sveifst
slíkt at fremja,
er hann óðhröðum
örum særði
uppheims allvalda
Ólýmpsþúa“.

208. „En þegn þenna
inn þrautrama
hefir Aþena
eggjat þær mót.
Fávíss ok skammsýnn
er skjöldúngur,
er hann ei geymir
í geðknerri“.

209. „At seggi þeim,
er við sjóla þreytir
uppheims allvalda
óðauðliga,
mun eigi lángur
lánast aldr“.

210. „Munu-at börn hans
blíðu kvaki
,pápa‘ hjala
hans við hnè,
nè hýr honuma

ρ. V, 400-418.

heilsa mega
heimkomnum aptr
frá hildar leiki“.

211. „Gæti því sín,
þótt gunnramr sè,
tigggi týframr,
Týdeífs arfi;
vel má þat vera,
at við hann þreyti
einnhverr, öflugri
ástar Freyju“.

212. „Skeð getr vel,
at skörúngs-kvæn
Egfalla
Adrastus dóttir
veki þýjar
af værum blundi,
yppi gráthljóði
ok gjöllum harmi“,

213. „Er hún grætr
sinn eiginver,
bertan akkneskra
böðvar þjóða,
víf it vegliga
ins vaska grams,
Týdeífs arfa
týfákvalda“.

214. Mælti hún svá;
ok mundum báðum
goða-dreyra þó
af gyðju hendi;
varð hönd heil,
hættu kvalar,
ok bölsárar
burtu svifu“.

215. En er þat áau
salar freyjur,
Aþena ok Hera
in augum-ríka,

þá mundu gyðjur
greml-orðum
Seif Kronusson
sárum 'æsa.

216. Yppti fyrri
in augum-glæja
orðum Aþena,
ok orð um kvað:

217. „Faðir allvaldr
síra ok guða!
hvárt muntu móðgast
af mínum orðum?
Hefir nú Kýpris
konu einhverja
akkneska viljat
væna ginna“,

218. „At hún með Tróum
tignum fylgdi,
er hún óðfús nú
unna gerir;
hefir hún klappat
konu nokkurri
sjótar Akkverja
síðmöttlaðri“.

219. „En hún sína
á sylgju gullinni
hefir hönd rispat
ina holdmjúku“.

220. Mælti hún svá;
en manna faðir
ok guða gramr
gerði brosa;
kallaði á
Afrodítu,
gullfagra gyðju
guð, ok mælti:

221. „Er-a þér gefit,
jóð mitt kæra,
hjörvum at ráða,

ρ. V, 419-439.

nè hildar dunum;
en unaðsælar
annast þú skalt
giptíngar guma;
en gunnar mál
skal Ares öll
ok Aþena dæma“.

222. Hjöluðu þau svá
hvárt annat við.

223. Sótti nú eptir
Eneasi
Díómedes
inn darrum-rami;
en þótt vissi hann,
at hendi styrkri
Apollon öðlíngi
yfir hældi.

224. En einkis virði
örva drottin
mikinn mildfagr
móðhugaðr;
vega vildi hann
ok vápnum góðum
Eneas fletta
inn ágæta.

225. Þrívegis þeingill
þreyta náði
móði morðgjörnum
at mildíngi;
þrívegis Apollon
mót öðlíngi
þrúnginsal
þúngan knýði.

226. En sem síklíngur
at sinni fjórða
æddi tiggja mót
tíva glíkr,
þá æpti Apollon

ægiliga

sjarrvirkr móti

fylki ólmum:

227. „Gæt þín, týsframr

Týdeifs arfi,

ok frá vígum vsk,

nè þú vèum jafnan

hygg þik, hildíngr,

því at hvergi eru

goða settir glíkar

gumna jarðar,

þeirra er foldar þröm

lótum sporna“.

228. Svá mælti tívi;

en Týdeifs arfi

hopaði lítt þat

á hæl aptr;

vildi hann forðast

feikna gremi

Febus Apollons

ins sjarrvirka.

229. En Eneasi

frá smunsveimam

Apollon barg

örva sjóli

Pergams helgu

at hávirki;

þar átti heilagt hof

himintívi.

230. Græddu þar öðling

in örvum-glaða

Artemis

ok ágæt Letó

hám ok miklum í

helgidómi,

ok segrð aptr

fylki veittu.

231. En svip setti

silfrbogvaldr

p. V, 439-459.

lofðúngur Apollon

líkan guma,

allt at einu

ok Eneas,

vesti at

ok vápnum bæði.

232. Kríng um svip þenna

svífa náðu

traustir Akkverjar

ok Trójumenn;

ónýttu törgur

af tarfa-leðrum

hverr öðrum fyrir

of hraustum bríngum,

hlífar hringlagðar

ok hráskinnss randir

sundr hjuggu

hvössum bröndum.

233. Þá mælti ólman

Ares við

Febus Apollon

inn sjarrvirki:

„Ares, Ares,

eyðir manna,

blóði drifinn

borga dólgr!“

234. „Mundir þú eigi

mildíngi þeima

ryðja frá rómu

reginefndum?

Þat er týsframr

Týdeifs arfi;

mundi hann nú sjálfum

mót Seifi vega“.

235. „Særði hann Kýpris

svása fyrst,

höggvápni á hendi

höggva náði,

síðan at mèr

svífa mundi;
var guði glíkr
gramr óðr“.

236. Talaði tívi,
ok á tindi hám
Pergamus síðan
settist niðr;
en mannskæðr
mismúnga Rögni
Tróa æsti
tírgargjarna.

237. Var hann þá allíkr
Akamanti,
Þrakúmanna
þeingli skjótum;
hvatti hröðmögu
hilmis Tróju
Brjáms goðborna
böðvar drottinn:

238. „Heyrit, burir Brjáms
ins böðvísa,
gylfa göfugrar
goða settar!
Hve leingi skal
hrönnum drepa
alþjóð yðra
Akkverja sveit?“

239. „Hvárt á fram
at fara slíku,
uns þeir fyr' borgar
berjast hliðum?
Nú liggir liðinn
lýða stjóri,
sá er hældum vèr
Hektori jafnan“.

240. „Þat er Eneas
Ankísess son,
mæringss mannheima
ins móðhugaða.

ρ. V, 459-479.

Heilir svá, halir,
ok úr herstjái
frelsa fêlaga
frækinn skulum“.

241. Mælti hann svá;
ok meginþrek
vakti beiml hveim
fyrir brjóst innan.

242. Þá nam Sarpedon
svárum orðum
Hektor átelja
inn hugumstóra:

243. „Hvar er nú, Hektor,
hugmöðr þinn,
er þú fyrr um barst
í brjósti þínu?
Hyggstu einn munu
verja hermúra
með sífum þínum
ok sífjúngum,
án böðvar þjóða
ok bandamanna“.

244. „Má ek eingan
augum leiða,
nè varr verða
vera þeirra;
sæk-at ek þá nú,
því þeir sik of dylja,
eins ok grey kríng um
it óarga dýr“.

245. „En vèr bandamenn
böð of drýgjum,
ok ímunveðri
uppi höldum“.

246. „Em ek fjarri frá
fold um svífinn
bandamaðr
at Brjáms múrum;

því at langt hæðan
Lýkía er,
hjá Ksantus
hörðum straumi“.

247. „Læt ek optir þar
it ljúfa víf,
ok barnúngan optir
bur minn skildi,
ok enn at auki
allmikit fê,
þat er hverr
of hafa sæsti“.

248. „En ek eggja samt
ok upp um hvet
Lýkiúmenn
at leiki sverða;
ok sjálfr ek
allmjök þrái
manni at mæta,
ok mæki reyna“.

249. „Á ek eigur þó
eingar hær,
þær er Danáar
darrum-frægir
burtu beri
eðr á braut reki“.

250. „En þú stendr,
starfar vætki,
nè öðrum þú
ýtum byðr
viðnám at veita
ok vígum deila,
víf at verja
fyrir valþjóðum“.

251. „Hræddr er ek um,
at þit herfáng verðit
dólgmögum ykkar
ok dauðligt hræ,
sem værit it

p. V, 479-498.

veiddir í neti,
ok möskvum feingsælum
fágnir gjörva“.

252. „En þeir bráðliga
brjóta munu
meginrama
múra yðra.
Skaltu, skati, æ
skygnast of þetta,
dimmar nætr
sem daga ljósa“.

253. „Bið þú, buðlúngr,
böðvar stjóra
lángt of leiddra
liða þinna,
at þeir stöðugir
standa náí;
best er þær stórrýði,
stillir, at lægja“.

254. Þat mælti Sarpedon;
en sjóla frægum
sáryrði sviðu,
ok sál hans kvöldu;
stökk þegar stillir
at storðar þróm
af hveldri reið
í herklæðum.

255. Veifði vísir
vígurum hvössum;
óð ægiliga
um allan her;
eggjaði ýta
at einnis leiki;
valglaum váligan
vekja náði.

256. Snèrust þá skjótt við
sveitir Tróa,
ok við Akkverjum
öndverðir stöðu.

En Argverjar eigi
æðrast gerðu,
en flokkum samfelldum
fyrða biðu.

257. Sem þá er andvari
ögnum feykir
sáða lauslættum
um láfa helga,
þá er menn þreskja
it þurra korn,
ok bleikhár Demetra
dýr of skilr
korn ok agnir
at sæstum vindi;
en sáðhrúgur
fyrir svárum blæ
driphvítum verða
dregnar ljóma:

258. Eins urðu Akkverjar
allir hvítir
af moldar-dusti
meginþurru,
þat er fáka sætr
fljóttir þeyttu
upp til eirvarins
uppheims boga,
þá er aptr blændust
böðvar reynar.

259. En kerrasveinar við
knáir snèru;
ok kappar karskir
knýðu mundir
fast at fölum
fáðra branda;
en iðólmr
Ares huldi
vígvöll váligum
víga-mjörkva.

260. Gekk gjörva kring
ρ. V, 498-517.

geira drottinn,
ok Tróa stoðaði
tírgargjarna;
rak svá erendi
rómu tívi
Febus Apollons
ins fagræpnta.

261. Hafði Apollon
honum boðit
vekja traustan móð
Trójumönnum,
þá er hann þrúða sá
Pallas Apenu
horfna vera
frá herglaumi;
því Akkverja var
ímun-Freyja
líðagoð ljúfasta
at leiki sverða.

262. En sjálfr fór til
Silfrinabogi,
tók Eneas úr hám
helgidómi,
auðsælum sal,
ok siklíngi
móðakarn miklum
móði fylldi.

263. En Eneas
í ýta sinna
flokk frægr gekk;
en þeir fegnir urðu,
er þeir lífs líta
lofðung kominn,
ok heilan á hófi
at hildar leiki,
ok herstyrkum
huga remmdan.

264. Frétu þeir eingra
fylki tífönda;

því iðja önnur
var ýtum lagin,
er Silfrinbogi
sveitum of bauð,
ok Ares ógnskæðr,
ok Eris leið,
þrávalt þjóandi
þrætuvala.

265. En Danáa
dýrir hvöttu
Alantar báðir
ok Odysseifr,
ok Díómedes
darrum vanr,
at bröndum beitti
böðvar þjóðir.

266. Váru-t sjálfir þó
seggir hræddir,
nè áhlaup æðruðust
ýta Tróju,
nè gunnar glaum
geigrigan.

267. Stóðu kyrrir
kesju-reynar,
eins ok skýmjörkvi
meginþykkir,
sá er Kronusson
í kyrru logni
staðnæmast lætr
á leitum fjalla.

268. Hvíla skugga-ský
á skörðum bjarga,
er norðanvindr
náir blunda,
ok hvassir hverir
hvíla stormar,
þeir er skilja ský
skörpum anda.

p. V, 517-536.

269. Eins biðu Danáar
darrum-traustir
Trófumanna
tírgargjarnar,
nè undan viku;
en Atreifs mögr
gekk of gunnar þjóð,
ok guma hvatti:

270. „Heyrit mál mitt,
mækis reynar,
sýnit hug hranstan
ok hetju þrek;
blygðist hverr
at blóðgum leiki,
hverr fyrir öðrum
hlýnr sverða“.

271. „Því at beima
blygðunarsamra
lifa fleiri æ,
en þeirs at láði falla;
en slýendr
frægð ei geta,
nè nokkura vörn
veita megu“.

272. Mælti svá fylkir,
ok flein of sendi
hart at frumherjum;
hafði mann fyrir;
þat var fêlagi
ins fólku-m-djarfa
Eneasar
ok ástvinr:

273. Deskon þráðr,
Pergass mögr,
þann er Tróar
tírgargjarnir
virðu jafnt horskum
hróðmögum Brjáms,

því hann frækinn var
í fylkingar broddi.

274. Þann laust allvaldr
Agamemnon;
kom lens lángur
í lofðungs skjöld;
stóðst eigi skjöldur
skotvarp magnat;
gegn um törgu gekk
gúngnis broddr.

275. Gegn um brynbelti
broddr þusti,
neðanverðum at
niflúngs kviði;
dundi darra láð,
er döglíngur hnè;
hríngluðu hroðnar við
hildar váðir.

276. Vág þar Eneas
ágæta tvá
dreingi hrausta
af Danáum:
mögu Díókless
darrum-fræga,
Kreþon ok ítran
Orslokkus.

277. Átti frægr
faðir þeirra
heima at Feru
fagrbyggðri;
var auði orpinn
öðlíngur mærr,
ok kyn rakti
frá rennslum strauma
Alfeus-ár,
er öðfluga renn
prýðilig ok breið
of Pýlus-veingi.

278. Sú ól ágætan
ρ. V, 536-555.

Orslokkus,
mildíngur mæran
margra sveita;
en Orslokkus
öðlíngur gat
Díókles hilmir
inn hugum-stóra.

279. En Díókles tíginn
tvíburar ól,
sonu tvá
tírargjarna:
Kreþon ok ítran
Orslokkus;
kunnu þeir öllum
at ímunleikum.

280. Fóru frumvaxta
fólknaðrángar
dökkum á
drafnar mörum
ásamt Argverjum
ítrfrægum
at jóaðögri
Ilíonsborg.

281. Buðlúngar bóta
of beiðast vildu
fyr' Atreífs arfa,
Agamemnon
ok Menelás;
en of mildínga
daudans mjörkva dró
dís valfallna.

282. Sem ljón tvö,
er á leitum fjalla;
alast bæði
einni móður,
í skógarrunni
skugga-dimmum,
ok fjöllaufgum
fagrlíma;

283. Ræna þau fjárhús
rekka hverra;
naut of grípa
ok góða sauði;
þar til er ólm
óarga dýr
bana bíða
fyrir beittum elri
herðum af höndum
hölda reiðra:

284. Svá mundu sjólar
siga til jarðar
fyr' mundum ægum
Eneasar;
föllu fólkvallar,
sem furu-trè,
hávar bjarkir
barri vaxnar.

285. Gramdist þá mærum
Menelási,
er hann fallna sá
fólkum-djarfa;
fram brauzt fylkir
of frumherja,
skínanda skróði
Sköglar fáinn.

286. Dúði darr í mund
döglíngr mærr;
en Ares ákefð hans
æsa gerði;
vildi vígaguð
vísi láta
til jarðar hníga
fyr' Eneasi.

287. Sá hann þá ágætr
Antflokкус,
mögr Nestors
ins móðhugaða;
fór hann þá frumherja
p. V, 556-576.

frækna gegn um,
því hann óttaðist
fyr' öðlíngi,

288. At hann eitthvat
illt of gerði,
ok endi eigi
orrustu feingist;
mundu þá báðir
munda vígra
harðydda hildfingar
hvárr mót öðrum;
váru báðir
í vígahug.

289. Gekk Antflokкус
grami nær;
frægum hirði
hauðrs þjóða.

290. En Eneas
ekki við beið,
þótt vaskr væri
vígamaðr,
þá er hann báða
beima leit
sér á móti
saman standa.

291. En döglíngar
drögu nái
bræðra dauða
Danáa til,
ok öðlínga
ógæfusama
félögum feingu
fremst at annast.

292. En sjálfir snèru
siklíngar við,
ok broddi í
börðust sveita.

293. Vágu þeir prúðan þar
Pýlæmenes,

Aresi jafnan
at orrustu;
hann var skati
inna skjaldrömu
Paflagóna
prúðhugaðra.

294. Ok döglingr
inn darrum-frægi
Menelás,
mögr Atreífa,
lens of laust
lagi þúngu
vísi standanda
á viðbeini.

295. En Antiflokkus
ítran Mýdon,
kerrusvein vísis,
knúði steini,
ágætan arfa
Atýmniuss,
þá er hann einhæfðum
jóm of snèri.

296. Laust vápnbjarg
ver á olnboga
miðjan ok marðir;
en úr mundum fèllu
sigtaumar, settir
snjóvi handar,
ok dýrðligir dattu
í dust niðr.

297. En Antiflokkus at
æða náði,
ok grami laust
á gagnauga;
en hann andköfum
ofan fèll
af hvelvagni
velsmíðuðum.

298. Steyptist á höfuð.
p. V, 576-595.

halr niðr,
skelldist á skalla
skjótt ok axlir,
ok á haus leingi
öflgr stöð;
því at djúpt var dust,
þars hann datt til foldar.

299. Stöð þegn leingi,
þar til er fákar
lustu hann,
ok at láði felldu.
En Antiflokkus
jóa keyrði,
ok inn í sveitir
Akkverja rak.

300. En þá er Hektor.
hildínga sá
í herflokkum
hrausta æða,
þá fór gramr þeim
grenjandi mót;
fylgdu honum fræknir
flokkar Tróa.

301. Gekk þeim á undan
Ares frægr,
ok Enýó
in smunrika;
hafði hún með sær.
Hergný óvægan,
reginglymjandi
rómi hildar.

302. En Ares hörðum
höndum í
darr ógurligt
ólmr tvíhendt;
hvarf hann ýmist
at Hektors baki,
ok ýmist frammi
fyrir öðlingi.

303. Skelfdist þá döglingr
 Díómedes
 inn málrómssterki,
 er hann mildíng leit;
 allt eins ok verr sá,
 er of völl geingr
 víðan ok stóran
 regu lánga.

304. Nemr hann staðar,
 nè nokkut úr ræðr,
 at vatnsfalls
 váðastrauði,
 þat er sævar til
 svífa náir,
 þá er hann lítr
 lá of belja,
 ok froðu hvítri
 á fjörur þeyta;
 hörfar beimr þá
 á bak aptr.

305. Svá mundi Týdeífs
 tíginn mögr
 undan hópá,
 ok hann orð um kvað:

306. „Hví mun oss, ýtar,
 undrunar fá
 Hektor herfrækn
 inn hjálmkviki,
 þótt vígflmr
 vísir of sè,
 ok huggóðr
 at hjörva leiki?“

307. „Er honum ætíð
 einnhverr guð hjá,
 sá er bana hans
 bægja náir;
 ok nú er Ares
 at öðlings hlið,

dauðligum glíkr
 guma nokkrum.“

308. „Heyrit nú, halir,
 hörfit at baki
 Tróju öldum æ
 tífrargjörnum;
 nè þér heimsku þá
 í hug alit,
 at èr við guði
 gunni vekit.“

309. Mælti hann svá;
 en mundarnærri
 váru Tróar þeim
 þá of komnir.

310. Vág þar Hektor
 inn hjálmkviki
 guma tvá
 at gunni kæna:
 Menestes ítran,
 ok Ankíalus;
 óku þeir báðir
 á einni reið.

311. Reiddist þá Aiant
 arfi Telamons,
 er hann þá leit
 at láði falla;
 gekk þá nærr granir,
 geiri blikanda
 skaut af hendi
 hildarramri.

312. Laust Amfíus
 öðlingr mærr
 Selaguss arfa;
 sá bjó at Pesus,
 afar-audugr,
 ok at ökrum ríkr;
 en skapanorn
 in skaðvæna
 svífa lofðung lét

lið at veita
Brjámi böðvísum,
ok burum hans.

313. Þann lauðt Aiant
arfi Telamons;
kom í brynbelti
á buðlúngi,
ok í niflúngs
neðstum kviði
lángskept darr
dreyra vakti.

314. Dundi darr-völlr,
er döglingr hnè;
hljóp þá til Aiant
inn herfrægi,
ok vápnum vísi
vildi fletta.

315. En Tróar mundu
tífrargjarnir
lensa láta
á loðúng drífa,
meginblikanda
málmi varða,
hvassa vigra,
harða fleina.

316. Tók skjöldr skata
við skotum mörgum;
en hann fæti stè
á fólvan ná,
ok eirdarr
út nam draga
skjótt úr kviði
kappa látins.

317. Mátti þó ei þá
þeingill draga
vápni in vænu
af vísis herðum;
því at á stóðu
öðlingi skeyti,

p. V, 614-632.

ok hann darra drífa
drjúgum þjáði.

318. Óttaðist einnig
öðlingr mærr,
at Tróar mundu
tífrargjarnir
niflúng umkríngja
ok návörn veita;
því margir mundu þar
mækis reynar
styrkir standa,
með stinum darrum.

319. Hrundu þeir þaðan
hildíngi þá,
þótt mikill væri
ok meginramr,
ok fremst of frægr
at fólkvígum;
en hann undan fór
í flæmíngi.

320. Stóðu at starfi
stríðu þannig
gunnfrægir gumar,
geira drottins.

321. En skapanorn
in skaðvæna
vakti tigginn
Tlepólemus
Herakless mög,
mikinn ok fagran,
at hann móti svisi
Sarpedoni.

322. Geingust at garpar
gildir sðan,
sonr Seifs
ok sonarsonr
tiggja skýbólstra;
en Tlepólemus

mundi þá fyrri
máls of vekja:

323. „Sarpedon, lofðúgr
Lýkiúmanna!
hver þik nauðr,
niðúgr, knúði
hinnig at hverfa,
ok hér at æðrast,
er þú ekki kannt
at ímunleikum?“

324. „Ljúga þegnar þoir,
er þik of kveða
arfa Allföður
ægiskjalda;
margs ertu þurfi,
attu megir líkjast
formönnum þeim,
er af föður Seifi
kyn sitt höfðu,
ok af honum ólust“.

325. „Víst kveða annan
verit hafa
Herakles, minn
mæran föður,
döglíng dádfrægan,
ðjarfhugaðan;
var honum ljónshjarta
lagit í brjóst“.

326. „Kom hinnig öðlíngur
einu sinni,
at heimta léttfeta
Láomedons;
hafði sex
hrannar gota,
ok fá menn
í för með sèr“.

327. „Eyddi hann ítra
Ilíonsborg,
ok borgarstræti
p. V, 632-651.

beimum svipti;
en þú, ræsir,
ragmennni ert;
hníga hrönnum
höldar þínir“.

328. „Hygg ek, at vesöl
virðum Tróju
vörn þú verðir,
vettugis ný,
þóttu frá Lýkiú
þreyta ræðir
leiðir lángr
at landi þvísa“,

329. „Ok hversu styrkr
sem þú, stillir, ert;
heldr hygg ek þik
hníga munu
fyrir mèr, fylkir,
ok of ferlig gánga
hlið Hadesar
at heimi neðra“.

330. Svaraði aptur
Sarpedon
lofðúgr frægr
Lýkiúmanna:

331. „Víst mundi tiggi sá,
Tlepólemus!
ágæta eyða
Ilíonsborg;
var þat grunnhyggni
grams at kenna,
Láomedons
ins lýðum-fræga“.

332. „Hreytti hann illyrðum
til Herakless,
nè honum greiddi
gullinfaxa,
þótt honum færíst vel,
ok fyrir þá

liðinn væri
úr löndum fjarrum“.

333. „En þat ætla ek,
attu aldrtila
ok feigð ferliga
fyrir mēr hljóti
hēr á vígvelli,
ok varga seðjir“.

334. „Mēr muntu háva
herfræð veita,
vísir, veginn
vigri mínum;
en önd þína
muntu, öðlíngr,
Hadesi gefa
inum hestfræga.“

335. Talaði Sarpedon;
en Tlepólemus
æfr sveiflaði
eskidarri;
ok jafnsnemma
æða gerðu
lensar lángr
frá lofðungum.

336. Hitti Sarpedon
á háls miðjan;
óð gerst gegn um
gúngnis broddr;
en svartnætti
fyrir sjónir dró
döglíngs deyjanda,
ok dag huldi.

337. En Tlepólemus
tiggja hitti
á lær mitt
laungu darri;
hljóp oddr æðandi
inn at beini,

en fylkis faðir
sá við fjörtjóni.

338. Báru þá böðfrægir
buðlúngs liðar
Sarpedon braut
frá sverða leiki;
dró döglíngr
darr it lánga;
en þat sársauka
svárum olli.

339. En eingi hafði
hugat at því,
nè gætr gefit
fyrir gunnar móði,
at eskidarr
úr öðlíngi næmi,
at á reið stillir
of stíga nætti;
svá var strítt starf
stúfsvaldenda
svárum ok snúðgum
at sverða leiki.

340. En á hönd aðra
Akkverjar báru
Tlepólemus
tiginn á braut.

341. En er þat sá
Odysseifr,
þeingill inn ágæti
ok þrautgóði,
þá varð hjarta hans
hördum ekki
sveipat, ok svárri
slúngit gremi.

342. Var þá á hvörfum
hildíngs munr,
nè hann glöggt ræð,
hvat gera skyldi:
hvárt hann fyrst

ins háþrumanda
 arfa Seifs
 of elta skyldi,
 eðr setti hann
 aldri at ræna
 liða lýðmarga
 Lýkiu-sveita.

343. En þá eigi
 Odysseifi
 auðit var
 öðling vega
 hjartaprúðum,
 ok Herjasöður
 vegligum syni
 vinna dauða.

344. Snèri þá Apèna
 Odysseifi
 at liðum hraustum
 Lýkiufoldar:
 vág hann Köyranus,
 ok Kromíus,
 ok Alastor,
 ok Alkander.

345. Vág hann Hálfus,
 herðimóði,
 Nóemon prúðan,
 ok Prýtanis;
 ok þar enn fleiri
 Odysseifr
 hefði lágt of lagt
 Lýkiumannna,

346. Hefði eigi þá
 inn hjálmkvikí
 Hektor mikli
 hans varr orðit;
 fram gekk þá fylkir
 of frumherja,
 skínanda skráðvarinn
 Sköglar máhmi:

ρ. V, 672-690.

347. Skaut skjöldungur
 skelk í bríngu
 Danáum; en dýrr
 döglingur gladdist.
 Sarpèdon, Seifs mögr,
 er sjóli kom,
 ok kveinstöfum kvaddi
 kynfrægan hal:

348. „Mærr Brjáms mögr,
 mik eigi hær
 liggja þú lát
 á láðvelli,
 at mærr sjandr ei
 fjörtjón vinni,
 ok mik Danáar
 dragi at bráð“.

349. „Nábjörg heldr mærr,
 níflúnger, velt;
 þá mun ek glaðr
 at garði yðrum
 svífa sælum frá
 sólarhelmi,
 ok fagra kveðja
 foldar daga“.

350. „Með því eigi mærr
 mátti auðnast
 heim aptr fara
 til fósturlands,
 ok kæra kván
 at kæti vekja,
 ok bur minn blíðan
 barnúngan sjá“.

351. Mælti svá hilmir;
 en hinn hjálmkvikí
 annsaði honum
 Hektor eigi;
 heldr stríðmóðugr
 steðja náði
 fram hjá fylki

er á foldu lá,
at hann sem fyrst
Akkverja mætti
morði móðga,
ok marga vega.

352. En fêlagar
fræknir lögðu
Sarpedon sjóla
sárum orpinn
ætibjörk undir
Ægiskjalda
forkunnar-fagra,
fjöllaufgaða.

353. Kippti þá Pelagon
inn þrúðfrækni
eskivigri
úr öðlings læri;
sá var fêlagi
ok frækin sinni
Sarpedons,
Seifs hróðmagar.

354. Leið þá ómegin
á öðling fallinn,
ok sorti sê
fyrir sjónir dimmr;
en hann aptr at bragði
anda þáði;
hlês norðanblær
ok of buðlúng læk;
lífgaði önd aptr
örmagnaða.

355. En Argverjar aldri
undan viku,
nê til svartra
snêru gnoða,
undan Aresi,
ok eirserkjuduðum

Hektori, hildíngi
inum hjálmkvika.

356. Nê þeir heldr við
hrökkva gerðu
til mótvagnar,
at mækis leiki;
en þeir hopuðu,
er þeir harðan vissu
Ares stoða
aldir Tróju.

357. Hvern þar vágu fyrst,
ok hvern síðast,
Hektor, hróðmögr.
hilmis Tróju,
ok sverða-guð,
svárum málmí,
darra drottinn
inn dreyr-ólmi?

358. Vágu þeir Tevþrant
tívum glíkan,
ok Órestes
inn jóvalda;
Trekkus ágætan
frá Etólu,
ok ítran enn
Öynómaús.

359. Vágu þeir Helenus,
horskan Öynóps mög,
ok Óresbíus, gram
gyrðilkvikan;
átti hálr heima
at Hýlu þessi;
átti glæsta gnótt
af góðmálmi.

360. Bjó kappi sá
at Kefsá-vatní;
en Böyótar fleiri
bjuggu þar kríng um;
váru þar landskostir

lýðum góðir,
at frjóvsælu
foldar skauti.

361. En er Hera sá
in hvítarmaða,
at Argverjar
aldrtjón biðu
harðri hildi at,
þá nam himins freyja
orðum vænghröðum
Aþenu kveðja:

362. „Heyr undr mikit,
Atrýtóna,
Allföður jöð
ægiskjalda!
víst höfum vit
veitt til einkis
Menelási heit,
þat er honum gáfum:“

363. „Þá er hildíngi
of heita røðum,
at hann Brjáms borg
of brjóta skyldi,
ok at unnu því
aptr halda
heim at ljúfu
láði feðra“.

364. „Er þat ónýtt heit,
ef við hamslausan
Ares látum
æða þannig.
En vèr einnig nú,
naðels Freyja,
skulum máttar neyta,
at morði stríðu“.

365. Mælti svá gyðja;
en in glóeyga

á hlýddi Aþena
orð um kveðin.

366. Fór því næst Hera
hátignarlig,
dóttir Kronusar,
dýrðligs tíva,
ok út bjó
undrskjóta
gota ginnragna,
gullbeizlaða.

367. En hjól in hveldu
Heba setti
hratt á flugharða
himinkerru;
eir varin,
átta spelum;
járnmöndli studd
at jörmunsvífi.

368. Var hjólfaldr
hverfór gulli
ok óslítandi
of aldrdaga,
en it efra váru
eirspeingr felldar;
þat var undrsjón
augum at leiða.

369. En hjólnafir
af hvíta-málmi,
ok um renndar
alla vegu;
en kerrustóll
knúinn böndum
úr gulli glóanda
ok grá silfri.

370. En kerrubogar
beygðir váru
tveir í kríng
um kerrusæti;
en frá stóli

var staung lagin;
sú var úr silfri
smíðuð hagla.

371. Batt ágæt gyðja
á yztri staung
glæsiligt ok,
gulli skúngit;
smeygði okreimum
salar freyja
í þat, gullligum
gripam himna.

372. Leiddi undir ok
jóa síðan
Hera hvítörmuð
ok hála keyrði;
svall meginmóði
it mikla goð
eptir ófriði
ok ógnar glaumi.

373. En Aþena,
Allföður jóð
ægiskjalda,
af sèr steypiti
möttli mjúkum
at miklum sal
Herjaföður
ins háþrumanda.

374. Var marglitr
möttull gyðju;
hafði sjálf unnit
höndum sínum;
klæddist síðan
kyrtli stórum
skillfings Seifs
skýjabólstra.

375. Hervæddist harðröm
hjörva Freyja,
ok at beiskum bjóst
böðvar leiki.

p. V, 729-746.

376. Varp hún of herðar
vðri törgu:
ægiskildi
inum ógurliga,
skúfum skráðbúnum,
skelfing um settum
ok náfölvum
naudum dauða.

377. Þar var á skildi
skryðdum dregin
Vörn, ok Deila
in dólgsæla;
var ok Ofsókn
á örlög-bangi,
frostköldum fáin
feigðar hrolli.

378. Var þar ok geigvænn
Gorgóar hauss,
óvættar illrar
ok ægiligrar;
þat var ógamerki
Ægiskjalda,
Seifs, þat er blöskra
beimum lætr.

379. Brá bóluhjálm
böðvar Freyja
fjórþóluðum
fagrgullnum
sèr á höfuð;
ok und honum mundu
halir felast mátt
hundrað borga
allir at einu
í orrustu.

380. Steig síðan fótum
fölvís gyðja
upp í logandi
ljóma-kerru;
tók þúngan geir

í gilda mundu
sterkan ok stínnan,
þeims til storðar fellir
máttugs mildíngs jöð
mækisvalda
sveitir svárar,
þá er svellr móðr.

381. Ok síðan snöggt
of snerta náði
svipu snúðgri
silfrtoppa;
en glymjandi
geingu sundr
hurðir sjálfkrafa
himinsalar,

382. Þær er misseris
mærar gyðjur
gæta gerðu,
er gjörvallan
himin geyma,
ok hástöðvar
Ólýmps tinda,
þars tívar búa;
eiga þær jafnt
upp at ljúka
almyrkvu skýi,
ok aptr lykja.

383. Hældu þær of hlöð
himinsala
jóm sprettfráum,
sporum-keyrðum.

384. Hittu þær Kronusar
kon allvaldan,
er hann jólnum sat
öðrum fjarri,
á tindi hæstum
tíva leitist,
marghálsuðum á
meginhnjúki.

ρ. V, 746-764.

385. Þar mundi Hera
in hvítarmaða
styrkum fákum
stöðvun veita;
ok allvaldan
arfa Kronusar
orðum á varp,
ok eptir frétti:

386. „Seg mér þat, Selfr,
sigtíva faðir,
leiðist þér ei íðn
Aresar skæð,
hve hann um eyðir
Akkverja sjót,
svívirðuliga,
ok smán of veldr?“

387. „Svellr mér sefi,
er ek slíkt of reyni;
ok næðisgöð
at náðeli
Kýpris kætist,
ok konúnger skeyta,
Apollon, sjóli
silfrbogvaldr,
þau er ólman
eggjat hafa
lofðung þenna,
er við lög ei kannast“.

388. „Muntu reiðast mér,
ragna faðir,
þó ek ólman braut
Ares reki,
ok sverða guð
svárum höggum
frá höðvi beyti,
inn böðvalda?“

389. Svaraði aptr
sjóli skýbólstra

háttignarlígrí
himins freyju:

390. „Heyr mér þá, Hera!
sendu honum mót
fólvis Freyju
ina feingsælu;
sú er vön
sárt at leika
sváru hann
sverða bölví“.

391. Mælti svá Seifr;
en it svása goð
himna sjóla
heyra náði,
ok bitilhreina
beysti ólúm
svipu snúðgrar
salar freyja.

392. En silfrtoppar
svifu viljugir
undir gyðju
á gullreiðu;
fóru mitt millum
moldar jaðra
ok meginboga
Múspells sía.

393. Eins langt ok eygir,
sá á efstum sítr
bjarga tindi;
yfir bláan ægi:
eins munda at einu
undir sik leggja
stökki hestar á
hádunandi.

394. En er hávar komu
himins freyjur
Trójuborgar til
ok tærra strauma,
þar sem Símóis
p. V, 764-784.

saman hverfir
fossu skjálíandi
við Skamandr.

395. Þar nam at stöðva
styrka jóa
Hera, himindís
in hvítarmaða;
leysti reiðum frá
reiðarbríma,
ok mjörkva miklum
yfir marj brá;
en Símóis
svásan þeim
ódáinnsmára
upp lét renna.

396. Geingu svá gyðjur,
í gaungu líkar
skundandi styggum
skógardúfum;
vildu óðfúsar
veita Argverjum
at skæðum leiki.
Sköglar dóma.

397. Svifu þangat þær,
er þegnar stöðu
flestir ok fræknastír
kríng um fólkvaldan.
Díómedes
inn darrumfræga;
váru þétt þreingdir
í þyrpingu.

398. Váru halir líkar,
þeim er hrátt eta,
dýrum óarga,
eðr ólúmu göltum,
þeim er aldri
aflíátt verðr.

399. Þar nam hvítörmuð.

Hera staðar,
ok ægiligu
ópi hreifði;
lík var hún Stentori
inum stórhugaða,
er eirgjallan róm
eiga náði,
sá er raust renndi
úr ranni hljóða,
sem fimm tugir
fíra annarra:

400. „Smán er at slíku,
synir Argverja,
huglausir erut ðr,
en horskir sýnum“.

401. „Meðan ágætr
at einnis leiki
gekk Akkilles
grátvaldanda,
þá mundu Tróar
tírgjarnir
aldri út dirfast
fyrir Dardans hljó“.

402. „Því þeir óttuðust
ógnstyrkan dör
grams ins gunntama
geiskafullir;
en nú beimar langt
frá Brjáms múrum
dólg of drýgja
at dýrum sævar“.

403. Mælti hún þannig,
ok móð of vakti
hal særhverjum
í hugar sæti;
en in glóeyga
Ginnregins mætr

hljóp til tírgjarns
Týdeifs arfa.

404. Hitti hún hilmí
hjá hestum fráum,
ok reið hveldri,
þar ræsir kældi
und þá, er áðr
öru laust
Pandarus hann
inn þrúðlundaði.

405. Ángraði öðling
öðr sviti
und fagrkríngdrar
fælli randar;
mæddist í mundu
megin særðri
skati skærr
fyrir skjaldarþunga,

406. Hælt hann upp fætti,
ok fram reananda
þerraði dreyra
dökkva strauma;
snart þá ok fáka
sverða Freyja,
ok orðum þeima
öðling kvaddi;

407. „Er-at iðglafr
arfi Týdeifs
föður ágætum
at ásýndum;
var Týdeifr
at vexti lítill,
en inn röskvasti
at randa glaumi“.

408. „Ok þá ek áðr
öðlingi bannaða
darr at dýja,
eðr dólg of reisa,
þá er sendr var

sjóli til þífi
 Akkverjum frá
 til asar-margra
 Kaðmuss knfa
 kröptum stórra“:

409. „Ræða-k þá ræsi,
 at með rekkum sæti
 at veizlu vegligri,
 nè á víg hygði;
 en sefa inn sama
 sváran hafði
 eins ok áðr
 ítr sjóli“.

410. „Kallaði hann Kaðmunga
 at kappleiki;
 vann verðlaun hver
 vísir hægliga;
 veitta-k þá slíkan
 síklíngi heitðr,
 ok sigmátt svásan
 at sigföllum“.

411. „Stend ek þér víst,
 stillir, at hlíð,
 ok þín gerst
 of gæta ná;
 hvet ek þik, hilmir,
 fyr' hvatvetna,
 attu beima Brjáms
 blóði rjóðir“.

412. „En nú er
 eitt af tvennu:
 annathvært ertu
 óðri þjáðr
 þreytu, þeingill,
 í þínum limrum
 af erfiði
 asar-þúngu“.

413. „Eðr ok þik æðra
 aflaus veikir,

ρ. V, 804-822.

ok þik altekr
 æstum skjálfta;
 en þá ertu ei
 arfi Týðeifs,
 Öyneifs sonar
 ins alfræga“.

414. Aptr annsaði
 orðum gyðju
 Díómedes
 inn dólgrami:

415. „Kenni ek þik vel,
 kvernbíts Freyja,
 Allföður jóð
 ægiskjalda;
 mun ek því einlægum
 orðum mæla
 ok eingu leyna,
 nè undan fella“.

416. „Emk-at ek aflvana
 æðru haldinn,
 nè lúá leiðum
 of limu þjáðr;
 en ek enn of man
 áminafngu,
 þá er gafstu mér,
 gyðja, fyrri“:

417. „Bannaðir þá mér
 at belta móti
 sigtívum sælum
 svárum brandi,
 nema ef Allföður jóð,
 Afrodíta,
 svífi blóðgum at
 sverða glaumi“.

418. „Þá skylda-k særa
 sjafna dís
 yddum eirmálm,
 ok und of vekja;
 þessari af

áminningu
hopa ek nú,
nè ek hjörvi beiti“.

419. „Hefi-k öðrum ok
Argverjum boðit
hinnig at þyrpast
hölum öllum;
því at ek skil,
at skálma drottinn
ræðr Ares nú
at orrustu“.

420. Annsaði aptr
ítrum sjóla
gyðja in glóeyga,
Ginnregins mæsr:
„Dýrr arfi Týdeifs,
Díómedes,
hjärtkærastr mæsr
fyrir mold ofan!“

421. „Ei skaltu þar fyrir
Ares hræðast,
nè nokkurn annan
uppheims tíva;
því slíkan veiti-k þær
sigrljósan
heðr at hildi
ok hjálp mæra“.

422. „Halt nú fyrst, hilmir,
hestum þínum
móti morðtíva
inum mannskæða;
högg til hjörvaguðs,
ok hvergi æðrast
Ares vígólman
at einvígi“.

423. „Þótt óðr þrammi
of þrimars eingi
böðvar bölsmiðr
inn brígðlyndi:

p. V, 822-840.

hæt hann okkr fyrr,
Heru ok mæsr,
þá er hann okkr
orðum mælti“,

424. „At hann beima Brjáms
of beysta skyldi,
ok Argverjum
at ógn um velta;
en hann nú Brjáms
beimum hjálpar;
hefir hinum gleymt
ok úr huga sleppt“.

425. Svá mælti sigprúð
sverða Freyja;
ok Stenelus af kerru
til storðar hratt;
kippti beimi
á bak aptr,
en hann þegar braut
of þjóta náði.

426. En sjálf steig
á stól reiðar;
settist hjá dólgrömum
Díómedes;
var í vígahug
vilgi tryggum;
svall sigmóði
sefi drjúgum.

427. Brast ok brakaði
í hjarkar-möndli
reiðsvárum undir
reginþunga;
því buðlúngr beztr.
und boga sólar
ók ok æg gyðja
á gullinreiðu.

428. Sjálf tók þá svipu
ok snúðga tauma
Pallas Aþena

in þrúðhjartaða;
hælt hún einhæfðum
hildarfákum
fyrst mót Aresi
fólka-tíva.

429. Var þá vígagud
vápni at fletta
af Perífanti
inum feiknstóra;
var hann ítrastr
með Etólum,
ágætr arfi
Okesíuss.

430. Fletti buðlung þann
bøðvar skruði
darra drottinn
dreyrflekkaðr;
en hulins-hjálmi
yfir höfuð brá
Aþena, at Ares
ei hana sæi.

431. En er ágætan
augum leiddi
Ares dreyrsólginn
Díómedes;
þá lét hann liggja
lofðung stóran,
Perífant
inn þrúðlundaða,
á svæði því,
er hann svipta náði
fjörvi fallinn gram
fránum málmi.

432. Gekk hann á móti
grami fákprúðum,
Díómedesi
inum dáðum-fræga;
en er váru þeir,
þeingill ok gumi,
p. V, 840-859.

hvárr öðrum nærri
á naðvelli,

433. Þá seildist Ares
svárum armi
upp yfir ok
ok jótauma,
ok eirdarri
ólmr lagði;
vildi öðling
öndu ræna.

434. En gyðja sverða
in glóeyga
greip um gunnar flein
gildri mundu,
ok út frá römum
reiðar stóli
vigri vendi;
var-at hæfing nýt.

435. En döglingr aptr
Díómedes
móti morðguði
máttugum reis,
ok vigr sendi
varinn eiri;
stefndi Aþena
stinnu darri
neðstan í nára
naðels drottins,
þar sem bryngyrðill
brást of miðju.

436. Lostinn var lagi
lögðis tívi;
hljóp it hvítbjarta
hold í sundr;
kippti döglingr
darri afðan
aptr út
eiri vörðu.

437. Orgabi Ares þá

eirvápnaðr,
sem nfu þúsundir
naðels boða,
eðr törgu hlyna
tíu þúsundir
heróp hefja
at hildar leiki,
er saman svartar
siga fylkingar.

438. Urðu allir
Akkverjar þá
ok skatnar Brjáns
skelfdir ótta;
svá hátt öskraði
ímuntívi,
darra drottinn
inn dreysólgni.

439. Sem þá svartmjörkvi
sæt á skýjum,
ok niðheims niðdimma
nóttu svartari;
þá er hita eptir
höfgan sólar
stórvíðri steðjar
of storðar þröm:

440. Eins var tilsynðar
tívi sverða,
Ares eirvarinn,
fyrir öðlingi
Díómedes, tignum
Týdeifs arfa,
þá er hann svörtum
sveiptr skýjum
sveif at svalbogum
salar himna.

441. Kom hann skjóðliga
at skörðum tindi
Ólýmpus

p. V, 859-878.

uppheimsbúa;
settist hjá Sigföður,
svárum orpina
meginmöði
ok megnum harmi.

442. Sýndi hann Allföður
óðauðligt blóð,
þat er út úr rann
undar djúpi,
ok kveinstöfum
konúng himna
orðum vænghröðum
ávarpaði:

443. „Gremst þér ei, góðr
guða sjóli,
er þú æg þessi
afarverk sèr?
Erum vèr þetfð
illu vorpnir
himinbúar
hvárr af öðrum,
þá er viljum vèr
virðum foldar
liðveizlu veita
ok lán gefa“.

444. „Erum allir þér
upp á móti;
því at þú hefir
af þér getið
óvitra dóttur
ills um valda;
vill hún illsku æ
ok óhæfu“.

445. Því allir aðrir
uppheimsbúar,
þeir er Ólýmpus
efstan byggja,
hlýðni þér,
hilmir, veita;

erum þær allir
undirgefnir“.

446. „En þú aldrei henni
ávítur fær,
eigi með orði,
ok ei með verki;
heldr hana þú
helzt of æsir,
er þú sjálfir ólst
illa dóttur“.

447. Æsti hún nú
inn afarríka
týframan upp
Týdeifs arfa,
at hann óðlátr
mót uppheimsguðum
darr of dýði,
ok þeim dreyra vekti“.

448. „Særði hann Kýpris
sverði fyrsta,
á úlnliði,
ofarr mundu;
óð at mér síðan
einna nokkrum
guði glíkr,
í grimmum hug“.

449. „Hefða-k þá eigi
hörfat undan,
fráum fótum
ok forðast mátt,
þá munda-k valköstum
vorpinn þúngum
leiddr laungum
legit kvölum,
eðr ok hefða-k
fyr' eirvápni
lífs aflvana
of orðit hafa“.

450. Sökkti brúnum

p. V, 878-897.

sjóli skýbólstra,
ok aprt honum
annsvör greiddi:

451. „Sittu mér eigi
sýtandi hjá,
brigðlyndr, bölvíss
böðvar drottinn!
ertu mér leiðastr
allra tíva,
er Ólýmps byggja
aðalstöðvar“.

452. „Eru ætíð þær
illlyndi kær,
böðvar böl
ok branda glymr.
Hefir þú Heru
harðan þegit
móð, móður þinnar,
ok meginríkan“,

453. „Þeirrar er ek varla
of valdið fæ,
nè með orðum stillt
ógnar sefa;
er þær nú víst
af völdum hennar
böl þetta búit,
ok beiskir harnar“.

454. „Má ek þó eigi
í muna þola,
attu leingi svá
leiðist kvölum;
ertu mínum af
mætti alinn,
ok þín móðir þik
mér um sæddi“.

455. „Ef þú, Ares,
ills um valdr,
getinn værir
guðum öðrum,

þá mundir þú
mögum Úrans
fyrir laungu
lagiðr neðarr“.

456. Mælti hann svá;
ok síðan bauð
Peoni at lækna
lögðis tíva;
reið þá Peon
á raman guð
smyrslum svásu,
at sefaðist kvalar,
ok hann læknaði;
því at eigi var
Ares dauðligum
örlogum getinn.

457. Sem fíkjulyf
fjót of hleypa
saman hvítum
safa júgra,
þeim er þunnr snýst
þyrli snúðgum
fyrir hals höndum,
er hræra náir:

458. Svá mundi óðlátan
Ares lækna
Peon skjótliga,
skálma drottin.
En Heba laugaði
hílmi síðan,
ok hann skínanda
skrúði hjó.

459. Settist at þat
hjá Allföður
dádum-hróðugr
drottinn geira.

460. En þær aptr
í Allföður sal
ganga náðu,
gyðjur máttkar:
Hera in argverska,
ok Aþena,
Alalkomens dís
in augum-glæja;
þá er höfðu þær
hætta látið
Ares manndrápum
inn mannskæða.

SJÖTTA KVIÐA.

DRÝGÐU nú einir
darra leika
Tróar ítrir
ok Akkverjar;
geysaði vígglaumr
of grund víða,
hinnig ok þinnig
hjörvar sýngu.

2. Skutu skatnar
sköptum eirvörðum,
annarr annars til,
efidum móði;
þat var á miðil
meginstrauma.
Ksantuss særunnins
ok Símois.

3. Rauf þá týframr
Telamons niðr
Aiant, megin-múrr
mækis-þjóða,
fyrstr fylkingu
frækinna Tróa,
ok vígljós vegöndum
vöskum færði.

4. Vág hann inn vaskasta
vera þrakneskra,
Akamant, nýtan
Evsórus son,
mikinn vexti,
vænan sýnum.

5. Hitti þann
halr fyrstr
á ægis-knapp
jörmunfextan:
kom höfugt högg
hals á enni;

ρ. VI, 1-18.

gekk eirs oddr
at innstu beini;
sæ sorti dauða
fyrir seggs augu.

6. Drap inn rómsterki
Díómedes
Axylus, tiginn
Tevþrants arfa;
sá átti heima
halr vaskr
í Arisbu
ítrbyggðri.

7. Var rekkr ríkr
af rauðmálmi,
ok mannhell
mikla hafði;
því hann gumna hveim
gisting veitti,
ok á þjóðvegum
þrautrunnum bjó.

8. Gekk þó eingi þá
gram at verja,
ok illum eyða
aldrtila;
nè nokkurr njóta
fyrir niðlúng fram
gekk, at hönd honum
fyrir höfuð bæri.

9. Svipti þar báða
seggi fjörvi
Díómedes:
döglíng sjálfan,
ok kerrusvein hans
Kalesfus.

10. Var hann þjónn þá
þeingils frækin,

ok fólk-kerru
fèkk at stýra.
Þeir hurfu báðir
fyrir hauðrs borð,
ok moldu myrkri
mundu sveipast.

11. Vág Evryalus
Ofeltíus,
ok Dresus
inn dáðum-rakka;
elti síðan
af ímun-móði
Pedasus ítran
ok Esepus.

12. Þá hafði aðr
Abarbára
alit ægis dís
við ágætum
Búkolíóni,
buri fylkis
lofsæla, lýðkunnigs,
Láomedons.

13. Hann elztr var
jöfri getinn:
ól arfa frægan
eiða á laun;
því Búkolíón
með hjartri knátti,
er hann at sanðum sat,
svinnr hvíla.

14. Varð bárubjört
barnshafandi,
ok tvíburu
týframa ól;
þeim vann Mekisteífs
mögr bana,
lèt afvana
limu gerða;

ok vápn vaðði
af vera herðum.

15. En Polýpöytes
inn þrúðhugaði
Astýalus
aldri svipti;
ok Odysseífr
með eir-darri
Pídýtes vág
inn perkótska.

16. En Tevkrus vág
inn týframa
Aretáon,
ok öndu rænti;
ok Antflokklus,
arfi Nestors,
Ablerus vág
vigri fáðum.

17. En Elatus
alda stýrir
aldri rænti
Agamemnon;
byggði háva
borg Pedasus,
svásam bökkum á
Satníóis.

18. En Lestus
lofðúngr vág
Fýlaks fræknan,
er hann flýja vildi;
ok Evrýpýlus
öndu rænti
Melantíus
at morðleiki.

19. Þá tók Menelás
inn málrómsterki.
höndum Adrestus,
hal lifanda;
því at hestar hans

á hervelli
 sælast fremst mundu
 fólvis gjálbr.

20. Fældust þráðfextir
 í þors-kvisti,
 ok fólkvagns staung
 fremsta brutu,
 en borgar til
 báðir runnu,
 þánga er sældir flýðu
 fákar aðrir.

21. En knár valt
 úr kerrusæti
 Adrestus ofan
 hjá öflug hjóli;
 geysaði gramr
 á grífu niðr
 at aurmoldu
 smunvallar.

22. Nam þá staðar
 hjá niflúngi
 Menelás, Atreífs
 arfi frægr;
 hafði í hendi
 harðmáttigri
 lángskept darr
 dróttar skati.

23. Tók þá Adrestus
 um tiggja knè,
 ok buðlúng bað
 bænar orðum:

24. „Gef mér grið, Menelás
 mögr Atreífs;
 muntu ljósa þiggja
 lausnar málma;
 er at auðsölum
 ógrynni fjár
 föður míns
 ins feiknaudga“.

ρ. VI, 38-57.

25. „Er þar gulls gnótt,
 ok grátt silfr,
 ísarn eljanþrátt
 it löselga!
 þess mun á minn
 ógrynni þér,
 vísir, veita,
 fyrir veittum griðum,
 ef hann mik lífs
 at lagar dýrum
 spyrja getr
 gumna akkneskra“.

26. Mælti hann svá;
 en móðakarn
 viknaði við
 vísir harða;
 vildi hann þegar
 ver of fá
 sveini sínum,
 at hann segg leiddi
 at stafnbjúgum
 stála hreinum.

27. Þá hljóp öðlingr
 Agamemnon
 bróður móti
 böðvarfrægum;
 ok hárri röddu
 hildar skati
 knár nam at kalla
 at konungi:

28. „Hví þik, blóði
 inn böðvarfrægi,
 sárt svá tekr
 til seggja þeirra?
 Hafa víst ágæt
 at inni þínu
 verk of vunnit
 virðar Tróju“.

29. „Skal nú eingi

skatna þeirra
illan um flýja;
aldrtila,
ok harðefldar
hendr várar;
skal-at lind ljósa
lagar skærra
ala mæran mög
í móður-kviði“.

30. „Elgi skal hann
andrán flýja;
en allir skulu
skatnar vegnir
Ilíons-borgar,
ok ógrasnir
nóðnum numdir
fyrir naðmálmi“.

31. Mælti svá hetja,
ok hug snèri
þeknum þegar
þjóðar skata,
því at heilræði
hildíngur kvað.

32. Hratt þá Menelás
mundu knárri
frá sèr ítrum
Adrestusi;
en Agamemnon
yfirstýrir
í nára lagði
á niðfúngi.

33. Fèll hann í lopt upp
at láðvelli;
en Atreífs niðr
inn ítrfrægi
nam á fylkis brjóst
fæti stíga,
ok eskidarri
út úr kippti.

ρ. VI, 57-75.

34. Kallaði þá
knúðum rómi
Argverja til
ítr Nestor:

35. „Heyrit, hróðvinir,
hetjur Danáa,
þjóðar geira-guðs
gráserkjaðir!
dvelji nú eingi,
nè darra-skrúði
hyggist at svipta
hali fallna“,

36. „At hann sem mest
meiðma flytji
stafnbjúgum at
stála hreinum;
munum heldr vèr
hali vega;
síðan í tómi
taka skulut
vápni á vígvelli
vápnbittinna“.

37. Sagði þat sjóli
ok sèrhverjum
dug nam at drýgja
ok dáð í brjósti.

38. Mundu þar Tróar.
fyr' tírargjörnum
Akkverjum hafa
aptr hopat
inn í ógnrama
Ilíons-borg
vígbreytu vunnir
ok varnarleysi,

39. Ef ekki til
Eneasar
ok Hektors
hefði geingit

Helenus, horskr
hróðmögr Brjáms,
forsagnir fugla
fremst vitandi:

40. „Eneas (kvað hann)
ok ítr Hektor,
sem á ykkrum helzt
herðum liggir
Lýkfumanna
ok liða Tróju
herstarf ok höfgi
hildar leika“,

41. „Er þit hraustastir
hverra erut,
ok alls of ítrastir
at orrustu,
ok manna mestir
at meginhyggju“.

42. „Nemit staðar hær,
naðels boðar,
ok brögnum haldit
fyrir borghlíðum,
ok um árnit
alla vegu,
fyr en þeir flýjandi
fljóðum sínum
í faðm falli
ok fjandr kæti“.

43. „En er hafit it
herfýlkíngar
eggjat allar fram
at íðleiki,
munum bíða hær,
berjast við Danáa,
þótt vær þrekaðir
ok þjáðir sëm“.

44. „Því at nauðr nú
náir bjóða;
en þú, Hektor,
p. VI, 76-95.

hald til borgar,
ok á tal tak
tignarlíga
móður mína,
móður þína“.

45. „Saman skal hún safna
svinnum tróðum
upp í heilagt hof
í hæstri borg,
þat er glóeygri
Ginnregins mey
helgat hafa
hölda kindir“.

46. „Helgum skal hún hurðum
hofs upp ljúka,
ok at láss lokum
lykli snúa;
möttul skal hún taka,
er mestr henni
virðist ok vegligstr
at vegsölum“.

47. „Ok er mest ann
okkar móðir;
grip skal hún leggja
í gyðju knè,
Aþenu, heilagrar,
haddfagar“.

48. „Hún skal henni
heiti gefa,
fór at færa
fjórar þrennar
kyfgur ársgamlar
ok ólostnar
at hofs garði
hála reistum“.

49. „Ef at svá mætti
máttug gyðja
yfir aumkvast
Ilíons-borg,

konur kinnfagrar
kesju reyna,
ok barnunga
buri þeirra“.

50. „Ef at mætti hún
móðgum bægja
Týdeís arfa
frá Tróju heilagri,
trylldum, týfrömum
törgu skelfi,
flóttu-frömuði
fólkum-djörfum“.

51. „Þann kveð ek þeingil
þrautramastan
Akkverja vera
at örlygi;
nè vèr áðr svá
syrir Akkillesi
æðrast náðum
aldar skata“,

52. „Þótt hann rekkar
runninn kveði
af ginnheilagrar
gyðju skauti;
en þessi ólmr
æða náir;
er honum eingi jafn
at smunmóði“.

53. Mætti hann svá;
en mærum bróður
hvergi óhlyðnast
Hektor náði;
stökk þegar stállir
at storðar þróm
af hveldri reið
í herklæðum.

54. Veifði vísir
vígrum hvössum,
óð ægiliga

ρ. VI, 95-115.

um allan her;
eggjaði ýta
at einnisleiki;
valglaum vállgan
vekja náði.

55. Snærust þá skjótt við
sveitir Tróa,
ok mót Akkverjum
öndverðir stóðu;
en Argverjar
undan viku,
ok manndrápum
mundu lètta.

56. Hugðu þeir af himni
horfinn niðr
stirndum nokkurn
sterkra tíva;
svá mundu Tróar
tírargjarnir
snarliga við snúast
móti sigþjóðum.

57. Kallaði þá Hektor
hvellum rómi
tírargjarnara til
Trójumanna:

58. „Ofrhugaðir
ýtar Tróju,
ok líðsmenn frá
löndum fjarrum,
alit meginmóð,
manndáð sýnit,
aukit þrótt ok þrek
at þrymu hjörva“,

59. „Meðan ek til borgar
búumst at snúa;
vil ek öldungama
ftrum bjóða
ok konum várum,
at kalli þau

há til hjálpar
himna regin,
ok heiti þeim
hundraðs blótum“.

60. Gekk þá Hektor braut
inn hjálmkviki;
er hann orð slík
innt of hafði;
skalíf á herðum,
skall við hæla
leðr lyndi
sá er lagðr var
yzt of rama rönd
reginhvelda.

61. Geingu fram á völl
víga miðjan
Glákus hróðmöggr
Hippolokkuss,
ok týframr
Týdeífs arfi;
váru báðir
í vígahug.

62. En er nærr geingust
naðels boðar,
annarr annars til
á eingi rómu,
þá mælti fyrri
inn málrómasterki
Díómedes,
ok dólgr kvaddi:

63. „Hverr ertu, inn horski
hildar frömuðr?
hverjum dauðligum
dróttum alinn?
Sák-at ek þik fyrr
at sigjöru,
er öld effir
strum heilðri“.

ρ. VI, 114-134.

64. „Hefir þú nú
í hugar-móði
of langt geingit
fyrir öld of fram,
er þá óvitr
eptir bíðr
mínum lens
inum lángskepta;
því at ólánsmönnum
eru aldir, þeir
mér sem at morði
móti ráðast“.

65. „En ef ertu
einna nokkurr
óðauðligra
upphelms tíva
svifinn mér á mót,
munk-at ek þér
andvígr etja
aflí mínu“.

66. „Var-a því laung
lagin æfi
Lýkúrgi, darrstyrku
Drýants arfa,
þá er atti hann
eljankappi
alsælum mót
upphelms guðum“.

67. „Snèri hann á braut
sinni nokkru
fóstrum óðs döglings,
Díónýsuss;
þat var helgum
hátindum á
Nýsions leitiss
nífóverk framit“.

68. „Vörpuðu þá allar
at velli niðr
blótstöfum brúðir

barðar harðla
af Lýkúrgi
lýðmorðingja“.

69. „Dýrr þá æðraðist
Díónýsus,
ok í hafs báru
hverfðist niðr;
en hræddum
honum veitti
þetis skjól
í skauti sínu“.

70. „Því at skjálfta var
skati lostinn
meginmáttugr
af manns þess æði;
en hóglífir
himintívar
ramla Lýkúrgi
reiðast náðu“.

71. „Svipti hann sjónum
sonr Kronusar;
nè hann leingi
lifði at þat,
er hann orpin varð
eljanfjóni
tívum öllum af
óðauðligum“.

72. „Vil ek eigi morð
magnat þreyta
við góðra goða
ginnhelga sjót;
en sèrtu dauðligra
dreingja nokkurr,
þeirra er ávöxt
eta foldar,
gakk þá, garpr, nærr,
attu gjörva megir
endimörk kanna
aldrdaga“.

ρ. VI, 134-153.

73. Annsaði aptr
ítrum kappa
hróðmógr horskr
Hippolokkuss:

74. „Hví þá mik of spyrr,
inn hugum-stóri
Týdeifs arfi,
of ættbálk minn?
Eru ættir manna
einkar líkar
laufgu limi
á lindar stofni“.

75. „Lætr vindr sum
at láði falla
lauf; en limfagr.
lætr önnur
spretta skógr
af skauti greina,
þá er vártími
völlum fróar“.

76. „Eru allar svá
ættir manna;
sumar upp alast,
aðrar deyja“.

77. „En ef vita vel
viltu þetta,
skal ek segja þér,
siklíng, þat,
attu minn vitir
ættar boga;
er hann þó mörgum
mönnum kunnr“.

78. „Heittir Efýra
háborg at vági,
jóauðgu á
Argosláði;
þar var Sísýfus,
slægvitrastr

manna hverra
fyrir mold ofan“.

79. „Sonr Eóluss
Sisýfus var;
hann aptr gat
Glákus frægan;
en Glákus sá
geta náði
Bellerófontes,
brag snillínga“.

80. „Þeim höfðu regin
rík of gefit
fríðleik ok frækneik
fyrirmannligan;
en hann Pröytus
inn prúðlundaði
illum varp
eljanfjónum“.

81. „Var Pröytus
prúðeflidastr
Argverja allra
yfirstýrir;
því at Seifr
und síklíngs sprota
hafði lönd lagit
in lýðfrjóvu“.

82. „Hann rak bragsnjallan
Bellerófontes
leiðir lángr
af landi braut“.

83. Varð Antea,
in ágæta
Pröytusar beðja,
bundin ástum,
ok samlag hún
hafa vildi
við böðfrægan
Bellerófontes“.

84. „Fékk-at hún þó
p. VI, 153-170.

fram því komit
göfuglyndan við
gunnar mæring;
þá lang in svása
siglis nanna,
ok við Pröytus
prúðlyndan kvað“:

85. „Deyja þú skylir,
inn dáðum-snauði;
eðr þú bana vinn
Bellerófonti;
vildi hann við mik
vingott eiga;
en ek ei vildak
vísi þýðast“.

86. „Mælti hún þannig;
en þeingil tók
svár gremi,
er hann slíkt of frá;
var at þó vísi
á vilja landi
lofðúngs lagit
líf at taka“.

87. „Lét hann lofðúng sendan
til Lýkú,
ok honum jarteiknair
illar fékk;
reist hann á rökspjöld
rama feiknstafi,
svára á spjaldi
saman lögðu“.

88. „Þat kvað hann skata
skyldu sýna
teingda-föður
inum týframa,
at bragsnjöllum
Bellerófonti
bani bráðr
búinn yrði“.

89. „För til Lýkfu
lofðungr sðan
með leiðsögn ljúfri
ljúfra guða;
kom hann til Lýkfu
innar láðfrjóvu,
ok Ksantuss
kaldra strauma“.

90. „Tók honum vel
tiggi frægr,
viðrar Lýkfu
lýðkonúgr;
nú daga
veitti niðúngi;
nú uxum
nam at slátra“.

91. „En er tíunda
tigin birtist
mönnum rósffingruð
Morgunskæra,
þá nam at spyrja,
þá nam at frétta
lofðung lofðung
ljóst of erendi,
ok jarteiknir
á vildi líta,
þær er hefði hann
í höndum sér“.

92. „En er döglíng
frá dótturmanni
illa getið
jarteikn hafði,
þá bauð hann fyrst
Bellerófonti
Kímeru at drepa
kynja-stóra“.

93. „Sú var óvættir
af öflugum runnin
ragna rótum,

p. VI, 171-190.

en rekka eigi.
Ljón it fremra,
flugdreki it eþra,
haðna í miðju
var Hveðrúngs feima“.

94. „Blès hún brennandum
brísíngs gneistum
undirdjúpi frá
ægi-kverka;
henni bana þjó
Bellerófontes,
treystandi jarteiknum
tíva góðra“.

95. „Barðist hann sðan
í sinni annat
Sólýma við
ina sigfrægu;
kvaðst hann krappasta
kannat hafa
raun þá með ríðum
rekka þjóðum“.

96. „Vág hann it þriðja
inar vergildu
Skjaldmeyjar
skjóma gyrðar.
En er aptr kom
kappi sðan,
valdi vèl aðra
vísir honum“.

97. „Valdi hann landvíðri
úr Lýkfu
lofða hraustasta,
launsátr gerði;
en eingi aptr
ýta þeirra
heim ræð halda
frá hulins-morði;
því at öllum þeim
þjóðum-frægr

Bellerófontes
bana valdi“.

98. „En er öðlingr
ágætan frá
Bellerófontes
borinn tívum,
þá honum hœlt
hjá sêr jöfurr,
ok dýra gaf döglíngi
dóttur sína“.

99. „Gaf hann honum
helming ríkis,
ok konúngstignar
kynbjartastrar;
Lýkíumenn
honum land gáfu
arðs ok ávaxta
til eiginráða“.

100. „En gylfa dóttir
við goðbornum
Bellerófontes
börn þrjú átti:
Ísander horskann,
ok Hippolokkus,
ok Láodamíu
lokkum-fagra“.

101. „Lagðist inn ráðvísi
með Láodamíu
Seifr, sigtíva
sjóli ríkr;
ok hún eirvæpntan
ala náði
Sarpedon,
sigtívum glískan“.

102. „En er bönd beystu
Bellerófontes
heiptum harðliga,
ok hatri vurpu,
þá hann einmana
p. VI, 190-210.

yfir reikaði
völl Alelons
vaxinn blóma“.

103. „Örmæddi öðlingr
ágætt hjarta,
ok manna vegu
mundi flýja;
því at Ísander
arfi frægr
hafði fyr' Aresi
ólumum hnigit“.

104. „Þat var í orrustu
við ina iðfrægu
Sólýma sveit;
en svása dóttur
Artemis deyddi
dökkri reiði,
gyðja glófögr
gullintauma“.

105. „En mik horskr ól
Hippolokkus;
kveða mik af hans
kyni runninn;
hann mik til Tróju
hinnig sendi;
lagði ríkt á,
þá er leið ek braut“,

106. „At ek væri æ
efstr at hreysti,
ok annarra ýta
yfirmenni,
ok at ek eigi
ættarleri
aumr yrðak
ættar hárrar“.

107. „Því forfeðr mínir
frægstir váru
í Effýru ok Lýkíu
inni landvíðu.

þá kveð ek sett mína;
þykjumst ek vera
af rótum rannian
ríkum þeima“.

108. Svá mælti ríkr
reynir sverða;
en málrómsterkr
mundi kætast
Díómedes
inn darrum-frægi.

109. Mundi hann stínga
meginþúngum
geiri í grundu
gagublómgvaða,
ok á varp
orðum blfðum
þjóðhöfðingja
þjóðum-frægan:

110. „Ertu þá ljúfr
frá lángeðgum
gestfélagi minn
gamals aldrs.
Því at Öynefr
inn ágæti
hýsti braganjallan
Bellerófontes
sínnum í stílum,
ok sjóla hêlt
daga tuttugu
dátum-frægan“.

111. „Veitti hvárr öðrum
vísa þar
gestgjafar góðar,
gullfágaðar;
býtti Öynefr
Bellerófonti
brynbelti prýðiligt,
purpura litað“.

112. „En inn braganjali
p. VI, 211-229.

Bellerófontes
tvísker honum gaf
gulli fágat;
þat lét ek eptir,
þá er leið ek braut,
ok heiman hêlt
frá höll minni“.

113. „En Týdelf eigi
týframan man-k;
úngan hann mik
eptir skildi,
þá er at Þífi
þrymvaldendr
akkneskir urpust
aldrtila.“

114. „Em ek því góðr
gestvinr þinn
at jóauðgu
Argosláði;
en þú minn landvíðri
Lýkfu í,
ef ek þjóðbraut svíf
at þvísa landi“.

115. „Skulum vit því ei
at skæðri rómu
sköptum skjótast,
nè skjóma deila;
því at margir 'ro mæð
manna Tróju
ok böðfrægra
bandamanna,“

116. „Er ek verpa má
megindauða,
ef þess guð mæð ann,
ok þá elt of fæ-k;
eru þær ok
ærit margir
ýta akkneskir
at at ráðast“.

117. „Skulum nú skiptast
Sköglar málmí,
svá at verar þessir,
er hér við eru,
vita megi
ok víst of reyna,
at vit gamlir erum
gestfélagar“.

118. Mæltu svá kappar;
ok af kerrum niðr
stukku til storðar
stríðvápnadr;
tókust í hendr,
tryggðir seldust,
vina hótum
vænum bundust.

119. Glapti þá Glákusi
guða sjóli
hyggjandi hvat,
er hann hilmí lét
Sköglar skrúði
skipta fáðu
við dýran Týdeifs mög
Díómedes.

120. Lét þar gullvápn
Glákus frægr
fyrir eirvarða
ógnar linda,
uxalög talin
tvenn fimmtigi
núfú móti
nauta vírði.

121. Nú er skjöldungr
at Skæhliði
Hektor árnaði,
ok at ætibjörk,
þá komu konur
ok karskar dætr
p. VI, 230-247.

Trójumanna
tífrargjarnra.

122. Þyrptust þær kríng um
þjóðhöfðingja;
frágu vera
flóðelds nunnur,
frágu sona,
frágu bræðra,
frágu vina,
er í fólk of geingu.

123. Bað þá buðlúngr
bjarthaddaðar
allar í rüð
á regin heita;
áttu margar
margims tróður
harma fyr' höndum
höltzi þunga.

124. Kom nú Hektor
til hallar sala
buðlúngs Brjáms
bjartfálnna;
var höll hilmis
höggnum súlum
svölum sett
á Sváfnis brúði.

125. Váru henni í
herbergi fögr
fimmtigi úr höggnum
foldar belnum;
váru nærri
veggjum-sagrir
hvárr öðrum salir
hála reistir.

126. Þar hilmis Brjáms
hvíldu megir
ágætum hjá
eiginkvánum;
en gagnvart þar

at gylfa höllu
váru tignir tólf
traustir klesfar.

127. Váru hvervetna,
úr höggnum steini
innan hallar,
hvárr öðrum nær.
Þar byggðu dætr
döglings fagrar,
Brjáms ins böðfræga,
buðlungs Tröju.

128. Þar hvíldu dýrir
dótturmenn
Brjáms buðlungs hjá
beðjum sínum.

129. Þá mætti Hektori
heiðvirð móðir,
mild at gjöfum,
ok við mund sér leiddi
Láodíku,
þá er ljósust var
dætra hennar,
ok dýrust alin.

130. En þin heiðvirða
hilmis eiða
tók í magar mund,
ok máli hreiðir:

131. „Hví ertu kominn,
hróðmögr minn?
hví þú yfirgaft
eiða rómu?
þjaka þungliga
þegnum oestum
illir Akkverja
afkomendr“.

132. „Berjast þeir harðla
of borgarvirki,
er þú hinnig nú
hefir snúit,

ρ. VI, 247-267.

höndum þínum
till Herjaðður
fremst at sórna
af fólkvirki“.

133. „Bíddu nú, berr minn,
at ek bjór sækja,
mæra munarveig,
munni sæta,
attu dreypir fyrst
dreyplíðirnir
grami Seifi
ok guðum öðrum“,

134. „Ok at sjálfr þú
sððan hressast,
ef þú vín drekkir
it dökkrauðakæra;
því at vín veitir
verum móðum
afl, ok eykr
orku hverja“.

135. „Ertu nú ok
atþreyttir vorðinn,
er þú vini verr
ok vandamenn“.

136. Annsaði aptir
eiðu þrúðri
Hektor hjálmkvíkr
hætti þeima:

137. „Ber þú mér eigi,
blíða móðir,
vín it vegakæra,
né veigar svásar,
at ek missak ei
afl úr beinum,
ok mik elianþrekr
yfirgefi“.

138. „Eigi þori ek
óþvegnum höndum
myrkskæra munarveig

máttkum dreyða;
samir-a svartskýja
sjóla biðja
iðdreing ötuðum
aurgum dreyra“.

139. „Safna saman þú
svinnum tróðum,
forsprökkum fljóða,
ok með fórnir gakk
upp í feingsællar
Freyju sverða
hof hátimbrað
helgu rjáfri“.

140. „Möttul skaltu taka,
er mestr þér
virðist ok vegligstr
at vegsölum,
ok er mest þú annat
allra klæða;
grip skaltu leggja
í gyðju kné,
Aþenu, helgrar,
haddfagar“.

141. „Hála skaltu henni
heiti gefa,
fórn at færa,
fjórar þrennar
kvígnur ólostnar,
ok árs gamlar,
at hofs garði
hála reistum“.

142. „Ef at svá kynni
kröptug gyðja
yfir aumkvast
Ilíons-borg;
konur kinnfagar
kesju reyna,
ok barnunga
buri þeirra“.

ρ. VI, 267-287.

143. „Ef at mætti hún
móðgum bæga
Týdeísa arfa
frá Tróju helgri;
trylldum, týfrómum
törgu skelfi,
flóttasfrömuði
fólkum-djörfum“.

144. „Far þú nú til hofs
Freyju sverða,
Ginnregins meyjar
ennar glóeygu;
en ek París til
prúðs mun árna,
ef hann orðum gaum
gæfi mínum“.

145. „Svelgi hann svartdýpi
Sváfnis brúðar!
því til ílls um ól
Ólýmps drottinn
beim þann Brjáms dreingjum
ok Brjámi prúðum,
ok Brjáms börnum;
böl er hann allra þeirra“.

146. „Þá mundi harmr
hverfa mestr
mér, ok meina stríð
mitt of eyðast,
ef ek sæja segg
svífa niðr
Hadesar heimi
heldimmum at“.

147. Mælti Hektor svá;
en heiðvirð móðir
gekk til herbergja,
gríðkonum bauð,
en gríðkonur
göfgar snótir

saman kölluðu
um svæði borgar.

148. En drottning sjálf
í dýrð-ilmanda
geymslusal gekk
in göfuglynda;
þar váru möttlar
mætir geymdir
bífi bjartfáðir
blikhverfanda.

149. Þat váru hannyrðir
hála fagar
sættverskra snóta,
er sjálfr flutti
Alexander
jólnum glíkr
heim at hávum Brjáms
hallargörðum.

150. Lèt frá Sætt
siklíngrs kundr
bekkjar bláröst
brimdýr vaða;
þat var þann tíð,
er þeingill sótti
konu ina kynstóru
kvenna fegrsta.

151. Tók mætan einn
möttla þeirra
ágæt Hekaba
Aþenu at færa,
glíti gagnvarinn
glóandastu,
ok mestan allra
í möttla safni.

152. Stírndi hann stoltbliku,
sem af stjörnu-loga,
ok hann neðstr var
námdúks gripa;
gekk á stað síðan

ρ. VI, 287-305.

gylfa brúðr;
fylgdu henni fræg
fyrirkvendi.

153. En er komu þær
til Aþenu-hofs,
hæst í háborg
hála reistri,
lauk þá upp hurðu,
hratt upp vængjum
þeano, kona
inn kinnfagra.

154. Hún var Klisseifi
kórskum alin,
Antenors brúðr
ins jóvalda;
höfðu hana sett
halir Tróju
hofgyðju hárra
helgidóma.

155. Æptu hástöfum
hrundir allar,
hendr upp hófu
til hjörva Freyju;
tók þá þeano,
þekk hofgyðja,
möttul mæran,
margskínanda.

156. Lèt hún hann í skaat
skjóma Freyju,
haddfagar
himins gyðju;
bænum yppti,
blíða knátti
Ginnregins mey
ina glóeygu:

157. „Heyr mæ, himindís,
hátignarlig,
borgarvörð,
bragr dísa!“

158. „Brjót nú í sundr
böðvar stinnan
dör Dfómedess,
ins dádum-rakka;
ok sjálfan hann
hníga þú lát
á grúfu at grundu,
fyrir grindum vestr“,

159. „At vèr nú þegar
þrennar fjórar
megim kvígur þær,
Málmglöð, blóta
hèr at hofgarði,
hvergi tamdar,
ok árs gamlar,
til yndis þær,

160. „Ef at knættir þú,
kvernbíts Freyja,
yfir aumkvast
Ilíons-borg,
konur kinnfagarar
kesju reyna,
ok barnúnga
buri þeirra“.

161. Baðst þannig fyrir
blóta Freyja;
heyrði-t Aþena
hennar beiðni.
Þannig hétu
hrundir allar
á Ginnregins mey
ina glóeygu.

162. En Hektor árnáði
hallar til
Alexanders
ítrfagarar,
er sjálfir hann
smíðat hafði

p. VI, 306-325.

með smíðum beztum
á slóðum Tróju.

163. Höfðu þeir honum
í háborg reist
stofu ok forgarð
ok fagran skála;
þat var nærri Brjáms
buðlúngs garði,
ok Hektors, hróðmagar
hilmis aldins.

164. Inn gekk þar Hektor,
ástvinr Seifs;
hafði í hendi
harðan vigr,
ellefu álna,
eirfalr á;
var ljómandi
listasmíði,
ok hólki harðfest
af hrannar eldi.

165. Hitti Hektor þar
horskan blóða,
Alexandr,
inni í skála;
var hann at handleika
vápni in fögru,
skjöld ok skrudbrynju,
ok skálg-elmi.

166. En Helena
in argverska
ambáttum hjá
inni sat,
ok þöll hrínga
þjónustumeyjum
hannyrðir bauð
harðla fagar.

167. En er Hektor leit
Alexandr,
þá hann hal valdi.

vilgi mjúk orð;
 ámælum þúngum
 þjóðhöfðingi
 bjartan blóða
 beysta náði:

168. „Heyr þú orð mín,
 inn undarlegi;
 samir-a þér
 af slíku reiðast;
 branda beinviðir
 at böðvi hníga,
 þeirs of borg berjast
 ok borgvirki“.

169. „Leikr böðvar bál
 borg í kring um
 bjart fyr' þik, barmi,
 ok Bölverks glaumr;
 mundir þú öðrum þó
 ámæli velja,
 ef þú svá sæir
 segg ófúsan
 ólmum gánga at
 ímæleiki“.

170. „Heyr mér nú, hæfi,
 hvatt þú upp rís,
 at ei skjótan
 skaða fái
 borg af óvina
 illum funa“.

171. Annsaði aptr
 Alexandr
 orðum ættarbaðms
 jólnum glíkr:

172. „Hektor, er þú mik
 hrópi kvaddir
 víst at verðungu
 ok vánum eptir,
 mun ek inna þér,
 en þú orð mín heyr,
 p. VI, 325-344.

ok þau gerst of geym
 í geðknerri.“

173. „Er-a mér ógeð
 nè óvilji
 Trójumanna til,
 at ek tefja náa
 at húsum inni;
 en ek heldr vilda
 höfgum harmi
 hugrúm veita“.

174. „Hefir nú brúðr
 bænarorðum
 blíðum mik beðit
 at böðvi gánga;
 ok þat ek ætlak
 alls of betra;
 sækja seggir
 sigr á víxl“.

175. „Bíð nú eptir mér,
 meðan búast náa-k
 Sköglar skráði
 skrauthringaðu;
 eðr árna þú,
 en ek eptir kem;
 held ek mér heppuist
 þér, hlýri, ná“.

176. Mælti hann þau
 af munni orð;
 annsaði hjálmkvíkr
 Hektor eigi.
 En Helena
 horskan kappa
 orðum innfjálgu
 ávarpaði:

177. „Mágr minn mæri,
 meinligs svanna,
 andstyggiligrar
 ok illrar brúðar,
 sem ek ógæfu

ok eymdir lètk
glysi glóvarin
yfir gumna svífa!“

178. „Betr væri bragna
búinn hagr,
ef á degi þeim,
er ek dagsbrún leit
fyrst fagrljósa,
at mik flutta hefði
vindbylir bráðir
at björgum fram“,

179. „Eðr at iðdjúpum
unnar hyljum
meginstynjanda
marar gjálfrs,
at braut mēr hefði
bára skolat,
áðr en at bárust
illverk þessi“.

180. „En er hafa nú
himintívar
hrundit harmi þeim
at höndum mēr,
þá skylda-k átt
eigin-bónða
betra ok böðfrægra
en heim þenna,
sá er fjón fyndi
ok frýju hvat,
er honum öld fær
fyrir aumligt skap“.

181. „En þegni þessum
er þunngæði
ok briggð böðvar
í brjóst lagin;
nè hann síðarr mun
sigbrótt geta;
þat man þirfingi
at þúngu verða“.

ρ. VI, 344-364.

182. „Gakk nú ian, mágr,
ok á greiptan stól
þenna þú sezt;
þúngt er erfiði,
ok sorgir svárar,
er þær sefa stínga,
minnar fyr' sakar
meginsmánar,
ok Alexandrs
illra glæpa“.

183. „Á okkr hefir
Allföðr lagt
örlög óvægin
illrar smánar;
munu þess minnast
menn óbornair,
ok þat æ eiga
yrkis-efni“.

184. Annsaði henni
hjálmkvikr aptr
Hektor inn mikli
ok meginpróði:

185. „Mjök er munr þinn
mēr unnandi;
en þú mēr sízt
at sitja bjóð;
ei mun ek þiggja,
því at óðfúss em-k
Trójumanna
til at hverfa;
sakna þeir mín,
alls ek sveif þeim frá“.

186. „En þú eptir rek
Alexandri;
ok flýti hann sèr sjálf
í fólk at gánga,
svá mēr nái
niflungs arfi,
áðr úr borg

ek brautu hverf“.

187. „Nú mun ek heim
at húsi gánga,
at ek fíra mína
finna mega,
víf ít væna
við at mynnast,
bur barnúngan
blíðan at sjá“.

188. „Er því óvíst,
hvárt ek aptr sný,
ok til þeirra
ek aptr kem;
eðr hvárt láta mik
uppheims guðir
syrir fjandanna
falla höndum“.

189. Mælti svá Hektor
inn hjálmkvíki,
ok at bánu því
braut nam gánga;
kom bráðliga
til kostfagra
húsa sinna
hildar skati.

190. Ekki hann hitti
inni í sölum
ágæta armhvíta
Andrómökku;
stóð grátandi
stillis brúðr
ok harmandi
háturni á.

191. Var með fjóði
fagrmöttluð
þjónustumær
ok þekkr arfi.

192. En er hitti ei
p. VI, 364-385.

Hektor inni
víf línvarit
at veggölum,
þá stóð þjóðskati
á þrepaskildi,
ok við ambáttir
inna náði:

193. „Segit mér, sætur,
ok satt mér innit;
hvert gekk horsk brúðr
úr herbergi?
Gekk til mágkvenna,
gekk til svilkvenna
Freyja fjölskrúðig
fagrljósa?“

194. „Eðr gekk hún til
Aþenu hofs,
þars aðrar bljóka
banga þellur
Ginnregins jóð
ít geigvænliga,
fagrlökkaða
Freyju sverða?“

195. Svaraði síklíngi
sigfrægum þá
rösk ráðskona
ræðu þeirri:
„Satt man ek segja,
síklíng, þær,
alls þú mik þess
eptir fréttir“.

196. „Gekk-a til mágkvenna,
gekk-a til svilkvenna
Freyja fjölskrúðig
fagrljósa;
gekk-a til ágætrar
Aþenu hofs,
þars aðrar bljóka
banga þellur

Ginnregins jóð
it geigvænliga,
fagrlokkaða
Freyju sverða“.

197. „Gekk hún á mikit
meginvirki,
jörmundurn efstan
Ílfons borgar;
heyrdi því horsk,
at hölum Tróju
veitti þryma þúngt,
en þróttr ykist
ok ógnar að
Akkverja sveit“.

198. „Skundaði akrúðfögr
skilfings bróðr
upp á borgar-vegg
bráðum fetum;
lèt sem óð væri,
en ljósri fylgdi
barnfóstra, ok, þar
barnúngan svein“.

199. Ræddi svá ráðakona;
en ríkr gekk
Hektor hraðfetum
frá húsi þegar;
fór feril sama
um fagrlagin
Brjáms böðstyrkrar
borgar stræti.

200. En er of borg
beindi fetum,
ok til Skehlíða
skati kom
(þar var leið lagin
lofðúngs kundi
út á víðan völl
valfallinna):

p. VI, 385-403.

201. Þá kom gjafsmel
gylfa bróðr
hilmi hjálmkvikum
hlaupandi mót;
þat var Andrómakka,
ágæt dóttir
Eetfons
ins eljunprúða.

202. Bjó ágætr
Eetion
Plaksfjalli undir
prúðblómguðu;
Undirplaks-Þífi
byggði öðlingr;
ræði kynríkr
Kílska-mönnuna.

203. Hans átti dóttur
hilmis kundr
Hektor; ógnar márr
eirserkjadr.

204. Mætti honum þar
málblíðr svanni;
þekkri fylgdi þekk
þjónustumær;
hèlt sú í faðmi
fávitrum kon,
þur barnúngan
þar á hendi:
ástmög Hektors
ynnílligan,
fagri smástjörnu
furðu líkan.

205. Kallaði skati hann
Skamandríus,
en Astýanax
aðrir gumar;
því at einn varði
Ílíons borg

Hektor hjálmkvíkr,
at hreifðri rému.

206. Leitt faðir sagran
faðmkæran mög;
brosti þegjandi
við blóma úngum;
en Andrómökkum
öðlingi nær
sveiptust sjónstjörnur
söltum tárur.

207. Greip göfug bróðir
gylfa mundu,
ok af munni fram
máli hreifði:
„Ávi, elskhugi
ástríkr minn,
olla mun þér áhugi
aldríla“.

208. „Eigi aumkvar þá
þinn úngan son,
né mik, vesalt víf.
Mun ek þik, mæri,
missa bráðum,
ein þér eptir sjá“.

209. „Munu þik Akkverjar
aldri ræna
einum allir mót;
ljúfast mér væri
at líðinn þik
dökkri felast fold“.

210. „Hefk-a ek þá
hugtré neina,
munað á moldar þröm,
er þú líðinn ert,
ljúfsæli minn,
er mér þá atalt hvat“.

211. „Ák-at ek föður,
ák-at ek móður.

Vág föður fyrrum

ρ. VI, 403-423.

fólkum-djarfr
Akkilles öðlingr,
ok eyða máði
kostliga reista
Kílfka-borg“.

212. „Þat var þífi
in þrúðhlíbstöra;
þá drap Akkilles
Eetíon;
fletti hann þó eigi
fylki vápnum;
var-a svá ósvífinn
öðlings hugr“.

213. „Brenndi hann öðling
í bæðvar skráði,
skæru, skráðföldnn,
skjaldhrínguðu,
ok hang varp,
at hilmí dauðan,
valfallins yfir
vísis moldum“.

214. „En kring um hávan
haug of settu
álmvið dætr
Ægískjalda;
þat váru sagrar
fjalladísir,
þær er hjörgum á
byggja hávum“.

215. „Átta ek bræðr
at auðsölum
skilgetna fjóra,
framarr þrem;
árnuðu allir
úrgar brautir
á degi sama
draugheima til“.

216. „Vann þeim öllum
aldríla

fylkir Akkilles
inn fótum-styrki,
þá er dreingir nauta
drattandi gættu,
ok hvítum sauðum
sátu yfir“.

217. „Mín ræð móðir
meginríkjum
Plaksfjalli undir
prúðblómgvuðu;
flutti hana hinnig
harðr skati,
öðrum ásamt
aurum sögrum“.

218. „Læt hann þó lausa
lofðúngs bráði,
ok ógrynni aura
aptr þá;
en Artemis
in örvumglaða
hana skaut
at húsum föður“.

219. „En þú, Hektor,
ert mér faðir,
ok mærust móðir
í munarheimi;
minn ertu bróðir,
minn ertu elskhugi,
minn ertu muni,
mærastr verr“.

220. „Aumkvastu yfir mik,
öðlingr, nú;
vertu hér kyrr
í virkis-turni,
attu ei mög látir
munaðarlausan,
ok mik eptir
ekkju verða“.

221. „Fylk heldr fólku
p. VI, 423-442.

at fíkjuhóli,
þars borg er berust
fyrir böðvar þjóðum,
ok þars helzt megu
harðvítugir
fjandr upp hlaupa
á fastan múr“.

222. „Þrisvar hafa því
þeinglar frægstir.
atgaungu öflgrar
á hér fæistat:
Aiantar báðir,
ok Ídomeneifr
fólku-frægr,
ok fírar þeirra,
Atreífs niðir,
ok arfi Týdeífa,
darrum-dáðrakk
Díómedes“.

223. „Hefir nokkurr þat
hölum þeima
spágumi ráðit
spjöllum-fróðr;
eðr ok þeirra
eiginn hugr
hefir hetjur þær
hvatt til þessa“.

224. Aptr annaði,
ok til orða tók,
Hektor hjálmkvíkr
horskri beðju:

225. „Hygg ek at öllu,
ok hvers of gæti,
blíð beðja mín,
at böðvar glaumi;
en ek mik framarla
fyrirverð
fyrir Trójumönnum,
ok Trójukonum,

svönnum svásligum,
símöttiluðum,
ef ek fólki frá
fíjja nái
sem huglauss halr,
hvergi nýtr“.

226. „Er þat ok móti
mínu skapi;
em ek vanr æ
verkum hraustum,
fremstr fólkroðinn
fólvi dýja
týfákvöldum með
Trójumönnum“,

227. „Er ek frægð föður
fagra stoða;
henni uppi held,
ok heiðri mínum;
veit ek því vel,
ok þess viss of emk,
geymi-k þat gjörla
í geðknerri:“

228. „Dragast mun dagr
yfir dróttmögu,
er alhelg eyðist
Ilíons-borg,
Brjámr buðlúngtr,
ok Brjáms lýðr,
döglíngs darrskekkis
ins dáðum-fræga“.

229. „Óumk-a því
fyrir ýtum þelma,
er Brjáms borg
byggja víða,
ok eigi heldr
fyr' Hekðbu sjálfri,
nè buðlúngi
Brjámi frægum;“

230. „Nè heldr bræðrum
p. VI, 442-461.

björtum fyrir,
þótt þeir margir
ok meginrskr
falla fái
at soldar þröm,
óvina ægum
undir höndum;

231. „En fyrir þær,
ástbeðja mín,
ef nokkurr Akkverja
eirserkjaðra
tárum tvista þik
taka næði,
ok frelsi nema
fagrækæru“.

232. „Muntu ítru þá
á Argosláði
ambátt verða
ok vef um annast;
eðr vatn bera
bjartlindum frá
Messu hyldjúpum,
eðr Hýperíu“.

233. „Á þær mun óvæg þá
ánað liggja,
ok þú hart of hrjáð
at hörðum þrautum.
Þá mun einhverr
orð um kveða,
er hann grátna þik
getr líta:“

234. „Þetta er víf
Víga-Hektors,
er hraustastr gekk
at hildar-leiki.
Tróa fákvaldra,
þá er fólkr um ruð;
alhelga kríng um
Ilíons-borg“.

235. „Þannig mun einhverr
at orði kveða;
en þér nýr harmr
í hjarta ríssa,
er unnusti
eingi bægir
ánaðar-oki
frá augum-svási“.

236. „Dylji mik dökkvar
dauða-moldir
andaðan, orpnum
undir haugi,
fyr en fái ek,
fagrvarit,
óp at heyra,
ok ánað þína“.

237. Mælti þat Hektor;
ok mundir rétti
at barnúngum
buri sínum;
en barn ít hjarta
brá við hljóði;
snérist at faðmi,
í fylgsni brjóstá
fagrbeltaðrar
fóstru sinnar.

238. Óttaðist áa
ásýnd mögr,
óttadist eirmálm
ok jörmun-fax,
þat er grúfði
geigríga,
ok af hjálm-busta
hverfðist niðr.

239. Dátt hló þá faðir,
dátt hló móðir.
Tók Hektor hjálm
af höfði síðan
meginblikanda,

ρ. VI, 462-483.

ok á moldar þröm
lagði gullfáinn
gildir sjóli.

240. Tók þá tiggí
týfagran mög;
hampaði honum
á höndum sær;
kæran kyssti
kon inn smáa,
hæt á Herjasöður
ok himintíva:

241. „Seifr, ok sigtívar
sælir aðrir,
veittið mér, at minn
mögr verði
afbragð týframra
Trójumanna,
efldr at orku,
sem ek em sjálf“,

242. „At hann ráði svá
ríkisveldi,
sem ek yfir ræð,
Ilíons-borgar;
þá mun einhverr
at orði kveða,
er hann heim kemr
hernaði úr“:

243. „Frægrí er fólkvaldr,
en faðir hans;“
beri hann þá blóðug heim
böðvar klæði,
flett af sjandmanni
föllnum í val,
en móðir hans geti
gleði ljósa“.

244. Svá mælti Hektor;
ok smáan arfa
lét í mærar
möður-hendr;

en hún við mögt
mundi taka
í ástríkan
ilmanda faðm;
bros læk á munni,
björt tár á augum.

245. Þá nam at vikna
Víga-Hektor,
er hann gullvarða leit
gráthrosandi;
klappaði beðja
blífri mundu,
ok mæru ræð
máli hreifa:

246. „Blíð beðja mín;
bregzt-at-tu sorgum,
nè þú hugrúm veit
harmi sárum;
mun mik eingi fram
fyrir örlög senda
Hadesar heimi
heldimmum at“.

247. „En eingan hólða
hygg ek munu
skapadægri
skjótast undan;
stendr þat stöðugt,
stöðvun varit,
huglausum jafnt
sem hugum-próðum“.

248. „Far þú nú, svása,
til sala þinna,
ok hannyrðum
hygg at þínum:
vef ok snældu,
ok verka-konum
bjóð til vandrar
vinnu gána“.

249. „En karlmönnum
d. VI, 483-502.

knáum öllum,
þeir er Brjáms borg
byggja víða,
ok einkum mér,
at ímun-veðrum
glöðum gána ber,
ok gúngni dýja“.

250. Mælti svá Hektor,
ok hjálm upp tók
jörmunfextan
af jarðar veingi.
Heim gekk at húsi
hilmis beðja,
sá opt aptr
ept' síklíngi.

251. Hrundu hvarmdaggar
af hlýrum niðr;
kom til vegsala
Víga-Hektors
brátt bróðr hans
in blórómæða;
hitti margar
í húsum inni
þjónustumeyjar
þeingils beðja.

252. Vakti hún öllum hjá
harma sára;
grētu þær lifanda
lofðung mæran,
Hektor, eignum hans
í húsum inni.

253. Hugðu þær hilmí
hvergi mundu
aptr snúa
úr orrustu,
nè hörðum frá
höndum sleppa
ok ógnar-grimmd
Akkverja lýs.

254. Dvaldi nè leingi
döglings kundr
Alexandr
at inni hávu;
hervæddist hann
hildar málmi
margblikanda,
meginbjörtum.

255. Fór um borg sðan,
fór brunandi;
hljóp hilmis burr
hörðu skeiði.

256. Í glíking þá,
er gjasar-hestr,
sá er jötu at
alixt hefir,
festi slítr,
fram á völl hleypr,
lætr hlym hlymja
hófa styrkra,

257. Er hann vanr er
í iðu strauuma
fagrrennanda
fljóts at baðast;
höfuð hróðigr
hátt upp reisir;
en mön á mari
móðgum flaksast.

258. En fegrð af
fákr drambar;
flytja fætr hann
fljótt í haga,
vel kunnan vág.
vaxinn blómum,
beitlönd bráðskjótra
blóðughófa:

259. Svá fór ágætr
öðlings mögr
Paris þrúðbúinn

p. VI, 503-522.

frá Pergams-vígi,
felknum fagrskærr,
sem fagrahvel,
skærum, skinfögnum
af Sköglar málmi.

260. Fagnaði fólkroði
fagrvarinn;
báru buðlung skjótt
bjarkir ilja;
fann hann brátt fylki,
frægan hnefa,
Hektor, hjálmkvikan
hildar skata.

261. Var þá brant bragningr
búinn at andá
þaðan, er hann blíða
beðju hitti;
mælti þá fyrri
af munni orð
Alexandr
jólnum glíkr:

262. „Hlýri inn hugkæri,
hefi ek nú víst
fyrir þér tafit,
er þú flyta vilt;
hefi ek dvalit
hölzti leingi,
alls þú til settir
tíma fyrri“.

263. Apr annaði
orðum bróður
Hektor hjálmkvíkr,
hreifði máli:

264. „Hnefi inn hugkæri,
hölða eingi,
ef hann sannsýn er
í sínum muna,
má þér framgaungu
frýja góðrar

herleiki at,
alls þú hraustr ert“.

265. „En þú tðum ert
tómlátr þat;
nè þú vilja hefir
í vápn at gánga;
svellr mèr sefi,
er ek smáðan þik
týfrömum heyri
af Trójumönnum,
þeirs þúngar þrautir
fyrir þik of drýgja“.

266. „Förum nú á stað,
en vèr fremst of munum

hlut þinn rætta,
hnefi, sðarr,
ef oss Selfr ann
fyrir sigtíva
óðauðliga,
þá er uppheim byggja“,

267. Frelsis-skaptker
fram at setja,
þakkar-sórn þekka
þrúðheims völdum,
er vèr út rekit
höfum Akkverja
eirserkjada úr
Ilíons-borg“.

SJÖUNDA KVIÐA.

MÆLTI orðum þeim
 meginprúðr
 Hektor, ok hljóp
 út um hlið borgar;
 fór með fylki
 frægr hlýri,
 Alexandr
 jólnum glíkr.

2. Bjó þá í báðum
 brími sverða;
 svall meginmóðr
 morð at drygja.

3. Eins ok skipverjum
 skati himna
 sendir blíðan byr
 á blám ægi,
 er þeir örmagna
 eru vorðnir,
 þreyttir at þveita
 þvinnils dögum
 ítrsköfnum á
 öldu-sveipum.

4. Verða þá fegnir
 vágdyrs liðar:
 eins fegnir urðu
 ýtar Tróju,
 þá er grami þeir
 gátu líta
 at vígum vaða,
 ok á völl gánga.

5. Þar vág ítr
 Alexandr
 Menesþíus,
 ok at moldu varp;
 hann var arfi
 Areþóuss

ρ. VII, 1-17.

öðlings ítrfrægs,
 er at Örnú bjó.

6. Hann var arfi
 Areþóuss
 kylfuvaldar
 ins kapprika,
 ok mikileygri
 móður alinn,
 Fýlómedúsu,
 fljóða bragi.

7. En Hektor aldri
 Eíóncif
 ræna rëð
 römum vigri;
 hvarf und hjálmrönd
 harðr broddr
 í háls hilmis;
 hljóp úr limum afi.

8. En Glákus, hróðmögr
 Hippolokkuss,
 lofsæll lofðúngr
 Lýkíumanna:
 hann skaut af hendi
 hvössum vigri,
 gegn um glaum sverða
 gunnartryllan.

9. Kom skot í öxl
 á Ifínóus
 Dexíuss arfa
 dáðum-rökkum,
 þá er hann vildi
 á vagn upp hlaupa;
 féll hann til foldar
 af fólkhveli;
 urðu lèmagna
 limir þegar.

10. Þá sá in glóeyga
Ginnregins mæR
Akkverja hníga
at hildar leiki;
þá fór brunandi
fram af hávuð
Ólýmps tindum
Allföður jóð

11. Alhelgrar til
Ilíons-borgar.
Kom þá Apollon
Aþenu mótt;
sá frá Pergami
sverða Freyju;
unni sigR Tróum
örva drottinn.

12. Hittust bæði tvö
himinborin
ætibjörk hjá
ítrfagri.
Þá mælti fyrri
fylkir hremsu,
Apollon, arfi
allvalds himna:

13. „Hví þú svá hart ferr,
hjörva Freyja;
hávuð ofan af
Ólýmps tindum?
Hví þér sveillr svá
sverða móðr
sókn at sigjöru
fyrir sefa niðri?“

14. „Viltu nú veita
víga orku
ok svásan sigR
sonum Danáa?
Víst viltu þat,
er þú vilgi náir

yfir aumkvast
Ilíons-borg“.

15. „En ef þú nú vilt,
víga Freyja,
hlfta mínum ráðum,
(hollara væri þat),
þá skulum nú
þrymu svæfa
ok darra dyn
um dag þenna“.

16. „En þeir sðarr meirr
mega sókn um fremja,
uns út gert er
um Ilíons-borg;
alls yðr, ámáttkum
upphelms freyjum,
helzt er í hug
háborg eyða“.

17. Annsaði aptr
Apolloni
Ginnregins mæR
in glóeyga:

18. „Svá skulum, Fjarrvirkr,
fólk um ráða;
þessa vegna
þaut ek ofan
Ólýmpi frá,
til Akkverja,
ok Trójumanna
tírgargjarnra“.

19. „En heyr mæR, sjóli
silfrbogvaldr,
hversu viltu nú
hildi lægja?
hve viltu móð stilla
mækis reyna?“

20. Annsaði henni
Apollon þá,

sonr Allföður
ægiskjalda:

21. „Æsa skulu vit
eljangremi
Hektori týfrömum,
týfákvöldum;,
má vera, at mildíngur
móðigr þá
skori á Danáa,
skjóma at reyna“,

22. „Ok at aleinn hann
iðleik drýgi,
veifi vinnbjarti
at vápna glaumi;
en ófrýnir
munu Akkverjar
ver of velja
vigr at dýja
hjálmkvikum móti
hilmis arfa“.

23. Mælti hann svá;
en mímúnga Freyja
gaum grams orðum
gefa náði.

24. En Helenus
hróðmögr Brjáms
ráðagjörð þessa
ráða knátti;
varð áskynja
ítr gumi,
hvat regin vildu
rök um leiða.

25. Gekk hann Hektors til
ins hugum-stóra,
ok yppa røð
orðum þeima:

26. „Hektor, hjálmkvikr
hróðmögr Brjáms,
jöfri upphimins
p. VII, 37-57.

jafn í ráðum,
far nú mínum at,
fylkir, ráðum,
alls ek þinn holdgetinn
hlýri emk“.

27. „Lát nú setjast niðr
sveitir Tróa
ok Akkverja,
alla saman;
en þú, skati,
skora á nokkurn
strastan Akkverja
at einvígi“,

28. „At hann þær gángi,
gramr, móti,
ok við þik freisti
fólk at rjóða;
því at ekki enn
eru örlög þín
endimörkum háð
aldrdaga“.

29. „Heyrða-k himneskra
helga röddu
guða eilífra,
óðauðligra“.

30. Mælti hann svá;
en móðhugaðr
gladdist Hektor mjök,
er hann mál heyrði;
hepti fylkingar
fölvís reyna,
ok á miðjan fram
morðvöll gekk.

31. Greip gramr hendi
um geir miðjan;
sefuðust sóknharðar
sveitir þegar,
ok Agamemnon
eirserkjaðar

sveitir Akkverja

lèt setjast niðr.

32. Settust ok Aþena

ok silfrinbogi

Apollon skati;

váru skegg-gömmum lík;

sátu á ætibjörk

Ægiskjalda

hárrí, ok af hermönnum

höfðu gaman.

33. Sátu þéttar þar

þrymu sveitir,

branda beinvíðir

á blóðvángi,

vigrum reistir,

varðir skjöldum,

hjálmum háfextum

herfaldaðir.

34. Var sem vindkaldr

vestan-andi,

nýla risinn

af regindjúpum,

gráa gjálfrs leið

gárum sveipti;

dökkna fyr' dreka

dimmar bárrur.

35. Eins mundu sitja

sveitir Akkverja,

ok Trójumanna

tírárgjarnra

mitt á morðvelli;

mæringr þá

mælti báða við

Víga-Hektor:

36. „Heyrit mèt, Tróar

tírárgjarnir,

ok Akkverjar

eiserkjaðir,

at ek mæla mega

ρ. VII, 57-76.

ok mál hefja,

þats í brjósti býr,

bragníngar, mèt“.

37. „Hefir-a kynja-hár

Kronuss arfi

eðum at framgánga

unnit várum.

Hefir illan hug

himins valdr

báðum, ok býr

böl ok gremi“.

38. „Þar til er þér

þrúðturnsterka

Trójuborg takit

ok trylldir eyðit;

eðr sjálfir þér

sígraðir verðit

haffærum hjá

hrannar mörum“.

39. „Eru með yðr

at ímun-leiki

hraustastir Akkverja

aðalkappar.

Gáangi nú hverr fram

á hildar veingi,

sá er hugr

hvetr til þess“.

40. „Gáangi hann hinnig

úr gumna sveit,

forvígismaðr

frækinn at vera

móti ágætum

(skulum mæki rjóða)

Hektori, hróðmegi

hilmis Tróju“.

41. „En svá algilt

um ek mæli:

veri Seifr þess

váttir sjálfr,

at ef mik hann vegr,
ok at moldu varpar,
lángeggjaðastum
lýðmorðs eiri“,

42. „Þá skal hann fletta mik
fögurum málmi,
ok at skipum hafa
Sköglar klæði;
en líki láta
lýðum skilat
aptr heim
at Ilíons-borg“,

43. „At mēr um veiti
ítrar þjóðir
bál ok brisíngs vád,
böðvar sóma;
veiti þat verar
valföllnum mēr
Tróa, ok tignir
Tróju svannar“.

44. „En ef Apollon
ann mēr heiðrs,
ok ek unnit fæ
á andvígum,
þá mun ek fletta
fólkskrúði hann,
ok þat inn bera
í Ilíons-borg“.

45. „Þat mun ek heingja
á hofsvegg breiðan
lofðúngs ins lángskeyta,
Letóar arfa;
líki mun ek láta
lýðum skilat
þóptusterkum at
þvinnills mörum“,

46. „At hárrúðir
halir Akkverja
megi hinnstan því

ρ. VII, 77-94.

heiðr veita,
ok haug verpa
yfir hnignum ná,
hávan, at hafbreiðum
Hellu-álum“.

47. „Mun þá óborinna
einna nokkurr
ýta þannig
at orði komast,
er hann lauka mari
margþóptuðum
siglir yfir sæ
sorta drifinn“

48. „Þar er vegligr
vorplinn haugr
valföllnum yfir
vigra skelfi,
hraustum ok hugpráðum,
er Hektor vág,
ok lágt of lagði
fyrir laungu darri“.

49. „Svá mun einnhverr
orð um vekja;
en minn mun aldri,
meðan öld of lifir,
hróðr hníga
hildar leika“.

50. Svá mælti Hektor;
en halir sátu
allir hljóðir,
orð ei mæltu;
var-a viljugt þeim
undan vígi skorast,
nè hólmgængu
heldr þiggja.

51. Loksins upp stóð
lýðum-frægr
Menelás mildíngr,

ok mæla knátti;

ávístur illar

öldum valdi,

varpaði þeingill

þúngum móði:

52. „Áví, skræfur þér,

skrumi þrútnir,

karlmanns krepjur

kvennhjartaðar;

smán ok svívirðing

sárust verðr,

ef eingi Danáa

andvígr nú

Hektori mætum

móti geingr“.

53. „Verði þér at vatni

ok veingis moldu,

allir ónýtir,

er þér alls of sitjið

hjartalausir hér,

hverr einn þannig

hróðrsvani

á hauðrs þremi“.

54. „Mun ek því sjálfr

siklíngi mót

brynjast, ok búast

til bardaga;

en sigtívar

sjótum efri

hersigri halda

í höndum sèr“.

55. Mælti svá Menelás

inn málrómsterki;

ok fögrum vápnum

vísir klæddist.

Þar heðir þú,

þeingill fríðr,

fyr' Hektors höndum

hlotið dauða.

ρ. VII, 94-114.

56. Hann því at var

hölzti meiri;

dáit þú mundir,

ef ei döglíngar

hefðu Akkverja

upp þá ristt, .

ok þik, hilmir, hrifit

frá hólmgangu.

57. Sjálfr Atreífs

arfi frægr,

allvaldr alþjóðar,

Agamemnon,

tók í hægri hönd

hildar skata,

ok orðum ístrum

yppti þeimá:

58. „Allmjök ferst þér nú

óvitrliga,

Menelás, Seifi

sjálsum alinn;

sæmir-at þér

sísk fásinna;

hept þik heldr,

þótt hugr fýsi“.

59. „Hirð-at-tu at heyja

hildar leika

við mann þér meira

af meginkappi;

skalt-at-tu deila

við dáðmög Brjáms,

Hektor inn hjálmkvika,

þann er hræðast aðrir“.

60. „Þeim æðrast sjálfr

Akkilleifr

mannsæmu at málmþingi

mót at gánga;

ok þó er þráðlyndr

Peleífs arfi

miklu meiri þær
at mímúngs leiki“.

61. „Gakk nú, gunntamiðr,
tíj garpa þinna;
sezt niðr, siklíngr,
at sveitum þínum;
annan munu Akkverjar
öðlíng velja,
fram at feta
mót fólka skelfi“.

62. „Ok þótt verði sá
óttalauss halr,
ok ópreytandi
at ímun-veðri,
þá hygg ek samt
hann munu feginn
beygja knè
at búnum hvíldum,
ef hann um flýr
æsta rómu,
ok heill kemst
úr hjörva glaumi“.

63. Mælti svá hetja,
ok hug snèri
þekku þegar
þjóðar skata,
því at heilræði
hildíngr kvað;
en Menelás hlýddi
máli bróður.

64. Þá urðu sveinar
siklíngs glaðir;
tóku Sköglar skrud
af skata herðum.

65. Upp stóð þá öðlíngr
með Argverjum,
Nestor ágætr,
ok orð um kvað:

ρ. VII, 114-134.

„Sè þar harm sáran,
svalar meinvættir
of Akkverja
aldir svífa!“

66. „Sárt mundi kveina
siklíngr aldinn
Peleifr víst
inn prúðfákvaldi,
ráðgjafi ríkr
röskra lýða,
mæringr málsnjall
Mýrmíðóna“.

67. „Frètti mik fylkir,
fèkk honum gleði,
sínnum húsum at
hátimbruðum;
frètti mik of alla,
ok eptir rýndi,
ætt ok uppruna
Argosbúa“.

68. „Ef ítr spyrði
öðlíngr nú
hræddan hverjan hal
fyrir Hektors remi,
þá mundi jöfurr
inniliga
hendr hafit
til himins guða;
æskt mundi hann,
at önd sín liði
limum frá
at láðum neðri“.

69. „Áví, allvaldr
uppheims faðir,
Aþena aldýr,
ok Apollon!
væri mèn nú veitt
vegsemd úngra,

foru fjörvi

fremst um hrósa“,

70. „Sem þá er áðr
fjar fundust
karskir hjá straumhörðu
Keladons-fljóti,
Pýlverjar ok Arkadar
prúðskaptvaldir,
und Feju-múrum,
ok fólk um háðu,
þar er döggar jörð
Jarðans-straumur“.

71. „Gekk þar frægr fram
at fólkvígum
Erevþalfon
jafni tíva;
hafði á herðum
hervápn fögr
öðlings ágæts
Areþóuss“,

72. „Areþóuss
ins jólnum-glíka;
kölluðu kylfing
konung frægan
fyrðar ok konur
fagrbeltaðar“.

73. „Því at þeingill ei
þjóðvíg framdi
boga bjúgdregnum,
né beittum geiri;
en með járnkylfu
jaðarr ramr
rauf ok riðlaði
rekka sveitir“.

74. „Lofðung lýðfrægan
Lýkúrgus vág,
meginsvikum,
en mætti eigi;
þat var á þrautillum
p. VII, 134-152.

þraungum stigi;
mátti-t þeingill þar
þúngum bæga
aldrtila
með járnkylfu“.

75. „Því at Lýkúrgus
lagði fyrri
mildíng magnrfskan
miðjan gegn um;
en hann til foldar
falla náði
upp í lopt
fyrir lagi sváru“.

76. „Fletti hann frægan
fylki vápnnum,
er honum Ares gaf
eiri faldinn.
Bar hann þau síðan
at böðvar drottins
þrautum þúngum,
at þeingil dáinn“.

77. „En er Lýkúrgus
lofðungr gerðist
elli orpinn
at auðsölum,
þá gaf öðlingr
Erevþalfoni
þjóni sínum
þau at bera“.

78. „Búinn þvísa
böðvar skráði
kallaði hann fram
knásta hverja;
bifðust beinvíðir
Bölverks iðju,
æðruðust allir,
ok ekki þorðu“.

79. „Þá mæð þrautramr
þrýsta náði

hugr at heyja
hildar leika,
af eignu afli;
en ek yngstr vark
allra at aldri
ýta þeirra“.

80. „Barðist ek böleflidum
móti buðlúngi,
en Ginnregins mær
mér gagn um veitti;
þar drap ek þeingil,
þegna hverra
stærstan og styrkastan
á storðar hveli;
lá hann endlánger
of láðvöll allan,
undrstærð eflir
ógurligri“.

81. „Vilda-k, at væra-k .
sem var ek þá,
eflir ok úngr,
í æskublóina;
þá skyldi hjálmkvíkr
Hektor eiga
manni at mæta,
ok mímúng reyna“.

82. „En þér, hraustastir
allra þeirra,
er ætt eiga
á Argos-láði,
eigi treystizt
öruggum hug
Hektori móti
hjör at veifa“.

83. Átaldi þá þannig
aldinn skati;
en nú naðeflir
við Nestors orð

upp mundu rísa
ramir beimar.

84. Reis upp fyrstr
ríklundaðr
allvaldr alþjóðar,
Agamemnon;
reis upp ræsi næst
regineflir
dádmoðr Týðeifs,
Díómedes.

85. Þar næst upp risu
Aiantar báðir,
báðir berserkir
böðvar-ramir,
þá ágætr
Ídomeneifr,
ok sinni hans
at sigjöru:
þat var Meríónes,
manna bana
Aresi glíkr,
iðnárúngi.

86. Þá reis upp arfi
Evemons,
Evrýpýlus,
ágætastr;
þá Þóas, arfi
Andremons,
ok Odysseifr
inn ítrfrægi.

87. Allir vildu
einvíg drýgja
hjálmkvíkum móti
Hektori þeir;
þá mælti aptr,
ok orð um kvað,
Nestor, gerenskr
gramr reiðar:

88. „Varpit nú, vaskir

virðar, allir
hlutum, ok hal
á hólmi of kjósi;
sá mun Akkverjum
olla gleði,
fagrbrynhosat
fólk um kæta“.

89. „Sjálfir mun hann sinn
sefa gleðja,
ef hann um flýr
æsta rómu,
ok heill kemst
úr hjörva glaumi“.

90. Mælti svá mildíngur;
merkti hvern
hlut sinn halr,
at hrístr yrði;
vörpuðu síðan
í vísis hjálm,
Atreífs arfa
Agamemnons.

91. Báðust beinviðir
brandar fyrir,
höfu hendr
til himins tíva,
ok at marblám
mána vegi
sá, ok svá baðst
sér hvern fyrir:

92. „Láttu nú, Seifr,
lut upp koma
Aíants, eðr ok
arfa Týdeífs,
eðr síklíngs sjálfs,
sjótvaldanda
Mýkenu, meiðmum
meginauðgrar!“

93. Svá mæltu seggir;
sveiflaði hlutum

ρ. VII, 171-191.

Nestor, gerenskr
gramr reðbar;
hljóp úr hjálmi
sá, er helzt vildu:
hlutr Aíants
ins herjum-ríka.

94. Bar kallari
búðlángs hlut
of allar sveitir
eímnis þjóða;
reikaði réttsælis
raddmæringr,
sýndi höfðingjum
hölða öllum.

95. Könnuðust eigi
konúngar við;
vísuðu frá sér,
vildu eigi eiga;
gekk þá kallari
of gumna sveitir
allar, uns ítr
til Aíants kom,

96. Þess er morðhlut
markat hafði,
ok í hjálm varpat
hildar skata;
hann hæld harðeífdri
hendi undir;
gekk til hans kallari,
kastaði í lófa.

97. Kenndi merkt merki
mildíngur þá;
gleði varð grami
góð í sefa;
varpaði hlut
vísir frægr
fætr fyrir,
fækk at mæla:

98. „Hlutr er þessi,

hróðvinir, minn;
gleðjumst ek þess gerva,
at mik gunnr kýss;
hygg ek, at Hektor
fyr' höndum mínum
vunninn verði
at vápn glaumi“.

99. „Hellir svá, hermenn,
meðan hervápnnum
skryðist ek skærum,
ok Sköglar málum,
þá skulu þér
á þrumuvaldan
hjárliga heita
Herjaföður“.

100. „Þegjandi skulut er
þeingil blöðja,
at ei aldir Brjáms
eyrum leiði;
eðr ok allir
áheilt fremja
í heyranda hljóði;
erum hræddir sízt“.

101. „Skal-at skati neinn
at skjóma leiki
viljugr óviljugan
mik vunnit fá,
hvorki af afli,
né sþrótt fimri;
því at eigi þykjumst ek
alinn vera
né gumnum getinn
glópr slíkr
á svarðarfrjóvri
Salams-eyju“.

102. Svá mælti sjóli;
en seggja kindir
Seif Krouus-son
sigrs báðu,

p. VII, 191-210.

ok at marblám
mána vegi
sá, ok svá baðst
sèr hverr fyrir:

103. „Faðir Seifr,
er á fjalli Íðu
ríkir ríkastr,
reginmestr,
velt nú Aianti
ítran sigr;
hljóti hann hróðmæran
heilðr at vígi“.

104. „En ef at Hektori
hávum þú annt,
ok þú hilmí hán
hefir kæran,
veittu þá báðum,
vísir himna,
mátt ok meginþrek,
ok mætan sóma“.

105. Svá mæltu seggir;
en sigskráði
eirvörðu Aiant
ítr klæddist;
en er öðlíngr
í alvæpni
knár var kominn
ok klæddr gerva,

106. Þá nam hann vaða
yfir vallar grundu,
Aresi lögslíkr
ógurligum,
þá er hann geingr
at gunni fram,
þegna þeirra til,
er þrúðheims valdr
att hefir saman,
eljansára

hildi at heyja
höfgum móðl.

107. Svá gekk Aiant
öðlingr fram,
morðmúrr Akkverja
inn meginstóri;
gekk glottandi
at gunnar leiki;
váru váligar
vísa sjónir.

108. Skálmaði skati
skelfiliga,
lèt laungum fetum
láðveg troðinn;
dýði dólgstinnan
ðör í hendi
lofðungr lýðfrægr,
lángskeptaðan.

109. Urðu þá Argverjar
allir glaðir,
er þeir hilmi sá
hermannligan;
en Trójumanna
tíðr skjálfti
kom í knè,
er þeir kappa litu.

110. Barðist þá í brjósti
buðlungs hjarta
Hektors sjálfs,
þótt hraustr væri;
þá mátti-t þó
þeingill flýja,
nè í hóp hverfa
hölda sinna,
er hann hólmgangu
hafði boðit.

111. Gekk nú Alant nærr,
hafði gunnskyli:
töргу traustfellda,
p. VII, 210-230.

sem turn væri;
sjöbyrðing, sigbjörtu
settan eiri;
hafði hann Týkkíus
hagr smíðat.

112. Sá var skinnsmiða
skróðhagast;
átti helma
at Hfluborg;
hann gerði handbæra
hlíf-krínglu
af leðrum sjö
sima aldra;
en it áttunda
efst hann sló
lag ljómanda
ljósu eiri.

113. Þess hafði þeingill
þrúnginsalar
týframr vörn
Telamons niðr,
bar fyrir brjósti,
buðlung kvaddi,
nærr gekk Hektori,
ok hreifði máli:

114. „Nú muntu, Hektor,
hróðmögr Brjáms,
er þú aleinn ert,
allvel reyna,
hverjar hraustastar
hetjur sè
Danáum með,
er í dólgr um geingu“.

115. „Ok þótt Akkilles
undan falli,
lofðungr lýðskæðr,
ljónhjartaðr“.

116. „Sitr nú síklíngur
sjótum fjarri

at straumdyrum
stafnabjúgum;
brenn brjósti í
bráðr muni
Atreifs arfa til,
alda stýris“.

117. „Svá erum vèr hraustir,
siklíngur, þó,
at vèr móti þèr
þorum gánga;
erum margir svá
móðhugaðir;
en þú, buðlúngur,
skalt nú böð of hefja“.

118. Annsaði aptr
ægum skata
Hektor hjálmkvíkr,
hreifði máli:
„Aiant, seifborinn,
ítrfrægr
Telamons niðr,
tiggi þjóða!“

119. „Ei skaltu, mildíngur,
mín of freista,
svá sem orkulaust
úngbarn væra-k;
nè þú freista mín,
sem fákunnandi
væra-k at vígum
vínkers nannda“.

120. „Kann ek kostliga
at kaldri rómu,
varga vel kæta
at valkøstum;
kann ek til hægri,
kann ek til vinstri
hráskinns-törgu
handar djfja;

því em ek þrautgóðr
at þjóðvígum“.

121. „Kann ek kerrur
knýja skjótar
ógurligum at
finun-dunum;
kann ek með köppum
at kvernbíts fundi
darra drottins
dans at stíga“.

122. „En nú vil ek ei
at þèr senda,
slíkr sem þú ert,
svárum fleini;
skal-at væl vándri
vigri kasta;
varpa vil ek honum
með vitund þinni“.

123. Mælti hann svá,
ok meginlaungum
veifaði vigri,
varp úr hendi;
kom í skjöld Aiants
inn ógurliga,
sjöbyrðing,
sviða in lánga.

124. Kom í eir efsta
yrlygs-krínglu,
lag it áttunda
lagt á skildi;
sveif sex gegn um
sima húðir
eirvápn undroðit,
it eljansára.

125. Linaðist lens
í leðri sjöunda.
Aptr sendi þá
Aiant seifborinn
dör lángskeptan

loðúngi mót;
hæði hvelða rönd
hringborðsjafna
hlífar Brjáms burar
ins böðvar-rama.

126. Gekk geirr stinnr
gegn um törgu
eiri eflda,
stríða;
braut gegn um brynju
bragnings fagra,
hagliga gerva,
herleins oddr.

127. Skáru skikkju-dúk
skarpar eggjar
beint undir brynju,
at buðlúngs nára;
en bragníngur
beygðist niðr,
forðaði fjörvi,
ok feigð of dvaldi.

128. Kipptu þá loðúngar
laungum darrum
báðir at einu
úr breiðum raufum;
öð hvárr öðrum at,
sem óarga dýr,
hráæt, grimm,
á hávum björgum.

129. Eðr hamslausir
á heiðum uppi
villigeltir,
þeirs váliga
ok óþreytandi
orku hafa.

130. Lagði þá horskr
hróðmögr Brjáms
skapti á miðja
skjaldar kríngla;

ρ. VII, 249-268.

nè hann rönd rauf
reginhvelða,
bognaði geirs-oddr
á búngu harðri.

131. Geiri gagnbeitti,
gekk á lag sjóll
Aiant aptr
at ægum skildi;
gekk geirr stinnr
gegn um törgu;
en hann Hektori
hrinda náði,
þá er hann öð
öðsliga fram.

132. Nam háls nót
á niðlúngi;
vall dökkur dreyri
úr döglúngs undu;
hætti-t þó Hektor
hildi at þreyta,
buðlúngur hjálmkvíkr,
nè heykjast náði.

133. Væk aptr vísir,
ok vaskri mundu
stein stórmikinn
af storð upp nam;
lá á láðvelli
lagar hjarta,
hrufótt, svartdimmum
sveipat litum.

134. Varpaði vísir
vallarbjargi
ógurligan á
Aiants barða;
kom í baugnöf
bjarg it þunga;
saung í sigremmdum
salbendingi.

135. Þá hóf aptr upp

Aiant ramr
stein miklu stærra
af storðar velli;
sveiflaði ok sendi,
saung í lopti,
beitti buðlúngr
berserksafl.

136. Svá var steinn mikill
sem mylnusteinn;
brast baugr undan,
brotna náði;
kiknaði konúngr
knjálidum í,
fèll í lopt upp
á foldar þróm
þrýstr þrúginsal,
en þegar reisti
öðling Apollon
aptr á fætr.

137. Hefðu þá hetjur
hjörvum brugðit,
ok í höggorrustu
harða geingit,
ef ei kallarar,
erindsrekar
Seifs ok sjóta,
svíft hefði at.

138. Annarr Tróum frá
týfákvöldum,
annarr frá Akkverjum
eirserkjuðum:
týframr Ídeus
ok Talþýbús;
báðir váru þeir
bragnar spakir.

139. Hældu báðir
milli hildinga
sprotum sínum
sendiboðar;

ρ. VII, 268-287.

mælti þá Ídeus
orðum þeirra
(kunni hann ráð
rík ok vitr):

140. „Dýrir döglíngar,
drygít ei leingr
hólmgangu harða,
nè hjörvum veifit.
Báðum ykk ann
upphelms valdr,
sjóli skýbólstra
Seifr faðir“.

141. „Báðir eru þit
at böðvi ramir,
vitum allir þat,
ok at vigrum færir;
nú ferr at nótt
af norðrstraumum;
nýtast er njótum
nótt at hlýða“.

142. Aptr annsaði
ítrum beimi
arfi Telamons,
Aiant ramr:
„Heyr mèr, Ídeus,
Hektori seg
ítrum at yppa
orði þvísa“.

143. „Því at hann á hólmi
hefir skorat
horskasta hverja,
hreysti at reyna;
byrji hann því sjálf,
en ek brátt mun þá
heilræðum hlýða,
ef hlýðir hann“.

144. Aptr annsaði,
orð nam at mæla,

Hektor hjálmkvíkr
at horskan sjóla:

145. „Aiant ógnfrámr,
alls þér veitt hefir
guð mátt mikinn
ok meginvöxt,
vitrléik varinn,
ok þú, vísir, ert
Akkverja hverra
at hildi mestr.“

146. „Nú skulum darra
í dag hætta
dimmum dunum,
ok deilu hverri;
en dólgr síðarr
vör drýgja skulum,
þar til er guð
greiðir dóma
okkr með,
ok öðrumhvarum
sigr veitir
at sigjöru.“

147. „Nú skal oss, niðlúngr,
nótt um skilja;
nýtast er njótum
nótt at hlýða.“

148. „Gleðja mantu þá,
gramr, sinna
hverja at álfakum
Akkverja lýðs,
fremst þó félaga
frækna þína,
ok hölda horska,
er þér, hilmir, fylgja.“

149. „En at Brjáms borg
inni böðvarmiklu
ek mun gleðja
ýta Tróju,
ok Tróju svanna

ρ. VII, 287-307.

síðmöttlaða;
þær munu gánga
at goða sölum,
heilög vinna heit,
fyrir heill minni.“

150. „Nú skulum báðir
býtast gjöfum,
fögrum ok frægum,
fagrörðum,
svá at Akkverjar
ok ýtar Tróju
þannig kveði
ok kalla megi“:

151. „Börðust bæði,
ok branda reyndu
ofrakppi af
eljansáru;
aptr sættust,
ok sáttir skildu
vísar veglyndir
vinahótum“.

152. Svá mælti sjóli,
ok silfrnaddaðan
bar fram, bæsing,
buðlúngi gaf;
fylgdi fólvi
fetill vel skorinn,
ok blóðvörtu
beðr luktr.

153. En Aiant horskum
Hektori gaf
brynbelti, purpura
prýðifáit;
skildu skálmramir
skatar síðan;
annarr til Akkverja
öðlúngir hvarf,
annarr Tróa til
týfákvaldra.

154. Fegnir urðu Tróar,
er þeir fylki sá
heilan ok lifanda
frá hólmi gánga,
heimtan úr höndum
inum harðgreypu
Aiant, ógnmóðiga
ímunreynis.

155. Leiddu þeir lofðung
til lýðborgar;
hugðu sízt hilmi
heimta mundu;
en á aðra hönd
leiddu Akkverjar
ítran Aiant
til Agamemnons;
glæðr var gramr
af góðum sigri.

156. En sem ýtar
til Atreífs magar
búðar vátu
vaskir komnir:
þá Agamemnon,
alda stýrir,
Allföður fórn
færa náði;
frey fimmvetrúng,
feitán næsta,
blótandi buðlungr.
banda vísi.

157. Flógu þeir bola,
búa knáttu;
hjuggu hvervetna-
hold í sundr;
brytjuðu hagla
höggvinn drjóna,
ok á steikara
stúngu teina;

p. VII, 307-327.

steiktu gumar allt
gætilliga,
tóku aðan
ok af teinum drógu.

158. En er erfði
ok önnum þeima
hættu halir,
höfu upp veizlu;
nè lysting leið
lýðum gerðist;
neyttu dreingir
af deildum verði.

159. En Aianti
til ágætis
lagði heilan hrygg
himinrjótar
Atreífs arfi
inn ímunfrægi,
allvaldr alþjóðar,
Agamemnon.

160. En er lýðir
lysting höfðu
á bug ekit
áts ok drykkjar,
þá bar Nestor fram
þjóðmæringr
fyrstr ráðagerð
ráðsnjallasta.

161. Hans þóttu ætíð
hyggilígst
ok völdust vera
vitrmæli;
ítrfrægum
einnis reynam
heill í hugun
hann orð um kvað:

162. „Atreífs arfi,
ok aðrir þær
hraustastir alþjóðar

Argosláða;
nú eru margir
af mönnum várum
hnígnir at hildi
hárum-prúðum“.

163. „Þeirra hefir dreyra
dökkvum roðit
bakka Skamanders
böðvar drottinn,
Ares ógnbráðr,
en andir þeirra
í Hadesar heim
hurfu niðr“.

164. „Skaltu því hepta
frá hildar leiki
dreingi akkneska
dag komanda;
þá skulum safnast,
sjóli, ok hinnig
nautum ok máltum
nái draga“.

165. „Skulum vör vegna
vera brenna
skammt upp frá skipum,
at skatna hverr
bragna megi bein
börnum færa,
þá er aptr förum
til fóstjarðar“.

166. „Einn skulum haug verpa
öllum dánum
seggjum á sóknveingi,
sameiginlegan,
kríng um brennanda
brísíngs loga;
skulum út árna
at iðju þeirri“.

167. „Þá skulum timbra
turna háva

ρ. VII, 327-346.

hjá skatna haugi
skyndilliga;
vörn skal þat vera
viggjum sævar,
ok beinvíðum
böðvar skjá“.

168. „Skulum á hátarnum
hlíð of timbra,
hurðum vel felldum
hála búin;
þar skulu reiðar
renna mega
út, ok aka
um opnar brautir“.

169. „En fyrir hlíðum
hávum utan
gröf skulum grafa
geysidjúpa;
hún skal umkríngja
hervirki allt,
forvígi fyrða
ok fáka vera,
at ei Trójumenn
tírargjarnir
oss fái borit
ofrliði“.

170. Mælti svá mæringr;
en mildíngar
allir á fëllust
öðlíngs ræðu.

171. En Tróar ítrir
at Ilíonsborg
fund á hávirki
halda knáttu,
at Brjáms dyrum;
var-a dælt á þíngi,
ótti ok órói
aldir þjáðu.

172. Þá mælti Antenor
ítrspakr
fyrstr á fundi,
fækk orð talat:

173. „Heyrit mēr, Tróar
tírargjarnir,
Dardanar horskir,
ok hjálparliðar;
at ek fram mæla-k,
þat er inni mēr
býr í brjósti,
ok býðr hugr“.

174. „Skulum vēr nú aptr
Atreifs mögum
Helenu láta
horskri skilat,
ok meiðmar allar
mundum telja;
vegum vēr á sættir,
vegum á tryggðir;
eigi mun þat oss
örlög bæta“.

175. Svá mælti sjóli,
settist at þat;
þá stóð ítr upp
Alexander;
hanh var eiginverr
argversks svanna,
Helenu horskrar,
innar haddfögru.

176. Lèt vænghröðum
varpat orðum
vísir at vísí,
vakti ræðu:

177. „Erumk undarligt
orð þín heyra,
Antenor; aldri
ek á þau föllumst;
betra þú knátt,

ρ. VII, 347-368.

buðlúngr, ráða,
ef þú þat vill,
vitrum sefa“.

178. „En ef þú þessar
af alvöru
tillögur legg
lýða kindum,
þá hygg ek guði
úr geðknerri
þær hafa numit
nýta speki“.

179. „Nú mun ek láta
fyr' njótum sverða
atkvæði mitt
upp um borit;
ekki mun ek aptr
stri skila
konu kinnfagri
köppum Grikkja“.

180. „En ek mun öllum
aptr skila
meiðmun munaskærum,
er ek inargar nam,
ok heim frá Argos
hafa náða;
mun ek þeim skila,
ok meiru við bæta“.

181. Svá mælti sjóli,
settist at þat;
þá stóð upp dádراكr
Dardans arfi,
Brjámr buðlúngr,
banda jafnfinngi
ríkum at ráðum
ok ramri hyggju;
heill í hugum
hann orð um kvað;

182. „Heyrit mēr, Tróar

tírgjarnir,
Dardanar horskir,
ok hjálparliðar,
at ek fram mælak,
þat er inni mér
býr í brjósti
ok býr hugr“.

183. „Neytið nú, sem áðr,
aptans-verðar,
um borg mína
böðvar-rama;
gáangi síðan
gumar at verði;
vaki vaskir menn
at vígmyrkum“.

184. „En at morguns ári
upprennanda
Ídeus haldi
at hveldum skipum;
segi hann ítrum
Agamemnoni,
ok Menelási,
mögum Atreífs“;

185. Flytji þeim orð
Alexanders,
er af hans völdum
hafa víg of ríat;
bera skal hann boð
til buðlúnga,
hvárt þeir hernaði
hætta vilji,
þar til er brennt höfum
bleika náí“.

186. „En dólgr síðan
vèr drýggja skulum,
þar til er guð
greiðir dóma
okkr með,
ok öðrumhvárum

ρ. VII, 368-388.

sigr veitir
at sigjöru“.

187. Mælti svá mildíngur;
en margíms brjótar
buðlúngi hlýddu,
boða hans gættu;
en at ári morguns
Ídeus fór
niðr at hveldum
hrannar mörum.

188. Fann hann Danía
dróttþíngi á,
glæða gunnþegna
geira drottins;
váru hjá skuti
skeiðar hávum
allvaldar alþjóðar,
Agamemnonns.

189. Stóð stillis þegn
studdr tungu
mitt at magnremmdri
mildínga fjöld;
mælti kallari
málsnjall síðan,
ok orðum varp
af vörum fram:

190. „Atreífs arfi,
ok aðrir þér
hraustastir aldar
Argos-láða,
bauð mér buðlúngur
Brjámr frægr,
ok aðrir Tróar
tíri faldnir,

191. „Yðr at inna,
ef yðr væri
ljúft ok lyndiskært,
lofðar, at heyra,
orð Alexanders,

ástnagar Brjáms,
þess er valdit hefir
víga leikum“:

192. „Meiðnum mætun,
þær er mildíngs arfi
flutti Tróju til
á traustum gnoðum —
áví! öðlíngr
áðr skyldi
farizt hafa,
ok fjörvi tapat!“

193. „Þeim vill hann öllum
aptr skila,
ok enn fleirum á
ofan bæta;
en eiginrónu
kveðst hann eigi munu
mærrí skila
Menelásar,
en þótt Tróar þess
tiggja fyri“.

194. „Bauð mér ok buðlúngr
boð at færa:
hvárt þær hernaði
hætta viljit,
glaumi gjallanda
gunnar ægum,
þar til er brennt höfum
bleika náí“.

195. „En dólgr sðan
vør drýgja skulum,
þar til er guð
greiðir dóma
okkr með
ok öðrumhvárum
sigr veitir
at sigjöru“.

196. Mælti hann svá;
en málmþíngs reynar
ρ. VII, 388-407.

allir hljóðir
orð ei mæltu;
seint reis á þíngi,
ræðu vakti,
Díómedes
inn dáðum-rakki:

197. „Nú skal ei njóta
náíns grundar,
nè aura þiggja
Alexanders,
ekki sváseygðan
sjálfan heldr
svanna taka,
þótt sjólar bjóði“.

198. „Því at þjóð öll,
en þótt fávís sæ,
skilja hlýtr
ok í huga sjá,
at öldum Tróju
eru albúin
endimörk yztu
aldríla“.

199. Mælti svá mildíngr
inn málrómsterki;
æptu Akkverjar
ok undir tóku;
dáðust dróttmegir
at dýrri ræðu
Týdeífs magar
ins týfákvalda.

200. Ávarpaði þá
Ídeus vítran
allvaldr alþjóðar
Agamemnon:
„Sjálfir máttu nú
mál of heyra,
Ídeus, aldar
Argos-láða“.

201. „Heyrir þú, hverju

þér halir svara;
sjálfr ek samsinni
sjótar mált;
en ekki melna-k
né móti stend,
at brenndir verði
bleikir náir“.

202. „Því at eigi má
undan fella
fallinna at friða
fyrða sviþ,
ok á bál bera
bæðvar reyna,
er þeir at hjaldri
hafa látist“.

203. „Veri vottu oss
vísir Seifr,
Heru verr
háþrumandi;
sáttir þessar
hann sjálfr bindi“.

204. Svá mælti vísir,
ok veldis sprota
hóf upp til allra
himins guða;
en Ídeus
aptr hvarf
alhelgrar til
Ilfons-borgar.

205. Sátu allir
á samkundu
dreingir Tróju,
ok Dardanar;
sátu safnaðir
seggir, ok biðu,
at Ídeus
aptr kæmi.

206. Kom kahari,
gekk til kappá fram
p. VII, 407-426.

öldum erendi
inna náði;
þjuggust þá halir
hvárstveggja til:
sumir lík sækja,
sumir við draga.

207. En á aðra hönd
sendu Argverjar
þóptusterkum frá
þvinnis mörum;
hvárstveggja til
hali kvöddu:
suma lík sækja,
suma við draga.

208. Ýngstum álfröðull
á akrlendi
geislum glóandum
gerði skjóta,
nyla upp runninn
af iðjalygaum,
jörmundjúpum
Jarðarstraumi
upp á heiðrikann
himins boga.

209. Mættust þá mætir
málmþíngs boðar;
var torvelt þá
teitum rekkum
ver hvern valfallinn
vel at greina.

210. Þógu þagnar
þykkvan dreyra,
blóð bráðstorkið
af bleikum náum;
helltu út halir
heitum tárur;
hófu lík háva
á hvelvagna.

211. Leyfði-t lofðúngr
lýðum Tróju
Brjámr inn böðframi
at bylja gráti;
lögðu þegjandi
lík á elda;
var hjarta hvers
harmi þrúngit.

212. Brenndu á báli
bleika náí;
hældu at þat
til helgrar borgar.

213. En á aðra hönd
Akkverja sjót,
fagrbrynhosaðir
fölvís reynar,
lögðu á líkelda
lèmagna náí;
var hjarta hvers
harmi þrúngit.

214. Brenndu á báli
bleika náí;
hældu at þat
til hvelðra flausta.

215. Vöknuðu valdir
kríng um valkastar
loga ljósan
lýðir akkneskir;
nè mönnum lýsti
Morgunskæra;
glaprökkri gríma
yfir grund of leið.

216. Fóru út fírar,
feikna-mikinn
einn haug urpu
kríng um aldrnara;
hlóðu at haugi
hjörva sveitir

g. VII, 427-445.

múr stórmikinn,
meginraman.

217. Tímbruðu sðan
turna háva,
vörn vágdýrum
ok verum sjálfum;
ok á háturum
hlíb of gerðu,
hurðum vel felldum
hála búin,
at þar reiðar
renna mætti
út, ok aka
um opnar brautir.

218. Grófu garpar
fyrir garð utan
gröf í grundar svörð
geysi-djúpa
gröf ginn-stóra,
geysi-breiða,
ok í stórðar þróm
staura ráku.

219. Störfuðu þannig
þjóðir sverða,
halir akkneskir,
hárum-prúðir.

220. Sátu sigtívar
at sjóla himins,
hjá Þrúðvaldi þjóða
þrumu-glöðum;
sá goðþjóð,
gerði undrast,
stórvirki Akkverja
eirserkjaðra.

221. Mælti þá fyrst
á feikn-þíngi,
ok orð um vakti,
Jarðarskelfir;

222. „Hvart munu, heimsvaldr
 Herjafaðir,
 á fold feiknstórri
 lírar vera
 nokkrir, þeirs nái
 niðfúngum himna
 hug sinn herma,
 ok af högum inna?“

223. „Sér þú ei, sjóli,
 at sjót Akkverja
 hervirki háreist
 hefir búit
 fyrir ofan fley,
 en at firin-garði
 gróf hafa grafit
 garpar þessir.“

224. „Nè þeir niðfúngum
 náðu færa
 himna hundraðsblót
 heiðri fáin;
 en af ógnvirki þvísa
 mun orð of gánga
 eins langt ok árgeisli
 ferr eyglóar.“

225. „En garðr hinn
 mun gleymdr látinn,
 sá er hlóðum vit
 himins tívar,
 ek ok Apollon,
 öðling fyrir
 Láomedon,
 lögðum orku fram.“

226. Stundi þá Seifr,
 sjóli skybólstra,
 annsaði apt
 ægis tíva:
 „Hví þú slíkum
 svárum orðum

foldhristir, ferr,
 inn feiknvaldi!“

227. „Mætti annarr einn
 uppheims tíva
 ógnvirki undrast
 it jörmunstóra,
 sá er iniklu þær
 minni væri
 afli at
 ok eljan-móði.“

228. „En þian mun fara
 frægðar vegr
 eins langt ok árgeisli
 ferr eyglóar.“

229. „Heill svá, hrannvald
 þá er hárrúðir
 apt heim fara
 Argos-liðar,
 ok hveldum halda
 yfir humra leið
 fleyjum framgjarnir
 til fóstrjarðar:

230. „Þá skaltu brjóta
 böðvar timbr,
 garð gjörvallen.
 í græði fella,
 sandi sípekja
 sævar ströndu;
 svá muntu, öðlingr,
 eyða mega
 hervirki Akkverja
 undra-stóru.“

231. Töluðust svá við
 tívar sælir,
 ok þau orð annarr
 öðrum valdi.

232. Sveif nú sól niðr,
 ok sjónum hvarf;

þá höfðu Akkverjar
endat vinnu;
slátruðu uxum
síðan at búðum,
ok kvöldverð tóku
kvernbíts reynar.

233. Váru Lemney frá
lagar hreinar
margir komnir,
fluttu mun-veigar;
þá hafði senda
sjótum kunnr
Evneus, ágætr
Jasons niðr.

234. Þann hafði alit
Hýpsípyla
við horskum Jasoni,
hírdi þjóða.

235. En auk þess
hafði Jasons niðr
ítrum sent
Atreífs mögum
mæla þúsund
munarsætra
veiga, vegsælum
vísu at gjöf.

236. Þar keyptu ítrir
Argos-liðar
hunánga-veigar
hárum-prúðir:

237. Sumir við eiri,
sumir við járn,
eljan-fáðum
ísarnmálmi;

sumir létu háðir,
sjálf naut aðrir,
sumir þræla,
ok sumbl um hófu.

238. Sátu at sumbli,
sær vel undu,
gersta grímu
garpar akkneakir;
en í Brjáms borg
böðvar liðar
með bandamönnum
bjuggu gleði.

239. En uppheims sjóli
illum huga,
Seifr inn ráðvísí,
til rekka sá:
gersta grímu
gný nam vekja,
reiðar dunur
regindimmar.

240. Urðu Akkverjar
ótta fólvir;
helltu úr kerum
á hauðrs þröm
víni vegsælu;
nè verr einn þerði
fyrri at drekka,
en dreypt of hefði
Kronusar arfa
kynja-römum.

241. Geingu til hvíldar
garpar síðan;
nutu svefngjafar
sætrar værðar.

ÁTTUNDA KVIÐA.

SVÁS mundi sunna

í sóllauks-möttli
 heimskrínglu alla
 hjúpa árborin;
 þá átti Þrúðvaldr
 þrumuglaðr
 þíng með sigtíva
 sælum þjóðum.

2. Sátu heimsvaldar

á hæstum tindi
 Ólýmps, meginhnjáks
 ins marghálsaða;
 mælti þá Seifr,
 mildíngur himna;
 hlýddu gjörvallir
 guðir á ræðu:

3. „Heyrit mæ, gjörvallir

göðheims vísar,
 ok gyðjur allar,
 gerst of hlýðit,
 at ek fram mælak,
 þat er inni mæ
 býr í brjósti,
 ok býðr hugr“.

4. „Skal-at nokkurr nú

niflúnga himins,
 guð nè gyðja,
 gerst of reyna
 orð mín ónýta,
 ok at eingu gera,
 þats ek setja mun
 mætti bundit,
 at ek it skjótasta
 ætlan þessa
 framkvæmt fáa,
 ok at fullu endat“.

p. VIII, 1-18.

5. „Ef ek verð þess varr,

at væ nokkurr
 hæðan hverfi
 af himinstöðvum;
 vilji lið veita
 virðum Tróju,
 eðr Danáa
 dróttir stoða:“

6. „Þá skal hann ægum

óvægilliga
 þrumufleini
 þegar beystur
 Ólýmps til
 apr rekinn“.

7. „Eðr ek tíva

tek, ok varpa
 at ógnarhelms
 undirdjúpum,
 lángr leiðir
 frá ljóssheimi,
 í asgrunn dýpst
 fyrir jörð neðan“.

8. „Þar 'ro járagrindr

jörmunstyrkvar,
 ok eirþröskuldr,
 allt ómurligt;
 sá er helmr
 fyrir Hades neðan
 eins langt ok himinn
 yfir hauðri stendr“.

9. „Finna skal sá,

ok fremst of reyna,
 hve ek miklu guða
 máttkastr ómk;
 komit til, tívar,
 ef kanna viljit,

at er gjörvallir
getið reyna:“

10. „Heingit festi
frá himins boga,
rauðum rammeðla
Rínar málmi;
takið allir í
ok á hángit,
guðir gjörvallir,
ok gyðjur hverjar“.

11. „Eigi munut þó
ofan draga
ráðum ríkastan
ragna-föður
himins hæðum frá
at hauðrs þremi,
hversu fast hlekki
sem haldit í“.

12. „En ef af alvöru
ek á tæki,
munda-k hægliga
hlekki upp draga;-
munda-k jörð alla
upp um toga;
munda-k ægi allan
upp um hefja,
ok alla yðr,
uppheims tívar!“

13. „Mætta-k gullfesti
meginstyrkri
kríng um Ólýmps hnjúk
efstan varpa,
ok um bjarg binda,
en byrðr snúru
höfga harðtöygðrar
hèngi í lopti“.

14. „Svá em ek styrkvári,
svá em ek meiri“

guðum ok mönnum
und miðgarði“.

15. Mælti Seifr svá;
en sigtívar
allir hljóðir
orð ei mæltu;
urðu forviða
við fylkis ræðu;
hafði Þrúðvaldr
þúngt of talat.

16. Seint kvað á þingi
Sigföður jóð,
ok orð vakti Aþena
in augum-glæja:

17. „Heyr, várr faðir
himinbúa,
æðstr öðlinga,
arfi Kronusar!
Vitum þat vel,
at veldi þitt
er at afli
ósigranda“.

18. „En vèr allir þó
aumkva náum
Danáa dróttmögu,
í dólg um geingna,
er þeir illum
örlögðómi
fallnir faðma
foldu dreyrga“.

19. „Munum oss þó
frá morði hakda,
alls þú býðr,
buðlúngtr, svá;
en vèr ráð munum
ráða Danáum,
þat er þeim dugi
at darra glaumi,
at þeir ei allir“

aldri rænist,
mildfng, fyrir
móði þínum“.

20. Brosti Seifr,
sjóli skýbólstra,
annsaði aptr
orðum gyðju:

21. „Vertu hughraust.
mitt horska jóð,
Trítogenía,
tala-k eigi
alvöru af
orð in sváru;
æ skal ek þér
eptirlátr“.

22. Svá mælti sjóli;
snæfrum beitti
jóm eirfættum
fyrir jörmunreið;
þeim váru manar
á málsetum
gulli gimskæru
glóandfaldnar.

23. Gulli nam klæðast
goða faðir;
greip gildri mundu
gullna svipu
sagrsmíðaða,
ok á firinhvelða
reið of stè
ragna sjóli.

24. Beysti ólum
bitilhreina,
at þeir fram rynni
of feiknstigu;
flugv viljugir
fákar ólmir
mitt á millum
moldar jaðra

ρ. VIII, 37-55.

ok meginboga
Múspells sfa.

25. Leið til lindrískra
leita íðu,
þar er skörð ala
skógdýra fjöld,
á Gargars-tind,
þars grams um stóðu
hof ok ilmandi
helgr stalli.

26. Stöðvaði þar fáka
faðir manna,
gramr goða,
gullinfexta;
beitti frá kerru
bitilhreinum,
ok þá mjörkva brá.
miklum yfir.

27. Settist sjálfir
síðan á tind
dádum-hróðugr
drottinn heima;
sá til Brjáms borgar
böðvar-ramrar,
ok til Akkverja
öldu-hreina.

28. Tóku nú dagverð
dróttir skjóta,
halir akkneskir
hárum-prúðir;
en at búnu því
björtum klæddust
skatnar skálmramir
Sköglar málmí.

29. En á aðra hönd
halir Tróju
inni í Brjáms borg
búast náðu;

váru mannfærri,
en meginfúsir
víg at vekja
í valglaumi.

30. Því at þjóðum þörf
þrýsta gerði
börn at verja
ok brúðir ljósar.

31. Hriktu opnnt hlið
á hjar-ásun;
þustu þegnar út
at þjóðvígum:
fáka foringjar
ok fótgaungumenn;
hvarflaði herglaumr
at himinskautum.

32. En er váru nú
naðels sveimar
saman safnaðir
at svæði einu:
skelldu skjöldum
skatnar saman;
vigrar ok vígmóðr
mættust valþjóða.

33. Gall rönd við rönd
reginhvelða;
reis rómupýss
refilvaldendum;
hófst unda-óp
ok orra-gleði
vápnbitinna
ok vegenda;
varð vígvöllr
valdögg sleginn.

34. Meðan lýsti mærr
Morgunskæra,
ok dagr dýrsigndr
dafna náði:
flugu fleinar

ρ. VIII, 56-76.

í fylkingar;
föllu fyrðar
at fólkröði.

35. En er Heliús
um himins boga
miðjan ók
meginhvelðan:
helt upp tveim
af hrannar eldi
vísir himna
vágarskálum.

36. Læt í varpat
valkyrjum tveim,
heljar-dimmum
hlutum dauða:
Trójumanna
týfákvaldra,
ok Akkverja
eirserkjaðra.

37. Tók um vísir
vágar mundáng;
seig niðr Akkverja
örlögðagr;
settust Akkverja
örlögðsír
á margfrjóva
moldar blæju,
en Brjáms beima
banagyðjur
hurfu hvelðum at
himins boga.

38. En Seifr sjálf
senda náði
undra þrumar
af Íðu tindum,
blossa brennanda
brögnum sendi
Akkverjum ramrar
reiðar dunu.

39. En sjáandi
sjót undraðist,
greip geigr bleikr
gjörvallon her.

40. Þorði þá eigi
ídomeneifr
nè Agamemnon
at öldum dvelja;
eigi biðu þá
Aiantar heklr,
þegnar gunntamir
geira drottins.

41. Einn þá beið
aldar vörðr:
Nestor, gerenskr
gramr reiðar;
var-a viljugt þó
vísi dvelja;
en fákr sjóla
sárr var orðinn.

42. Laust hana skeyti
líkr goðum
Alexander,
ítrsvanna,
Helenu hárfagrar,
horskr bóndi.

43. Kom í hvirfil efst
á hófvarpni,
efstir þars jórn
aflast toppar
ok í hausi
haldast mega;
þar er höggstaðr
hættligastr.

44. Hljóp í heila inn
harðr broðr;
hljóp í lopt lættfeti
lostinn kvölum,
p. VIII, 76-95.

fældi ferligr
fáka aðra,
veltist á vágþremi;
var fast skeyti.

45. Stökk upp skjótla
stillir aldinn,
vildi hjör höggva
herði-ólar,
hliðar haldreimar,
þær er hesta teingdu.

46. Mundu þá Hektors
í meginflóttu
raunfráir renna
reiðar-brímar;
hlupu með Hektor
hugum-stóran,
kynja-knáan
kerrustýri.

47. Hefði hilmir þar
hlotið dauða,
aldiun mæringr
málsnjallastr,
ef þess ei skjótla
hefði orðið varr
Díómedes
inn dáðum-rakki.

48. Æpti öðlingr
ógurliga
Odysseífs til,
ok orð um kvað:

49. „Seiðborinn sjóli,
slúnginn ráðum,
Odysseifr
afí Laertess!
hvert flýr þú, hilmir,
hefir baki við snúit,
sem huglauss halr
í hölda sveit?“

50. „Vara þik, vísir,

at þær vigri eingi
bak of beysti,
er þú brautu flýr;
bíð þú, buðlúng,
bægja skulum
berserki þessum
bragningi frá“.

51. Svá mælti hann;
en sjóli heyrði-t
þrautgóðr, ágætr
Odysseifr.
Fór hann fram hjá
fylki römum
Akkverja at
öldu hreinum.

52. En Týðeifs arfi,
þótt einn um væri,
forvígismanna
fetaði til;
nam staðar niflúngur
Neleifs-sonar
fyrir reið framan;
fljótum orðum
konúng aldraðan
kveðja náði:

53. „Eru nú úngir
erviðir þær
naðels boðar,
niflúngur aldinn;
horfit er þær afl
úr hraustum limum;
sækir ill elli,
öðlúng, þik“.

54. „Kjarklúttinn hefir þú
kerruhjón,
ok seinfæra
silfrtoppa.
Heill svá, hilmir,
hvelda mæna

ρ. VIII, 95-115.

sezt á reið,
ræsir frægr“.

55. „Attu gerst fáir,
gramr, vita,
hve Trós fákak
eru framgjarnir,
skjótir at skunda
skeiðvelli á,
hvervetna at elta,
ok undan renna“,

56. „Þeir er ek áðan tók
af Eneasi,
flótta flugskjótir
fremst at drýgja;
skulu nú fólksveinar
fáka annast,
en þessum hær
vit halda munum
Tróum móti
týfákvöldum,
at Hektor fái
huga kannat,
hvárt í greipum mér
geirr minn æðir“.

57. Mælti hann svá;
en máli hlýddi
Nestor, gerenskr
gramr reiðar;
en kerrusveinar
knáttu fáka
Nestors annast,
naðels-ramir.

58. Þat var Stenelus
inn stríðmóðgi,
ok Evrýmedon
ítrvaldr;
en döglingar
á Díómedesar

kerru báðir
knáttu stíga.

59. Tók Nestor tauma
tírglæsta,
teygði höndum
traustar ólar,
keyrði fáka,
knúði at skeiði;
bar skjótt hildinga
at Hektori.

60. En er hjálmkvíkr
Hektor óðr
á fram ruddist,
þá til öðlíngs skaut
dæmöggr Týdeísa,
Díómedes,
ok hílmi hvergtr
hitta náði.

61. Hæfði heldr
hördum málm
kerrusvein öðlíngs,
Eníopeif,
Þebeuss þráðmóðigs
þekkan arfa,
þann er herðum hêlt
hesta-taumum.

62. Kom í brjóst guma
hjá geirvörtu;
fêll hann af fólkvagni
(en fákar skjótir
aptr hrukku,
hræðast náðu);
hvarf líf, ok lêmagna
límur urðu.

63. Lagðist um lofðungs
af láti þvísar
Hektors hjarta
harma þúngi;
hêlt frá honum

ρ. VIII, 115-134.

hílmir síðan,
sárt þó at sviði
fyrir segg dauðan.

64. Lét hann liggja,
leitaði annars
kerrusveins
kröptum búins;
nè langt of leið,
at léttsfetum
vant um væri
vega-stýris.

65. Fann brátt fylkir
fólkum-röskvan
Arketólemus,
Ífstuss nið;
hann lét hilmir
á hvel of stíga,
ok honum fáka fêkk
fagra tauma.

66. Hefði þar eymdir
ægar risit,
ok bótlaustr böl
brögnum vorðit;
hefði þar ýtar
í Ilíons-borg
eins ok sauðir
inni kvíast:

67. Ef ei skjótliga
skynjat hefði
guða ginnmáttkra
ok gumna faðir;
þrumaði þráðvaldr,
ok þrumublossa
hleypti hauðrs til
hvítglóanda.

68. Hraut frammi fyrir
fólka kerru
Díómedesar
dyn-glaums funi;

en loga lagði
leiptrum ægan
upp af brennandú
brísíngs eldi.

69. Brugðu báðir við
beystir ótta
fákar fóthvatir
at fólkkerru,
ok úr höndum hilmí
hrjóta náðu
Nestori gunnsrægum
glæstir taumar.

70. Ræddr varð ræsir,
ok ræðu vakti
við Dífómedes
inn dáðum-rakka:

71. „Snú aptr, týframr
Týdeífs arfi;
lát jóa einhæfða
undan halda;
sèr-at-tu, sjóli,
at þér Seífr bægir
svásu sigri frá
at sverða glaumi?“

72. „Veitir veggæla
vísir himna
Hektori dáðfremd
á degi þeíma;
en á morgun mun,
ef mildíngur vill,
hann oss heiðr
hávan veita“.

73. „Má-at maðr því
máttígs breyta
ráðum ríkum
ragna-föður,
nè þótt ámáttkr
ok eíðr sè;

hans því afli er
öllu meiri“.

74. Annsaði aptr
orðum mæringa
Dífómedes
inn dólgrómsterki:

75. „Satt þú segir,
síklíngur aldinn,
allt, er þú mælir
af munni fram;
samt eruink þýngst
ok í þokka sárast,
sorg sútfaldin
mèr sefa stíngur“.

76. „Því at Hektor mun
máli hreifa,
er hann Tróa til
tala náir:“

„Fyrir mèr flýði
fólkum-djarfr
Týdeífs arfi
at öldu hreinum“.

77. „Svá mun stæra sík
stillir á síðan.
En fyrr mik svelgi
in svarta jörð!“

78. Annsaði aptr
orðum vísa
Nestor, gerenakr
gramr reiðar:
„Týdeífs dáðmögr
ins dólgu-kunna,
hvílskt orð leið þér
af hvarfi tanna!“

79. „Þótt þik huglausan
Hektor kveði,
ok dáðlausan
at dólgleiki,
þá munu eigi

ýtar Tróju
nè Dardans dróttir
trúa döglingi“.

80. „Nè tiggja
trúa munu
skatna skjaldfimra
skærar brúðir,
er þú felst hefir
fira únga,
bændur þeirra
ok blómliga“.

81. Mælti svá mæringr,
ok málfetum
ein hæfðum, fljótum,
at flótta snæri;
sóru flaughraðir
á feril snúðgan.

82. En Trójumenn
týfakvaldir
ok Hektor æptu
hræðiliga;
létu at skötnum
skeyti drífa;
stundu stálbroddar
stríðum hvini.

83. Æpti Hektor þá
ægum rómi
at Dío-medæi
innum dáðrakka:

84. „Fyrr þik, Týdeifsson,
týfakvaldir
Danáar virðu
dreingjum framarr,
at sæti ok at sumbli,
ok at svásu veigum,
björtum bjórsakálum
barmafullum“.

85. „En nú ýtar þér
óvirðing fá,
p. VIII, 154-171.

því at konu hjarta
er þér huglaust lagt;
haf þik á brautu,
blotamenni,
hundsauga hvergi mýtt
it hrykaliga!“

86. „Skal-at ek, seggr,
sinni nokkurn
fyrir illum þér
undan láta;
nè þér turna á
ora hleypa,
hávirki hátimbruð
höfuðborgar“.

87. „El muntu meýjar
á marar ljónum
frá oss um flytja
fagrbeltaðar;
fyrir skal ek sendingu
senda láta
illa þér
óhamingju“.

88. Mælti svá Hektor;
en magar Týdeifs
hugr var á hvörfum
hvárt gera skyldi:
hestum snúa,
halda móti
Hektori, ok heyja
hríð, eðr ei.

89. Vælti þrisvar hann
í huga sínum
hugaan þessarri,
en hvárigt ræði;
þrívegis þrúðvaldr
þrumu sendi
ægiræðr
af Íðu tindum.

90. Gaf tákni tívi

Trójumönnum,
sigrs ok sæmdar
at sigjöru.

Þá nam Hektor
hávum rómi
Trójumanna til
tiginn kalla:

91. „Tróar ok Lykverjar
tíraggjarnir,
ok Dardanar horskir
at höggorrustu,
aukizt nú afli,
ok eljanþreki;
minnizt móðigrar
málmþings remi“.

92. „Veit ek nú víst,
at af vænum hug
hefir mér Kronusson
heitið sigri,
frægd ok fólkljóma,
en falit illum
alla Danáa
örlögdómi“.

93. „Heimskir váru halir,
þá er hervirki
gerðu þetta þeir,
þráir glópar,
ei at neinu nýtt
naumasmíði;
mun-at þat mífnum
móði aptra“.

94. „Munu gröf grafna
gullinfaxar
hægliga hlaupa
hraustir yfir“.

95. „En þá er holum at
hrannar ljónum
em ek um svifinn,
p. VIII, 171-193.

þá seggja nokkurr
eptir því muni,
at hann eld hafi,
at ek upp brennak
blakka sævar,
ok beimum sjálfum.
bana vinnak“.

96. Mælti hann þannig,
ok málfeta
orðum kvaddi
ímunskjóta:

97. „Bleikr ok Blossi,
Blóðhófr, Glói,
gjaldit nú it góða,
gotar, eldi,
þat ykkur um veitti
Andrómakka,
Etíons ágæts
öðlings dóttir“.

98. „Fyrri hún yör
fóðr um veitti,
læt yör hveitis
ljúfa fæðu;
færði hún yör þat
fyr en mér,
ek þótt hennar se
eiginn bóndi“.

99. „Skyndit nú, skinfaxar,
skeiðit samtaka,
at ek fremst megak
fagran nema
böðskyli Nestors,
sem hans bjatr nú
hvarflar hróðr
með himinskautum;
þann kveða fírar
fagrbláinn,
ok gripsteingr hans,
af gulli rauðu“.

100. „En af ógnskata
ægum herðum,
Díómedesar
ins dáðfákvalda,
fagri vil ek fletta
fólka-skyrtu,
er Hefestus gerði
inn hugvitsfrægi“.

101. „Ef vèr getum þá
gripi báða,
þá munum vèr
á þessi nóttu
nabels boða
niðr hrekja
gángskjótum at
gotum sævar“.

102. Mælti svá hilmir,
var hróðigr.
En rík nam reiðast
ragna freyja;
hreifðist á hástóli,
en hávir tindar
bifðust bjartsala
banda svásra.

103. Ávarpaði þá
uppheims freyja
afli alfrægan
ægis drottinn:

104. „Sjá undr mikit,
Jarðarskelfir,
vitt um valdr
vísir sævar;
glúpnar þú ei, gramr,
í geðknerri,
er þú Danáa sèr
drepna þannig?“

105. „En þó veita þèr
verar fórnir
margar ok munsvásar,
p. VIII, 194-212.

marar drottinn,
bæði at iðsögnum
Ægis hörgum,
ok hátimbraðri
Helíku í“.

106. „Unn þeim sigrs nú,
ægisvaldr!
því ef allir vèr
uppheims guðir,
er Danáa viljum
dáðum stöða,
ef ýta Tróju
vildum aptr hrekja“,

107. „Ok ef víðskygnum
vildum Seifi
bægja frá böðvi,
bönd in mæru:
þá mundi glúpna
guða sjóli,
sitja alls of einn
á Ídu tind“.

108. Stundi þúngan,
ok stillis freyju
aptr annsaði
Jarðarskelfir:

109. „Djarfmælt ertu nú,
drottning himna,
er þú slíkt mælið
af munni fram;
sízt mun ek sigtívum
svásam ráða
kappli at etja
við Kronuss arfa;
hann því at er
hvervetna meiri
öllum öðrum
uppheims guðum“,

110. Töluðust þannig við

tvö alvöldug,
guð ok gyðja,
of grein þessa.

111. Óku nú Akkverjar
ímunkerrum,
ok geingu skatnar,
skjaldvaldendr,
saman þyrptust,
svæði fylltu,
þat er frá ál-dýrum
upp um lá
grafar milli
ok gunnar turna.

112. Hrakti hali
Hektor þangat,
ástmögr Brjáms,
ógnar-skjótum
Aresi jafn
ímuntíva;
gaf honum Seífr þá
sóma friðan.

113. Hefði Hektor þar
hjálmkvikr eytt
báli brennanda
báru hreinum,
ef ei ráð hefði
rík of gefit
Hera allvaldi
Agamemnoni,

114. Þótt hann óðr væri,
önnur kafinn,
skjótla at eggja
Akkverja fram;
fór af stað hilmir
til herbúða,
ok til Akkverja
öldu hreina.

115. Hafði á hendi
hilmir þrekinni
p. VIII, 212-234.

möttul þrúðmikinn,
purpura-sáinn;
staðar nam stillir
at stála hreini
dökkum Odysseifs,
dúfu-hveldum.

116. Sá var at miðjum
meginflota;
kallaði hilmir,
svá heyra mátti
handa beggja til,
hávum rómi,
at Danáum
dólgu-kunnum:

117. „Smán er at slíku,
synir Argverja;
huglausir erut ðr,
horskir sýnum;
hvert eru nú horfin
hreysti-yrði,
er vèr vaskastir
vera lètumst?“

118. „Þá er at Lemney
létuð gánga
sterk stóryrði,
staðleysu-hjal;
átuð ærna gnótt
af uxa holdi,
bola beinhyrndra
brytjaðan verð.“

119. „Drukkut dökkrauðum
dýrstum veigum
bikara barnfulla,
bragnar hróðgir;
hugðist mót hundraði
eðr hundruðum tveim
sèrhverr Brjáms seggja
svífa knega.“

120. „En nú erum vèr

einum móti
 Hektori hvergi
 horskum færir;
 mun hann nú brátt brenna
 blakka sævar
 bjartblossöndum
 brísíngs gneistum“.

121. „Hefir þú, heimsvaldr
 Herjafaðir,
 nokkurum niðunga
 í neyð slíka
 stórráðra steypit,
 ok stillis sóma
 nýtan numit,
 sem nú þú gerir?“

122. „Kveð ek mik, Allföðr,
 aldri hafa
 fram hjá fetað
 fögrum þínum
 blótstalla, buðlingr,
 á blakki sævar,
 er ek hinnig hvarf
 at heilnaðum“.

123. „Hef ek öllum á
 uxa mörva
 blótstöllum þínum
 brennda látið,
 ok lær lagfæitust,
 lýðum-rama
 óðfúss at eyða
 Ilíons-borg“.

124. „En þá, Allföðr,
 mér ósk um veit,
 ok þú auðnu lát
 eptir gánga:“

125. „Veit, at sjálfir vèr
 váða flýim,
 ok þú oss um bæg
 aldríla;

ρ. VIII, 234-253.

lát eigi Akkverja
 æftjóni
 beysta þannig
 fyrir Brjáms liðum“.

126. Svá mælti sjóli,
 ok sáran grèt;
 aumkvæði öðling þá
 upphelms faðir;
 heita nam hilmí,
 heilan at láta
 her, ok ei hnigina
 fyrir hjöreggjum.

127. Læt þegar ara
 ofan svífa,
 fugla forsagna
 firinmestan;
 hœlt í hörðum klóm
 hindar-kálfi
 ölnum eikþyrni
 iðjaskjótum.

128. Niðr varp neffölr
 nýtum kálfi
 at blótstalla fögrum
 banda föður,
 þar er Akkverjar
 alspávaldi
 fórnir færa
 flestar knáttu.

129. En er gunnþjóðir
 gátu líta
 fugl fljúganda
 frá föður himna,
 hlupu enn óðarr
 á ýta Tróju
 ok ímungaumi
 uppi hældu.

130. Þar mundi eingi
 af alþjóð Danáa,

þótt fjöld væri,
framarr halda
hestum fótfráum
at fólkprymu
Týdeifs arfa
inum týframa,
út frá ginndjúpu
grafar sfi,
nè framarr orrustu
uppi halda.

131. Tók hann fyrstr
tróverskan hal,
skærum skróðbúinn
Sköglar málmi:
Agelás, fræknan
Fradmons arfa,
er hann fákum
til flótta snèri.

132. Laust hann lofðung
laungum fleini,
er hann frá snèri
ok flýja vildi;
hljóp darr flögít
herða milli,
ok út um
öðlíngr bríngu;
fèll frækinn gumi,
fold við dundi;
hríngluðu hroðnar við
hildar váðir.

133. Horskum hilmí næst
hart fram geingu
Atreifs arfar:
Agamemnon
ok Menelás
inn málrómmsterki,
þá ógn um efdir
Aiantar tveir,
þá ágætr

ρ. VIII, 253-272.

Ídomeneifr,
ok sinni hans
at sigjöru.

134. Þat var Meríónes,
manna bana
Aresi glíkr
iðnáringi;
þá Evrýpylus,
Evemons
arfi, fram sæddi
ítrfægr.

135. Níundi Tevkrus
at naðeli
dal staðharðan
draga náði;
stóð und skróðhveldri
skjaldar búngu
týframs Aiants
Telamons arfa.

136. Hleypiti til hliðar
hetja törgu;
litaðist þá um
lofsæll Tevkrus;
hleypiti hremsu
af hörðum álmi
at einum hverjum
í ímunsveimi.

137. Fèll sá dauðr
at foldar þremi,
ok líf sitt lét
fyrir lofðungs skeyti;
þá nam at hörfa
hetja aptr,
ok undir falsk
Aiants baugi,
sem barn und mæru
móður skauti.

138. En Aiant undir
yrlygi fal

Tevkrus sólfrægan
fagrvörðum.

139. Hverjum bana bjó
bublúngr þar
Tevkrus týframr
af Trójumönnum?
Orsókkus fyrst
aldri rænti,
þá Ormenus,
ok Ofelestus.

140. Detor ok Kromíus
knýði dauða,
ok goðum líkan
Lykofontes;
Amopaon, prúðan
Polyemons nið,
ok Melanippus
mundi vega.

141. Læt hann alla
lofðunga þá
hvern at öðrum
hníga niðr
at margfrjóvum
moldar þremi,
ok lágt leggjast
fyrir lögum skeyta.

142. Gladdist þá gramr,
er hann guina sá,
allvaldr alþjóðar
Agamemnon,
er hann fylkingar
felldi Tróa
sterkum álmi
staðarhörðum.

143. Nam staðar niflúngr
næmskeytum hjá,
ok hann á varp
orðum þeima:
„Tevkrus, týframr
p. VIII, 272-291.

Telamons arfi,
þekkr vinr minn,
þjóðhöfðingi!“

144. „Hæf þú þannig,
ok þegna veg,
at þú oss verðir
til ítrs sóma,
ok föður þínum
er þik fyrst um ól,
Telamoni,
ok at tírsölum
þik nam at annast
óskilgetinn“.

145. „Skaltu nú fylki,
þótt sjarri sæ,
hárrar hefja
til herfrægðar.
En ek eitt mun þær
orð um segja,
þat er fremst of mun
framgáng hljóta:“

146. „Ef at Seifr mēr
ægiskjalði
ok Aþena glóeyg
gerst of veita,
borg at brjóta
böðvar-rama,
ok Ilíons eyða
aðalstöðvum:“

147. „Þá mun ek fyrst,
þeingill, veita
heiðrsgjöf
hendi þinni,
sjálfum mēr næst:
af sævar logum,
þrífót, eðr hesta
með hvelum sjálfum;
eðr ok svanna,
er sæingu

megi mildíngr,
með þér byggja“.

148. Aptr annsaði
orðum sjóla
týframr, Tevkrus,
Telamons arfi:

149. „Hví þú mtk, alfrægr
Atreífs niðr,
eggjar, óðan
allmjök sjálfan?
Ei mun ek hætta
né af láta,
meðan mátt ek hef,
meginskotum“.

150. „Frá því, er fyrða
fremst vèr rákum
upp at ógnstyrkri
Ilíons-borg,
hef ek lagi sætt
lýði at vega,
boga bjúgum
beysta láta“.

151. „Hef ek áttá nú
oddum-lánger
örvar sent
af álmi mfnun;
höfðu allar
í holdi stað
vígfmra virða
vísis Tróju“.

152. „En hund þenna
inn heljarólma
mák-at ek hæfa,
né hremsu ljósta“.

153. Mælti svá str,
ok aðra sendi
af streing stæltu
stilli hremsu,
Hektori hjálmkvikum;

ρ. VIII, 291-309.

í hug lángeði
lífi at láta
lofðungs farit.

154. Geigaði gögnfílaug,
né gylfa hæfði;
kom í gunnframan
Gorgýþíon,
Brjámi böðfrægum
borinn arfa;
kom bösl í brjóst
á bæðlángs syni.

155. Þann ól móðir
mög ástkæran
(var gefin áðr
frá Esýmu)
kinnfögr kván
Kastíaníra,
iðglík alfögrum
uppheims gyðjum.

156. Líkt ok valmeyjar
vaxin lilja,
sú er í garði grær
grænum lauki,
höfuð hnelgir,
ok á hlið leggir,
höfigt fyr' gréða
ok gróandekúrum:

157. Hneig svá hliðar til
á horskum ver
skarar sjall
fyri skeyti sendu;
né Hropts hattar
höfgum þunga
valda mátti
vánger brúna.

158. Sendi nú annat
af álmsíma
Tevkrus skeyti
inn týframi;

stefndi Hektor á,
ok hæfa vildi
hilmí hjálmkvikan
herðimóði.

159. Geigaði aptur
gögnlaug sjóla,
hana því Apollon
til hliðar sveifði;
en iðröskvan
Arketólemus
hæfa nam
hrensa flogin.

160. Hann Hektors ok
hvelum römum,
raunframr rekr,
þá hann at rómu leið;
kom broddr beittr
ok í brjóst guma
at geirvörtu
geysandi óð.

161. Föll hann af fólkvagni
(en fákar skjóttir
aptr hrukku,
hræðast náðu);
hvarf líf, ok lémagna
limir urðu.

162. Lagðist um lofðunga
af láti þvísa
Hektors hjarta
harma þungi;
helt frá honum
hilmir sðan,
sárt þó at sviði
fyrir segg dauðan.

163. Bað Kebríónes
bróður sinn
(hann var allinserrí
öðlengi þá),
at hann fólktauma
p. VIII, 310-329.

fremst of tæki;
var-at hann öhlýðinn,
er hann orð um heyrði.

164. En sjóli sjálfr
af sigreiðu
stökk á storð niðr
ströðgljáandi;
hóf upp hrufótt hjarg
heljar-mikit;
grenjaði gunntamr
geigrilga.

165. Óð tírfaldinn
Tevkrusi mót;
vildi vápnsteini
varpat láta;
en hann hvassa ör
hafði tekit
örvamæli úr,
ok á álmstreing lagit.

166. Ok er upp draga
álm hann vildi,
þá nam Brjáms burr
bjargi varpa;
kom í öxl vísi
viðbeini hjá,
er háls deilir
frá hugar láði.

167. Þar er höggataðr
hættligastr;
þar skall á Sköglar
skarðvarit hjarg,
rètt sem týframr
Telamons niðr
öru senda
öðr vildi.

168. Brast boga-streingr
fyrir bjargi þungu;
ok úlnliðr öðlfrags
örmagna varð;

fæll á knè fylkir,
fold um studdist,
ok dalr datt
úr döglinga höndum.

169. Eigi lét þá Aiant
ítran bróður
yfirgefinn
á jörð um fallinn;
ljóp lofðungur
ljúfan kring um,
ok hann rönd varði
reginhveldri.

170. En fèlagar
fræknir tveir
sèr á herðar
höfu skata;
þat var Mekisteifr
mögr Ekkíuss,
ok Alastor
jólnum glíkr;
þeir báru þeingil
þúngt stynjanda
holum at
hrannar ljónum.

171. Vakti nú vöskum
virðum Tróju
hugmóð at nýju
Herjafaðir;
hröktu þeir Akkverja
at ægidjúpri
gröf stríðmóðgir
stefnu beina.

172. Gekk garpa fremst
gunnhróðigr
Hektor hjálmkvíkr
höldum móti;
var í líking þá
sem valglitni

ρ. VIII, 330-349.

eðr hráætt ljón
hundr grípr.

173. Frárta fóta
fremst hann neytir;
aptan þrífr
eltan fjanda;
lær of þrífr
eðr lendar bítr;
gætir at, ef dýr
gerir við snúast.

174. Eins nam at elta
Akkverja sveit
hárum-próðra
Hektor frægr;
vág ávallt
þann, er aptastr gekk,
en hinir undan
hilmi flýðu.

175. En er yfir staura
stáfsvaldendr
ok gröf djúpa
váru gerst flúnir,
ok er margir
und mækis eggjum
hnignir váru
fyr' höndum Tróa,

176. Þá gumar sík
at gnoðum niðri
stöðva gerðu,
ok staðar námu;
fórnuðu höndum,
fremst á hētu
(hvöttust halir)
himinsvalda.

177. En Hektor jórn
jörmunsextum
hálsu hvelbeygðum
í hring sveiflaði;
brunnu buðlungi

brúna leiptr,
sem Gorgóns gygi
eðr geira drottin.

178. En þá er Hera
in hvítarmáða
Akkverja sá,
hún aumkvast náði.

Ávarpaði þá
uppheims freyja
Aþenu alfræga
orðum þeima:

179. „Sjá undr mikit,
ægiskjalda
dóttir dýrmáttig
döglíngs himna;
eigum eigi nú
eða Danáa,
er þeir hallast
at heljar þremi?“

180. „Eyðast nú ýtar
fyrir eins móði,
ok illum verpast
aldrtila,
er um æðir
óvægilliga
Hektór Brjáms burr;
banat hefir hann mörgum“.

181. Annsaði þegar
orðum gyðju
Aþena apttr
in angum-glæja:

182. „Víst mundi hans
hermdar-æði
ok ginnríkr
geinginn ofsi,
ok hann aldri
fyr' Argverjum
fremat of rænttr
at íóstrjörðu“,

ρ. VIII, 349-369.

183. „Ef faðir minn
móði þúngum
orþian eigi
óðr væri,
ræsir reginsvárr,
rángsleitinn mjök;
er hann æ mótsnúinn
mínum ráðum“.

184. „Man hann nú eigi,
er ek margainnis
arfa horskum hans
hjálpa náði,
höldnum hördum
heljar þrautum,
er hann á lagði
Evrýsteifr“.

185. „Þá harmþrúnginn
til himins lét
raunmæddr svífa
raunatölur,
sendi mik Seifr,
syni at hjálpa,
himni frá
at haudri niðr“.

186. „Hefða-k þessar
í huga mínum
reginríkum
raunir þá sæð,
er hann Evrýsteifr
ofan sendi
harðlæstrar hallar
Hadesar til“,

187. „Garm at sækja
gylfa myrkheima
ægilígs
frá undirdjúpum:
þá skyldi skati ei
skaðlauss komizt

yfir straumdjúpa
Stýgar ála“.

188. „En nú hirðir ei
Herjafaðir
um mik, en þettis
mest of stoðar;
því at hún buðlángs kné
kyssa gerði,
ok hans of höku
hendi tók;
bað hún blöðföður,
böðvar sóma
Akilli veita,
eyði borga“.

189. „Þar mun þó koma,
at kallar mik aptr
goða gramr:
Glóeyg kæra;
en þú nú jóa
einhæfða skalt
okkr út búa
eljanskjóta“.

190. „Meðan ek geing
í grams niðr
ægiskjalda
ítra höllu;
mun ek hervæðast,
harðra búast,
himins freyja,
til hildar leika“.

191. „Sjá vil ek, ef sjóli
í sefa kætist,
Hektor inn hjálmkviki,
hróðmögr Brjána,
þá er svífum vit
at sverða glaumi,
himins gyðjur,
of herkvíar“.

192. „Ok þótt láti ei
ρ. VIII, 369-388.

undan skati,
þá skulu nokkrir samt
njóta Tróju
í val falla
hjá vðis hreinum
Akkverja, ok ístru
seðja óarga
hunda ok hræfugla,
ok holdi sínu“.

193. Mælti hún svá;
en miðgarðs drottning
var-at óhlýðin
orðum gyðju.

194. Fór himins freyja
hátignarlig
dóttir Kronusar,
dýrðligs tíva,
ok út bjó
undrskjóta
gota ginnragna,
gullbeizlaða.

195. En Aþena,
Allföður jóð
ægiskjalda,
af sér steypiti
möttli mjúkum
at miklum sal
Herjaföður
ins háprumanda.

196. Var marglitr
möttull gyðju;
hafði sjálf unnit
höndum sínum:
klæddist síðan
kyrtli stórum
skilfings Seifs
skýja-bólstra.

197. Hervæddist harðröm
hjörva Freyja,

ok at beiskum hjósti
böðvar leiki;
steig síðan fótum
fólvis gyðja
upp í logandi
ljóma-kerru.

198. Tók gear þúgan
í gilda mundu,
sterkan ok stínnan,
þeims til storðar fellir
máttugs mildíngs jóð
mekisvalda
sveitir svárar,
þá er svellr móðr.

199. En Hæra snöggt
of snerta náði
svipu snúðgri
silfrtoppa;
ok glymjandi
geingu sundr
hurðir sjálfrása
himinsalar.

200. Þær er misserja
mærar dísir
gæta gerðu,
er gjörvallan
himin geyma,
ok hástöðvar
Ólýmps tinda,
þars tívar búa;
eigu þær jafnt
upp at ljúka
almyrkvu skýi,
ok aptr lykja.

201. Hældu þær of hlið
himinsala
jóm sprettfráum
sporum keyrðum.

202. En er frá fdu
uppheims faðir
gyðjur sá,
þá hann gremi tók;
sendi Allvaldr
Íris þegar,
gyðju glóskyggða
gullnum vængjum.

203. „Heyr þú“ (kvað heims-
valdr),

„hraðfleyg Íris,
snú aptr gyðjum,
nè þær svífa lát
á fram; því uggir mik,
at ósætr
verði fundr várr
at fólkjöru“.

204. „Þat því at ek
þær um segik,
fremst skal orð þat
framgáng hljóta:
at ek fljótum skal
fákum láta
fætr brotna
fyrir hvelreiðum“.

205. „Skal ek varpa
af skrudhvelum
gyðjum grimmliga
af gelmi niðr,
sundr brjóta
svífhvets ása,
alla mölva
uppheims kerru“.

206. „Ok á ársríngum
umrennðendum
tvennum fimm
á foldar hjálmi
munu-t bjóðast þeim
bætr sára,

römu raunþjáðum
reiðarslagi“.

207. „Þat mun Glóeyg
gerst of reyna,
ef hún föður mót
fólk um þreytir.
En ek Heru ei
eins mjök reiðist,
nè henni ámæli
eins um fæ;
því at æ gerir
uppheims freyja
ráðum mínum
rískum hamla“.

208. Mælti svá gramr;
en gyðja reis
vindfætt, vísis
vémál færa.
Sveif sendidís
af svölum tindum
Íðufjalls
at Ólýmpi.

209. Mætti hún gyðjum
at meginhlíði
Ólýmps, hálsu
horfins gerva;
aptraði ógnvöldum;
ægiskjalda
orðum skilaði
uppheims sjóla:

210. „Hvert þit haldit svá
hörðum gángi?
Hví ykk svárr svá
svellr móðr?
Ykk leyfir ei
arfi Kronusar
Argos-lýðum
líð at veita“.

211. „Hefir kynjahár
þ. VIII, 405-424.

Kronusar burr
hótað svá,
hann mun þat enda:
fljótum þegar
fákum láta
fætr brotna
fyrir hvelreiðum“;

212. „Ykk varpa
ofan af kerrum
gyðjum grimmliga
af geimi niðr,
sundr brjóta
svífhvæls ása,
alla mölva
uppheims kerru“.

213. „Ok á árshringum
umrennöndum
tvennum fimm
á foldar hjálmi
munu-t ykk bjóðast
bætr sára,
römu raunþjáðum
reiðarslagi“.

214. „Þat muntu, Glóeyg:
gerst of reyna,
ef þú föður mót
fólk um þreytir;
en Heru ei
eins hann reiðist,
nè henni ámæli
eins um fær;
því at æ gerir
uppheims freyja
ráðum hans
rískum hamla“.

215. „En þú, ósvífin,
ofstopa þrúngin,
þær mun reiðast
ragna-faðir,

ef dirfist þú
drottⁿi móti
geir at dýja
geigrligan“.

216. Mælti svá Íris
in-iðjaskjóta,
ok brautu sveif
sendigyðja.
En Hera knátti
hátignarlig
Aþenu ávarpa
orðum þeima:

217. „Heyr undr mikit,
Allföður jóð
ægiskjalda;
eigi ráðumk ek
fólk at þreyta
mót fæður Seifi
dauðligra vegna
darra reyna“.

218. Deyi drótt^a hverr,
sem deyja skal;
lífi lýða hverr,
sem lífa á;
en ríkr ráði,
sem ráða vill,
Herjafaðir
horskra milli
drótt^a Brjáms
ok Danáa“.

219. Mælti svá gyðja,
ok málfetum
einhæfðum snæri
snúðgum taumum;
en misseris
mærar dísir
faxprúðum beittu.
fákum frá reið.

220. Bundu bráðvakra
p. VIII, 424-443.

bitilhreina
himneskar jötur við.
hála fagrar,
ok at sólþjörtum
salar veggjum
reið hölluðu
í hásal fremra.

221. En gyðjur sjálfar
á gulli varða
horskar hölluðust
hvíldarstóla;
blændust böndum
blíðum öðrum;
váru hryggum hug
fyrir harmi löstnar.

222. En Allföður
af íðu tindi
hjólstyrkri hæld
himinkerru
ok jóm iðskjótum
at Ólýmpi;
sveif á samkundu
svásra tíva.

223. Ok alfrægr
Jarðarskelfir
beitti frá kerru
bitilhreinum;
lèt ræsir reið
á ris-palla;
huldi himneskri
hana blæju.

224. Settist víðskygn
væa faðir
á háseti, horfit
hrannar ljóma;
en und fótum
firinvaldar

biðust albjartir
Ólýmps tindar.

225. Sátu einar sèr
uppheims freyjur,
Hera ok Aþena,
ámáttigar,
nè á yrtu
öðlfng himna;
einskis spurðu
uppheims sjóla.

226. Varð þess varr
vísir himna
geðknarrar gleyggvum
ginndjúpum í,
ok gyðjur ámáttkar
ávarpaði:

227. „Hví þit svá
sitja náit,
Hera ok Aþena,
harmi orpnar?
Víst þó eigi
vorðit hefir
ykkur erfiðligt
ýta vega
at mannsæmum
mímúngs leiki
Brjáms ins böðsnjalla,
er þit beystið gremi“.

228. „Víst munu elgi
vèar snjallir
(svá er máttir minn
ok móðr remmdr)
mik fá hrakit,
þótt margir byggir
Ólýmps albjartar
aðalstöðvar“.

229. „En ykkar sagrir
fyrri limir
skjálfa mundu,

p. VIII, 443-461.

skelfðra dísa,
en þit sjá feingit
fólkorrustu,
ok gjörnfng gunnar
geigrlligan“.

230. „En þat mun ek
orð um segja,
þat er fremst of mundi
framgáng hlotið“:

231. „Þit mundut eigi
til ódauðligna
jólna stöðva
Ólýmps komit
kerrum ykkur á,
ef ægiligum
þjáð hefða-k ykkur
þrumufleini“.

232. Mælti hann svá:
en málmþíngs Freyja
ok uppheims drottning
ýskruðu við;
sátu saman
svásar dísir,
hugðu Tróum harm
ok hel at vinna.

233. Sat Aþena,
ekki mælti,
nè mál um lét
af munni líða;
reið var hún föður
inum reginmáttka,
ok óðri fyllt
eljan-gremi.

234. En Hera ekki
heiptum knátti
gneggi í
grimmum halda;
svall sefi þrúginn
svárum móði;

mælti heiptug þá
himins freyja :

235. „Ægiguð ógnligr,
arfi Kronusar,
hví þú orðum yppir,
allvaldr, svá?
Vitum þat vel,
at veldi þitt
er at afli
ósigranda“.

236. „En vèr allir þó
aumkva náum
Danáa dróttmögu,
í dólgu um geingna,
er þeir illum
örlögðómi
fallnir faðma
foldu dreyrga“.

237. „Munum oss þó
frá morði halda,
alls þú býðr,
buðlúngr, svá ;
en vèr ráð munum
ráða Danáum,
þat er þeim dugi
at darra glaumi,
at þeir ei allir
aldri rænist,
mildúngr, fyrir
móði þínum“.

238. Annsaði Seifr,
sjóli skýbólstra,
aptr armhvítri
uppheims freyju :

239. „Tigin, augum-djúp
tíva drottning!
muntu, ef þú vilt,
at morguns ári
Kronuss arfa sjá

ρ. VIII, 461-483.

kynja-raman
gjörri ok glöggvarr,
er hann geirvaldöndum
Akkverja eyðir
ærit mörgum“.

240. „Því at eigi mun
afar-remundr
Hektor hættu
hildar leiki,
fyrir en sóthvatr
at flautum ríss
prúddólguvaldr
Peleifs arfi“.

241. „Eru svá undin
örlaga rök;
en ek hirðik ei,
þóttu allmjök reiðist“.

242. „Þóttu til yztu
endimarka
hauðs hvarflir
ok hafstrauma;
þar er hamramir
Hveðrúngs megir,
Kronus ok Japetus,
járnum haldast“.

243. „Þeirs eigi álfröðuls
yndisljóma
niðmyrkri orpnir
njóta mega;
uppheims úr
þeim æva fróar;
eru þeir alkríngdir
ógnar-djúpi“.

244. „Þóttu þangat
þreytir leiðir,
þá þat eigi
á mèt festir;
raunlítt hirði-k
of reiði þína,

óvætta verst
í aldar heimi“.

245. Mælti svá mildíngur
manna ok tíva;
annsaði eingu
uppheims freyja.

246. En í Jarðarstraum
jörmundjúpan
vafrogi heims
veltast náði;
dró af djúpum sæ
dökkva grímu
yfir moldar þröm
meginfrijóvan.

247. Þá var Brjáms þjóð
þeygi glýjuð,
er sæl settist
sól í ægi;
en Akkverjum
þat yndi jók,
þá er jörmundimm
yfir jörðu fór
margþreyð myrkfara
in munar-æsta.

248. Stefndi nú Hektor
stúfsvaldöndum
þjóðfrægr á þíng
þeingils Tróju;
leiddi lýði braut
frá lagar dýrum,
iðstraumhördum
árfossum hjá.

249. Þat var auðum á
jarðar stöðvum;
var-a þar valköstum
völlur um orpinn,
stigu þar á storð
af styrkum kerrum
p. VIII, 483-501.

halir ok heyrðu
hilmis ræðu.

250. Talaði á þíngi
tíginn granur,
vinr Valföður,
Víga-Hektor;
hælt í hendi
hilditamri
ellefu álina
ógnað geiri.

251. Var eiðroddur
á efstum vigri,
ljómandi, logbjart
listasmíði;
en um utan
allan kríngdist
hólkr af heiðfránum
hrannar eldi.

252. Stöð stillir frægr,
studdist geiri,
orðum óðhröðum
ýta kvaddi:

253. „Heyrit mèr, Tróar
tíragjarnir,
Dardanar horskir,
ok hjálpar liðar!
Hugða-k mik, halir,
hrannar dýrum
ök Akkverjum öllum
eyða mega,
ok at ek aptr svá
árna mundak
veðrnæmrar til
Trójuborgar“.

254. „En nú hefir fyrr
yfir foldu svífit
rökr vindsvölum
af Vestra hjálmi;
barg þat brimdýrum

ok böðvar þjóðum

Argos-láða

at ægis-ströndu“.

255. „En nú munum vèr
nóttu dimmri,
fólvis reynar,
fremst of hlýða
ok náttverð búa;
en þér nýtum beitið
hófglymjöndum
frá hvelkerrum,
ok fyrir þá
fóðri varpit“.

256. „Skulut sækja
skyndiliga
uxa úr borg
ok bekra feita,
ok dýrveigar
dróttum ljúfar
fremst of fáit,
fírar, yör“.

257. „Fáit ok brauð
úr borgsölum,
ok við gnógan,
garpar, berit,
at vèr allmarga
elda kyndim
gersta grímu,
uns glóa tekr
mönnum árborin
Morgunskæra,
ok at hyrbjarmi
við himin nemi“,

258. „At eigi Akkverjar
árna megi
úrgar brautir
yfir ægis hryggi
ok fólkum frá
flýja reyni,

ρ. VIII, 501-520.

meðan myrkfara
yfir mold dvelr“.

259. „Skyli sízt skatnar
skapkyrrum hug
ramhveld á stíga
Ránar skíði;
skal um und
einnhverr heima
blóði bifdrifna
binda sína“,

260. „Lostinn skeyti
at leiki dreyrgum,
eðr iðhvössum
ógnar fleini,
þá er hann hveðan
á hrannar gota
stökkur, at forða
fjörvi sínu“,

261. „At annarr einn
eigi dirfist
(skelfist hann skelfingu
Sköglar þessi)
Tróum at bjóða
týfákvöldum
harmi harðvorpna
hildarleika“.

262. „En kallarar,
kærir vinir
Kronusar arfa,
skulu kunngjöra
um Brjáms borg,
at bragnar úngir
ok halir aldnir,
fyrir hærum ljósir,
gángi á goðreista
gunnar turna,
þeirs borg girða
böðvar-rama“.

263. „En blíðu hjartar

bauga þellur
skulu bál mikit
brenna heima,
hver í húsi
hávu sínu“.

264. „Skulum vörð hafa,
vel at gæta,
at ei inn hverfi
hileypiflokkir
í borg vára,
þá er böðvar-liðar
úti eru
annarstaðar“.

265. „Skal nú haga svá
hlutum þessum,
sem ek, sigreynar,
segi fyrir;
þat hefi-k þulit,
sem ek þjóðum fann
hollast ok heilnæmast
horskum vera“.

266. „En ek annat
at inna hyggst
mönnum ráð
at morguns ári“.

267. „Þess bið ek Allföður,
ok aðra tíva,
ok þá ván ek ei
at esldum raunum,
at þeir hëðan
hunda reki,
þá er feigðar dísir
fluttu hinnig“.

268. „Skulum nú vár,
skatnar, gæta,
meðan myrkfara
yfir mold dvelr;
en með yngstum
skulum árgeislum

ρ. VII, 520-538.

brynjum bjartsveiptir
at böðvi gánga,
valglaum vekja
vilgi sætan
hveldum hjá
hrannar ljónum“.

269. „Þá mun ek reyna,
ef ramr fær
dádömögr Týdeifs
Díómedes
hrakit mik
frá hrannar dýrum
upp at böðremmdum
borgar múrum“.

270. „Eðr hvárt ek þann
hildar málm
vinna má
vigra skelfi,
ok blóðga
böðvar skyrta
burtu bera
bragníngs hnigins“.

271. „Má at morgni
mildíngr sýna
afl sitt ok ítra
eljanremi,
ef hann þorir
eptir bíða
geiri mínum
gunnfjúganda“.

272. „Nei, ek heldr hygg
hilmi munu
lágt of liggja
með lýðum fremstum,
ok sinnar margir
sjóla kríng um,
þá er sól at morgni
úr sævi ríss“.

273. „Óska vilda-k þess,

at ek eins vissak
glöggliga ok gerva
í geðknerri
ódauðligan mik
ok eðlívana
(nyta-k æsku æ
alla daga)“,

274. „Ok at ek virðir værak,
sem virð of eru
Aþena alfræg
ok Apollon,
sem ek víst um veit,
at veita mun
Danáum þessi
dagr nauðir“.

275. Talaði Hektor
tiginn á þingi;
rómuðu Tróar
ræsis tölu;
leystu fáka
frá fólkreiðum,
oki undan,
eljansveitta.

276. Batt bragna hverr
bitilhreina
sinni kerru hjá
snúðgum ólum.
Sóttu þá skatnar
skyndiliga
uxa úr borg
ok bekra feita.

277. Ok dýrveigar
dróttum ljúfar
fremst sèr feingu
fírar horskir;
feingu ok brauð
frá borgsölum,
ok við gnógan
garpar báru.

ρ. VIII, 538-556.

278. Færðu fullkomnar
fyrðar sðan
hundraðsfórnir
himintísvum;
bar vindblær
at boga himins
upp af dólgvángi
dásætan ilm.

279. En sigtívar
sinna gerðu-t
helgum, hávum
hundraðsblótum;
vildu vilgi
vísar neyta
sælir ok svásir
af sjóta fórnnum.

280. Því at hermdar-hug
himintívar
báru til borgar
böðvar-ramrar
Ilíons,
ok til öðlíngr Brjáms,
ok Brjáms arfa
ins iðskaptvalda.

281. En stórráðir
stúfsvaldendr
gersta grímu
á gunnar vangi
sitja gerðu,
ok sjótum hjá
brann bála fjöld
björtum loga.

282. Eins ok at alkyrrum
uppheims djúpum
meginfagrar
Múspells síur
blika á iðblám
Austra hjálmi

glófagran kring um
geisla mána,

283. Þá stjörnur allar
ýta sjónum
skærar skína
of skatyrni;
en hirðir fremst
at heiðu lopti
glæðr verðr
í geðknerri.

284. Eins mundu eldar
Ilíons-borg
fyrir framan
fagrir brenna,
þeirs Tróar kyntu
tyfákvaldir,
milli málfeta
marar hveldra

ok Ksantuss
æstra straua.

285. Brunnu þúsund
á blóðveingi
brísings blossar;
en hjá báli hverju
sátu fimm tígir
fölvís reyna,
æstum ljóma í
aldrnara.

286. En einkorns
jóar neyttu
ok hvítabygga
hófglymjandi;
stóðu hjá kerrum,
ok stólgullinnar
biðu málfetar
Morgunskæru.

NÍUNDA KVIÐA.

SÁTU nú Tróar

týfákvaldir

(váru vakandi)

á verði þannig;

en Akkverjum

sægligr

flótti hêlt

á herbrautum.

2. Sá er ótta

ins ískalda

sinni sífelldr

at sigjöru;

váru hraustastir

hildar þjónar

óbærilligum

orpnir harmi.

3. Sem vindar tveir

víðis djúpum

öllum upp róta

iðfiskríkum;

blása frá vestri,

blása frá norðri,

þjóta úrgum frá

þraka þjörgum;

4. Svífa snöggliga

yfir sævardjúp;

ríss regindimm

Ránar dóttir;

en úr æstum

sægis geimi

þeyta þotgustar

þaungla hrönnum:

5. Eins var Akkverja

á áttum tveim

hugr í hjarta

fyrir harma veðri.

p. IX, 1-17.

6. En Atreífa arfi,

undra þúngum

harmi horskr

í hjarta sleginn,

hann bauð köllurum

hvellrómuðum,

at þeir at þingi

þegna kveddi,

ok nafni með

njótum byði,

en elgi ríkri

röddu beitti.

7. En siklíngur

sjálfr mundi

fremstum með fólkstjórum

framla ráðgast;

settust sorgþrúgnir

Svölnis kindar

á ráðstefnu

ræsar svinnir.

8. Upp stóð þá ágætr

Agamemnon;

hellti höfgum út

hilmir tárur;

sem af gljúfrum fram

fjallslind veitir

iðblá óljósum

Ýmis dreyra.

9. Svá nam at andvarpa

alda stýrir,

ok Argverja

orðum kvaddi:

10. „Heyrit mæ, hollvinir,

höfðingja sjót,

Argverja ítr

yfirmenni!

Hefir kaldráðr
Kronusar burr
eymdum orpit mik
afar-púngum“.

11. „Svalr er sefi
siklíngr himna,
er hann mēr hēt
höfði mæru,
at ek svá aptr heim
halda skylda,
at Brjáms borgvirki
brandi eyddak“.

12. „En nú hefir
hermiliga
vælum vorpit mik
vísir, ok býðr,
at ek aptr farak
frægðum snauðr,
at málmþíngs meiðum
mörgum liðnum“.

13. „Svá vill nú siklíngr
svalbrjóstaðr
ráð reginvælt
ráðit láta.
Hefir háborgir
hilmir sá
margar ok málmvarðar
moldu orpít;
mun ok margar enn
múrum eyða;
eru því ráð ríkust
ragna-föður“.

14. „Heyrit nú, hōldar,
hvat ek horskum býð,
hlýðit, rekkar, nú
ráðum mínum:
flyjum aptr framast
til fóstrjarðar
marar málsetum

ρ. IX, 18-37.

margnegldum á;
munum-at því
meginrama
Brjáms borgtinda
brotna láta“.

15. Mælti hann svá;
en mímúngs reynar
allir hljóðir
orð ei mæltu;
leingi dáðmegir
Danáa sátu
sorgbitnum sefa,
svara nè máttu.

16. Seint þá svaraði
á sjóþþíngi
Díómedes
inn dólgrómsterki:

17. „Mun ek nú, fylkir,
í fyrsta sinni
móti þér mæla,
alls þú meinráð vilt;
þat skal á þíngi,
þeingill, gera;
nè þú, ræsir, mēr
reiðr verðir“.

18. „Áðr hefir þá mēr
at aldar þíngi
frækneiks frýjat
í fólkjöru;
kvatt mik kraptausan
ok kjarklítinn
svífa æ svölum
at Sviðris leiki“.

19. „Vitu þetta allt
vinnbjarts reynar
úngir ok aldnir
Argverjaláðs;
en þér Kronuss burr,
kænvíss jaðarr,

gjöf hefir gefit,
ok gjöf um synjat“.

20. „Gaf hann þér, vísir,
veldissprota,
virðingar at njóta
virða framast;
en hann þér eigi gaf,
þat er með gumnnum ræðr,
ok þat mest sèr má,
meginremi“.

21. „Hygg þú, hróðvinr,
hali akkneska
vera þá, er þú.
þá hefir sagða:
þróttlausa at þrymu
ok Þrúðvalds dunum,
máttlausa, ok móði
mætum svipta?“

22. „Ef at sjálfan þik
sefi hvetr
heim at halda,
skaltu heim snúa;
opin ægis leið
jöfri stendr;
standa ok styrkvir
stála hreinar
öldum allnærri,
þeir er áðr fylgdu
margir mildíngi
Mýkenu frá“.

23. „En aðrir hinir
hárum-prúðir
munu hær Akkear
eptir verða,
þar til höfum vèr
hildi-rama
Brjáms borg
brotna látit“.

24. „En ef sjálfar þeir
p. IX, 37-56.

svífa vilja
heim yfir hálar
humra brautir,
haldi þeir þá
með hrannar gota
heim at ljúfsælu
láði feðra“.

25. „En ek ok Stenelus
stála drífu
drýgja munum
dádراكkir tveir,
þar til er örlög sjáam
Ilíons-borgar;
vísaði okkr hinnig
væð nokkurr“.

26. Mælti hann svá;
en málmpíngs reynar
rómuðu döglíngs mál
ins dáðfákvalda;
fannst mikit sfrum
um fylkis ræðu;
upp stóð þá riddari
reiðum-frægr,
Nestor, ok mælti
at mannþíngi:

27. „Víst ertu, týframr
Týdeífs arfi,
styrkr ok staðramr
at stála drífu;
efstr ertu, jöfurr,
jafnaldra þinna
ráðstefnu á
ok ráðsvinnastr“.

28. „Munu þér eigi,
mildíngr, bregða,
þóttu mælir svá,
megir akkneskir,
nè mót þér mæla;
en at máls endá

ert-at-tu, öðlingr,
efstum kominn“.

29. „Úngr þú ert
ok á æsku skeiði;
mættir þú mögr
minn of vera
ýngstr alinn;
en til Argverja
mælir þú meginsvinn
mærðar-yrði;
kveðr þú konunga
kosta-góðum
orðum allvitrum,
iðja-sönnum“.

30. „Heyr nú, hröðvinr,
er ek hyggjumk vera
efri þér at aldri
ok at ára-fjöld;
allt mun ek inna,
allt mun ek ræða,
mun ek at máls enda
efstum þreyta“.

31. „Munu-t málprúðir
málmþíngs reynar
umræðum mínum
óvirðing fá,
nè heldr sjálfr
naðramefdr
allvaldr alþjóðar
Agamemnon“.

32. „Frændlauss er víst
fíra hverr,
arins áni
ok allra laga,
sá er leiðu ann
lýða morði,
innanlands-ófriði
eljan-svárum“.

33. „En nú munum vér
p. IX, 56-74.

allir láta
nóttu niðdimma
njótum ráða;
efnum til kvöldverðar,
en aðalverðir
fást skulu til
úr flokki hverjum“.

34. „Hafa skulu höldar
fyrir hergarð utan
náttból at gróf
inni geysidjúpu;
þat mæli-k úngra til
eimnis reyna“.

35. „En síðan skaltu
fyr' skötum ganga,
Atreífs arfi
Agamemnon;
því at þú ert
alda sona
höfðingi mestr
at hildar leiki“.

36. „Bú þú bragnángum
bjór ok gildi;
sæmir þat þér,
sjóta jaðarr;
fullar áttu búðir
af bjór ok veigum,
er þvinnils marir
frá þraka landi
Akkverja draga
á degi hverjum
dimmt, drjúgbreitt
yfir drafnar hvel“.

37. „Áttu allar, vísir,
veizlu gnóttir;
áttu mörgum ok
yfir at ráða;
en á herþingi
þú hlýða skalt

þeim, er raunbeztum
ráðum mælir“.

38. „Þurfa nú Akkverjar
allir ráða
valdra ok vitra,
er váfjandr
orir upp kynda
elda marga,
stafnbjúgum nærri
stála hreinum“.

39. „Hverr mundi gumna
glæðr vera
at svá búnum
bœðvar málum;
því at þjóðum mun
þessi gríma
frelsi fá,
eðr feigð of búa“.

40. Mælti svá mæringr;
en málmbíngs boðar
heilræðum hans
hlýða náðu;
þustu þjartbúinir
bœðvar skruði
út úr vígtjöldum
varðar sveinar.

41. Gekk út nýr
Nestors arfi,
Þrasýmedes
þjóðhöfðingi;
geingu út Askláfr
ok Jalmenus,
þegnar gunntamir
geira drottins.

42. Meríónes ok
Afareifr,
ok dáðrakr
Deípýrus,
p. IX, 74-94.

ok goðum líkr
Lýkómedes,
knár ok kostsamar
Kreons arfi.

43. Váru foringjar
varðflokka sjö;
hafði þeirra hverr
hundrað líða;
þeir geingu þegar
með þjóðskötum,
dýðu drjúgum-laung
dörr í mundum.

44. Hældu halir þeir
yfir hauðr fram,
ok milli settust
megindfkis
ok hergarðs,
ok hörvi kyntu;
efndi aptans verð
ýta sérhverr.

45. En Atreífs arfi
Akkverja leiddi
balla bragnínga
búð sína í;
gladdi dýra þar
at dýrsumbli,
miðlaði mærum þar
munarveigar.

46. En halir rættu
hendur sínar
at fram reiddum
rætta gnóttum;
ok er lýðir
lysting höfðu
á bug ekit
áts ok drykkjar,

47. Þá bar fyrstr upp
þjóðmæringr
Nestor ráð ramt

fyrir rekka sveitum;
hans þóttu ætð
hyggiligust
ok völdust vera
vitrmæli;
ítrfrægum
elmnis reynum
heill í hugum
hann orð um kvað:

48. „Ítrsnjallastr
Atreifs mögr,
allvaldr alþjóðar
Agamemnon!
kveð ek þik, konúgr,
kappa framast;
fyrstum ok hinnum
ek heilsa þér“.

49. „Því at mörgum þú
þegnum ræðr,
læði Seifr þér
laga dróma,
ok veldissprota,
at værir þú
öðlíngr alda,
ok ítr ráð gæfir“.

50. „Því skaltu, þeingill,
þegnum framarr
orð upp kveða,
ok á hlýða,
ráð framkvæma
rekka annarra,
þá er góð ráð
gumar kveða“.

51. „Því at þú munt,
þeingill, ráða,
hvat ríkast verðr
á ráðstefnu;
en ek mun inna,
þat er ítrast mærr
p. IX, 94-113.

ok seggjum hollast
í sefa þykkir“.

52. „Eingum því at mun
í eljanlandi
betra ráð spretta
ok hjargardrygra,
en þats ek hefi
í hyggju-ranni,
æðr bæði
fyr' aldr liðinn“,

53. „Sem ok einnig nú,
frá því er, öðlíngr,
sjóli seifborinn,
sveift at tjaldi,
ok burtu namt
Brisesdóttur
æfareiðum frá
Eaks niðja“.

54. „Var-a þat eptir
váru skapi,
alls ek þér afræð,
öðlíngr, þat
mjök ok margtalit,
en þú meginrfski
fram rétt fara,
ok firinskapi“.

55. „Svárr ok svalráðr
svívirðir þú
mann inn mesta
ok meginæðsta,
þann er tívar sjálfir
tign um slúngu;
namt heiðrsgjöf hans,
ok halda ræðr“.

56. „En nú skulu vér,
skatnar, reyna,
hvort vér mykt fáim
mildfíngs gremi,
gjöfum göðum

gram blífkaðan,
ok orðum góligum
gladdan látið“.

57. Aptr annsaði
orðsnillíngi
allvaldr alþjóðar
Agamemnon:
„Aldrænn öðlíngur,
ei þú mælir
ósönn orð
um ójafnað minn“.

58. „Ráði framarr
ek rasa gerðak;
sjálfr játa-k mik
sekan vera;
víst er verr sá,
er Valföðr ann
hugástum, ígildi
hölda margra“.

59. „Svá hefir ok nú
sjóli tíva
þenna týframri
tígn um slúngit;
en Akkverja
haun aptr lét
hlut allneðarla
at örlögðómi“.

60. „En er mér nú
hefir á vorðit,
er ek sefa svæfða-t
svalráðastan,
þá vil ek aptr
illt um bæta,
ok ógrynni greiða
unnar ljósa“.

61. „Öllum skal ek yðr
upp um telja
gjafar góðfagarar,

ρ. IX, 113-132.

er ek gefa villk:
þrífætr sjö,
þeir nè hyr kenna;
vættir tvennar fimur
Vala málma“;

62. „Katla tuttugu
kynja-hjarta,
ok enn tólf
alna fáka,
sigrsæla
at sigskeiði,
verðlaun vinnandi
vörpum hófa“.

63. „Nè sá mundi
at meiðnum snauðr
er auð slískan
eignazt feingi,
nè sátækur
at sjarðar degi,
sem þau er jóar
einhæfðir mēr
sigrlaun hafa
svás of unnit“.

64. „Sjö mun ek honum
svanna gefa,
þá er hannyrðir
horskar kunna;
konur lesbeyskar,
er ek kjósa nam,
þá er Lesbey sjálfr
sjótmarga tók;
váru fljóðum fremri
at segrð hverjum“.

65. „Þar mun ek allar
þeingli gefa;
þeim skal ok fylgja,
sú er ek syrr um nam,
Bríseifsdóttir
baugum varin“.

66. „Vinn ek þess swardaga
svarrastan fremst,
at ek á hennar hefð-at
hvílu stígit,
nè ásta notið
með ítru maní,
svá sem venja er
með virða kindum,
mönnum ok meyjum
fyrir mold ofan“.

67. „Skulu allar þessar
skata gjafar
þegar til reiðu
ríkar standa;
en ef valtiðvar
oss um veita
Brjáms meginborg
brjóta niðr“,

68. „Þá skal stillir
at stála hreini
sínum gánga,
ok gagnhlaða
unnar eygló
ok eiri rauðu,
þá er vèr Ákkverjar
deillum iðfángi“.

69. „Sjálfr skal tiggi
tróverskar velja
konur tuttugu
kotsamligar,
þærs fegrstar sæ,
at fránuminni
Helenu argverakri,
hrunda prýði“.

70. „En þá er akkneskt
í Argos komum,
foldreit frjóvæstan
fóstrjarðar,
þá skal döglingr

ρ. IX, 132-150.

dýrrar njóta
dádum-rakkr
dóttur minnar“.

71. „Skal ek heiðri hann
horskum sæma,
Órestesi jafnt
arfa mínum,
sá er ástkærr
upp vaxit fær,
frfðri fullsælu
fremst um studdr“.

72. „Þrjár á ek dætr
þekkiligar,
vel fellda fyrir
veggi innan;
eru Krýsoþemis,
ok Láodíka;
ein er ok enn:
Íffanassa“.

73. „Þeirra má hilmir
horskr kjósa
hverja, sem hann vill
ok hafa girnist,
ok án brúðgjafa
brautu flytja
Peleífs háreistra
prúðsala til“.

74. „En ek honum mun
margar velja
gjafar, ok góðra
gersema fjöld,
svá at aldri
með eigindóttur
fleira lét faðir
fagrmálma“.

75. „Skal ek buðlungi
borgir gefa sjö:
frú grassæla,
ok Enopu,

Kardamýlu,
kynhelga Feru,
Anþfuborg
eingjadrjúga“.

76. „Gefa skal ek honum
gróna vínbarri
Pedasus, ok Epfu
iðjafagra;
settar eru allar
at sævi frammi,
yztar í prúðsendins
Pfluss landi“.

77. „Eru þar auðgir
innbyggjendr
af ásaubar
ok uxa hjörðum;
munu þeir gjöfum
mildíng sæma,
svá sem væri hann
væa nokkurr“.

78. „Munu þeir grami
greiða skyldir
rífligar rískum,
meðan ráða náir“.

79. „Allt þetta mun ek
öðlengi gjalda,
ef hann af reiði
ramri lætr;
hepti nú hilmir
heiptar æði,
ok undan láti
fyr' orðum mínum“.

80. „Því at Hades einn
er ómýkjandi,
ok feikna-svárr
fíra kindum;
því er hann dauðligum
dróttum jarðar

hvumleiðastr
hárra væa“.

81. „Við mik nú vægja
vísir skyldi,
er ek honum emk
æðri veldi,
ok ek þykkjumk
þeingli vera
fyrri alinn
á foldar þröm“.

82. Annsaði aptr
alda stýri
Nestor, gerenskr
gramr reiðar:

83. „Ítrfrægastr
Atreífs mögr,
allvaldr alþjóðar.
Agamemnon!
fagrar 'ro gjafir,
nè þær fjá megu,
er þú ítrum velr
Akkilleífi“.

84. „Heyrit nú, halir,
skulum hölda senda,
kjörna skjótliga,
til skata gánga,
at til Akkilleiss
ofan svífi
búðar, prúðmóðigs
Peleífs arfa“.

85. „En ef þær, vísar,
viljit heldr,
þá skal ek nefna
njóta til farar,
en þeir skulu mēr
allir hlýða“.

86. „Fremstr skal Fenix
með sírum gánga,
ástvinnr almáttígs

uppheims sjóla;
þá skal Aiant
inn afar-stóri,
ok Odysseifr
jólnum glíkr“.

87. „En af köllurum
köppum fylgi
Oðfus
ok Evrybates“.

88. „Hellit nú á hendr
helgum laugum,
ok hölum bjóðit
hljóðum at vera,
meðan Kronusson
Seif vèr biðjum
máttar oss
ok miskunsemdar“.

89. Mælti svá mæringr
ok málmþíngs reynum
hreifði orðum helzt
hugarljúfum;
helltu kallarar
á hendr þeim
laugum ljóstærum
lindar strauma.

90. Skaptker sveinar
skærum veigum
barmafull
fyrir bragna settu;
deildu öllum
dreingir ok sðan
skötum í röð
skálar feingu.

91. En er dreypt
ok drukkit höfðu
halir horskir,
sem hugr kvaddi,
þá geingu skýrir
úr skata tjaldi,

ρ. IX, 168-187.

Agamemnons
Atreífs niðja.

92. Hvessti gerenskr
gramr reiðar,
Nestor, sjónir
at siklíngum;
lagði ríkt á
við lofðing hverjan,
en þó allra helzt
við Odysseif,
at þeir freistaði
fylkis muna
prúðum at snúa
Peleífs arfa.

93. Geingu gramir
at gráum jöðrum
margstynjanda
marar gjálfrs;
báðu jöfrar til
inniliga
jarðkríngjanda
Jarðarskelfis,
at þeim vel veitti
vísis at snúa
huga ógnstórum
Eaks niðja.

94. Þá til búða
ok báru dýra
komu mildíngar,
Mýrmíðóna.

95. Hittu hilmí,
hug um gladdi,
hörpu hljóðskæra
hreifði við mundu;
var harpa fagrt
fremdar-smíði,
á var lykil-ok
af alsilfri.

96. Þá hafði hörpu
af herfángi,
þá er Etíons borg
eyða náði;
hörpu nam hilmir
huga kæta,
kvað um afreksverk
kappa ramra.

97. Var manngi
mildíngi hjá;
einn sat Patróklus
andspænis móti;
beð þegjandi,
þar til buðlíngur,
Eaks hróðmögur,
hætti óði.

98. Geingu þá gramir
gunnskata nær;
fyrir fór ágætr
Odysseifr,
ok frammi fyr'
fólkum-prúðum
niðlúngi niðlúngar
námu staðar.

99. Undraðist Akkilles,
upp nam at skynda,
nè hann hörpu gáði
úr höndum láta;
reis af sæti
ríkr sjóli,
því er áðr hann
á nam sitja.

100. Svá nam ok Patróklus
prúðr upp standa,
er hann horska sá
hali koma;
kvaddi fóthvatr
fylkir ljóna,

Akkillles, ok þá
ávarpaði:

101. „Heilir hróðvinir,
hjartkærstir mēr;
víst yðr nauðr
nokkur rekr,
er þér, Akkverja
mēr ástsælastir,
reikit til mín,
er ek reiðr emk“.

102. Mælti svá ógnhvatr
Akkilleifr,
ok öðlinga
innarr leiddi;
lèt lofðunga
á legubekki
setjast, ok prúðsagra
purpura dúka.

103. Þegar at bragði
þeingill mælti
Patrókluss til
ins prúðhjartaða
(hann stóð niðlúngi
í námunda):

104. „Skipa þú skaptker,
skati, it meira;
á set þat, Mensts
mögr inn ljúfi;
blanda vín styrkara,
en blöndum jafnan,
ok borðker sérhverjum
bragna þú set“.

105. „Því at hróðvinir
hollastir mínir
inn hafa reikat
ráf mitt undir“.

106. Mælti hann svá;
en máli hlýddi
Patróklus vinar

ins vegs um ljósa;
setti fram konúgr
kjötborð mikít
í iðbjarma
aldrnara.

107. Lagði á borð
fyrir lofðunga
krof af ásað,
ok aldri höðnu;
allsvíns hrygg
enn bar hann fram;
sá var af spiki
sígjljáandi.

108. Hèlt Átómedon
hryggjarstykki,
en ágætr skar
Akkilleifr;
brytjaði vandla
buðlúgr síðan,
ok steikara
stakk á teina.

109. En mærr kappi,
Meníts arfi,
eld allmikinn
upp nam at kveykja;
en er útbrunninn
eldr of var,
ok slokknadr
seyðis logi,
þá nam skati
skara sundr
eisu, ok teinum
yfir halda.

110. Þá dretfði sjóli
salti helgu
(teina lét á hlóðir)
á hryggjarstykki;
en er stillir kjöt
hafði steikt of látið,
p. IX, 205-224.

ok á bjöð lagit
brytjað niðr,
111. Þá tók Patróklus
inn þrúðlundaði
brauð úr fögrum,
fáðum körfum;
deildi dæglíngr
dýrhleif á bjöði,
en Akkilles knár
kjöt skamtaði.

112. Settist síklíngr
sjálfr móti
Odysseifi
jólnum glískum
við öndverðan
vegg í tjaldi.

113. Bað hann Patróklus
böðfrægan vin
guðum góðum
at gefa fórnir;
en frumfórnum
fylkis sinni
á albjartan
eld kastaði.

114. Réttnu halir
hendr sínar
at fram reiddum
rétta gnóttum;
en er lofðungar
lystíng höfðu
á bug ekit
áts ok drykkjar,

115. Báknaði Fenixi
böðvíss Aiant,
en Odysseifr
þat allvel sá;
skeinkti þá skati
skærar veigar

í drykkjarker,
drakk til Akkilles:

116. „Heill sèrtu, Akkilles!

hvergi skortir oss
krásir jafndeildar
kostsamligar,
hvorki í búð buðlúnga
ins böðvarríka,
Agamemnons
Atreífs magari“,

117. „Nè heldr, niðlúngr,
nú hjá þèr;
er oss dýrra gnægð
deildra krása;
en nú er eigi
við iðja-ljúfa
hugr várr
veizlu slúnginn“.

118. „Erum vèr allir
óttafullir,
sjóli selfborinn,
er vèr sjáum nú
heljar tjón oss
at höndum snúit,
ok á tveim leikr
auðna baugum“:

119. „Hvært megum vèr
marar fákum
heilum halda,
eðr heldr missa
þóptustyrka
Þvinnils mari,
nema þú, öðlúngr,
afli klæðist“.

120. „Því at Trójumenn
tírhugaðir
náttból nú
nærri hafa

þ. IX, 224-241.

skipum ok garði;
ok görpum fylgja
lángt at leiddir
liðar þeirra“.

121. „Brenna þeir bál mörg
á böðvar svæði;
kveðast ei hildi
hætta munu;
heldr munu þeir
hrannar gotum
ólmir at vaða
ok eydda láta“.

122. „Kætir þá Seifr;
Kronusar arfi,
jarteiknum himins
heillavænligum;
eldíngar lætr
uppheims vísir
blossa blám
und boga skýja“.

123. „Hróðigr treystir
Hektor afli,
á fram æðir
æstum móði;
treystir Seifi
nè tíva óttast
mönnum meira
moldbyggjendum“.

124. „Brýzt um buðlúngr
í berserksgáangi;
æskir hann nú mest,
at Morginskæra
skyli sem skjótast
á skýja-boga
renna rósfögr
af Ránar brún“.

125. „Segist sjóli
af sævar hreinum
skuttrjónum skuli

skella hávum;
 en fley sjálf
 funa garmi
 öllum eyða
 orum munu“.

126. „Kveðst hann á Akk-
 verjum

at ægis ljónum
 vinna munu,
 vígtrylldr árr,
 þá er svæla
 ok seyðis reykr
 lèmagna lætr
 limu þeirra“.

127. „Erumk ótti
 ægiligr
 geysipjádum
 í geðknerri,
 at stóryrðum
 stillis þeima
 fólkvallar himna
 framgeingt láti“.

128. „Erumk ótti,
 at oss auðit verði
 bana á týframra
 Tróa láði,
 langt frá jóauðgum
 Argosgrundum“.

129. „Rís nú upp, ræsir,
 ef þú rísa vill,
 ok þótt sè, sjóli,
 seint upp risit,
 attu Argverjum
 undan bjargir
 hergný týrömum
 Trójumanna“.

130. „Mun þér síðarr
 sárna, gramr,
 böl böðþjóða,

ρ. IX, 241-258.

ok beiskir harmar;
 nè bót má
 böls um vinna,
 þess er unnit er
 fyrir aldr laungu“.

131. „Skaltu nú heldr,
 hilmir, ráða,
 ok með sjálfum þér
 í sefa remma,
 hve illum degi
 aldrtila
 megir þú frá Danáum
 dýrum bæga“.

132. „Heyr mèr, hróðvinr,
 hefir þér faðir
 Peleifr boðit
 inn trúðlundaði,
 á degi þeim
 er hann þik of sendi
 til Agamemnonn,
 frá ítri Fiðju:“

133. „„Burr minn (kvað hann),
 munu blíðar gyðjur,
 Hera ok Aþena,
 hjálp þér veita,
 ef at vilja svá
 vegs um sælar;
 en þú stóran svæf
 í sefa láði
 hug, ok honum
 halt í tauni““.

134. „„Betri er brögnum
 blíðr muni;
 lát af lýðdeilum;
 lýðum þær eyða;
 at þik framarr
 fáir virða
 úngir ok aldnir
 Argos sírar““.

135. „Þeim mælti orðum
aldrænn sjóli;
en þú, gunnhvatr,
gleyma mundir;
hætt nú samt, hilmir,
ok heipt þú lát,
eyðir hún hug,
en harma vegr“.

136. „Byðr þær öðlingr
Agamemnon
gjafar góðar,
ef þú gremi lætr;
heyr nú mál mitt,
inn hugum-stóri,
upp skal ek telja,
ok allt um segja“.

137. „Skal ek þær allar
upp um þylja
gjafar, er þær tiggi
í tjaldi hêt:
þrifætr sjö,
þeir nè hyr kenna;
vættir tvennar fimm
Vala málma;“

138. „Katla tuttugu
kynja hjarta,
ok enn tólf
alna fáka,
sigrsæla
at sigskeiði,
verðlaun vinnandi
vörpum hófa“.

139. „Nè sá mundi
at meiðmum snauðr,
er auð slíkan
eignast feingi,
nè fátækr
at fjarðar degi,
sem þau er jóar

ρ. IX, 259-279.

ein hæfðir vísi
sigrlaun hafa
svás of unnit“.

140. „Sjö mun hann þær
svanna gefa,
þá er hannyrðir
horskar kunna;
konur lesbeyskar,
er kjöri sér,
þá er Lesbey sjálf
sjótmarga namt;
váru fljóðum fegri
at fegrð hverjum“.

141. „Þær mun hann allar þær,
þeingill, gefa;
þeim skal ok fylgja,
sú er hann frá þær nam,
Bríseífsdóttir,
baugum varin“.

142. „Sver hann þess swardaga
svarrastan fremst,
at á hennar eigi
hann hvílu steig,
nè ásta naut
með ítru mani,
svá sem venja er
með virða kindum,
mönnum ok meyjum
fyrir mold ofan“.

143. „Skulu allar þessar,
skati, gjafar,
þegar til reiðu
ríkar standa;
en ef valtfvar
oss um veita
Brjáms meginborg
brjóta niðr“.

144. „Þá skaltu, stillir,
at stála hreini

þínum gánga,
ok gagnhlaða
unnar eygló
ok eiri rauðu,
þá er vèr Akkverjar
deilum iðfángi“.

145. „Sjálfr skaltu, tiggi,
tróverskar velja
konur tuttugu
kostsamligar,
þærs fegrstar sè,
at fránuminni
Helenu argverskri,
hrunda prýði“.

146. „En þá er akkneskt
í Argos komum,
frjóreit frjóvastian
fóstrjarðar,
þá skaltu, döglingr,
dýrrar njóta
dádum-rakkr
dóttur skata“.

147. „Mun hann þik heiðri
horskum sæma,
Órestesi jafnt
arfa sínum,
sá er ástkærr
upp vaxit fær,
fríðri fullsælu
fremst um studdr“.

148. „Þrjár á hann dætr
þekkiligar,
vel fellda fyrir
veggi innan;
eru Krýsopemis
ok Láodíka;
ein er ok enn:
Ífíanassa“.

149. „Þeirra máttu, hilmir
ρ. IX, 279-297.

horskr, kjósa
hverja, sem þú vill,
ok hafa girnist,
ok án brúðgjafa
burtu flytja
Peleífs háreistra
prúðsala til“.

150. „En hann þèr mun
margar velja
gjafar, ok góðra
gersema fjöld,
svá at aldri
með eigindóttur
fleira lét faðir
fagrmálma“.

151. „Mun hann þèr, buðlungr,
borgir gefa sjö:
Íru grassæla
ok Enopu,
Kardamýlu,
kynhelga Feru,
Anþíuborg
eingjadrjúga“.

152. „Gefa mun hann þèr
gróna vínbarri
Pedasus, ok Epíu
iðja-fagra;
settar eru allar
at sævi frammi,
yztar í prúðsendnu
Pýlus-landi“.

153. „Eru þar auðugir
innbyggjendr
af ásaugar
ok uxa hjörðum;
munu þeir þik gjöfum,
mildíngr, sæma,
svá sem værir þú
vèa nokkurr“.

154. „Munu þeir, gramr, þær
greiða skyldir
rífligar rískum,
meðan ráða náir“.

155. „Allt þetta mun hann þær,
öðlingr, gjalda,
ef þú af reiði
ramri lætr“.

156. „Nú þóttu Atreífs
nið um fjáir
öðrum framarr
í öndu þinni,
ok þóttu vilgi
viljir þiggja
gjafar nè góðmálma
af grams höndum“,

157. „Þá muntu aumr,
öðlingr, sjá
á öðrum Akkverjum
at ímuntjöldum;
eru þeir óvægum
orpnir nauðum;
virða þik, vísir,
sem vèa nokkurn“.

158. „Muntu herfrægd nú
hljóta mega
mikla ok mæra
at málmpíngi;
nú muntu Hektor
hremmdan láta,
er þær hár hilmir
í hendr geingr,
bölvi brimþrúgunum
berserksmóði“.

159. „Kveðr hann nú eingan
kappa vera
jafnan sèr
at sverða dunum,
þeirra er hinnig
p. IX, 298-315.

hrannar blakkar
fluttu Danáa
yfir drafnar hvel“.

160. Aptr annsaði
öðlings ræðu
ógnhvatr öðlingr
Akkilleifr:
„Lofsæll, seifborinn
Laerts arfi,
mærr Odysseifr
inn margráðugi!“

161. „Ætlan mína
ek mun segja
fortakslaust,
nè falsat láta,
sem ek hana geymi
í geðknerri,
ok þat mun fremst
framgáng hljóta“,

162. „At þær eigi
at mér rennit
hvaðanæfa,
ok harma þyljit;
því at gram þann
þráfaldliga
fjái-k sem Hadesar
hlið in dimmu,
er hann eitt felr
á eljanlandi,
en annat mælir
af munni fram“.

163. „En ek mun segja,
þat er sefa mínum
þekkast þykkir,
ok þeli ræðr;
þat hygg ek sízt,
at þjóðkonúngur,
Agamemnon

Atreifs mögr,
 nè aðrir Danáar
 dólgum-prúðir,
 telji hughvarf mēr,
 eðr mēr um snúi“.

164. „Er því litlu launat
 lýða kindum,
 þótt sí ok æ
 sverð of dýi,
 ok móti fjandum
 fólvi beiti
 afláts án
 at orrustu“.

165. „Jöfn eru iðgjöld
 þess, er inni sitr,
 ok þess, er ákast ferr
 at smunleiki;
 fær jafnan heiðr
 fyrir hervirki
 huglauss halr,
 sem hraustmenni“.

166. „Fellr halr jafnt
 at eingu nýtr,
 sem sá, er margt vinnr
 at málþingum;
 er-a mēr hollara,
 er ek hugraunir
 beiskar bífð
 ok bølvi þjáist,
 at ek æ láti
 lífi mínu
 hætt í hjörþrymu
 und hendr fjanda“.

167. „En eins ok fugl
 úngum færir
 fæðu ófleygum,
 at þá fæða megi,
 er hann henni nær,
 en heldr sjálfr“.

ρ. IX, 315-334.

neitar sèr
 nautnar hverrar:“

168. „Svá hefi-k svefnlauss
 setið marga
 grímu giandinnama,
 nè getið drauma;
 marga hefi-k barizt
 blóðga daga,
 ok brandi beitt
 móti bölsjandum
 fyrir yðrar
 eiginrúnur“.

169. „Hefi-k á styrkum
 stála hreinum
 aðalborgir tólf
 eyddar látið;
 leið ek of land,
 ok á láði Tróju
 eydda-k iðfrjóvu
 ellefu borgir“.

170. „Tók ek öllum úr
 aðalborgum
 meiðmar margar
 ok meginfrðar;
 lét ek þær allar
 í lofðungs hönd,
 Agamemnons
 Atreifs magari“.

171. „Sat siklíngur
 at sævar ljónum,
 tók við fólkmæiðmum,
 en fátt deildi;
 fátt gaf hann fáum
 fagrmálma,
 en flest átti
 fylkir sjálfr“.

172. „Gaf hann þó hraustustum
 hildar reynum
 ok herkonúngum

heiðrsgjafar:
hafa höfðingjar
hodda sína,
ok fremdar launa
í friði njóta“.

173. „En frá einum mēr
öðlingr nam
góða gjöf mína
grimmum sefa;
heldr nú hilmir
ok hvergi sleppir
svanna mínum,
er ek sætast ann“.

174. „Sitji hjá sætu
sjóli glaðr!
Hver þörf er Akkverjum
ófrið at drýgja,
ok Brjáms móti
böðvar þjóðum
víg of vekja
fyrir vápnglaumi?“

175. „Hví nam Atreífsson
Agamemnon
safna sigþjóðum,
ok svífa hinnig?
Var þat ei vegna
vífs ins mæra,
haddfagar Helenu,
herverk framit?“

176. „Eðr hvárt muna
megir Atreífs
einir alda
unna sprökkum?
Hygg ek víst hal
hugum-ljúfan
ok ágætan unna hvern
eiginrúnu“,

177. „Svá sem ek unnak
armbaugs þellu,
p. IX, 334-352.

or ek elskaðak
af alhuga,
ok þótt hún væri
vigrum bláum
numin at naðell,
ok nauðum sára“.

178. „En er hefir nú
heiðrsgjöf mína
tiggi tekit,
ok mik táli beitt,
þá skal alls eigi
öðlingr freista
sefa mínum snúa,
er ek sjóla kenni“.

179. „Ráðgist hann við þik,
inn ráðum-slúngni
Odysseifr,
ok aðra höfðingja,
hversu ferligum
megi funa bægja
margþóptuðum frá
marar ljónum“.

180. „Hefir ok hilmir
hluti marga
framit ok fullráðit
at fjarrum mēr;
hefir nú hergarð
hlaða látið,
ok gróf grafit
geysidjúpa
djúpt í stordar þröm,
ok staurum varit“.

181. „En þó eigi
öðlingr má
válígun bægja
Víga-Hektori“.

182. „En meðan ek
með Akkverjum
darr of dúða

at dólgbrymu,
þá vildi-t Hektor
víg of drýgja
borgarmúrum frá
böðvarrömmum“.

183. „Komst þá at ætibjörk
ok at Skohlíðum,
nè feti framarr
feta þorði;
beð mín þar öðlíngur
einu sinni;
fèkk vart á flótta
fjörvi borgit“.

184. „Nú, er ek einga
ágirni hefk
móti Hektori
ljörvi beita,
mun ek á morgun
mærum goðum
fórnir færa,
ok föður Seif“.

185. „Fley mun ek ferma,
ok fremst of þýngja,
þá er ek á dröfn
þau dregit hefi;
þá muntu sjá,
ef þik sjá lystir,
ok hugr hvetr,
hildíngur, þik:“

186. „Fyrstum mærum með
morgunbjarma
gnoðir grásteindar
gánga mínar
yfir Hellusund
it humrum kykva,
ok ýta á leggjast
öldusveipi“.

187. „Ef leiði gefr
Landaskelfir,
p. IX, 352-371.

mærr marar guð,
múnum gnoðum,
mun-k á degi þriðja
til þýð-jarðfrjóvrrar
fljúga fleyjum á
Fiðju-grundar“.

188. „Á ek eigur þar
asaf-miklar,
er ek eptir lèt,
er ek illu heilli
hinnig hvarf;
en ek hëðan mun
hafa þat, er hlaut ek
at herfángi:“

189. „Ginu glóandi
græðis djúpa,
ok eirnálm
iðja-rauðan,
fljóð fólknúmin,
fagrbeltuð,
ok járn iðgrátt,
allt nem ek þat“.

190. „En heiðrsgjöf,
er mër hilmir gaf,
sjálfr tók sjóll,
sjálfr nú hefir;
hefir mër svívirðu
svára feingit
allvaldr alþjóðar
Agamemnon“.

191. „Berit nú öðlíngi
orðsendíng mína,
ok hljóði heyranda
hilmi kveðjit,
at einnig Akkverjar
fyrir öðlíngi
gremi geti,
ef gramr hyggst
enn aðra Danáa

dul um beita,
þar hann ætíð er
ósvífní búinn“.

192 „Dirfist eigi hann,
hundvíss sóli,
fyrir angu mēr
fram at gánga;
eigi vil ek ráðgast
með ræsi þeima.
nè verk fremja
með vísi nokkut“.

193. „Hefir mik svívröu
sjóli beittan;
hefir tældan mik
tálvíss jaðarr;
skal-at mik aptr
orðum gleppja
niðfúnga nífúgngr;
nóg er af slíku“.

194. „Rasi ræsir
fyri ráð sitt fram;
skal ek ei hilmis
hepta farar;
brautu hefir Seifr
búðlúnga tekitt
hyggjuvit
úr hugar grunni“.

195. „Leiðar eru mēr
lofðúnga gjafar;
met ek vettugis
varmennis grey,
ok þótt tiggi mēr
tífalt bjóði,
ok tvítugfalt
við tírmálma,
þá er á hann nú,
ok eignast kynni“.

196. „Þótt mēr gulls gnótt
gramr um bjóði,
þ. IX, 371-391.

er til Orkómens flytja
auðgra sala,
eðr til egipzkrar
aðalborgar,
þíff, þar mest kveða
meiðma liggja“.

197. „Þar er hlið hundrað
á hjörum rymja,
ok um hlið hvert
hölda mega
hundruð tvö
með herkerrum
ok fríðum sákum
fremst of gánga“;

198. „Þótt hann bjóði mēr
bjarta málma,
svá sem aurr ok sandr
er of jarðar þröm,
þá skal aldri mēr
Agamemnon
hughvarf telja,
nè hug um snúa,
fyrir en iðgjöld
hefir jaðarr feingit
smáanar þeirrar,
er hann sýndi mēr“.

199. „Eigi vil ek eiga
Agamemnons
Atreífs magari
íttra dóttur,
en þótt hún gullfagri
gyðju ástar
jöfn sé at vænleik
ok vaxtar þrýði“.

200. „Vilk-at ek hana,
þótt við hún jafnist
Aþenu, glóeyga
Ginnregins mey
hannyrðum at;

heldr hana kjósi
annan henni
af Akkverjum,
er grami
geðjast betr,
meira mèt
at mildíngs ráðum“.

201. „Því ef væðr mèt
veita gæfu,
ok at ek heill komist
at heima mínu,
þá mun Peleifr
prúðr biðja
hrundar sjálfr
til handa mèt“.

202. „Eru heilmargar
á Hellasláði
ok í Fiðjuborg
flóbelds nökkur,
dætr döglínga,
er dróttborgum
stríðskum
yfir-ráða“.

203. „Mun ek hverja,
er ek hafa vil,
eignast þeirra
til eiginrúnu“.

204. „Hefir mik opt hvatt
hugr ríkr,
at ek þar geingi
gefn at eiga
mæra marbranda,
þá er mínum væri
lunga ljúfust
ok lyndi mínu“,

205. „Ok at ek yndi
aurum síðan,
þeim er Peleifr
prúðr aflaði“.

ρ. IX, 391-412.

206. „Mák-a ek lífi
ljúfu jafna
alla auðlegð við,
þá er ýtar kveða
Ilíons borg
inni geyma
friðbartímum á,
aðr fjandskap hófu
dróttinegir Danáa
dólgum-prúðir“.

207. „Meirr er þat vert.
en sú meiddma fjöld,
er í steinhörgum
styrkum geymist
Febuss Apollons
fíflu drottins,
klúngum Pýþós í
klettavörðum“.

208. „Ræna má nantum
ok nýtum sanðum;
eignast má þrífætr
ok jóa bleika;
en önd ýta
má-at aptr nást;
kemr aldri aptr,
þá er einu sinni
fram er flogin
af fíra vörðum“.

209. „Mín segir móðir
af minni gæfu,
þetis, silfrfætt
sævar gyðja,
at dragi tvennar
dauða-nornir
mik til moldar
frá munar-sæf“.

210. „Dveljist ek eptir hér,
ok dólg fremji
at Brjáms múrum

böðvarstýrkum,
kveðr hún mik heimför
hvergi geta,
en ódauðligan
munu öðlast heiðr“.

211. „En ef ek aptr
til ættjarðar kem,
þá sæ ek eigi
frægð herskæra;
en ek una mun
aldrdögum,
nè mēr skjótla skínn
skapadægr“.

212. „Mun ek nú öðrum
málmpíngs reynnum
ráða heilræði,
at þeir heim fari;
er yðr eigi
auðit verðr
allháva eyða
Ilíons borg“.

213. „Heldr víðskygn
hendi sinni
henni yfir
Herjafaðir,
en borgar lýðr
böðvar móði
fylldr er
ok fremdar hug“.

214. „Haldit hëðan nú,
hildíngar, braut,
berit buðlúngum
bestum Akkverja
erendi þetta
aptr at sinni
(þat er heiðr sváss
sendimanna):“

215. „At þeir annat
upp um hugs
p. IX, 412-432.

ráð hollara
ok herðimeira,
þat er brögnum
borgit fái,
öldu hreinum,
ok Akkverjum
húshveldum hjá
hrannar gotum“.

216. „Því at ráð þetta,
er þeir nú rëðu,
ónógt er
ok eigi tjáir,
meðan ek móði
meginsvárum
hvergi bægi
frá hjarta mínu“.

217. „En Fenix
eptir verði,
ok sofi hér
um svarta grímu,
at hann á morgun
megi heim lëða
á húshveldum
hrannar mörum,
ef hann sjálfr vill;
en ek sízt mun leiða
vilja vana
af veingi braut“.

218. Mælti hann þannig;
en mildíngar
allir hljóðir
orð ei mæltu;
furðaði fræga
á fylkis ræðu,
hafði ríkt mælt
ræsir snjallr.

219. Gat orð loks
aldrænn halr,

Fenix fákvaldr,
fólkum-prúðr;
hrundi hvarmdögg
af hilmis augum;
óttast öðlingr
fyrir öldu hreinum:

220. „Akkilles öðlingr,
ef þú einráðinn
ok albúinn ert
aptr at snúa,
ok þú alls eigi
öldu hreina
frelsa vilt ferligum
funa undan,
er þér sefi sveillr
svárum móði,“

221. „Hversu má ek þá,
mögr inn ljúfi,
við þik skilja,
verða einn hæðra?
Læt mik riddari
roskinhærðr
Peleifr með þér
prúðr fylgjast“.

222. „Þat var dag þann,
er þik hann sendi
tingan at aldri
til Agamemnon
Flöju frá,
fólki ókunnan;
þá vartu óvanr
vígum hverjum“.

223. „Nè þú vanr vart
virða fundum,
þeir er fyrða frægð
fremst um hefja“.

224. „Þá lét hann mik -
með þér fara,
at ek þik skyldak,
p. IX, 432-452.

skati, læra,
orðum at yppa
at ýta þingi,
verk at vanda
at vígleikum“.

225. „Vil ek því eigi
við þik skilja,
barn mitt, síðan,
nè þér svífa frá;
ok þótt sjálfr
sólar vísi
heita mér
hár of gerði“,

226. „At ek knætta
ellibelg varpa,
ok at aptr yrða-k
æsku búinn,
svá sem ek vark,
þá er sveif ek braut
fyr af hrundfögru
Helluláði“.

227. „Flyða-k þá föður
firinreiði,
Amyntors
Ormenuss magar;
var hann mér reiðr
fyrir vífs sakar,
friðlu sinnar
fagrhærðrar“.

228. „Unni henni hann,
en heiðvirða
mína móður
mjök smánaði;
bað mik æ brúðr
á beygðum knjám,
at ek með lagkonu
leggjast skyldak,
at hún ei þýðast
þeingil knætti“.

229. „Munda-k þá móður
minni hlýða,
gerða-k sem bauð
bróðr in ljósa;
en er faðir
þat fregna náði,
þá varð hann svárum
sollinn móði“.

230. „Bað hann óbæna
blóðgrimmastra;
hèt á harðmóðgar
Hefndarnornir;
kvaðst aldri mundu
á knè setja
svein þann, er sæddist
af frygð minni“.

231. „En grams létu
guðir bænum
frangeingt verða,
ok fremst of heyrðu
Seifr svartheima
sjóli dimmr,
ok ógurlig drottning
undirheima“.

232. „Vilda-k þá föður
vegin láta
hvössum málmi,
hörðu eiri;
en guð nokkurr
gremi stillti,
ok sefa minn
svæfa náði“.

233. „Blæs mér í brjóst
banda nokkurr
orðrómi alþýðu
ok ámæli,
at ek með fírum
föðurbani

kallaðr myndak
meinligr verða“.

234. „Fèkk þá alls eigi
óþolnum mér
hugr haldit
at heima föður;
mátta-k alls eigi
yndi festa
at ranni ræsis,
er hann reiðr var“.

235. „Geingu þá frændr
ok frægir vinir
mínir at mér,
ok mjök um báðu;
báðu mik hýrast
heima kyrran;
hèldu mér horskir,
at ei hèlda-k braut“.

236. „Hjuggu hráta
halir feita
marga, ok slátruðu
seggir at auki
drjónum drattandi,
drjónum bjúghyrndum;
margir váru geltir
meginfeltir
sviðnir á sólbjörtum
seyðis loga“.

237. „Drukku dreingir
dýrar veigar
stórum af steinkerum
stillis ins aldræna;
nú nætr
njótar vöktu
óþreyttir yfir mér
at auðsölum“.

238. „Höfðu til skiptis
halir gæzlu,
nè sal-funi

slokkna náði;
brann þar einn
brásíngs logi
í ranns forgarði
ramla girðum;
en eldr annarr
var í yztum sal,
herbergis frammi
fyrir dyrum“.

239. „En er tíunda
af unnum Vestra
yfir mik svartnætti
svífa náði,
þá nam ek upp brjóta
ok út um gánga
herbergis dyr,
hála felldar“.

240. „Hljóp ek hægliga
yfir hallar-garð,
nè varðmenn
vakna knáttu;
duldist ek dreingjum
í dökkva nætr,
duldist ek ambáttum
ánaudigum“.

241. „Flyða-k þaðan,
fór ek landflóttu
um hauðrsvíðar
Hellugrundir;
kom ek til Fiðju
frjóvrar síðan,
þar er iðfeittir
alast sauðir“.

242. „Kom ek til Peleífs,
prýðiskata;
tók við mér öðlngr
af strum hug;
unni hann mér,
svá sem unnt getr
p. IX, 472-492.

faðir ástkærum
arfa sínum“,

243. „Þeim er hann einan
í elli gat,
er hann fjöld á
fagrmálma;
gaf hann mér iðgnótt
auðs ok hringa,
ok alþjóð ýta
yfir at ráða“.

244. „Bjó ek yzt fögru
í Fiðju-landi;
ræða-k Dolópa
dróttum yfir;
unna-k þér hugástum,
Akkilleifr
jólnum glíkr,
ok þik ítran gerða-k“.

245. „Vildir þú eigi
til veizlu fara
mönnum öðrum með,
nè matar neyta
inni at auðsölum,
nema ek þér helda
í knjám mínum,
konúngs arfa,
nema ek brytjaða
bornar krásar
fyrir þik, vísir,
ok vín skeinkti“.

246. „Læztu möttul minn
margopt vættan,
er þú blést á bjór,
of brjósti mínu;
er barnæska
eldri mönnum
ódæl ok óljúf,
þeim er um hirða“.

247. „Margt hefi-k svá,

sjóli, þolat
fyrir þik,
ok fyrrum unnit;
gætta-k þess gerst,
at goð ei hefði
látið afsprings mér
auðit verða“.

248. „Því tók ek þik,
þeingill alfrægr,
Akkilleifr,
í arfa stað,
at þú síðarr
sorgum knættir
bægja mínum,
sem burr minn værir“.

249. „Hept nú ógnsváran,
Akkilleifr,
bölva bríma
í brjósti þínu;
er-a sæmiligt,
siklíngr, þær
gnegg it grimma
í geðknerri“.

250. „Telja má sjálfum
sjólum himna
hughvarf, ok þeirra
huga snúa;
eru þó meiri
ok máttkari,
ok tignari,
tiggj, en þú“.

251. „Biðja þá bragnar
bönd, ok snúa
bænum með
ok brennifórnum,
dreyptum dýrveigum
ok dýrilmi,
þá er syndgast hafa
móti sigtívum“.

ρ. IX, 492-511.

252. „Því at Bænir eru
blíðar dætr
Seifs, alvoldugs
uppheims sjóla;
hrukkóttar, haltar,
ok hvervetna
augum hjáleitum
horfandi fram“.

253. „Strita stikandi
stillis dætr,
ok Glæpsku fylgja
framhleypinni;
en Glæpska glöð
geysa náir,
hraust ok fótstyrk,
at fólsku verkum“.

254. „Því má hún árna
á undan langt,
ok um alla jörð
æða náir,
glepr guma;
en góðar Bænir
úr á eptir
öllu bæta“.

255. „Sá er ljúfliga
ok með lotnfngru
tekr dætrum Seifs,
er þær svífa nær,
þeim munu mærar
manni hjálpa,
ok bæn hans heyra,
er hann biðja gerir“.

256. „En ef mærum maðr
móti stendr,
ok þeim neitar
illum sefa,
þá svífa svásar
til Sigföður,
Kronusar konar,

ok konúng biðja,
at þeim Glæpska æ
guma fylgi,
uns hann iðgjöld fær
fólsku sinnar“.

257. „Lát nú, Akkilles,
Allföður dætrum
heiðr hjartnæmum
hávan búinn;
því at heiðr hrærir
hjörtu fíra
göfuglyndra
á grund hverra“.

258. „Því ef Atreissson
eingar byði
gjafar þér
ok góðmálma,
heldr síðarr þeim
hèti öllum,
ákafri æ
undinn gremi“,

259. „Þá skylda-k ei þér,
þeingill, ráða,
gremi at sefa
í geðknerri,
nè Akkverjum
ítrum hjálpa,
þótt þeim á liggi
ákaflika“.

260. „En nú gefr gramr
góðmálma þér,
ok þér enn fleirum
á eptir heitr;
valdi hann líka
ljóna bezta
af alþjóð Akkverja
til þín, öðlíngr,
þeir er kærstir
eru konúngi

ρ. IX, 511-531.

ítru alnir
á Argosláði“.

261. „Máttu því eigi,
mildsíngr, þeirra
orð um smána
nè erendi;
var-a þér láanda,
lofðúngr, fyrr,
þótt gremi
gætir svára“.

262. „Höfum vèr þat heynt
af hetjum fornum,
köppum kynfrægum,
kostsamligum,
þá er huga hreif
hávan þeirra
gremi geysandi
ok ginnmóðr,
þá mátti grami
gjöfum blöðka,
ok orðum hreifa
við öðlínka“.

263. „Man ek forna
frásögn eina;
er-a þat nýtt
efni ræðu;
þat mun ek segja,
ok í sögn færa,
vinir mínir
vegsamligr“.

264. „Börðust Kúretar
at Kalýðonsborg,
ok Etólar
ímunsvárir;
létu þar lýðir
fyrir lagvápnum
hvárir öðrum
í hel komit“,

265. „Vörðu Etólar

iðja-sagra
Kalyðonsborg,
knáir sinnar;
en Kúretar
kvernblátsramir
eyða vildu þeim
aðalstöðvum“.

266. „Hafði Artemis
Etólum sent
gullinstóla
ginnSENDINGU;
gröm var gyðja
grami Öynefi,
er hann frumsórn henni
færa gerði-t
iðfrjóvu á
akrlendi“.

267. „Sátu þá sigtívar,
sér vel undu,
hundraðsblótum at
hála búnum;
ein var Allföður
ágæt dóttir,
sú er eigi hlaut
helga skammta“.

268. „Var þat af gleymsku,
eðr gramr eigi
gætti heiðr
gyðju at veita.
Þat var verk váligt
ok vilgi tryggt
glappaverk guma
af glópsku framt“.

269. „Reiddist ríkhunduð
in reginborna
Örumglöð
af æði þvísa;
sendi iðfrjóvu
akrlendi

ρ. IX, 531-549.

gölt hvíttentan
herjum-grimman“.

270. „Vann hann illvirki,
ok Öynefi
sváran skaða bjó
of sáðlendi;
varpaði at veingi
viðum blómguð,
feiknhám, fjöllausguð
á foldar þröm,
reif upp með rótum,
ruddi eikum,
ok aldinum iðfögrum
of jörð dreifði“.

271. „Safnaði mönnum,
safnaði hundum
Meleager þá,
mögr Öynefs;
váru margir
úr mörgum borgum;
þá var valglitnir
at velli lagiðr“.

272. „Máttu því eigi
ýtar fáir
dauðligir vega
dýr it grimma;
válig var vábeyða,
ok vera marga
lèt á bál borna,
beysta tönnum“.

273. „Lèt þá af galti
gyðja rísa
ys ok óðæmi
illþýrmilig;
reis þat af höfði
ok hárum-stríðri
galtarhúð
með guma sjótum“.

274. „Var þat Kúreta

karskra milli,
ok Etóla
ítrhraustra;
en meðan ástvinur
Aresar gekk,
Meleager,
at morðleiki“,

275. „Þá veitti miðr
þegnum at rómu
Kúreta-liða,
þótt knáir væri;
nè þeir búa máttu
fyrir borg utan,
þótt heilmikinn
hefði liðsafla“.

276. „En er Meleager
móði fylldist,
þeim er svella lætr
seggjum móðakarn
bragna brjóstum í,
þótt búnir sæ
horskum huga
ok hróðspeki:“

277. „Þá var um kyrrt
konúngr heima,
at Kleópötru,
kván inni ljósu;
reiðr var ræsir
ríkri móður
Alþeu, er áðr
öðling fæddi“.

278. „Var Kleópatra
kotsamligri
alin Marpessu,
inni öklafríðu
Evenuss dóttur,
ok Ídasar;
sá var manna þá
meginramastr“.

ρ. IX, 549-568.

279. „Hann benti boga
buðlúngi mót
Febusi Apolloni
inum fjarrvirka;
barðist við bölvísan
boga drottinn
um armbaugs þellu
öklafríða“.

280. „Var Kleópatra
at víðrnesni
Alkýóna
ítr kölluð;
kallaði móðir,
kallaði faðir
unaðmey svá
at auðsölum“.

281. „Því meyjar móðir
mundi láta
eins ok ísfugl
orpit kveinstöfum,
þá er fjarrvirkr
fljóði rænti
Febus Apollon,
örva drottinn“.

282. „Hvíldi mani hjá
Meleager,
ok svára
sökti gremi;
var váliga
vísir reiðr
óbænum mærrar
móður sinnar“.

283. „Sárnaði sætu
af sífa morði;
knátti óðsliga
jólna biðja;
barði bjaðar
brumþrúngit skaut,

áköfum andar
ekka þrútin“.

284. „Hátt nam á Hades
heita brúðr,
ok undirheims drottningu
ægiliga,
beygðum knjám
á blómpremi;
vöknaði vífs skaut
fyrir vágum hvarma“.

285. „Beiddist brúðr
burar dauða;
heyrði Hefndarnorn
frá heimum neðri,
sú er rík reikar
of regindimmu;
heyrði meginglym
frá Myrkheimi;
er hennar hjarta æ
hörku varit“.

286. „Vöktu þá Kúretar
knáir brálla
brak ok böðvar gný
fyrir borgar hliðum;
skutu kólsum,
sköptum sendu
á háturina
höfuðatöðva“.

287. „Báðu þá buðlúng
beimar aldrænir,
sendu hófgöða
horskasta tíva,
at hann út geingi,
ok ýtum bjargaði;
hætu heilmiklum
hilmil gjöfum“.

288. „Báðu sèr velja
vaxit blóma
akrlendi

ρ. IX, 568-587.

öðling mæran,
þar er frjóðsmust
fold of græri
í Kalýðons landi
kostaföggu“.

289. „Fimmtigi plóglönd
fylki buðu;
helmíng vínreitar
váng allfrjóvan;
helmíng plóglönd
prýðiblómguvat,
eingi kvistlaust
til akrvinnu“.

290. „Bað ok tiggja mjök
týfákvaldr
aldrænn Örnefr,
at ímun drýgja;
steig á háþröskuld
háæfraðrar
hilmis hallar,
hurðir knúði
hála felldar,
ok fèll á knè
iðfrægum fyrir
arfa sínum.

291. „Geingu at systir
ok gram báðu,
ok heiðvirð móðir,
mörgum bænum;
en hann þverliga
þó neitaði;
undan skoraðist
ýtum at hjálpa“.

292. „Geingu góðvinir,
ok gram báðu,
er hann unni mest
allra manna;
en þeir alls eigi
öðling knáttu

vaskan vinna,
þótt vel bæði“.

293. „Var-a þat fyrr,
en fremst um hófu
skothrífó Kúretar
á konúngs sal;
skutu skarpliga
skatnar óðir;
hlupu á háturua,
hugðust allt brenna“.

294. „Bað þá bónda sinn
brúðr in ljósa,
Meleager,
mjök grátandi;
tiggja alla
taldi harma,
þá er mönnum mæta
at morðleiki,
þá er sjandr fara
síra borgum“.

295. „Dróttir drepnar,
dreingi fallna,
borg upp brennda
björtum loga;
börn brosfögr
ok brúðir ljósar,
fagar, sfögyrðar,
fluttar á brautu“.

296. „Gekkst þá hugr við
grami frægum,
er hann niðfingsverk
náði heyra;
helt á stað hilmir
ok hervæddist
skrúðfögurum, skínanda
Sköglar málmi“.

297. „Svá nam öðlíngr
frá Etólum
illum bæga

p. IX, 587-606.

aldrtila;
þat var at eignum
öðlíngs vilja;
gáfu-t honum gumar
gjafar fagar,
margar ok munskærar,
en meinum bægði
öðlíngr samt
allt at einu“.

298. „En þú, öðlíngr,
annat slíkt
lát þér eigi
í lund koma;
snúi þér æva
sigtívar þángat,
vinr valdasti,
sem vísi þeim“.

299. „Verra mun verða
váða at bæga,
þá er hyrr heldr
hrannar dýrum;
gakk heldr nú,
er gjafar standa
þér til boða,
ok þik um virða
Akkverjar jafnt
uppheims tívum“.

300. „En ef þú árnar
at ímun-dunum
gjafalauss
gumum leiðum,
þá muntu ei jafna
með jarðar dróttum
virðingu hljóta,
þóttu váða bægir“.

301. Annsaði apt
öðlíngs ræðu

Akkilleifr

inn ógnhvati:

302. „Heyr mèr, Fenix,
faðir aldræni,
fóstrsonr Seifs!
frægðar þeirrar
lítt þarfnast ek,
því ek ljósan hygg
vera heiðr minn
af völdum Seifs“.

303. „Hann mun vara
at húshveldum
fögum flaustum,
ok fróa mèr,
meðan önd lifir
á eljanlandi,
ok hreifast knè
horsku fjörvi“.

304. „En ek annat mun
þér orð um segja,
en þú geym
í geðknerri:
ágra þú eigi
öndu mína
með kveinstöfum
ok kynjastunum“,

305. „Þá er þú öðling
Agamemnon
stöða vill
af styrk þínum;
vertu eigi vinr
vísis þess,
attu minn eigi
óvinr gerist“.

306. „Ágra þú þann
er mik ágra náir,
þat sæmir þér,
þegn inn aldræni;
eig þú allt veldi
p. IX, 606-624.

til jafns við mik;
njót svá helmsíngs
af heiðri mínum“.

307. „Skili þessir
skatar erendi;
en þú hær eptir,
öðlingr, dvel;
hvíl þik í rekkju
ok á hægindi
mjúku, mildíngr;
at munarblundi“.

308. „En er mæð rís
Morginskæra,
þá munum ráðgast
ok ráð geta,
hvárt vèr heim
halda skulum
til dróttu várara,
eðr dvelja hær“.

309. Mælti svá mildíngr,
ok mærum benti
prúðvini sínum
Patróklusi,
þegjandi báknæði
brúna hvolfum,
at hann Fenixi
fremst of byggi
mjúka rekkju
at munarblundi,

310. At halir hinir
it hvatasta
byggist úr búð
til buðlúngs aptr.
Þá mælti Aiant
jólnum glíkr
Telamons arfi
inn tírargjarni:

311. „Lofsæll, seifborinn
Laerts niðr,

mærr Odysseifr
inn margráðugi!
Snúum nú aptr;
sýnist mér eigi
erendi vart
mega afrekast
þessu móti með
há mildfngi“.

312. „En it skjótasta
skulum Danáum
orð þetta aptr
strum flytja,
þótt vilgi búi
vísis ræða
höldum huggun
at helnaðum“.

313. „Bíða nú ýtar,
at vèr aptr snúim;
en Akkilleifr
hefir ógn um tryllan
huga sinn
inn herjum-stóra“.

314. „Miskunarlauss
er mildfngr,
er hann eigi skeytir
skatna bænum,
vina valdastra,
er vèr virðum hann
um fram aðra menn
at öldu hreinum“.

315. „Þegna margr þó
þiggr bætr
af bróðurbana,
þeim er bøl of vakti,
eðr son fyrir,
er fallit hefir
orpinn iðsvárum
aldrtila“.

316. „Færr þá vegandi
ρ. IX, 624-642.

at fullum bótum
látnum fyr' látinn
landsvist aptr;
en bragna hvern,
er bætr þiggr,
móð sinn heptir
ok meginskap“.

317. „En þér, gramr,
guðir létu
hjarta í brjóst
hart ok grimmuðigt;
eina fyrir
elr þú reiði
Freyju fjölskrýdda
fjarðarljósa“,

318. „Þótt vèr bjóðim þér,
þeingill, mæra
svanna sjö,
svásasta allra,
ok önnur fleiri
iðgjöld viljum
(undr eru slíkt!)
á þat leggja“.

319. „Mýktu nú, mildfngr,
móð inn svára;
lát heiðr horskan
húsi veittan;
reikuðum vèr
ráf þitt undir,
svífum Danáum
dólgprúðum frá“.

320. „Viljum vèr þínir
vera sinnar
um fram aðra
Akkverja sjót,
virkta-vinir,
valdir félagar,
konúngur kynfrægr
inn kostsami“.

321. Annsaði aptr

öðlíngs máli

Akkilleifr

inn ógn um skjóti:

322. „Aiant, týframr

Telamons arfi,

sjóli seifborinn,

sjóta vörðr!

virðist mér þú

valit hafa

flesta af einlægni

flutta ræðu“.

323. „En af reiði sveillr

sefi minn,

þá er minnist ek

meginsmánar,

er mik Atreífsson

um orpit hefir

augum Argverja

allra fyrir“,

324. „Svá sem væra-k

sóma vani

reikunarmaðr

rekkum leiðr;

en snúit' aptr,

siklíngar, nú,

berit orð mín

til Agamemnons“.

325. „Fyrr mun ek eigi

á fólvis leika

blóðga hyggja

ok bensveita,

en Brjáms burr

ins böðvísa

Hektor ágætr

á fram sækir

meginbúðum at

Mýrmíðóna,

ok stafnbognum

stála hrelnum“.

326. „Þá er öðlíngr

öld of vegr,

ok snekkjur svælir

seyðis loga,

hygg ek, at muni

hætta víguni

Hektor iðramr,

þótt óðr sæ,

þá er hann at mínumi

marar fáki

blám er kominn

ok búð minni“.

327. Talaði hilmir;

en tiggir hverr

tvísker tók,

ok tívum dreypiti;

geingu aptr

at gnoðum sínum;

árnaði á undan

Odyseifr.

328. En Patróklus

prúðlundaðr

ýtum bauð

ok ambáttum,

at sem skjótast

skata byggir

Fenixi rekkju

fremst um mjúka.

329. Hlýddu þær hilmir,

hvílu gerðu,

svá sem buðlúngr

bjóða knátti;

breiddu gætur,

breiddu dúka,

breiddu línblæjur

bif-glitsmáar.

330. Þar hvíldist öðlíngur
inn aldræni,
ok mærrar beið
Morginskæru;
en Akkilles
í innstu tjaldi,
gramr geðþráðr,
gekk at blunda.

331. Hvíldi hilmí hjá
hrund in mæra,
er frá Lesbeyju
lofðúngur nam,
Díomeda,
drós kinnfögr,
Forbants dóttir
in fagrljósa.

332. En hinu megin
hvíla náði
Patróklus vaskr
hjá vífi mæru;
þat var Ífís, fljóð
it fagrbeltaða;
hana gaf öðlíngi
Akkilleifr,
þá er skilfíngur
Skyreyju tók,
borg Enýeifs,
at böðvar leiki.

333. En er öðlíngar
til Atreífssonar
búðar váru komnir
böðvarsnjallir,
stóðu styrkir upp
stríðmóðigir
konir Akkverja
fyrir konúngum.

334. Sínum úr sætum
seggir þá kvöddu;
ρ. IX, 662-679.

drukku til döglíngum
dýrar veigar,
gullnum skátum af
renndu gullnum miði;
frétu fólkvalda
fremst of erendi.

335. Frétu fyrstr
fólkuþrúða
allvaldr alþjóðar
Agamemnon:

336. „Inn mēr, allofaðr
Odysseifr,
sómi Akkverja,
seg mēr at vísu,
hvárt hann verja vill
víðis hreina
ferligum fyrir
fjanda loga?“

337. „Eðr hvárt neitar
niflúngur því?
ríkir reiði
í reginmuna
hildíngs enn
ins hugum-stóra?“

338. Annsaði aptur
öðlíngs máli
þolgóðr, ágætr
Odysseifr:
„Öðlíngur iðfrægr,
Atreifs mögr,
allvaldr alþjóðar
Agamemnon!“

339. „Eigi vill gramr
gremi stilla,
heldr meirr ok meirr
móði fyllist
hjarta hilmis
ins hugum-stóra,

nè hann þínar vill
þiggja gjafar“.

340. „Biður hann þik sjálfan
með böðþjóðum,
ræsir, ráðgast
of ráð þessi,
hversu þú bjargir
blökkum marar,
ok Akkverjum
frá ógæfu“.

341. „Hótaði hilmir
herjum-kunnar,
þá er mæ'r birtist
Morginskæra,
drafnar blakka
draga at sævi,
barðkalda, borðróna,
ballþóptaða“.

342. „Hótaði hilmir,
at hann hvetja skyldi
hölda aðra
til heimsfarar:
„er yör eigi
auðit verðr
allháva eyða
Ilíons borg““.

343. „Heldr víðskygn
hendi sinni
henni yfir
Herjafaðir;
en borgar lýðr
böðvar móði
fylldr er
ok fremdar hug““.

344. „Svá mælti gramr;
en gumar þeir,
er mæ'r um fylgdu,
mega þat ok segja;
Aiant þat er,
p. IX, 679-699.

ok at auki tveir
kallarar, vitrir
verar báðir“.

345. „En Fenix aldrænn
fór at hvíldum,
eins ok ítr bauð
Akkilleifr,
at hann á morgun
mildíngi fylgi
fleyjum á
til fóstrjarðar,
ef hann vill svá;
en segg nauðgan
mun-at mildíngur
með sér flytja“.

346. Talaði tiggi;
en tyríngs reynar
allir hljóðir
orð ei mæltu;
leingi váru lýðir
ljóðir á þíngi,
synir Akkverja,
sorg um horfnir.

347. Mælti loksins
at málmþíngs reynum.
Díómedes
inn dólgrómsterki:

348. „Atreífs arfi,
ýta frægstr,
allvaldr alþjóðar,
Agamemnon!
þú skyldir aldri
skata beðit,
prúðhugaðan
Peleífs arfa,
nè stórgjafar
stilli boðit“.

349. „Er, hvárt sem er,

hugum-ríkr
 nógu dramblátr
 döglíngur sá;
 nú hefir þú alit
 í öðlíngr hug
 dramt enn meira
 ok magnat látið“.

350. „Skulum vör sjálfráðan
 sjóla láta,
 hvárt hann dvelja vill,
 eðr halda brautu;
 berjast mun buðlúngr,
 er býðr hugr,
 ok er guð eggjar
 gunni at fremja“.

351. „Heyrit nú, fírar,
 hvat ek fremst um mæli;
 skulum vör allir því
 eptir fylgja:
 skulum huga várn
 hressa þegar
 á mat mætum
 ok munveigum,
 en síðan hverfa
 til hvíldar allir;
 dug ok dáð slíkt
 dróttum vegr“.

352. „En er rósíngurð

á reginstígum
 birtist mönnum
 Morginskæra,
 þá skaltu skjóttliga
 skötnum fylkja
 ok málsetum
 fyrir mar-jóm frammi;
 eggja til orrustu,
 ok at iðleiki
 fremstr fíra,
 fylkir, berjast“.

353. Mælti hann svá;
 en mildingar
 góðan róm allir
 gerðu at máli;
 fannst mikít um,
 hvat málrómssterkr
 mælti á dróttíngi
 Dísómædes.

354. Þá dreypu döglíngar
 dreypifórni;
 gekk síðan sinnar til
 sérhverr búðar;
 á sik niflúngrar
 ok náðels sveimar
 náðir tóku,
 nutu svefngjafar.

TÍUNDA KVIÐA.

SVÁFU nú alþjóðar
öðlingar þannig
gunnar-tamir
at gnoðum niðri
gersta grímu
göðum blundi,
bundnir svefns böndum
of brúna ljósum.

2. Nè þó Atreífsson
Agamemnon,
buðlúnger böðþjóða,
blunda knátti;
var-a sætr svefn
sjóla laginn;
hvarflaði hugr
hilmis víða.

3. Eins ok eldfingar
æsa náir
hárfagar Heru
himneskr verr,
þá er steypi-hrífð
stillir vegr
hræðiliga,
eðr haglveðr.

4. Eðr hann fannbylji
á fold um rekr,
þá er snjóir sárhvítr
sáðilönd hylr,
eðr opnar hann
ægidýpi
styrjaldar stríðrar
stórbeiskastrar:

5. Eins mundi ótt
Agamemnon,
stillir inn stórráði,
stunum hreifa

p. X, 1-18.

neðst frá neggi
neyðarsvárum:
skalf skýrr hugr
skata inni,

6. Hvert sinn er sá
á sigvelli
tiggi lið
Trójumanna;
furðaði buðlúng
á bálum mörgum,
þau er fyrir borg
brunnu frammi;
furðaði fylki
fjölraddaðan heyra
hljórn hljóðsæra
ok hölda þys.

7. En er til skipa
skjöldúnger leit,
ok hers Akkverja
hárum-prúðra,
þá reif ræsir
með rótum upp
hár úr höfði sær
fyrir Herjasöður.

8. Stundi stórum
stilli þjáðum
mótt möðakarn
it meginfræga;
leizt honum þá
ljúfast vera
ok hollast ráð
í hugar-fylgsni:

9. Fyrst at hitta
frægan sjóla,
Nestor nýtan,
Neleifs arfa,

ef hann nokkut ráð
ráða knætti
heillum hollvarit,
þat er herþjóðum
mætti Danáa
drjúgt um verða,
ok af stýra
illum vanda.

10. Reis upp ríkr,
ok um ræsir brjóst
kyrtíl ljósagran
leggja náði;
lèt lofðúngr
und ljósa sætr
ilskó fagra
frægr bundit.

11. Lagði á herðar sèr
hilmir síðan
húð af dumbrauðu
dýri óarga,
miklum meinvargi,
tók at mildíngs fótum;
nam ok niðlúngr
nöt í mundu.

12. Eins var ok Menelás
meginskelfdr,
nè blund niðlúngr
nema knátti;
seig-at svefn sætr.
á siklíngs brár.

13. Því hann óttaðist,
at Argverjum
váði váligr
væri búinn,
er herþjóð
fyrir hans sakar
yfir báru braut
hafði breiða liðit,

ρ. X, 19-39.

Týs leik at vekja
í Tróju landi.

14. Huldi breitt bak
buðlúngr fyrst
fleckóttum, fögrum
felldi pardus,
ok eirhjálms
upp um hóf;
brá á skarar fjall
skati ægi.

15. Tók þeingill geir
í þrekna mundu;
gekk af stað brálá
bróður vekja,
þann er Akkverjum
yfir ræði,
ok virðr var
sem vèa nokkurr.

16. Hitti hervæddan
hilmir blóða,
er hann hildar málm
of herðar lagði,
at skutstafni
skeiðar sinnar;
glæðr varð buðlúngr
við bróður komu.

17. Kvaddi þá fyrri
kónúng at máli
Menelás
inn málrómssterki:

18. „Hví þú, kæri minn,
hervæðist svá?
Muntu, niðlúngr,
nokkurn senda
félaga þinna
fremst at spæja
Trójumanna til
tírrargjarnra?“

19. „Óumk, at eingi

ýta muni
þeirra til starfa
þessa bjóðast,
einn at árna
til andvígra
njósnaðar
á nætrþeli;
því at hugðjarfr
skyli halr sá“.

20. Aptr annsaði
orðum blóða
allvaldr alþjóðar
Agamemnon:

21. „Mildfngr seifborinn,
Menelás!
þurfum nú báðir vit
vitra ráða,
þeirra er váligum
váða bægi
Argverjum frá
at öldu hreinum“.

22. „Hefir nú Seif
hugr snúzt;
hneigist himneskr
Herjasaðir
heldr at Hektori,
ok hans of þiggr
fórnir framliga,
fúsum vilja“.

23. „Sák-a ek endr,
nè sögur heyrða-k
orðum ypptar
með ýta kind,
at einn maðr
á einum degi
slfk hafi verk vunnit,
sem Víga-Hektor“,

24. „Slfk sem framdi
fylkis mögr

p. X, 39-60.

af sjálfs dáðum,
á sonum Akkverja;
er-a þó gramr
gyðju sonr,
nè góðum getinn
guðum himna“.

25. „Hefir þó unnit
hergrimmr þegn,
þat er leingi munu
lýðir muna;
svá margar hefir hann
harðar raunir
unnit Akkverjum
at ímunleiki“.

26. „Skunda nú skjóttla
at skipum niðr;
kalla á Aíant
ok Ídomeneif;
en ek mun árna
til ítrs Nestors,
ok fylki biðja
á fætr rísa“.

27. „Vil ek þat vita,
ef vill öðlíngr
til heilags flokks
fara varðmanna,
ok þeim bjóða;
því at buðlúngi
helzt munu hlýða
höldar þeima“.

28. „Er því Nestors
nýtr arfi
fyrir varðmönnnum,
ok frægr sinni
mæts Ídomeneifs,
Meríónes;
höfum vèr þeim hölda
á hendr falit“.

29. Annsaði aptr
20

öðlíngs máli

Menelás

inn málrórmsterki:

30. „Hví þú mæ'r svá

hilmir, býðr?

hver er ætlan þín

með því, öðlíngr?

á ek at bíða

hjá ýtum þaðra,

þar til er kemr þú,

eðr þik aptr hitta,

þá er ek erendi

hefi afrekat?“

31. Aptr annsaði

orðum blóða

allvaldr alþjóðar

Agamemnon:

32. „Bíð þú mín þaðra,

at vit á brautum sízt

farimst á mis,

ok finnimst eigi;

eru því víða

vega-alóðir

um herbúðir

hála reistar“.

33. „Kalla þú skalt,

þar er kemr þú;

bjóð böðrömum

brögnum at vaka;

kenn þú kappá

at kynstaf feðra;

vel þú losstyrði

lýðum hverjum,

nè þú dramb deila,

döglíngr, skalt“.

34. „Því at einnig vit

at verki hljótum

gánga, sem aðrir,

geysipúngu;

p. X, 60-80.

þat hefir Allföðr

á okkr lagt,

þá er fyrrum vit

fæðast náðum“.

35. . Mælti þannig

ok þeingil sendi

brautu buðlúngr,

bauð gleyggliga;

gekk sjálfr gramr,

gætinn vildi

Nestor hitta,

hirði þjóða.

36. Hitti hilmi

at hertjaldi,

dökkum hjá

drafnar blakki;

lá lofðúngr

lýðum-frægr

rekkju reifaðr

röggvarfeldum.

37. Lágu hilmi hjá

hervápn skínandi,

sköpt ok skjöldr,

ok skrudhjálmr;

ok kvikliðugr

hjá konungi

gyrðill glæstr

gunnar hvíldi.

38. Þeim mundi ávallt

aldinn skati

gyrðr gánga

at grimmum vígum,

þá er fólku hann

fylkja náði;

eigi lét undan

elli leiðri.

39. Upp reis öðlíngr,

studdist olnboga,

hóf upp höfuð
frá hægindi;
Atreífs mög
ávarpaði
orðum þeima
þeingill reiðar:

40. „Hverr er halr sá,
er um hrannar gota
hvarflar einn
í herbúðum
um nótt niðdimma,
þá er njótar aðrir
sætum sofa
svefnblundi í?“

41. „Ypstu hljóði,
halr reikandi,
nè þú at mér svíf
svá þegjandi;
hvat viltu, halr?
hvert er erendi?“

42. Aþr annsaði
öðlíngs máli
allvaldr alþjóðar
Agamemnon:
„Nestor nýtr
Neleífs arfi,
sómi Akkverja
svásúðligr!“

43. „Hèr máttu kon
kenna Atreífs
Agamemnon,
þann er aldafaðir
öðrum mönnum meirr
meginhörmum
orpit hefir
iðjasvárum“.

44. „Munu harmar þeir
megnir lifa,
meðan önd bæríst

ρ. X, 80-99.

í brjósti mínu,
ok meðan kröptum
í knjám hreifir
fjör fróandi
á foldu mér“.

45. „Hvarfla ek víða,
því at værr eigi
festist blundr
á brám mínum;
erumk órótt
af ófriði,
ok Akkverja
eymdum þúngum“.

46. „Ángrast ek dýra
fyrir Danáa;
hvarflar hugr minn
hvumleiðan veg;
em ek ángráðr,
ok úr eljanlandi
mitt vill móðakarn
móðigt flýja;
titra fótlimir
traustir mínir“.

47. „En ef þú, vísir, vill
vinna nokkut,
er þú heldr eigi
mátt hvíldar njóta,
þá skulum árna
at einu báðir
varðmanna til
at vita fáim“,

48. „Hvárt eigi sè
halir bugaðir
þreytu af
ok þúngum vökum;
hvárt þeir nú hvílist,
hafi með öllu
verði gleymt
ok vinnu sinni“.

20*

49. „Sitja allnærri
óvinir várir;
vel mér virðist
vera mega,
at þeir hyggi
á hildarleika,
þótt nótt niðimm
njótum hamli“.

50. Aptr annsaði
öðlings máli
Nestor, gerenskr
gramr reiðar:
„Atreífs arfi,
ýta frægstr,
allvaldr alþjóðar,
Agamemnon!“

51. „Mun-at hinn ráðvísi
ræsir himna
Hektori allar
óskir veita,
þær er hilmir nú
helzt um girnist“.

52. „Hygg ek, at heldr
hann of muni.
meiri sæta
meginraunum,
ef Akkilles
ógnarmóði
bægir, ok bölsvárum
bríma gremi“.

53. „En ek vil, gramr,
þær gjarna fylgja;
munum ok virða
vekja aðra,
Týdeífs mög
inn tírarframa,
ok Odysseif
ítráðan“,

54. „Ok Aiant
p. X, 100-119.

ógnar-skjótan,
ok Fýleífs
frækinna arfa;
væri ok vel,
ef vildi nokkurr
guma gánga,
ok garpa kalla:
Aiant iðstóran,
jólnum glíkan,
ok Ídomeneif
aldastýri“.

55. „Eru því skip
skata þeirra
fjarrust hæðan,
ok hvergi nærri“.

56. „En ek mun
Menelási
ávítur velja,
allkærum mér;
ok þóttu af því,
þeingill, reiðist,
þá mun ek eigi
öðling leyna,
hversu sefr hann,
en herstarfa
felr þær allan,
fylkir, á hendr“.

57. „Skyldi hann nú biðja
bænar-orðum
helzta ok horskasta
höfðingja sveit;
því at nauðr nú
njóta rekr
óvægiliga
til iðju svárrar“.

58. Annsaði aptr
öðlings máli
allvaldr alþjóðar
Agamemnon:

„Ræð. ek þær, ræsir
roskinhærðr,
attu í annat sinn
áteljir hann“.

59. „Því at tiggi opt
tómlátr er;
vill varlega
til vinnu gánga;
er-a þó hvárki,
at hann of sigri
viljaleysi
nè vankunnátta“.

60. „En hann til mín
ávallt lífr,
ok þess fremst bífir,
at ek fyrri verðak;
en at sinni þvísa
sjóli vaknaði
fyrri mēr,
ok fór til mín“.

61. „Senda-k sifa
sjóla at kalla,
þá er þú nýla
nesna gerðir;
nú skulum árna,
munum ýta hitta
fyrir hlið framan
með firum varðar;
því at þar bað ek
þegna alla
saman svífa
sóknun-prúða“.

62. Aptr annsaði
orðum sjóla
Nestor, gerenskr
gramr reiðar:

63. „Ef svá er,
þá mun öðlengi
eingi reiðast

ρ. X, 120-139.

af Argverjum,
þá er hann brögnum
bjóða náir,
ok hali hvetr
til herstarfa“.

64. Kvað svá kappi,
ok kyrtill lagði
sær á hrjóst,
bjartofinn dúk;
lèt und sætr
fasta sðan
ilskó fagra
fylkir bundit.

65. Spenntist buðlúngr
bjartri skikkju,
purpurarauðum
prýði-dúki;
var tvíbrotin
ok víð gerva;
var ullarló
á ofnu klæði.

66. Tók geir stinnan
gramr í mundu,
fremst of faldinn
fránu eiri;
hèlt á stað
til hrannar gota
Akkverja
eirserkjaðra.

67. Vakti gerenskr
gramr reiðar,
Nestor, nýtan
niflung fyrstan
Oðysseif
upp af svefni,
jafnan Allföður
at ítrum ráðum.

68. Kallaði konúngr;
en kappi nam

þegar hilmis hljóð
 hlustum fanga;
 gekk úr hertjaldi,
 grami kvaddi
 ræsir ráðsvinnr
 ríklundaða:

69. „Hví svá halir
 um hrannar gota
 hvarfla einir
 í herbúðum,
 um nótt niðdimma,
 þá er njótar aðrir
 sætum sofa
 svefnblundi í?
 Hver nauð höldum
 hart svá þrýstir?“

70. Annsaði aptr
 öðlíngs máli
 Nestor, gerenskr
 gramr reiðar:

71. „Selfborinn, Laerts
 lofsæll arfi,
 mærr Odyssseifr
 inn margráðugi;
 Reidst eigi, ræsir,
 því raunir margar
 yfir Akkverjum
 illar váfa“.

72. „Fylg oss, fylkir,
 at fáim vit
 aðra vakit
 eimnis reyna;
 viljum ráðgast
 með rekka kind,
 hvárt flýja skuli
 eðr fjandum mæta“.

73. Talaði öðlíngur;
 en Odyssseifr
 inn í búð

p. X, 139-159.

nam aptr gánga;
 huldi marglitum
 herðar skildi;
 fylgdist síðan
 með fólkvöldum.

74. Geingu til týframs
 Týdeífs arfa,
 Díómedess,
 ok düglíng hittu
 búinn böðskráði
 fyrir búð utan;
 sváfu sinnar
 sjóla kríng um.

75. Höfðu skildi
 und skarar fjöllum;
 en á aurföllum
 í jörð um stöðu
 geirar gumna,
 glóðu oddar
 fráir í sjarska,
 sem funi skjja.

76. Svaf þar sigfrægr
 sonr Týdeífs;
 var húð und vísi
 af villi-uxa,
 en und höfuð
 hála sagr
 dúkr skínandi
 var skata breiddr.

77. Staðnæmdist þar,
 ok stilli vakti
 Nestor, gerenskr
 gramr reiðar;
 snart með sæti
 sjóla raman,
 hvatti öðlíng
 ok hann ávítaði:

78. „Vakna þú, týframr
 Týdeífs arfi!

hví þú gersta grímu
gerir at sofa?

Er-a þér kunnigt,
at á einni hæð
sitja Tróar
snekkjum nærri,
en örskammt svæði
miðil sigþjóða?“

79. Mætti hann þannig;
en mögr Týdeifs
brálla blundi
bregða náði;
stökk upp stillir;
stillti orðunr
óðhröðum þegar
at öðlingi:

80. „Stórmiklum ertu,
stillir, búinn
kynja-krapti,
kannt ei mæðast!
Gánga ei aðrir
ýngri sveinar
Akkverjum með
at ímunleiki?“

81. „Þeirs hvervetna
hverfa megi,
ok buðlúnga
af blundi vekja?
En þik, öðlingr,
ekki bugar,
nè á þér vinnr,
þótt aldrænn sèrt“.

82. Annsaði aptr
orðum sjóla
Nestor, gerenskr
gramr reiðar:
„Satt þú kveðr,
kostvinr minn;

víst þú talaðir
at verðúngu“.

83. „Á ek brausta
arfa bæði;
á ek ok mörgum
yfir at ráða;
mætti einnhverr
manna þeirra
karskra kalla
á konúnga“.

84. „En nauðr nú
njótum þrýstir,
ok virða vefr
vanda svárum;
því á tvísýnu,
tiggí, leikr
líf Akkverja
ok aldrtili“.

85. „Gakk nú, gramr,
alls þú getinn ert
ýngri mèr,
ef mik aumkva náir;
vek upp Aiant
ógna-skjótan,
ok Fýleifs
frækinn arfa“.

86. Talaði tiggí;
en Týdeifs mögr
varpaði ljóns húð
yfir herðar sèr,
dýri óarga
dumbrauðu af;
tók meginfeldr
at mildíngs fótum.

87. Tók geir gramr
í gilda mundu;
hèlt á stað sðan,
hetjur vakti;

kom með kappá
konúgr at þat.

88. En er þangat
þeinglar komu,
sem varðmenn
á verði sátu,
fundu þeir eigi
foríngja þeirra
svefni sigraða;
sátu fírar
vakandi vápnaðir,
varðar gættu.

89. Eins ok hundar
óróir vaka
fjárborg í
yfir feitum sauðum,
er it frána fróns dýr
fremst þeir heyra,
er um fagrlíma
af fjöllum svífr.

90. Gerist þá gnýr
garma ok fyrða,
er nærr geingr
gumars fjandi;
flýr svefn sætr
sèrhverja þá:

91. Eins af brám flýði
blundr þeirra,
er þeir váliga
vöktu um nóttu;
því at æ verðir
at velli snèru,
ef þeir við Brjáms ýta
yrði varir.

92. Gladdist þá gerva
gramr inn aldni,
ok þá upp hvatti
orðum þeima:

93. „Þannig skulu þèr,
ρ. X, 179-201.

þegnar mætir,
vel ok vandliga
á verði sitja;
sigri svefn eingan,
at sèm vèr ei
óvinum orum
at augnagamni“.

94. Svá mælti stillir;
stökk yfir gröf;
en horskum
hilmi fylgdu
konúngar Argverja,
er kallat hafði
ríkr á ráðstefnu
reiðar sjóli.

95. Geingu með mildíngum
Meríónes
ok Nestors
nýtr arfi;
því at þá höfðu
hugum-prúðir
rekkar með sèr kvatt
til ráðagerðar.

96. En er yfir gröf
geingnir váru
djúpa niðlungar,
þá þeir niðr settust;
þat var auðum á
jarðar stöðvum,
var-a þar valköstum
völlr um orpinn.

97. Þar hafði Hektor
herjum-grimmr
aptr snúit,
þá er Argverja
felldi fylkir,
ok of foldu dró

nótt niðdimma
af norðrstraumum.

98. Settust þar sigfrægir
siklíngar niðr,
ok um gættust
gunnar vanda;
mælti þá fyrstr
með fólkvöldum
Nestor, gerenskr
gramr reiðar:

99. „Heyrit, hróðvinir,
mundi hōlda eingi
áræða af þrótti
eignum sínum,
nú at hverfa
til hugum-ríkra
liða Brjáms
of brautir dreyrgar?“

100. „Ef féingi hann
höndum tekit
yztan óvina
einna nokkurn;
eðr ok á tal
Trójumanna
heyra knætti,
hvat knifar ræði“,

101. „Hvárt þeir muni
at hrannar gotum
fjærri borg
fremst of dvelja,
eðr aptr búast
til borgar gánga,
er þeir á Akkverjum
unnit hafa“.

102. „Ef allt þetta
einnhverr fregn,
ok hann alheill kemst
aptr til vár,
þá mun heiðr

þ. X, 201-222.

hans of fara
hvervetna undir
himins boga,
til manna allra
er moldu byggja;
mun gjafar góðar
greppr hljóta“.

103. „Skulu skatar,
er skipum ráða,
hæstir ok horskastir
honum velja
á alsvarta,
á með lambi;
slíka skal sérhverr
seggi um gefa“.

104. „Því at eign eingi
of jafnast sær
lamb-á við
með lýða kindum;
æ skal hann sitja
at sumblum várum,
ok veizlum völdum,
í vina skauti“.

105. Mælti hann svá;
en málmþíngs reynar
allir hljóðir
orð ei mæltu.
Ypsti þá orðum
við öðlinga
Díómedes
inn dólgrómsterki:

106. „Hvetr mik hugr
ok hjarta ríkt,
Nestor, til fjanda
flokka svífa,
ok í herbúðir
hvarfla þeirra;
eru þeir allnærri
orum sveitum“.

107. „Væri þó hollara
ok hugum betra,
ef mér annarr
einnhverr fylgdi;
því ef seggir tveir
saman gánga,
þá einn öðrum
æ getr sjá“.

108. „En ef halr einn
augum leiðir,
þá verðr hugr hans
hölzti dræmr;
ok úrræði
eigi tjáir
einum hal,
en ónýtt verðr“.

109. Mælti svá mildsúgr;
en margir vildu
fylgja dáðrökkum
Díómedesi;
vildu Aiantar,
vígprúðir tveir,
þegnar gunntamir
geira drottins.

110. Vildi morðvanr
Meríónes;
vildi Nestors fúss
nýtr arfi;
vildi darrfrægr,
dólgrómsterkr
Menelás, Atreífs
arfi ríkr.

111. Vildi ok þolgóðr
þeingill fara,
Odysseifr,
til smunsveima
Tróa týframra,
því tiggi hafði

móðakarn mærum
móði þrúngit.

112. Ávarpaði þá
öðlinga þannig
allvaldr alþjóðar
Agamemnon:

113. „Heyr mér, týframr
Týdeífs arfi,
kærstr manna mér
fyrir mold ofan!
kjós þér nú til fylgdar
fíra þessra
hvern er þú vill,
ok horskastr þykkir“.

114. „Því margir vilja
með þér fara;
skalt-at-tu, vísir,
láta virðing ráða,
attu inn hraustara
eptir skiljir,
en fáráðara hal
til farar veljir“.

115. „Skalt-at-tu, öðlingr,
á ættgófgi
lofða líta,
þótt ljós um sè:
skalt-at-tu velja,
virða horska,
þótt sè konungar,
ok knúsum ráði“.

116. Mælti svá öðlingr;
óttadýst fyrir
mærum blóða,
Menelási;
mælti þá aptr
at mildsúngum
Díómedes
inn dólgrómsterki:

117. „Með því mér bjóðit,

mildíngar, nú,
sjálfum til fylgdar
segg at kjósa,
hve ek þá mundi
horskum gleyma
ágætum öðlíngi,
Odysseifi?“

118. „Er þeingli þeim
í þrautum öllum
hugr ok hjarta
horskt of lagit;
ok honum ann
dóttir Allföður,
Pallas Apena
in iðjaskæra“.

119. „Þá er fylkir sá
fylgir mēr,
þá munu vit báðir
til bragna heim snúa,
ok þótt gim glóanda
of gánga skyldim,
því ríkr er ræsir
at ráðsnilli“.

* 120. Annsaði aptr
orðum skata
mærr Odysseifr
inn margráðugi:

121. „Ei skaltu, týframr
Týdeifs mögr,
mēr um of hrósa,
né ámæla;
vitu þat Argverjar
allt, er þú nú
mælir, öðlíngr,
af mærum hug“.

122. „Förum nú, fylkir,
fram er nótt liðin,
ok mærr nærri
Morginskæra;
p. X, 242-263.

síga síur Múspells
at söllum vestr;
er meginhluti
liðinn myrkföru,
þriðjúngar tveir,
lifir þriðjúngr einn“.

123. At mæltu því
mildíngar bjuggust
skelfing um horfnum
Sköglar málmi;
fèkk Þrasýmedes
inn þrúðmóðigi
sverð tvíeggjat
Týdeifs arfa.

124. Því Díoímedes
at drasnar mörum
hafði sinn eggfáinn
eptir látið;
fèkk hann ok fylki
fagrbláinn;
setti ægi
á öðlíngs höfuð.

125. Sá var hjálmr
af húð uxa,
hafði ei bólu,
hafði ei skúf;
heiltir brynhúfa;
bera höldar úægir.

226. En mærum Odysseas
fèkk Meríónes
sverð ok álm,
ok örvamæli;
lèt hjálm á höfuð
hilmis síðan,
hjálmr af leðri
hagla gervan.

127. Var innanverðr
ótal brugðinn
ölum harðliga

hattr rómu;
 en at utan
 alhvítum settr
 galtartönnnum,
 gert var þat hagle;
 váru þættar raðir,
 en þeirra milli
 fyllt var flóka
 á fjörni styrkum.

128. Þann hafði endr
 Átólykus
 numit af Amýntor,
 Ormenuss megi,
 at Eleonsborg,
 þá er öðlfagr
 höllu hilmis
 háreista braut.

129. Sendi skati hjálm
 til Skandíu,
 gaf Amfidamanti
 á Kýperu;
 en Amfidamant
 aptr hann gaf
 grami Mólusi,
 til gesta heiðrs.

130. Gaf Mólus hann
 Meríónesi,
 arfa ástkærum,
 aptr síðan;
 nú var hann látinn
 lofðungi hlífa,
 Odysseifi
 inum ítrráða.

131. Skrýddust þannig
 skjöldungar tveir
 skelfing um horfaum
 skrúða rómu;
 höldu af stað
 um herbrautir;

ρ. X, 263-283.

skildu svá við
 skata alla.

132. Sendi þeim heggra
 hægra megin
 nálægt vegi
 völdug gyðja,
 Pallas Apena
 in þráðmóðiga.

133. Máttu ei eygja
 með augum hann,
 niðmyrkri fyrir
 næturblaðu;
 en gjallanda
 gramir heyrðu
 fugl um fljúga
 foldu yfir.

134. Gladdist af jartekn
 Odysseifr,
 ok bæn gerði
 til böððísar:

135. „Heyr mēr, Allfödur
 ægiskjalda
 dýrust dóttir,
 er mēr dáðir eykr!
 ok mēr at hlið
 ávallt stendr
 í þrautum öllum,
 ok þrótt mēr veitir“.

136. „Unn mēr einkum nú,
 ímun-Freyja!
 Veit, at vit aptr
 at öldu hreinum
 frægð um faldnir
 fremst of snúim;
 vinnim stórvirki,
 er virðar Tróju
 mætir megi
 muna leingi“.

137. Baðst því næst fyrir,

ok á böððísi hæt
Díómedes
inn dólgrómsterki:

138. „Heyr mēr einnig,
Atrýtóna,
dóttir Allföður
ægiskjalda!
Fylg þú mēr, fólkmær,
svá sem föður minn
leiddir þú týframan
Týdeif endr,
þegar til þífi
þeingill fór
sendisfór frægr
fyrir Akkverja“.

139. „Skildi öðlíngr
við Akkverja
at Ásopsá
eirserkjaða;
svá fór síklíngr,
ok sættir bauð
Kaðmúngum, körskum
kappa þjóðum“.

140. „En er þaðan
þeingill snéri,
vann hann stórvirki
á vegi mörg;
veittir þú gylfa þá,
gunnar Freyja,
ok miskunsöm mundir
mílding stoða“.

141. „Ver mēr nú eins,
víga Freyja,
stoð ok styrkr,
statt mēr at hendi;
þér skal ek fórna,
fólvis gyðja,
kvígu ársgamla,
ennibreðða,

ρ. X, 283-302.

ókunna erfíði
ok arðrtrjá“.

142. „Skal ek fórnfæra
frenju þér,
ok horn hennar
hrannar eldi
öll um búa
ítrliga“.

143. Svá mundu buðlúngar
biðjast fyrir;
heyrði þá þrúðmóðig
Pallas Apæna;
en er höfðu þeir
Þrúðvalds dóttur
fremst á heitíð,
ok hana beðit,

144. Þá liðu lofðúngar
glfskir ljónum tveim
gegn um grímu
ginnmyrks leið;
öðu vígvaðla
ok valhrannir,
dökkvan dreyra
ok darraðar skrud.

145. Læt elgi týframa
Tróa heldr
Hektor njóta
hvílu værða;
stefndi stríðmóðigr
stillir saman
höfðingjum öllum
höfuðborgar.

146. Kallaði kostsamr
kappa saman,
tignarhöfðingja:
Tróa og skata;
en er síklíngr
váru saman komnir,

bar upp ráð ræsir
reginvitr:

147. „Hverr vill hólða
heita at þingi
verk at vinna,
er ek velja mun?
Sá skal stórgjafar
seggr hljóta,
ok at launum
ljósa málma“.

148. „Gefa mun ek honum
gunnar kerru
ok málfeta tvá
makkareista,
þá er bezt
bragnar finna
hjá Akkverja skjótum
skipum niðri“.

149. „Þat mun ek gefa
þegna hverjum,
er sèr þat vinna vill
til vegsemdar:
til örskreiðra
öldu hreina
niðr fara,
ok njósn um geta:“

150. „Hvært vörð er haldinn
at víðis dýrum,
eins ok Akkverjar
áðr um gerðu;
eðr hvárt lægra lut
lofðar báru
várum í viðskiptum
at vígleiki“,

151. „Ok hvárt höldar ná
hyggja á flóttu,
nè sèr um njólu
njótar treysta
vaskir at vaka,

ρ. X, 302-321.

er virða þjáir
þreyta reginröm,
ok raunamæði“.

152. Mælti hann svá;
en málmþings reynar
allir hljóðir
orð ei mæltu.

153. Var einn með Tróum
tífrargjörnum,
Dólon, arfi
Evmedesar,
kallara kostsamligs,
kynauðigr
af ægis eldi
ok eiri rauðu.

154. Ljótr var ásyndum
eyðir bauga;
fljótr á sæti
framarr öðrum;
hann var einkason
auðigs föður;
átti systir fimm
auðkýfingr.

155. Hann nam við Hektor
horskan mæla
tífrargjarnra
á Tróa þingi:

156. „Mik hvetr, Hektor,
hugarmóðr
ok framgirnir
til farar þessrar;
skunda mun ek skjótra
til skeiða niðr,
ok um njósna
njóta hagi“.

157. „En þú, ræsir,
rétt upp sprota,
ok mèt swardaga
sváran um vinn,

at þú skulir mēr,
skati, gefa
kerru eirvarða
ok iðfaka,
þeim er ekr
Akkilleifr,
prúðlundaðr
Peleífs arfi“.

158. „Mun ek þér eigi
ónýtr reynast
njósarmaðr,
niflúngr, þá,
eigi fjarri því,
er þú ætlast til“.

159. „Svá mun ek langt hverfa
inn í herbúðir,
uns ek at aski kem
Agamemnons,
þars ræsar hæstir
ráðgast munu,
hvárt flýja skuli,
eðr fíandum mæta“.

160. Mælti halr svá;
en Hektor tók
sprotu í mundu,
mælti svardaga:

161. „Viti Seifr sjálfr
svarrdunandi,
himneskr Heru
hátignarverr,
at fákum þeima
skal fíra eingi
ekit fá
af öldum Tróju“.

162. „Heiti ek þér því,
at þú hesta skalt
æ ok æ hafa
til ágætis þér“.

163. Svá vann siklíngr
p. X, 322-340.

svardagaleysu,
en Dólon fram
til dáða hvatti;
varpaði bjúgum
boga á herðar
seggr þegar,
er svífa vildi.

164. Klæddist yzt klæða
kesju þeytir
vargshúð vá-grárri,
vilgi snjáfri;
læt á höfuð
hjálmi komit
af marðarskinni,
tók í mundu flein.

165. Hèlt af stað halr
frá herbúðum
örskreiðra til
öldu hreina;
átti honum eigi
auðit verða
Hektori at flytja
fregnir aptr.

166. En er hann út úr var
jóa kominn
ok málmpíngs meiða
megingrúa,
þá gekk feigr
fram eptir vegi;
skundaði snarlíga
sverða reynir.

167. Varð seifborinn
siklíngr þá
Odýsseifr varr,
hvar aumr um fór;
mælti þá ræsir
ráðum-snjallr
við Díoómedes
inn dólgrómsterka:

168. „Dreingr ferr þar,
 Dísómedes,
 kemr frá herbúðum;
 hitt veit ek elgi,
 hvárt hann njósna vill
 um várar gnoðir,
 eðr valfallna vera
 vill hann ræna“.

169. „Látum ver lifa
 á láðvöll fram
 lítt at þat fyrst,
 fram hjá okkr;
 hlaupum svá hvatliga,
 ok höndum tökum
 banga brjót
 ballum móði“.

170. „En ef hann skjótari
 okkr verðr,
 þá skaltu halda
 hal at skipum,
 ok ávallt bægja
 frá búðum niðr;
 eltu hann, gramr,
 haf geir í mundu,
 at hann ei til borgar
 bruna knegi“.

171. At mæltu því
 mildsingar snjallir
 lögðust í val
 vegi nærri;
 en heimskr halr
 hvatliga rann
 fram hjá framsýnum
 fólknárungum.

172. En er hann frægum
 var fjarri kominn,
 svá sem mular at einu
 mega arðr um draga
 (þeir eru uxum

ρ. X, 341-362.

at erja knárri,
 arðr at draga
 alnaddaðan
 yfir svarðardjúpt
 sæðis eingi),
 þá hlupu hildingar
 honum eptir.

173. Stóð gumi við,
 er hann glym of heyrði;
 hugði fêlaga
 frækna vera,
 svífa frá Tróju
 sik at kalla,
 ok sêr heim hverfa
 at Hektors boði.

174. En er þeim svá
 var seggr fjarri,
 sem kólfi má
 kasti varpa,
 eðr ok minnr,
 þá hann mundi skilja
 at sik fjanðr
 finna vildu.

175. Þá hann fljótra
 til fóta tók;
 rann á flóttu,
 flýja vildi;
 en hildingar
 horskir runnu
 hvatliga hvötum
 hal á eptir.

176. Svá sem tveir
 tönnum-hvassir
 dýrhundar, veibum
 vanir, renna,
 hindarkálf elta
 eðr hêra fráan;
 renna æ ok æ
 óðir garmar

skóglendi yfir,
en ýlandi ferr
hræddr hrísbúi
hvatt á undan:

177. Eins eltu fræknir
fóthvatan hal:
Týdeifs arfi,
ok Odysseifr
borga-brjótr,
ok frá böðþjóðum
bægðu æ ok æ
auðskýfanda.

178. En er allnærri
ýtum varðar
hann var hvötu
horfinn skeiði,
ok leið lagði
at ljónum sævar,
þá hugarmóði
í hjarta blés
Aþena týfrömum
Týdeifs arfa,

179. At eingi Akkverja
eirserkjaðra
happi hróðigr
hrósa skyldi,
at hann fyrstr
hefði fólkdreing sært,
en siklíngr sjálfr
seinni vorðit.

180. Óð þá at dreing
Díómedes,
dýði geir mundu,
mæla náði:

181. „Stattu grafkyrr,
gumi, þaðra,
ella lýst ek þik
laungum geiri;
munt-at-tu leingi

ρ. X, 362-380.

frá minni hendi
aldrtila
mega af stýra“.

182. Mælti hann svá,
mundi skapt senda,
missti viljandi
nè mann hæfði;
en fleins oddr
flaug ins bjarta
hægri yfir
öxl á guma,
nam í grundu
grænni staðar.

183. Við stóð þá Dólon,
varð allhræddr;
hapt varð á loptvægi
ljóðpundara;
gnötruðu guma
ok gerst of skullu
kjálka-bogum á
klettar góma.

184. Varð verr fölr
fyrir ótta;
námu halir hann
hlaupmóðir þar;
höfðu á hendr,
en hræddr gumi
grátandi nam
við grami mæla:

185. „Gefit mér líf, lofðar;
lausnarmálma
ykk skal ek greiða,
gersema fjöld;
heima er í húsi
hrannar eldr,
eir ok iðseigr
fsarnmálmr“.

186. „Mun af því faðir
feikn um láta,

ok ykkir ógrynni,
öðlingar, gjalda,
ef hann mik lífs
at lagardýrum
spyrja getr
gumna akkneskra“.

187. Aptr annsaði
orðum guma
mærr Odysseifr
inn margráðugi:

188. „Vertu óhræddr;
eigi þú lát
hel nè dauða
þér í hug koma;
en þú mærr um inn,
ok inn með sanni,
hví þú einn hvarflar
herbúðum frá
gnoða til
um grímu dimma,
þá er svefni sofa
seggir aðrir?“

189. „Viltu valfallna
vera ræna?
Sendi þik Hektor
af holum flaustum
allt at njósna
af ýtum þar?
Eðr fórtu, seggr,
af sjálfs hvötum?“

190. Annsaði Dólon
döglings máli,
skulfu knè
á skjaldar hlyni:
„Hefir Hektor
hyggju mína
táli tryggðlausu
teygða látið,
er hann mærr hæt
ρ. X; 380-402.

höfglymjöndum,
hestum einhæfðum
Eaks niðja“.

191. „Hæt mærr ok hilmir
hildar-kerru,
al-varinni
eiri rauðu;
bauð mærr um svípula
svífa nóttu,
drýgja dökkfarar
með dróttmögum“.

192. „Bauð mærr at halda
herbúðum nærr
fjanda várara,
fremst of spæja,
hvárt húfhveldir
hrannar gotar
væri verði geymdir,
sem váru aðr“.

193. Eðr hvárt lægra lut
loðar báru
várum í viðskiptum
at vígleiki,
ok hvárt èr nú
hyggizt flýja,
er þér nè treystizt
um nótt at vaka,
er yðr röm preyta
ok raunir halda“.

194. Glotti við gramr,
ok guma annsaði
mærr Odysseifr
inn margráðugi:

195. „Sízt eru smáar,
er, seggr, þú,
gjafar, girnist,
með gumnum frægar,
bjartljósum búnir
bitilhreinir

ímunkunnanda

Eaks niðja“.

196. „Er dauðligum

dróttum jarðar

ærin vandi

jóm þeim stýra,

ok við ráða,

nefna ræsi einum,

er ódauðlig

eiða um gat“.

197. „En herm mēr, halr,

ok herm með sanni:

hvar namtu skilja

við skata frægan

Hektor, er þú hinnig

hvarfla náðir?“

198. „Hvar eru hervápn

ok hestar sjóla?

Hversu er til varðar

viðum Tróju

skipat á hervelli?

Hvar sofa þeir?“

199. Annsaði apt

orðum sjóla

Dólon, arfi

Evmedesar:

„Allt mun ek inna,

öðlíngr, þér,

ok með sanni

sérhvat herma“.

200. „Hektor er á þingi

með höfðingjum;

ráðgast öðlíngr

hjá Ílusar haugi

lángt frá lýðglaumi;

en er þú, lofðúngr,

vill um verði

vita gerva“,

201. „Þá er eingi

ρ. X, 402-427.

einka-vörðr

köppum kosinn.

at kunni geyma

herbúða orra,

eðr at gæta“.

202. „Eigu eldstæði

ýtar Tróju;

er þegnum þörf

þau at hafa;

vaka virðar

um váðimmu,

eggjar hvárr annan

iðvörð halda“.

203. „En langt um leiddir

líðsmenn sofa;

hafa vörð falit

viðum Tróju;

eigu því eingar

eiginrúnur

nè börn barnúng

bragníngar hær“.

204. Annsaði apt

orðum guma

mærr Odysseifr

inn margráðugi:

205. „Hversu er þat?

Sofa halfr þeir

blendnir Tróum

tírgjörnum?

eðr sofa þeir

sér um einir?

Seg mēr þat, seggr,

at ek sjá megak“.

206. Annsaði apt

orðum skata

Dólon, arfi

Evmedesar:

„Allt mun ek inna,

öðlíngr, þér,

ok með sanni
sèrhvat herma“.

207. „Næstir kólgu

Kárar liggja,
ok Peónar
prúðbogvaldir,
knáir Lelegar
ok Kákónar,
ok Pelasgar
prúðhugaðir“.

208. „Þá eru Lýkverjar

á Þýmbruvelli,
ok Mýsar
meginprúðir,
Frýgar fákvaldir,
ok fimir gumar,
er málsetum stýra
frá Meóníu“.

209. „En hví spyrjít mik,

öðlingar, þess,
ok mik allt þat
inna látið?
Því ef ykkur
at árna lystir
týframra í sveim
Trójumanna“.

210. „Þá eru Þrakar

þegna yztir,
njótum fjarri,
nýla komnir;
ræsir er rekka
Resus með þeim,
Eiíoneífs arfi
ítrfrægr“.

211. „Hans sá ek hesta

á hauðrs þremi
mesta ok mætasta
af málsetum;
hvítari snjóvi

ρ. X, 427-447.

hvat þeir fljúga
yfir láð léttfetar,
sem leiki vindr“.

212. „Er herkerra

hilmis faguð
gulli glórauðu
ok grá silfri,
en vápn varin
vinduðs dúni,
ógna-stærðar
undrasmiði“.

213. „Þau hafði hilmir,

er hann hinnig sveif;
mun-at höldum hæft
hauðrs feigum
vápnum valda,
en þau vèum hæfa
óðauðligum
í uppheimi“.

214. „Færit mik nú

til flausta skjótra;
eðr bindit mik
böndum hörðum,
ok mik hær
eptir skiljít,
uns þær, öðlingar,
aptr snúit,
ok vita fáit,
ef fregn sanna
hef ek ykkur hermt,
eðr hluti logna“.

215. Brúnölfi

þá beindi ræðu
Díómedes
inn dólgu-rami:

216. „Hygg-at-tu, halr,

úr höndum várum
leiðr at líða,
ok lífi halda,

þótt frétt hafir
hermt allgóða,
er þú í greipar gekkt
gumi, okkrar“.

217. „Því ef vèr, seggr,
sleppum þér nú,
ok þik látum
lífi halda,
þá muntu sðbarr
at sævarljónum
skjótum Akkverja
árna niðr“.

218. „Mantu annathvært
fyrir ýta spæja,
eðr þú oss munt
móti berjast;
en er þú nú
fyrir okkrum mundum
líf þitt lætr,
þá þú lýðum eigi
optarr munt
til ills verða“.

219. Mælti svá döglingr;
en Dólon vildi
taka gildri mundu
um mildíngs höku,
ok sèr lífs
ok líknar biðja;
en siklíngr
sverð um reiddi,
hjó á háls þveran,
hjó sinar báðar.

220. Skall skarar fjall,
er sköfnúngs reynir
mæla vildi,
á mold niðr;
tóku marðskinnshúfu
mildíngar þar
af hals höfði,
p. X, 447-467.

ok hata feld;
tóku álm
úrsvignæman;
tóku flein fránan,
firinlángan.

221. En Odysseifr
inn ágæti
fyrir feingsælli
Freyju sverða
hátt uppi hèlt
hildar skrudði
mundu magnstyrkri,
kvaddi mímuníngs gyðju:

222. „Þigg þetta þú,
Þrudvalds dóttir;
því at þik fyrsta
munum frægra vit
jólna á kalla
á Ólýmpi“.

223. „Leið okkr nú,
lýðvoldug dífs,
þángat sem þrakneskir
þegnar hvíla;
leið oss at náttbóli
lýða þeirra,
ok málfetum
meginþrudum“.

224. Mælti svá hilmir,
ok hervápn festi
hátt á þorsbjörk upp
þrudblómgyvaða,
setti merki
á mæran við,
þat er öld mætti
augum leiða.

225. Saman lagði sjóli
sigrænan reyr,
ok þorskvisti

prúðblómigvaða,
at þeir aptr
mætti á hitta,
er þeir um grímu
geingi dimma.

226. Komu skjóttliga
skatnar síðan,
at flokki Þraka
þrúðmóðigra;
öðu vígvaðla,
öðu valhrannir,
ok vígrofinn
vef darraðar.

227. Sváfu þreyttir
sigrvaldendr
lágu vápn lýða
á láðvelli;
vel ok vandliga
váru þau sett
í raðir þrjár;
en hjá rekk hverjum
váru samoks-hestar
svárbundnir tveir.

228. Lá í miðju
lýða sjóli,
Resus; en skjótir
reiðarbrímar
bundnir stóðu
hjá buðlúngi
ólum með
við yztan hlýra
á rönd fagri
reiðar sætis.

229. Sá Odýsseifr
sjóla fyrri,
ok dáðrakkan kvaddi
Díómedes:

230. „Þar máttu líta
lofðúng frægan,
ρ. X, 467-487.

Díómedes,
er Dólon lýsti,
sá er drápum vit,
en hjá döglíngi
eru fákar festir
fleygiskjótir“.

231. „Heill svá, hildíngr,
hreif nú móði
styrkum ok staðrfikum;
standa nè hæfir
athafnarlausum,
öðlíngr, þér,
skærum skráðbúnum
Sköglar málmi“.

232. „Leystu nú léttfeta,
eðr þú lýði veg;
en ek fáka mun
fremst um annast“.

233. Mælti hann svá;
en móði blès
glóeyg Aþena
í grams hjarta;
hjó hann hölda
á hendr báðar;
vöknuðu válig óp
vápnbitinna;
rauðst jarðar rönd
rauðum dreyra.

234. Svá sem at hleypr
hirdislausum
dýr it óarga
í illum hug
hjörðum geita,
eða hjörðum sauða;
drekkr dreyra
dólgr kvía:

235. Eins ræðst týframt
Týdeifs arfi
á Þraka þjóð

þrúðmóðiga,
uns tólf hafði
í hel komit.

236. En Odysseifr
inn ftrráði
stóð hjá týfrömum
Týdeifs arfa;
hal hvern, er hilmir
hjörvi vá,
þann dró út öfigan
Odysseifr,
dró braut bragna
á björkum ilja.

237. Lèt þat ráð lofðúngr
lofsæll framit,
at faxprúðir hægla
fákar rynni
gegn um guma hrönn,
nè gæti ótta,
er þeir nái
yfir liði;
váru óvanir
valköstum enn.

238. En er týframr
Týdeifs arfi
öðlíngr á hitti
iðja-frægan,
þá drap hann þeingil
inn þrettánda,
ok lofðúngr lýðsnjallan
af lífi tók.

239. Varpaði öðlíngr
öndu þúngri;
blöskruðu buðlúngi
ballir draumar.

240. Leysti þrautgóðr
þeingill á meðan
Odysseifr
fáka einhæða;
p. X, 487-508.

batt saman ólum,
ok álmi sínum
reiðarbríma
rak úr sveimi.

241. Því at þeingill ei
þess um gætti,
fagra svipu
fremst um nema
kynfögurum úr
kerrustóli;
blístraði buðlúngr,
bendíngu gaf
Díómedesi
inum dáðrakka.

242. En öðlíngr beið,
ok um hugsaði,
verk at fremja
firindjarfast:
hvárt hann herkerru
hesja skyldi,
þar er vápn lágu
in ljósfögur.

243. Kerru upp lypta
á kerrustaung,
ok út bera,
öllu valda;
eðr hvárt enn fleiri
öndu skyldi
svipta þraka
sigrvaldenda.

244. Meðan öðlíngr
um þat gættist,
þá gekk at glóeyg
Ginnregins mæ; r
nærri stóð niðlúngi
naðels Freyja,
ok öðlíngr
ávarpaði:

245. „Hygg nú á heimför,
hróðinögr Týdeifs,
Díómedes,
ins dáðum-rakka,
at húshveldum
hrannar gotum,
attu ei flóttferli
farir heim aptr“.

246. „Óumk, at einnhverr
uppheims-búa
Tróa veki
týfákvalda“.

247. Mælti hún þannig;
en þeingill heyrði,
at gyðju rödd
glynja náði;
steig þá hvatliga
hilmir á fáka,
en Odysseifr
álmi keyrði;
flugu fólkvaldar
á fljótum mörum
at örskreiðum
Akkverja gnoðum.

248. Sat-at til einskis
silfrbogvaldr,
dalar drottinn,
á dólgerði,
þá er hann leit
laufa Freyju
fylgja týfrömum
Týdeifs arfa.

249. Reiðr varð rögnir
reginskeyta
sverða dís,
fór í sveim Tróa,
vakti herfrægan
Hippokóon;

hann var þeingill einn
Þrakfumanna.

250. Sá var frændi
fylkis vegins;
hann reis af svefni,
ok svæði leit
autt, þar er jóar
endr um stöðu,
ímunjóar
iðja-skjóttir.

251. Sá hann seggi
særða sprikla
í undroði
eljansváru;
hátt nam at hljóða
hildíngur þá;
kallaði á sinna
sær um kærana.

252. Reis þá með rekkum
röskum Tróju
óp ok undrþyss,
allir at skyndu;
furðaði fávirkil,
er framit höfðu
vegendr, ok vaðit
at víðis hreinum.

253. En er kappar
komu frægir
þángat, er höfðu
Hektors vegit
njósnaumann
naðar eggjum,

254. Þá nam at stöðva
stillir fáka
Odysseifr,
Allföður kær;
en Týdeifs arfi
týframr stökk

af fákum niðr
á foldar þröm.

255. Fèkk í hendr
hilmir frægr
vápnr aldreyrug
Odysseifi,
fór á bak sfðan,
fáka keyrði;
en viljugir fákar
hljúga røðu.

256. Heyrði fyrstr hlym
hófglymjenda
Nestor alfrægr,
ok orð um kvað:

257. „Heyrit mèt, Argverja
aðstír skatar,
fyrirliðar
fólvis þjóða!
Mun ek hægóma
herma einan,
eðr mun ek satt
sagt of geta?“

258. „Byðr hugr mèt
at herma þat:
heyri-k hlym hlymja
(hauðr dunar;
lýstr hljóð hlustir)
hófskúaðra“.

259. „Vilda-k, at ágætr
Odysseifr
ok Dfómedes
inn dáðum-rakki
ræki nú skjótliga
reiðarbríma,
jóa einhæfða,
frá ýtum Tróju“.

260. „En ek óttast mjök,
at öðlingar
hafí tjón beðit
p. X, 528-549.

tignir nokkut
af skarkala
skatna Tróju“.

261. Hafði-at hilmir
heilt orð talat,
þá komu karskir
konúngar heim;
stigu styrksælir
á storðar þröm;
en gumar allir
glaðir urðu;
kvöddu hildfinga
handabandi,
ok orðum blfðum
báðu heila.

262. Fyrstr þá frètti
fólknárunga
Nestor, gerenskr
gramr reiðar:

263. „Seg mèt, sjóli,
sómi Akkverja,
lofsæll Odysseis,
Laerts arfi,
hve þit um tókut
hesta þessa?
Hvært hurfut it Tróa
í hersveima?“

264. „Eðr mætti ykk
uppheims guða
nokkurr, ok skinfaxa
nam ykk gefa?
Eru iðglíkar
iðja-fögurum
mylens mungeislum
manar þeirra“.

265. „Hefi-k opt Týs leik
við Trójumenn
háð hermíligan;
nè ek bygg mik kyrran

dvelja at dökkum
drafnar mörum,
en þótt ek gamall
gánga at rómu“.

266. „En jóa slíka
hefk-at ek augum leitt,
nè varr vorðit
vegð um bjartra;
hygg ek því,
at hafi nokkurr
ykkur guð mætt,
ok gefit fáka“.

267. „Því báðum ykkur,
buðlungar, ann
Seifr, svartblárra
sjóli skýja,
ok in glóeyga
Ginnregins mæð,
dóttir Allföður
ægiskjalda“.

268. Annsaði aptr
orðum sjóla
mærr Odysseifr
inn margráðugi:
„Heyr mæð, Nestor
Neleifs arfi,
Akkverja allra
ítr sómi“!

269. „Hægliga má,
ef hugr um býðr,
guð of gefa
gullinfaxa
betri en þessa
bríma reiðar;
eru því ámattkir
uppheims tívar“.

270. En fákar þessir,
er þú fregnar nú,
konúngur inn aldræni,
ρ. X, 549-569.

eru komnir nýla;
eru þrakneskir
ímunfákar“.

271. „Drap Dífómedes
inn dáðum-rakki
eiganda þeirra,
ok ýta tólf
vág hann hans at hlið,
hverjum öðrum
hölda hraustari
at hildar leiki“.

272. „En þrettánda
þegn of vágum
guma njósnaða
hjá græðis dýrum;
sendi Hektor,
sendu Tróar
guma þann
gerst at spæja“.

273. Mælti þat gramr,
ok gröf yfir
einhæfða rak
ímunfáka;
kýmdi kátliga
kostráðigr;
geingu með grami
glaðar sveitir.

274. En er kappar
of komnir váru
at tjaldi traustu
Týdeifs arfa,
þá bundu bragnar
bitilhreina
ólum vel sniðnum
at jötu-stalli.

275. Þar er dólgfákar
Dífómedess
váru vegskjótir
vanir at standa;

þar er lættfetar
ljúffeingt átu
hveitis korn
af hám stalli.

276. En Odysseifr
upp nam heingja
blóðugt böðvarskráð
á brimdýrs skut;
vápn váru þat
vegis Dólons;
skyldi þat skrudgjöf
skjóma Freyju.

277. En öðlingar
í ægis báru
þúngan þrymsveita
þógu gerva;
þógu sætr,
þógu hálsa,
þógu læri
í þekkri lá.

278. En er af hörundi
hafði þeirra

bára látið
líða sveita,
ok er hildingar
höfðu svalat
hjörtum snum
af hörðu erfði:

279. Þá stigu vísar
vel skafin í
laugar-ker,
ok laugast gerðu;
en at búnu því,
þá er buðlingar
höfðu smurzt viðsmjurs
viðar feiti,

280. Þá settust öðlingar
at aptans-verði;
jósu lðskært vín
af ítrum skálum;
dreyptu til dýrðar
darra Freyju
fullum af skaptkerum
skírar veigar.

ELLEFTA KVIÐA.

REIS úr rekkju
 rósfögr dís
 frá mærum Tíþóni,
 Morgunskæra,
 sú er ófeigum
 uppheims goðum
 ok feigum ljós færir
 foldbyggjöndum.

2. Sendi þá Seifr
 at sævar ljónum
 Akkverja þrálíga
 Þrætu-gyðju;
 hún ófriðar
 illu teikni
 hœlt í höndum,
 er til hölda sveif.

3. Nam hún staðar
 at stórhúfuðum
 Odysseifs
 ægis hreini;
 sá var í miðjum
 megin-flota,
 svá at hljóð heyrast
 mátti á hendr báðar,

4. Bæði til hertjalds
 ins herjum-kunna
 Aíants, týframs
 Telamons arfa;
 ok til Akkilleus
 einnig mátti
 þaðan heyrast,
 ef hljóðat var.

5. Höfðu þeir skorðat
 hrannar gota
 yzta allra,
 með ímunþjóðum;
 ρ. XI, 1-19.

orku treystu
 ok afli handa
 hamramir hildíngar
 herjum-frægir.

6. Stóð þar, ok stórvaxin
 streittist við himni,
 ægiliga æpandi
 ófriðar dís;
 jók þrótt þrúðmikinn
 þjóðum Akkverja,
 afláts án
 orrustu drýgja.

7. Þá nam alfrægr
 Atreífs mögr
 hátt at kalla,
 hljóði beita;
 bauð böðvar þjóðum
 buðlúngr mærr
 hervæðast harðra til
 hildar leika.

8. Þjóst sjóli sjálfr
 sigrvaldandi
 skærum, skruðfögnum
 Sköglar málmi.

9. Læt brynhusur
 bundit fagrar
 fyrstar fylkir
 um fótleggi;
 váru fóthlífar
 fylkis kræktar
 silfrspöngum
 sólarfögnum.

10. Brá buðlúngr
 brynju fagri
 ballr yfir brjóst
 it böðvarhvelda;

þá hafði blóðleiku
bragníngi endr
Kinýras gefit
til gesta heiðrs.

11. Hafði Kinýras
til Kýpreyjar
frama frëttan
þann inn firinljósa,
at Akkverjar
yfir ægis djúp
vildu týframir
at Tróju halda.

12. Því gaf Kinýras
konúngi brynju;
þat var vana-gjöf
vegsamligust.

13. Á váru tvennar fim
fólka skyrtu
ræmur blakkfjallu
af blástáli,
tölf af iðgljáum
ægis logum,
ok tvennar tíu
af tini gervar.

14. Lágu at hálsi
heiðar laxar
þrír hváru megin
af heiðblá stáli;
váru raun-fiskar
sem regns bogar,
er í skýjum skorðar
skati himna,
merki mæltum hveim
moldbyggjöldum.

15. Varpaði vísir
vitni of herðar,
glóðn gullnaglar
á grindloga;
en umgjörð af silfri
p. XI, 20-42.

var at utan lagin,
fetlum gullligum
fest at linda.

16. Tók þá tiggja
törgu víða,
hagla smíðaða,
herjum-þúnga,
fríða ok fagra,
með fim tvennum
randar baugum
af rauðu eiri.

17. Tíu tvennar
af tini váru
bólur á baugi
bjarthvístastar;
en í miðforni
var miðjum lagin
nöf blakkfjallu
af blástáli.

18. Þar var á skildi
skryðdum hríngdregin
Gorgóns gygr
in geigvænliga;
veldi váliga
vitum hvarma;
á var ok Ótti
ok Eltíng dregin.

19. Var skjaldar fetill
af skíru silfri;
þar nam at slaungvast
snákr af blástáli;
váru hausar þrír
hríngum undnir
vaxnir úr einum
vinduðs hálsi.

20. Brá bólujálmi
böðvar skati
fjórþóluðum,
faxi vörðum,

sér á höfuð;
en yfir hildíngi
iðaði jörmunfax
ægiliga.

21. Tók geira tvá
tiggi síðan,
sterka ok stinna,
stælt eiri,
hvassa herfleina;
en til himins lagði
blossa af málm
böðvarfránum.

22. Létu þá Hera
ok hjörva Freyja
dunur dynja
af drögum skýja;
leið leiptra hljóð
til lofðungs dýrðar,
meiðmassels mildíngs
Mýkenuborgar.

23. Bauð nú kappi hverr
kerrusveini
sínnum at halda
hestum við dski,
ok málfetum
meginskjótum
í röð vandla
rèttri halda.

24. Þustu þá fræknir
fótgaungumenn
á stað, búnir
böðvarklæðum;
reis reginhár
refilvaldöndum
dróttum dólglaumr
í dagsljósi.

25. Því fótgaunguliðar
fyrri urðu
sér at fylkja

ρ. XI, 42-60.

fram við dski;
en riddarar
raunlítt at þat
eptir komu
öldum þeima.

26. Upp lét þá illan
arfi Kronusar
gný of geysa
með gunnhjóðum;
sendi dagg-dropa
drifna blóði
hátt úr hvelbognum
himna sölum.

27. Því at þá vildi
vísir himna
mörgum ok mætum
til moldar varpa
horskum hetjum
Hadesar til.

28. En Brjáms liðar
búast reðu
hinu megin
á hæð vallar.

29. Váru fyrir vígbjóðum
Víga-Hektor,
ok práðlyndr
Polýdamant,
ok Eneas,
er ýtar Tróju
virðu, sem væri
væ nokkurr.

30. Váru Antenors
arfar þrír:
Polýbus, ok ágætr
Agenor,
ok Akamant,
úngr gumi;
hann var guðum
glíkr mærum.

31. Var Hektor fremstr
í fylkingu;
hafði hilmir skjöld
hringborðsjafnan.

32. Sem Múspells sfa
in meinsamliga
skínn frá skýjum
skugga slúngnum;
blikar blossandi,
en brálla apr
skundar at skuggdimmu
skýja baki:

33. Eins mátti öðling
iðrakkan sjá
ýmist með öptustum,
ýmist með fremstum;
eggjaði ýta,
allr ljómaði
bjartbrennanda
böðvarmálmí,
eins ok Allföður
ægiskjalda
um uppheimslopt
elds glóir.

34. Í líking þá,
sem láta vaskir
kornskerumenn
korn um slegit;
gángast gumar
gerva móti;
hlaða hveittis gras
hátt í múga
á anðkýfings
eingi frjóvu;
falla málhendr
mundarnær saman:

35. Eins mundu at gángast
ýtar Tróju
p. XI, 61-80.

ok Akkverjar
ægiliga;
gáðu hvárigir
gumnar flótta,
skaðvænligs
fyrir Sköglar móði.

36. Hældu halir
herfylkingum
öllum jafnt,
ekki hopuðu;
en sumir óðu
sem úlfar grimmir,
böðvi brennandum
berserksmöði.

37. Gaman var þá unnit
ófriðar dís,
er hún á horfði
ímunleika;
var hún ein
uppheims tíva
viðstödd, er verar
at vígum geingust.

38. Váru-t aðrir
at vígleikum
uppheims öðlingar;
alkyrrir sátu
sínnum at sölum,
þar sérhverr bjó,
marghálsuðum á
Ólýmps tind.

39. Átöldu allir
uppheims sjóla,
svartskýja drottinn,
son Kronusar,
er Tróverjum
tigg! vildi
gagn of veita
at gunnar iðju.

40. Skeytti ei ávítum

skati goða;
settist allfjarri
öðrum tívum,
megin-munglaðr
mætti himneskum.

41. Sá Tróju til
tíva sjóli,
ok Akkverja,
alvoldugr;
sá á vápnleiptr
ok vígbruna,
sá á vápnbitna
ok vegendr.

42. Meðan lýsti mær
Morginskæra,
ok dagr dýrsignr
dafna náði:
flugu fleinar
í fylkingar,
föllu fyrðar
at fólkreði.

43. En í þat mund,
er mið-degis-verð
maðr býr,
sá er meða höggv
í fjalldölum
fögurum uppi,
er hann lífið er
í limum orðinn
af meðar-höggi,
ok í muna leiðr,
en matlysting
megna finnr:

44. Í þat mund eggjuðu
aðrir hvára
Danáar hraustir,
ok hreysti sýndu;
riðluðu röðum,
rufu fylkingar
ρ. XI, 80-101.

óðir iðdreingir
óvina þá.

45. Var Agamemnon
allra fremstr,
drap hann Bfenor,
bragna skata;
ok sinna hans sðan
siklíngv vág,
Öyleif
iðfakvaldan.

46. Hafði Öyleifr
ekit kerru;
stökk ofan, ok stóð
stilli beint móti;
en er hann á fram
æða vildi,
þá enni hans
Agamemnon
darri laust
dólgum-skörpu.

47. Nè hjálmrönd
höfug eiri
lofðungs lagi
lèt af hrundit;
gekk hjálm gegn um,
ok í gegn um haus;
blandaðist heili
blóði inni.

48. Vág hann þar ver,
er hann vaða hugðist
fram at fólkvígi;
ffra eptir skildi
allvaldr alþjóðar
Agamemnon,
þá er ljómandi
lofðunga brynjur
sær á brjóst hafði
hilmir látið.

49. Óð at Isusi

ok Antífusi;
vildi vísir
vega báða;
váru burir Brjáms,
var borinn annarr
í hjúnskap hilmí,
en hinn á laun.

50. Óku báðir
einni kerru;
hèlt jótaumum
óskilgetinn;
en Antífus
inn ágæti
hjástöðu-maðr
at hildi var.

51. Þá hafði eitt sinn
Akkilleifr
vera bundit
vífðitágum
á Íðu-fjalls
efstum hálsu,
þá er seggir tveir
sauða gættu;
gaf þeim lausn lofðánger
fyrir ljósa málma.

52. Laust þá víðlendr
vísir þjóða,
Agamemnon
Atreísa niðr:
annan at geirvörtu,
geiri hvössum
bragníng lagði
í bríngu felgan.

53. En Antífus
at eyra hjó,
ok kastaði
af kerru ofan;
hljóp þá til
ok hali báða

ρ. XI, 101-121.

fögrum vápnum
fletta reði.

54. Þekkti þeingils jóð
þjóðkonúnger;
hafði fyrr um sæð
hjá flaustum skjótum,
er ógn um frá
Akkilleifr
flutti öðlinga
af Íðu-leitum.

55. Í líking þá.
er it óarga dýr
hindarkálfa
hægla bítr
ginnstyrkum, grimmum
góma klettum,
ok lífi þeirra
lætr farit.

56. En þótt móðir
mjök sè nærri,
má hún samt eigi
af mætti sínum
hjálp þeim færa,
þótt í helju sè.

57. Því megn skjálfti
móður sjálfa
þegar þrífr;
þýtr óðsliga
um laufrunna
ok lundi þetta;
skyndir ok skyndir
skelfíng um sveitt
undan áhlaupi
óarga dýrs:

58. Svá máttu eigi
ýtar Tróju
öðlingum forða
við aldrjóni;
flýðu sjálfir

fölvis reynar
fyrir Argverjum
óttaslegnir.

59. Náði þá ítr
Agamemnon
Písander, ok herglöðum
Hippolokkus;
váru iðkæns arfar
Antímakkuss,
þess er auð of þá
at Alexandri.

60. Þat váru alfagrir
ægis logar;
hann mest móti stóð,
at Menelás
ítra Helenu
aptr feingi.

61. Tók arfa hans
Agamemnon,
vegs um valdr
vísir þjóða;
óku báðir
einni kerru;
hældu saman
hestum skjótum.

62. Hrukku taumar
úr höndum þeim
glæsiligir,
gerðir hagla;
urðu ýtar
óttaslegnir;
en Atreífs arfi
sem óarga dýr
móti báðum
beimum ræðist.

63. Kruptu í kerru
á knè báðir,
báðu Atreífs
arfa frægan:

ρ. XI, 121-142.

64. „Gef okkr líf,
lofðungur frægr;
muntu ljósa þiggja
lausnar-málma;
er auðr í sölum
Antímakkuss,
fjöld fagrmálma,
föður okkars“.

65. Er þar gulls gnótt
ok glóráutt eir,
ísarn eljanþrátt
it iðseiga;
þess mun ái okkarr
ógryn timer,
vísir, veita
fyrir veittum griðum,
ef hann okkr lífs
at lagar dýrum
spyrja getr
gumna akkneskra“.

66. Báðu svá báðir
blíðum orðum
buðlung ok grètu
gramir horskir;
en aptr heyrðu
öðlengi frá
orð in óblíðu,
eljansváru:

67. „Alls þit erut arfar
Antímakkuss,
döglings ins dólgekæna,
þess er dróttum ræði,
Menelás at drepa
á mannþingi Tróa,
er hann sendiför
með siklengi fór,
ítrum, iðfrægum
Odysseifi“.

68. „Þá skulut it nú

iðgjöld taka
fyrir rángsleitni
föður ykkars“.

69. Þat mælti vísir;
varpaði af kerru
Písander þegar
at premi storðar;
lagði spjóti
fyrir lofðungs brjóst,
en hann upp í lopt
til jarðar fëll.

70. Hljóp þá ofan
Hippolokkus;
vág hann jaðarr
á jörðu niðri;
hjó með hjörvi
hendr af guma;
hjó í sundr
háls inn mjúka.

71. Velti svá vísir
vegnum guma
sem sleggju-steini
í sveim gunnar;
lèt svá lofða
liggja fallna;
fór þángat fylkir,
er flestir saman
þyrptust þegnar
at þjóðvígum;
árnuðu aðrir
Akkverjar með.

72. Vágu þar fírar
fótgaungumenn,
þá er undan flýðu
fyr' ofrefli;
riddarar riddara
ræntu fjörvi;
stóð dust-stroka
at stjörnu sali

ρ. XI, 142-162.

upp af vígvelli,
er vekja gerðu
hófglymjandi
hreinat tauma.

73. Vág fíra fjöld
fránum málmi,
elti æ ok æ
Agamemnon,
vísir vöflendr,
vera flýjandi,
ok Argverja
eggja náði.

74. Sem eldr eyðandi
upp um kemr
óhöggnum í
eikar-runnum;
lætr hvirfilvindr
lostið báli
alla um
eikistofna;
falla runnar
frá rótum niðr
fyrir eldgangi
ógurlígun:

75. Eins mundu Tróar
fyrir tiggja hníga,
þá er undan flýðu
frægum arfa
Atreífs öðlíngs,
Agamemnoni.

76. En hnarreistir
hestar margir
runnu um herkvíar,
reiðar drógu;
skröltu tómum
Sköglar hvelum;
vantaði karska
kerrusveina.

77. Lágu þeir liðnir

22*

á láðvelli;
hlakkaði hræsvanr
yfir hroðnum ná;
glöddust gammar
af gunnroði
meirr en mætar
menja lindir.

78. En Herjasaðir
Hektori barg
undan iðskeytum
ok jarðdusti,
frá valfalli,
vöktum dreyra,
ok frá hildar gný
herjum-svárum.

79. En Atreifs arfi
eptir sókti;
eggjaði ákast
jöfurr Danáa;
en Brjáms þegnar
um þveran völl
fræknir þustu
at fíkjuhóli;
fóru fram hjá
fylkis aldins
Ílusar haugi,
öðlíngs Dardana.

80. Vildu bragnar
til borgar þjóta;
en Atreifs mögr
eptir fylgdi;
æpti æ ok æ,
en iðsvárar
váru dreyra drifnar
döglíngs hendr.

81. En er til Skæhliða
skatnar komu,
ok ætibjarkar

ρ. XI, 162-180.

Ægiskjalda,
þá námu staðar
stúfsvaldendr;
biðu hvárir öðrum
halir eptir.

82. En sumir enn
öðir flýðu
á naðvelli
sem nautahjarðir,
þær er ljón lætr
um lágnætti
hrakit vísðs vegar
um vallar grundu.

83. Er þá einhverjum
öxna þeirra
bani búinn;
en bráðvargr
einn grípr ginnsterkum
góma klettum;
brýtr háls bola
ok blóð drekkir,
ok iðrum öllum
í sik steypir.

84. Svá mundi Atreifs
arfi frægr,
vegs um valdr
vísir þjóða,
elta Brjáms beima,
ok bana vinna
ávallt öðlíngr
öptustum hveim.

85. Flýðu fyrðar
fylki grimman;
fællu flatir
af fólkreiðum,
ok á grúfu
grund föðmuðu,
fyrir ógnar æði
Atreifs niðja.

86. Fram ok aptr
fylkir dýði
grimmr gunnar flein
geystum móði;
en er skammt átti
öðlingr til
borgar, ok hárra
borgar múra,

87. Þá steig af himni
Herjafaðir;
leið á lindvarit
leiti Íðu;
hèlt þrumublossa
í þrúðmundum;
sendi sendi-dís
sjóli himna,
Íris, gyðju
gullvængjaða:

88. „Far þú, Íris
in iðja-skjóta,
flyt orð mín Hektori
herjum-frægum:
meðan sèr öðlingr
Agamemnon,
fylki fólkðjarfan
fúlvis þjóða,
er hann íram ferr
með frumherjum,
ok fylkingar
at foldu leggr“,

89. „Þá skyli Hektor
hörfu undan,
en ýta eggja
til orrustu,
fjandum móti
fólkum-djörfum,
at þeir ímunleik
uppi haldi“.

90. „En er verðr
ρ. XI, 180-200.

Agamemnon
fleini lagiðr
eðr fenju lostinn,
þá er fylkir
á fólkhvel stökkur,
þá mun ek Hektori
horskum veita,
ok at manndrápum
mildfing stoða“,

91. „Þar til er þeingill
at þóptustyrkum
ofan kemst
öldu hreinum,
ok sól sígr
sæl í ægi,
ok heilagt rökkr
of hauðr ferr“.

92. Mælti svá vísir
en in vindskjóta
var-at óhlýðin
Íris honum.
Sveif sendi-dís
af svölum tindum
Íðu-sjalls
til Ilíons borgar.

93. Fann hún Brjáms bur
ins böðvísa,
Hektor hróðsælan,
inn herjum-kunna;
stóð uppi fylkir
á fólkhveli,
vel naddaðri
naðels kerru.

94. Staðar nam gyðja
stilli nærri,
ok orðum þeima
ypa náði:

95. „Hektor, herfrægr
hróðmögr Brjáms!

jafn í ráðum
jöfri himna!
Sendi mik til þín
sjóli goða,
at ek flyttak þér
fyrirsögn hans:“

96. „Meðan þú, öðlingr,
sér Agamemnon,
fylki fólkðjarfan
fólvis þjóða,
er hann fram ferr
með frumherjum,
ok fylkingar
at foldu leggr,“

97. „Þá skaltu, hilmir,
hörfa undan,
en ýta eggja
til orrustu
fjandum móti
fólkum-djörfum,
at þeir ímunleik
uppi haldi“.

98. „En er verður
Agamemnon
fleini lagiðr
eðr fenju lostinn,
þá er fylkir
á fólkhvel stökkr,
þá mun hann þér,
þeingill veita,
ok at manndrápum
mjök þik stóða“,

99. „Þar til er þú
at þóptustyrkum
ofan kemst
öldu hreinum,
ok sól sígr
sæl í ægi,
ok heilagt rökkir

p. XI, 200-219.

of hauðr ferr“.

100. Mælti svá Íris
in iðja-skjóta,
ok brantu sveif
frá buðlúngi.
Stökk þegar stillir
á storðar þröm
af hveldri reið
í herklæðum.

101. Veifði vísir
vigrum hvössum;
óð ægiliga
um allan her;
eggjaði ýta
at eimnis leiki,
valglaum váligan
vekja náði.

102. Snèrust þá skjótt við
sveitir Tróa,
ok við Akkverjum
öndverðar stóðu,
en Akkverjar
ýtum móti
fylkingar remmdu
fólkum-djarfar.

103. Festist orrusta,
er firar stóðu
öndverðir beggja
böðvar-sveima;
óð fremstr öðlíngr
Agamemnon,
vildi fyrstr vera
at vígleikum.

104. Segit nú, svásar, mér,
saungva dísir,
þér er Ólýmps byggit
aðalsali:
hverr fyrstr gekk

fylki móti
Agamemnoni
Atreífs niðja?
Var þat af Tróum?
Var þat af liðsmönnum?

105. Þat var Íssídamant
Antenors son,
hraustr ok mikill
hildar skati,
sá er í Þrakíu
þrúðblómgaðri
upp um ólst,
eiðu sauða.

106. Kísses hann ól
at auðsölum,
meðan úngur var
ítr gumi;
sá var mildíngs
móðurfaðir,
ái þekkríðrar
þeanoðar.

107. En er frumvaxta
var fylkir vorðinn,
alskrýddr iðljósum
æsku blóma,
þá hæld hilmir
hjá sèr guma,
gaf honum dýra
dóttur sína.

108. En er kvángast
kappi hafði,
þá hann of för
frétti Argverja;
fór buðlúngur
úr brúðar sal;
hafði flaust tólf
til herfarar.

109. Læt jafnbyrðar
eptir gnoðir
ρ. XI, 219-240.

at Perkótu
þrúðr skati;
fór sótgangandi
fylkir sjálfr
iðja-ramrar til
Ilíons borgar.

110. Gekk hann mót alfrægum
Atreífs megi,
allvaldi alþjóðar,
Agamemnoni.

111. En er nær geingust
næðels boðar,
þá missti lags
mögr Atreífs;
gekk geirr stinnr
fyrir guma utan;
en ólmr lagði
Íssídamant
í bryngyrðil,
fyrir brynju neðan,
ok lagi fylgdi
fast með mundu.

112. Gekk-a þó geirr
gegn um brynbelti
fylkis frøgs
it fólkum-kvika;
bognaði broddr,
sem blý væri,
þá er sólfagrs
silfrs kenndi.

113. Tók geir tiggí
traustri mundu,
allvaldr alþjóðar
Agamemnon;
dró til sín döglingr
darr af skata,
var drifinn dólgmóði,
sem dýr it óarga.

114. Dró döglingr

darr úr hendi,
 hjó á háls
 hilmi fræknum;
 skall at grundu
 skarar klettr;
 sè mækis mók
 fyrir mildsings augu.

115. Hneig þar fyrir vísi
 vesall gumi,
 er hann Brjáms
 borg nam stöð,
 allfjarri ágætri
 eiginrúnu;
 hafði nè unað
 af horsku sprundi,
 þótt henni meiðma
 mjök um gæfi.

116. Henni gaf hundrað fyrst
 hilmir nauta,
 hèt síðarr þúsund
 sauða ok geita;
 átti fjárljarðir
 fylkir stórar.

117. Fletti hann hervápnum
 hilmir þar
 Agamemnon,
 Atreifs niðr;
 bar böðvar sknúð
 it bjartfáða
 inn í Akkverja
 ímunsveima.

118. Leit þá Kóon
 lýðum-frægr,
 Antenors arfi
 eldri getinn,
 fyrir vísi váligum
 veginn blóða,
 ok fallinn frænda
 á foldar þröm.

ρ. XI, 240-259.

119. Dró harma ský
 fyrir döglsings augu,
 er hann liðinn leit
 ljúfan sifa;
 stóð með darr
 at döglsings hlið,
 Agamemnons;
 vissi-t öðlingr.

120. Lagði hilmi hann
 í handlegg miðjan,
 fyrir olnboga
 fylkis neðan;
 gekk geirs oddr
 gegn um vöðva;
 hvarf hvass út
 um hlið aðra.

121. Skelfdist þá alfrægr
 Agamemnon,
 vegs um valdr
 vísir þjóða;
 hætti þó eigi
 hildar starfi,
 nè upp gafst
 at ímunleiki.

122. Óð at Kóoni
 æstum móði;
 hafði vindstæltan
 vigr í hendi;
 dró þá Kóon
 kæran blóða,
 sifa samfeðra,
 í sigglaumi.

123. Hèlt í fylkis fót,
 ok fram ruddist;
 hèt á hraustasta
 til hjálpar sèr;
 en er hann döglsing
 dró í sveimi

baugnöfuðum

baugi undir:

124. Þá hjó hann öðlíngr

Agamemnon,

lèt lèmagna

limu gerða;

hjó eirvigri

höfuð af skata,

ofan á ágætum

Ífídamant.

125. Biðu svá bana

burir Antenors

fyrir öðlíngi

Atreifi bornum;

svifu valfallnir

vísar þannig

heldimma niðr á

Hadesar grund.

126. Óð ná öðlíngr

Agamemnon

gegn um gjörvallar

gumna sveitir;

vigri veifaði,

vitni dýði,

stórum vápnsteinum

stillir varpaði.

127. Þat framdi þeingill,

meðan þusti dreyri

ok varmr úr váligri

veltist undu;

en er sárs storkna.

sveiti náði,

ok blóðrás

bægjast mundi,

þá Atreifs arfi

eljansvárra

sárverkja kenndi,

er sefa stúngu.

128. Eins ok jóðsjúk

ρ. XI, 259-278.

armbaugs þella

skelfíngar sárra

skeyta kennir,

þau er hvöss láta

Lausnar-gyðjur

hrund of sent,

þærs hríðir vekja.

129. Þær eru himneskrar

Heru dætur;

valda jóðhríðum,

verki um færa:

eins Atreifs arfi

eljansvárra

sárverkja kenndi,

er sefa stúngu.

130. Stökk þá fylkir

á fólkreið upp,

ok fremst of bauð

fólkhvels stýri,

til húðhveldra

hrannar gota

niðr aka

frá naðeli.

131. Því þungi seig

á þeingils hjarta;

kallaði þá hávum

konúngs rómi,

svá at Danáar

til döglíngs heyrðu:

132. „Heyrit, Argverja

jöfrar snjallir,

fólkstjórar frægir,

ok fyrirliðar!

verjit nú haffæra

hrannar gota

fyrir feiknæði

sjanda várra;

því at ráðvís ræsir

ragna mèr

leyfir-a þarr dýja
of dag gerstan“.

133. Mælti svá konúgr;
en kerrustýrir
á fram keyrði
jóa faxprúða;
hèlt at húðhvældum
hrannar gotum;
flugu viljugir
fákar skjótir.

134. Freyddu flugsveita
firinbríngur;
sveipuðust sandryki
sleipna sætr,
þá er þyrjandi
þeingil sáran
dröslar drógu
frá dunum sverða.

135. En er Hektor
herfrægr sá
fylki farinn
or sólkvíggum,
þá Tróa til
tiggja kallaði
ok Lýkíumanna
lýðum-frægr:

136. „Tróar ok Lýkverjar,
líðar snjallir;
ok Dardanar, horskir
í höggorrustu!
Verit vaskir nú,
vígmóð drýgit;
beitið böðsvárum
berserksmóði!“

137. „Farinn er fylkir
fræknastr á brautu;
hefir Seifr mæ
svásan gefit,

ρ. XI, 278-297.

Kronusar arfi,
kynja-heiðr“.

138. „Hleypit nú jóma
einhæðum fram
móti Danáum
meginhraustum,
at èr enn meiri
öðlazt getið
frægd ok frama
af sólkvíggum“.

139. Mælti svá mildíngur,
móð nam at drýggja
hverjum hal
ok hugrekki.

140. Sem veiðimaðr
vaskr lætr
hundum hvíttentum
á hrinni att,
gríman dólgr dróttar,
eðr dýr it óarga:

141. Eins nam Hektor
etja Tróum,
Brjáms burr,
böðvarmóðgum
Akkverjum móti;
var mannskæðum
Aresi glíkr
öðlíngur þá.

142. Gekk sjálfr gramr
í gunnar móði,
fremstr feiknefdr
síra hverra;
geysaði geigvænum
at gylm sverða,
eins ok vindbylr
vilgi hægr
fellr á feikindimma
fjarðar báru,

ok upp æsir

Ægis brúðir.

143. Hvern drap þar Hektor,
hróðmögr Þrjáms,
fyrstan ok fremstan
með fólkhjóðum?
Hvern vág hann hinnstan,
er honum heiðr veitti
sjóli sigtíva
at sverða glaumi?

144. Vág fyrst Áseif
aldar skati,
Átonóus
ok Opftes;
Dólops, kon
Klýtíusar;
Agelás
ok Ofeltíus.

145. Esýmnus ok Órus
öðlíngr vág,
ok Hipponóus
inn herjum-glaða.
Felldi Danáa
döglínga þá
sjóli, en síðan
ræðst á sveitmúga.

146. Sem brautu veltir
vestanstormr
skýjum snæhvítum
sunnan-anda,
ok megnat móti
mökkum rekr
ofsa-veðr
ok vindbyli;

147. Veltist þá alda
öðum fjölda
dimm ok digr,
en driptfroða
sveiphörðum stormi
ρ. XI, 298-318.

svífr undan,
fýkr feiknbarin
firinbrautir:

148. Eins hrundu hrönnum
at hauðrs þremi
skarar fjöll
fyrir skata brandi.

149. Hefði þar eymdir
ægar risit,
ok bóðlaust böll
brögnum vorðit,
hefðu þar Akkverjar
undan flúit
húshveldum at
hrannar dýrum,
ef eigi hefði
Odysseifr
kallat til dáðrakks
Díómedess:

150. „Hví vèr, Týðeifsson
tiginn, gleytum
böðvi brimþrúngnum
berserksmóði?
Hverf hinnig, kæri,
ok at hlið mætt statt;
mun oss árnæli
illt um skapast,
ef Hektor nær
hrannar gotum“.

151. Aptr annsaði
orðum sjóla
Díómedes
inn dáðum-rakki:
„Hèr vil ek bóða,
hèr vil ek dvelja;
mun oss skemmtun skömm
at skálmarr dyn,
er sjóli svartskýja

Seifr veitir
Trójumönnum afl
oss um framarr“.

152. Mælti svá lofðúngr;
lagði vigri
á Þýmbreusi,
þeingli hraustum;
kom í geirvörtu
grams ina vinstri;
steypiti honum stillir
tíl storðar af kerru.

153. En Odysseifr
öðlíngs þess
kerrusvein
knár nam vega;
þat var Molfon,
mætr halr.

154. Gerðu gramir þá
garpa óviga;
lētu á láðvelli
liggja síðan;
geingu gunntamir
í glym sverða,
svá sem geltir tveir,
er á garma veiða
ólmir ráðast
æstum móði.

155. Eins snèrust sigprúðir
siklíngar við,
ok Brjáms beimum
bana unnu.
En Akkverjar
undan Hektori
frömum flýjandi
fegnir urðu,
er þeir mæði
máttu varpa.

156. Tók þar dáðrakkr
Díómedes

ρ. XI, 318-337.

ok Odysseifr
eina kerru,
ok í kerru
kappa fræga,
bragna bezta
með böðþjóðum;
þat váru mærir
Merops arfar,
Perkótu frá,
ins prúðlundaða.

157. Var Merops
moldbúanda
gæddr allra mest
mærrí spávísi;
nè niflúngr
niðum leyfði
at morðsvárum gánga
mækis leiki.

158. En þeir hilmí
hlýða gerðu-t,
hèldu heldr at
hjörva dunum;
því feigðar nornir
ferligar knúðu
hildínga horska
á heljar þröm.

159. Þá Týdeífs arfi
tírsþjótvaldr
fólkskrúði fletti,
ok fjörvi rænti.
En Hippódamus
ok Hýperokkus
Odysseifr drap
inn ítrráði.

160. Leit nú lofðúngr
lýða ok tíva,
Kronusar arfi,
af Íðu tindi;
lèt víg jöfn

með virðum búin,
drápu þá hvárir
dreingir aðra.

161. Þá lagði týfrainr
Týdeifs arfi,
Agastrófus
arfa Peons
mæran, málmtaman
í mjöðm darri;
nè málfetar
mildíngs várn
nær, at forðast
fylkir knætti.

162. Þat var verk váligt,
ok vilgi tryggt
glappaverk guma
af glópsku framit,
er sveinn fylkis
fáka geymdi
lángt frá lýðmorði
láðvelli á.

163. Þá nam öðlíngr
ólmr þjóta,
fótum frá beitti
of frumherja,
uns illr sè
aldrtila
deyjanda dúr
fyrir dögíngs augu.

164. En Hektor hjálmkvíkr
at herflokum
skjótt mundi skynja
skata grimma;
hljóp mót hildíngum,
hátt kallaði,
fylgdu fylki
flokkar Tróa.

165. Skelfdist þá dögíngr
Díómedes
p. XI, 337-355.

inn málrórmsterki,
er hann mildíng leit;
kvaddi þá orðum
Odysseif

nærri standanda
naðels boði:

166. „Veðr þar vágestr,
Víga-Hektor,
okkr móti
aukinn remi;
skulum nú standa,
stillis bíða,
vágíngum verjast
vísi þeima“.

167. Þat mælti lofðúngur
ok laungu darri
vígtrylldr veifði,
varpaði af hendi;
hæfði skati,
nè skeika mundi,
rètt á ræsis
reikar stalla.

168. Kom í öðlíngr hjálm
ofanverðan;
hrökk eir af eiri,
æva festist,
nè í sagrt fló
fylkis hörund.

169. Því hjálmr hlífði
horúnn földum
þrem þrúðhvelðr,
þann er veitt hafði
Febus fylki
fyrir Apollon.

170. En Hektor aptr
hlaupa náði
frár feikna-lángt,
flokum blændst;
fèll á knè fylkir,

studdi fold mundu;
dró nótt ok nið
fyrir niðlúngs augu.

171. En meðan týframar
Týdeifs niðr
hljóp eptir fleini
í fold soknum,
fór of frumherja,
þars flogit hafði
darr dynvarpat
úr dögling's mundu:

172. Þá nam af höfga
Hektor rísa,
ok á rómu reið
ramr stökkva;
hleypti í herflokka,
ok herfrægr
brauzt undan blakkfjallri
Bana-gyðju.

173. En Díoómedes
inn darrstyrki
á fram óð með flein,
orð um mælti:

174. „Hefir þú nú aptr,
hundr, flúit
napran nýðdauda,
þótt þér nær veri!
En nú hefir þér
hjálp of veitta
Febus Apollon,
örva drottinn“.

175. „Muntu á milding
máttigan þann
vanr at heita
at vigra dunaín;
skal ek þó sfoan
þik sefa ræna,
ef ek, hilmir, þik
hitta náí“.

ρ. XI, 355-376.

176. „Því at víst vænti-k,
at verði nokkurr
tíva til
mér tignar unna;
nú mun ek árna
ðörum móti,
hvern sem ek hölda
hitta náí“.

177. Mælti hann svá;
ok málmfrægan
Peons nið fletti
fólka skrúði.
En Aléxander,
ítr bóndi
Helenu haddfagarar
hrunda prýði:

178. Hann boga benda
bjúgan náði
Týdeifs arfa mót,
tiggja þjóða.
Stóð upp við súlu
á stillis haugi,
þann er drótt of hlóð
Dardanúngi
Ílusi áðr,
öldnum grami.

179. Dró hann upp dal;
en Díoómedes
brynju af brjósti
böðkvika tók
Agastrosuss
ins iðrama,
skjöld af herðum,
ok hjálm styrkan.

180. Lét Brjáms niðr
bogarífi
snarlíga snúit
svárum móði;
né hremsa hvarf

úr hilmis mundu
afli afrenndri
til ónýtis.

181. Gekk gögnflaug
í grams ristu
á ilja trè
öðlíngs hægra;
hljóp hvatt gegn um
ok í handri stöð.

182. Hló þá dátt döglingr,
ok úr dólgyfsgeni
fram nam at seta
fljótu stigi;
hrósaði happi,
hróðigr mælti
mildíng mæran við
af munnri orð:

183. „Lostinn ertu nú;
leið-at hremsa
ónýt af álmi;
en ek æskja mundak,
attu lostinn
í lægstan nára
látizt hefðir,
ok lífi týnt“.

184. „Þat mundi ramar
hafa raunir lætt
Trójumanna
týfakvaldra;
þeir þik óttast,
sem óarga dýr
hræðast kumrandi
kiðlínga mæðr“.

185. Nè þá skelfdist
skati ramr
Týdeifs arfi,
en orð um kvað:

186. „Bogsveigr blaðr,
brakmálgastr,

ρ. XI, 376-395.

hornum hlóandi
hrunda glópr!
ef þú mèt á mót
málma reyndir,
dyggði-a þær álmr
nè örvar tíðar“.

187. „En þú, halr, nú
hróðigr geipar,
er þú skeindir mik
á skúa hlyni;
hirði-k þat eigi,
var sem hringa selja
beysti mik,
eðr barn óvita;
því at aflvani
er oddr sendr
vettugis verðu
af vesalmenni“.

188. „Öðruvís er þat,
er ek öru senda,
ok þótt lítið eitt
ljósta nái;
hvöss verðr hremsa,
ok of hjarta dregr
lostins guma
grímu danða“.

189. „En hans víf
fyrir veslum harmi
bleikar ber
ok blóðgar kinnar;
þá eru svipt
sínnum föður
börn mállítil
munaðarlaus“.

190. „En hann fúnar
á foldar þremi,
ok storð rýðr
rauðum dreyra;
fleiri eru vargar

of fölván ná,
en konur kinnfagarar
kappa at gráta“.

191. Mælti hann svá;
en til mildíngs gekk
iðfrægr, ágætr
Odysseifr;
stóð frammi fyrir
fylki sárum;
en at baki
buðlúngs settist
dæðmögur Týdeífa,
Díómedes.

192. Dró Odysseifr
öru skjóta
fæti úr
fólkvaldanda;
en sársauki
svárr nam rísa,
ok hold hilmis
hrífa gerva.

193. Stökk stórráðr
stillir á reið,
ok knáum bauð
kerrusveini
halda til hveldra
hrannar dýra,
því í brjósti bjó
ballr harmr.

194. Var nú iðfrægr
Odysseifr
einn eptir orðinn,
ok eingi beið
Akkverja ítrum
hjá öðlengi,
því at ótti hafði
alla hrist.

195. Stundi þá stillir
ρ. XI, 395-413.

styrkr, ok sína
öndu hugstóra
ávarpaði:

196. „Áví, hvat man nú
um mik verða!
illt er ok ósætt,
ef ek undan flý
fældr af fjölda;
en fremst of verra,
ef mér einum ná
óvinir hér“.

197. „Hefir því Kronusson
hinum snúið
dýrstr á flótta
Danáa þjóðum.
En hví mér þetta
í hugar fylgsnum
hvarfla gerir
á hliðar ýmsar?“

198. „Veit ek þó víst,
at veslir einir
fólk um flýja
frægðarlausir;
en sá, er hreysti
at hildi neytir,
styrkr ok stöðigr
standa hlýtr,
hvárt sem sár bífir,
eðr sár um veitir“.

199. Meðan breiðði í hug
ok hjarta prúðu
hugsun þessi
horskr skati,
komu skálmramir
skjaldar hlynir
Tróa at tiggja
tíráfrömum;
hríng um slógu
hilmi kríngdu,

höfðu milli sín
meginfjanda.

200. Sem þá er úngir
árar veiða
ok garmar of gölt
grimman þjóta,
er hann út úr þrammar
þéttum runna;
brýnir snæhvíta
brodda góma
í skábeygðum
skolti sínum.

201. En gölt kríng um
gerst þeir æða;
heyrast þá skellir
af hrinnis tönnum;
en þeir æ ok æ
allir hika;
válligr valbassi
virða skelfir.

202. Þannig þutu
þegnar Tróju
kríng um Odysseif,
Allföður vin;
en hann fyrst til hljóp,
ok hörðum vigri
dæðrakkan særði
Deíópites,
kom lag á öxl
ofanverða;
vág þóon á eptir
ok Ennómus.

203. Knýði sðan
Kersídamant,
er hann ofan hljóp
af herkerru;
lagði und böðskýli
baugnafaðan;

kom lag í kvið
kappa mærum.

204. Föll þar gumi.
ok foldar svörð
liðinn lófa greip;
en lofðúngur
lèt þá eptir
liggja fallna,
ok kesju lagði
á Karopi
Hippasus-syni,
horskum blóða
Sókuss, ættgöfugs
eimnis reynis.

205. Þá kom at Sókus,
sigtívum glíkr,
vildi helzt hjálpa
horskum blóða;
nærri standandi
nifúngi þá
orðum yppti
ullr branda:

206. „Lofsæll öðlíngr
Odysseifr,
meginþrautgöðr,
margráðigr!
annathvært skaltu,
skati, í dag
hróðigr herma,
at hafir vegit
Hippasuss slíka
hróðmegi tvá,
ok þá vápnum flett
at foldu lagða“.

207. „Eðr ok lagðr
lensu minni
muntu illan bíða
aldrtila“.

208. Mælti hann svá,

ok í mildíngs lagði
hlíf hugdjarfr,
hringborðsjafna;
gekk geirr stinnr
gegn um törgu
eiri efíða,
ítrfáða;
brauzt gegn um brynju
bragníngs fagra,
hagliga gerva,
herfleins oddr.

209. Flettu fleins
af fylkis síðu
holdi hvervetna
harðar eggjar;
nè þó prúðmáttig
Pallas Aþena
oddi leyfði
iðrum at granda.

210. Skildi þá iðfrægr
Odysseifr,
at sèr ei bani
þá búinn var;
hopaði aptr,
ok horskan kvaddi
Sókus öðlíngr
orðum þeima:

211. „Heyr, vesall verr,
víst er þær nú
bani bráðr
búinn hæðra.

- Hefir þú at vísu
mik heptan látið
töru frá
gegn Tróju lýðum“.

212. „Víst muntu, döglingr,
á degi þeima
aldrtila
illan bíða,

ρ. XI, 434-452.

ok dauða dís
dökkva faðma
líðinn ok lagðr
lensu minni“.

213. „Mér mantu háva
herfrægd veita,
vísir, veginn
vigri mínum;
en öndu þína
mantu, öðlíngr,
Hadesi gefa
inum hestfræga“.

214. Mælti svá öðlíngr;
en aptr snèri
Sókus á flóttu
undan fárþjóði:
laust hann lofðúng
laungum fleini,
er hann snúa ræð
undan siklíngi;
hljóp darr flogit
herða milli,
ok út um aptr
öðlíngs bríngu.

215. Fæll dólgr niðr;
fold við dundi;
hrósaði ágætr
hilmir sigri
Odysseifr,
ok orð um kvað:

216. „Sókus, hróðmög
ins herkuena
Hippasuss, ráðvalds
reiðarbríma,
fyr nam þik endimark
aldrtila,
en þú flúit þat
fremst um gætir“.

217. „Vesall, hjörveginn

Heljar sinni!
mun-at faðir þinn
nè móðir lykja
augum þínum
at efstum degi“.

218. „Heldr man hráset
hræfugla fjöld
dauðan þik draga
á dýra sævi;
þeir munu þöttum
þinn í kring um
vængjum veifa
valfallinn ná“.

219. „En er ek sjálfr
aldrtila
bíða fæ
at fjörvi liðnu,
þá munu Akkear
útför mína
háleitum Heljar
heiðri sæma“.

220. Svá mælti sjóli;
ok Sókuss þegar
dör dynstinnan
ins dólgrísa
út úr holdi
heimta náði,
ok úr böðskýli
baugnöfudum.

221. En er vigr
út var dreginn,
dundi fram dreyri,
hryggðist döglingr;
en þá er Tróar
tírhugaðir
und litu fossa
Odysseifi:

222. Þá allir öðlingi
æddu móti;

ρ. XI, 452-470.

æptust at allir
smun at drýgja;
en aptr á bak
Odysseifr
væk, ok kallaði
á knísa sína.

223. Kallaði þrúvegis
þeingill frægr,
svá sem hljóð kunni
höfuð at fanga;
heyrði þrúvegis
hilmi kallanda
Menelás, ástvinr
orrustu-guðs.

224. Mælti þá Menelás
málrómsterkr
við nýtan Aiant,
er í námunda stóð:

225. „Aiant, seifborinn
sjóli þjóða,
týframr, tírvaldr
Telamons arfi!
bar mæ at hlustum
hljóð frá skata,
þrautgóðum, iðfrægum
Odysseifi“.

226. „Var ræsis
rödd at heyra,
sem einan sær
hefðu af kvíat
Tróar at hörðum
tyrfings leiki,
ok atsókn harða
gerðu öðlingi“.

227. „Skulum nú árna
at sköfnúngs þjóðum,
því at betra man
beimi at duga;
óttast ek,

at eitthvat verði
þeingli þúngt
þannig einum;
hraustr er hilmir,
hygg ek, at sakni
döglíngs Danáar,
ef fyr' dólguum hnígr“.

228. Innti svá öðlíngr,
ok á undan gekk;
en goðum glíkr
guini fylgdi;
hittu Odysseif,
Allföður vin;
stóðu Tróverjar
tiggja kríng um.

229. Sóktu at ræsi,
sem refbræðr
rauðir at sækja
á riðum bjarga
hirti hyrndum,
þann er hefir særðan
beimr bösl
af boga sendri.

230. Hefir hjörtr
hal um flúit
fótum frám
yfir foldar þröm,
meðan durapró
dreyri vermir,
ok limir hreifast
at hlaupi mega.

231. En er skjót ör
hefir eikþyrni
á knè komit
ok knúð at falli,
þá hrætir
rífa hvervetna
refbræðr hann
á reginfjöllum,

ρ. XI, 470-487.

í meiða
myrkum runna.

232. Vísar þá þinnig
væa nokkurr
dýri óarga
dreyra-gráðigu;
stökkva þá refbræðr
stórum hræddir
vegu víða,
tekr vargr bráð.

233. Eins mundu Tróar
at tiggja sækja,
margir ok magnstyrkir
mímúngs reynar;
sóktu at ágætum
Odysseifi,
þeingli morðkænum
margráðigum.

234. En knár kappi
knátti æða,
ok dag efstan
draga mundi;
veifaði vigri
vísir í mundu;
bægði illum frá
aldrtila.

235. At gekk þá Aiant
inn ógnrami,
hafði törgu,
sem turn væri;
nam til hliðar
hilmir staðar,
en fjandr víðs vegar
flýja náðu.

236. Leiddi þá Odysseif
lofðúngur mærr
Menelás, vinr
mímúngs tíva;
leiddi úr fjölda,

hælt í lofðungs hendi,
þar til þegn rak
þángat jóa.

237. Óð nú Aiant
at ýtum Tróju;
vág Doryklus,
döglíngi Brjámi
alinn arfa
óskilgetinn.

238. Hjó síðan Pandokus,
prúðan skata,
Lýsander, Pýrasus
ok Pýlartes.

239. Sem þá bjargstraumur
bakkafullr,
æstr Allföður
uppheims skúrum,
reginhám
af riðum fjalla
til slèttlendia
svífa náir.

240. Flytr allmargar
eikr þurrar,
ok tyrvittrjám
traustum veldr;
flytr leir blautan,
úr bjöð ausinn,
hart at hyldjúpum
humra leiðum:

241. Eins mundi Aiant
ítrfrægr
of allan völl
ólmr þjóta;
tvístraði týframr
töru sveitum;
hesta hjó
ok hali sundr.

242. Nè þat hjálmkvíkr
p. XI, 488-508.

Hektor vissi;
en hann eggjar blár
bera knátti
vinstra megin
at vígum öllum,
skrúðgrænum bökkum
Skamandrs á.

243. Þars flestir fèllu
at fólkröði,
ok alda óp
óvæg glumdu
niflung naðstyrkan
Nestor kring um,
ok ímunkænan
Ídomeneif,

244. Þar gekk Hektor
at herleiki;
firinverk framdi
at fólkpíngi;
fleini veifði,
fáka neytti,
rauf fylkingar
rekka knárra.

245. Hefðu þó eigi
Akkverjar þar
stöðu breytt,
nè styrkir hopat,
ef at elgi
Alexander,
haddfagrar Helenu
horskr bóndi,
hefði Makáoni
meinat víga,
þar er hart fram gekk
hölda stýrir.

246. Skaut hann þríyddri
at skata hremsu,
í öxl hægri;
en hugum-stóra

Akkverja ótti
allmikill greip,
at Tróverjar
á tiggja ynnu,
ef hildr á hali
hallast tæki.

247. Mælti þá ágætr
Ídomeneifr
niflúng Nestor
naðkænan við:

248. „Nestor, nýtr
Neleifs arfi,
Akkverja allra
ítr sómi!
stíg á reið þína,
ræsir, ok lát
Makáon mæran
með þér fara“.

249. „Jóm einhæfðum
til öldu-hreina
haltu, hilmir,
it hvatligasta;
því at læknir
lofða margra
ígildi er,
ok öðrum veitir“.

250. Mælti hann svá;
en mildíngi hlýddi
Nestor, gerenskr
gramr reiðar.
Fór með mildíngi
Makáon frægr,
ágætr læknis burr
Asklepiuss.

251. Snart hann svipu
silfrtöppa;
fluggu ólatir
eldar reiðar
húshveldum at

ρ. XI, 508-531.

hrannar gotum,
vildu því þangat
þreyta fúsir.

252. Sá nú karskr
Kebríones,
sá er á hveli stóð
at Hektori,
sá at Brjáms fírar
felmtir gátu;
mælti þá við mildíng,
máli hreiðdi:

253. „Hèr stöndum vit, Hektor,
ok hildi drýgjum
Danáum móti;
erum at dólgi yztu;
en aðrir riðlast
ýtar Tróju;
fákar ok fyrðar
flæktir hvarfla“.

254. „Eltir þá Alant,
arfi Telamons;
kenni-k vel kappa
kynjaraman:
hefir á herðum
hlæbarð víðan“.

255. „Skulum nú skinföxum
skeiðfrám halda,
ok herkerrum
at hjörva glym,
þar er fákvaldar
ok fótgaungumenn
illan æsa
ófriðar gný,
þar er þeir vegast,
ok víga-stunur
hæstar hvarfla
at himni víðum“.

256. Mælti hann svá,

ok málfeta
 einhæfða snjallri
 svipu beysti;
 heyrðu hástigar
 hvin ríðanda:
 knýðu hvatliga
 kerru skjóta
 Akkverja til
 ok ýta Tróju.

257. Tráðu nái
 ok törgur víðar;
 varð hvelmöndull
 undir herkerru
 hvervetna drifinn
 dreyra rauðum,
 ok kerru-bogar
 kríng um reiðarstól
 drifnir blóðdropum,
 þeim er drösla hófar
 hreyttu hátt í lopt,
 ok hjórandir.

258. Lángaði Hektor
 hölda meingi
 í at æða
 ok afli rjúfa;
 hleypti hergný
 hvumleiðum þá
 í Danáa svelt;
 þá var döglíngs vigri
 lítil hvíld lánuð
 at leiki trylldum.

259. Óð öðlingr
 annarra þá
 fram um fylkingar
 fölvís reyna:
 með grami ok með geiri
 gunntamr vág,
 ok með vápnsteinaum
 vilgi smáum;

p. XI, 531-554.

en fylkir forðaðist
 fölvi at reyna
 týframan Aiant við,
 Telamons arfa.

260. En Aianti
 öndugis-guð
 faðir Seifr
 á flótta snèri:
 stóð agndofa
 stillir, ok törgu
 sjöbyrðri varpaði
 sèr á herðar.

261. Gaut yfir garpa
 glóðum hvarma
 dýri glíkr,
 ok daufliga stè
 fótum fram,
 festi sjónir
 æ ok æ
 apr fyrir sik.

262. Eins ok dumbrautt
 dýr it óarga
 fjárhúsum frá
 fyrðar reka
 ásamt hundum,
 nè hrævargi
 feita fá
 frenju at rífa;
 en gersta grímu
 garpar vaka.

263. Girnist kjöt grimmr
 gneista fjandi;
 geingr fast at,
 gerir-a þó vinna,
 því at þèttar
 þjóta örvar
 hörðum höndum frá
 honum móti.

264. Ok brennandi

brandar fljúga;
þá hann helzt hræðist,
þótt haldsamr sè;
árnar þá brautu
at ári morguns
aptr ófreskja
í illum hug:

265. Eins mundi tiggja
frá Tróum gánga
Aiant týframr,
óviljugr;
var ángráðr
vísir frægr;
óttaðist fyr' gnoðum
Akkverja lýðs.

266. Var sem asni,
er á akrlendi
árnar, ok úngum
ofbýðr sveinum;
hafa lurkar margir
á letíngja þeim
brotnat börðum,
en hann brjótast náir
inn, ok allhávan
akr brýtr.

267. Lemja smásveinar
með lurkum hann;
er þó afl þeirra
fyr' æsku lítið;
mega varla
af veingi reka,
er hann mettr er
af mungresi:

268. Eins sóktu Tróar
tírargjarnir,
ok langt at leiddir
líðar þeirra
Aiant iðstóran,
arfa Telamons:

ρ. XI, 554-574.

fylgdu æ ok æ,
ok fleinum lögðu
í skæran skjöld
skjöldúngs miðjan.

269. En ýmist Aiant
á afli tók,
bölgjarnra berserkja
ballum móði:
aptr snèri,
ávallt hepti
fylkingar Tróa
týfákvaldra.

270. Ýmist feiknramr
á flóttu snèri;
en alla hepta
öðlíngr nam,
at þeir ei skjótum
at skipum niðr
halda knætti,
hart þeim at eyða.

271. Sjálfr stóð í miðjum
mímúngs sveimum
hamramr hilmir,
ok hamast náði;
stóð at miðju
milli Tróa
ok Akkverja
eirserkjadra.

272. Hörðum höndum frá
þutu herfleinar;
þutu á fram æ,
ok í öðlíngs festust
víðum viðbleikni,
en vigra fjöld
flaug í foldar þröm,
fyr en knætti
hörund it hvíta
hverfa dreyra,

en þótt á grams holdi
girtist at sedjast.

273. En er varð þess varr.

vegs um frægr

Evrýpýlus

Evemons son,

at tíðum var

Telamons niðr

þraungvaðr skotum

at skjóma þingi,

274. Þá gekk ágætr

Aiants til,

ok flein sendi

firingljáan;

hæði Apsáon,

arfa Fásiuss,

fólka stýri

frægan næsta.

275. Kom skot í lifr

und skata þynd;

hnè örendr

hilmir þegar;

en Evrýpýlus

at nam hlaupa,

ok vápn fletti

af fylkis herðum.

276. En er þat sá

Alexander,

jöfurs arfi

jólum glíkr,

at hann af tók vápn

Apsáon,

þá nam hann boga

bjúgan draga

ágætum móti

Evrýpýlus.

277. Laust oddr lær

lofðungs hægra,

en gagnar reyrr

p. XI, 574-594.

gekk í sundr,

ok verk sáran

vekja náði

í særðu

siklíngr læri.

278. Hopaði þá hilmir

til hölda sinna,

ok fjörvi barg

fyrir Bana-gyðju.

Kallaði kappi,

knúði röddu,

svá at Danáar

dýrir heyrdú:

279. „Heyrit mèr, Argverja

jöfrar snjallir,

fólkstjórar frægir

ok fyrirliðar!

standit nú öndverðir

óvinum mót,

ok Aianti forðit

aldrtila,

því at á öðlíngi

örvar standa“.

280. „Hygg-at ek hilmir

hörðum munu

ógnum örlygi

undan stýra;

en standit nú

stilli kríng um

öndverðir, týframan

Telamons arfa“.

281. Mælti svá ágætr

Evrýpýlus,

siklíngr sárr;

en sverða reynar

nær geingu niflíngi,

námu at halda

skjöldum á hlið,

en sköptum á lopti.

282. Kom þá Aiant
ýtum móti;
snérist við síklíng,
er sinna knáa
hitta hafði
herjum-frægr.

283. Beittu böðþjóðir
bröndum þannig,
sem læki óðr æ
aldrnari.

284. Drógu frá böðvi
bitilhreinir
Neleifs nýtir
Nestor frægan
sveittir úr sóknhörðum
sverða glaumi;
drógu Makáon
mildfng þjóða.

285. Leit hann ógnhvatr
Akkilleifr;
stóð at stálahreins skut
ins stórhúfaða;
sá hann á sorgir,
sá á erfði,
sá hann á sókn
sollna harmi.

286. Kallaði frá knerri
kappi þegar
á Patróklus,
prúðlyndan vin;
en hann úr búð
til bragníngs heyrði;
gekk út, glíkr
gunnar tíva.

287. Upphaf var þat ógæfu
illrar skata;
mælti þá fyrri
Meníts niðr

ρ. XI, 594-616.

styrkr við stilli,
stillti ræðu:

288. „Hví þú, Akkilleifr,
á mik kallar?
hver er þér þörf mín,
þeingill frægr?“

289. Aptr annsaði
orðum vinar
fóthvatr öðlíng
Akkilleifr:

290. „Heyr mēr, inn mæti
Meníts arfi,
hjartkærr mēr
ok hugum-ljúfr;
hygg ek nú Akkverja
alla biðjandi
koma munu
at knjám mínum“.

291. „Því at nauðr nú
njóta rekr;
en far nú, Patróklus
inn prúðhjartaði,
Allsóður ástvinr,
ok eptir frètt
Nestor, hvern flytji
frá naðeli
böllu buðlúng
beystan skeyti“.

292. „Er á bak sjá
beimr líkr
mærum at öllu
Makáoni
Asklepíuss nið;
en ek eigi sák
ásjónu öðlíngs,
því at ákast runnu
fákar fram hjá mēr
fremst um skjótir“.

293. Svá mælti sjóli;

en sigprúðr
hlýddi Patróklus
hollvinar boði;
fór á stað þegar
at flaustum niðr,
ok herbúðum
Akkverja lýðs.

294. En er þeir Makáon
til magar Neleífs
búðar váru
brálla komnir:
stigu síklíngar
á stordar þröm,
mæran moldar svörð
meginfriðvan.

295. Leysti aldrænn
frá oki jóa
öðlíngs þjónn
Evrýmedon;
en vísar stóðu
í vindgolu
at báru jaðri,
ok blása létu
svita vaskir
af vátum klæðum.

296. Geingu böðvanir
í búð síðan
lofðúngar, ok settust
á legubekki.

297. En þeim haddfögr
Hekamedá
milskudrykk
meinga náði;
hafði hlotið
hilmir aldinn
Tenedus frá
tróðu hringa.

298. Þat var þann tíð,
ρ. XI, 616-634.

er þar herjaði
Akkilleífr
ítrfrægr;
hún var hugstórum
hilmir borin
Arsínóus;
en Akkverjar
Nestori gáfu
námdúks hñði
at afnámsfð,
því hann allra var
manna mestr
at meginráðum.

299. Setti hún fyrst
fyrir sjóla fram
bjóð bjartfagrt,
váru blár fætr,
ok slètt skafit
skutíls timbr.

300. Setti þá á bjóð
selja hringa
körf af eiri,
ok knapplauk í,
at hann döglingar
deila knætti
munveigum með
meginsætum.

301. Lèt bleikt hunáng
hrund því fylgja,
ok heilagt bygg,
hála malit.

302. Setti þar drykkjarker
drós mjök fagrt;
hafði þat heiman
hilmir aldinn;
þat var naddat
nöddum gullaum;
á váru ölkeri
eyru fjögur.

303. Á váru tvær dúfur
eyra hverju,
á hverri hlið,
af hrannar eldi;
en undir fagrir
váru fætr tveir.

304. Mátti óvalinn
álma sveigir
varla veiga skál
valda frá bjóði,
þá er fyllt var;
en fylkir aldinn
þrautlaust nam
þó upp taka.

305. Lèt í vínkeri
vínkers nanna
gyðjum glfk
góðan búinn
hræring af Pramna
prýðiveigum,
ok geitar-ost
í nam skafa
hrund með eirsköfu,
ok hvítu byggi
ógeðsfróa
yfir söri.

306. Þá bauð þekkilig
þeinglum at drekka,
er hún hræring þann
hafði til búit;
en er drekkandi
döglíngar höfðu
bægt brennanda
báðir þorsta,

307. Þá mál vöktu,
vel sèr skenmtu
annarr annan við,
unað festu.

308. En Patróklus
p. XI, 634-653.

prúðlundaðr
dífum dýrum jafn,
at dýrum stóð;
þá reis upp aldrænn
aldar skati
af fögrum stóli,
er hann frægan leit.

309. Tók í hetju hönd,
hann inn leiddi,
sæti bauð sigfrægum
sèr at velja;
en Patróklus
inn prúðlundaði
síns vegar synjaði,
svá nam at mæla:

310. „Erumk-at, öðlíngr,
alls of stundir,
fóstrsonr Seifs,
sæti at nema;
bjóð mèr ei, buðlúngr,
at bjóði setjast“.

311. „Er ægiligr
ok ávítull
halr sá,
er mik hinnig sendi,
eptir at frètta,
öðlíngr, þik,
hvern þú særðan segg
frá sókn um færðir“.

312. „Má ek sjálfr nú
mildíng kenna;
sèr ek Makáon
mæring þjóða“.

313. „Nú man ek aptir
til öðlíngs gánga,
ok inna þat
Akkilleifi;
sjálfr veiztu þat,
sjóli inn aldni,

fóstraðr Seif,
hve fylkir sjá
ægiligr er,
því hann ávfta mundi
segg saklausan,
ef sefi hvetti“.

314. Annasði aptr
orðum sjöla
Nestor, gerenskr
gramr reiðar:
„Hví svá Akkilles
aumkva náir
sonu Akkverja,
þá er sárir eru
ok lagbeittum
lostnir skeytum?“

315. „Veit eigi vísir.
hve válligr
harmr er risinn
með herþjóðum;
leggja nú hraustastir
hildar jöfrar
skotnir ok höggnir
at skipum niðri“.

316. „Skotinn er týframr
Týdeifs arfi,
dádراكkr döglíng
Díómedes;
höggvinn er iðfrægr
Odysseifr,
ok allvaldr alþjóðar
Agamemnon“.

317. „Flutta-k nýla
niflúng þenna
darra dunum frá
ok dreyrstöfum;
lostinn er hann dynföru,
er af dalar slaug

ströðhertum streing
stilli móti“.

318. „En Akkilles
eigi skeytir
horskum Danáum,
þótt hraustr sæ,
nè yfir aumkvast
ýta þjáða“.

319. „Eðr man hann bíða,
uns báru-hreinar
skjótir eru brenndir
at blám sævi,
fjanda suna,
at sírum nauðgum;
en vèr sjálfir höggnir,
hverr at öðrum“.

320. „Er-a mèr nú,
sem mèr áðr var,
afl ok orka
í öldnu holdi.
Væri mèr nú æska,
ok aldrs blómi,
kraptr ok knáleikr
kappsamligr“.

321. „Sem þá er áðr
Eleumanna
ok ossra milli
ófriðr hófst
af uxaráni,
er ek ítran vág
Hýperokks arfa
Ítýmonelf,
er heima átti
at Eleaborg“.

322. „Ræðst ek þá ránsförl í,
ránsbót at fá;
en nýtr gumi
naut sín varði;
skaut ek þá skapti

at skata frægum,
þars hann fremstr stóð
í flokki sínum“.

323. „Féll hann til foldar;
flýðu vefs vegar
búandkarlar
brautir jarðar;
en vèr feiknmikit
færa náðum
herfáng harðfeingir
úr héraði“.

324. „Tókum fimna tigi
flokka nauta,
ok jafnmarga
ofrhrynínga,
gelti jafnmarga,
ok einnig rákum
hafra hjarðir
hópum jafnmörgum“.

325. „Rákum bleika
brautu jóa
tíu tigi,
tugum fimna betr;
váru merar allt;
ok mörgum fylgdu
fyl bráðvökrum
bitilhreinum“.

326. „Rákum allt þat
inn í ræsis borg,
Pýlus, er Neleifr
nýtr ræði;
komum til borgar
um blakka grímu;
en naðfrægr
Neleifr gladdist,
er ek allmikils
aflat hafðak,
dreingr úngr,
er ek í dólgi um gekk“.

ρ. XI, 675-694.

327. „En er mæð birtist
Morgunskæra,
hljóðuðu kallrar
hvellum rómi,
at koma skyldu
skatnar allir,
þeirs bætr vildu
búnar sèr láta
í ágætri
Eleaborg“.

328. „Söfnuðust þá Pýlverja
prúðir skatar,
ok milli sín
mundu fè skipta;
því at Epear
áttu mörgum
skötnum at gjalda
skaða-bætr“.

329. „En vèr fálíða
ok sírum sviptir
sátum í prúðhelgri
Pýlusborg;
því komit hafði,
ok knúum farit,
hamramr Herakles,
horskasta vegit
ýta ossa,
þat var of aldir fyrr“.

330. „Átti ágætr
öðlingr þar
tírmögu Neleifr;
várum tólf saman:
einn var ek eptir,
en allir hinir
bana biðu
buðlúngsarfar“.

331. „Því fylltust Epear
eirserkjaðir
feikna drambi

frekjuligu;
yfirgáng
oss um veittu,
ok illvirki
atalt frömdu“.

332. „Tók því nauta hjörð
niflúngur aldinn,
ok flokk mikinn
fríðra sauða;
tók þrjú hundruð
talin í hjörð,
ok hjarðmenn
er henni fylgdu“.

333. „Því skati átti
skaðabætr
allmiklar at heimta
í Eleaborg;
þat váru sjórir
sákar skjótir
sigrlauna
með sjálsum kerrum“.

334. „Konnir váru þeir
til kappleika;
vildu hlaup þreyta,
þrífót hljóta;
en Ágefas
öðlíngr síra
jóm iðskjótum
þar eptir hæld“.

335. „Sleppti konúgr
kerrusveini,
hryggum í muna
af missi jóa;
en Neleifr
náði reiðast
orðum af
ok illum verkum“.

336. „Tók því skati
skaða-bætr

ρ. XI, 694-715.

afarmiklar;
en it annat lét
lofðúngur
lýð at deila“.

337. „En vör starfi því
þannig lukum,
bönd blótudum
í borg inni;
en dag þriðja
dólgar komu
allir, allmargir,
ok einhæðir sákar“.

338. „Geingu með þeim
Mólonu arfar,
búnir bláfjöllum
brynjustökkum;
váru úngir enn;
eigi vissu
bræðr af böllum
berserks-móði“.

339. „Borg er á hávum
hóli smíðuð:
kalla þegnar
Þrýoessu;
liggr allsjarri
at Alfeus-straumi,
yzt frá þrúðsendinni
Pýlusborg“.

340. „Herjuðu halir
á hávirki;
vildu borg brjóta
beimar æfir;
en er váru
vitt um dreifðir
of völl allan
vitnis reynar“

341. „Þá kom Aþena
af Ólýmpi;
bauð oss at búast

böðvar-klæðum
fal þá gríma fold;
ok súsum næsta
safnaði Pýlverjum
sverða Freyja“.

342. „Váru þeir óðfúsir
vitni at dýja;
en Neleifr
nýtr leyfði-t
mèr at brynjast;
en bitilhreina
fyrir mèr fylkir
fela náði;
kvað mik óðlíngur
óvanan vera
hördum, hrollköldum
hildar leikum“.

343. „En ek samt mundi
at morði várum
fram úr skara
fákvaldöndum,
enn þótt ek á fæti
fara knætta-k;
svá nam Aþena
stýra orrustu“.

344. „Á er allnærri
Arenuborg,
heitir Mína,
ok í mar rennr;
þar biðum vèr,
blakkvaldendr
Pýlverja, mærrar
Morgunskæru;
en á eptir flyktust
fótgaungumenn“.

345. „Hældum vèr þaðan,
várum hervæddir;
fórum með alla
fólksveimaða,

ρ. XI, 715-736.

ok um dag miðjan
mundum koma
alhelgum at
Alfeus-straumi“.

346. „Fróðum vèr þar
frfðum blótum
Allföður alda
afarstýrkum;
fórnuðum uxa
Alfeusi,
ok annan þráðvöldum
Posídoni“.

347. „En hjarðkvígu
höggva náðum
enni glóeygu
Ginnregins mey;
tókum aptansverð
allir sðan,
flokkum fylktir
fólvis reynar“.

348. „Sðan náðir vèr
náðum taka
á oss í öllum
ímunklæðum“.

349. „En Epear
ofrhugaðir
lágu kríng um borg,
brjóta vildu;
en þeim áðr
ægilligt gafst
ófriðar-efni
frá ímun-tíva“.

350. „Því þegar álfröðull
yfir leið
firinfagr
Fjölnis brúði,
þá vèr lögðum
at lýðmorði;

hætum á Allföður
ok Apenu“.

351. „En er ófriðr
upp um hófst
Epea milli
ok ýta Pýluss;
þá ek fyrst drap
síra nokkurn
ok einhæfðum
jóm of náði“.

352. „Sá hét Múlíus
málmþíngs boði,
döglíngs Ágefáss
dótturmaðr“.

353. „Hann átti elzta
Ágefáss dóttur,
Agamedu, bróði
bjarthaddaða;
þekkti lyfjagrös
lofðúngs beðja
öll, er á víðri
vaxa foldu“.

354. „Skaut ek skata þann
skapti laungu,
er hann at mēr óð
at iðleiki;
föll í dust jarðar
döglíngr þá,
en ek upp á hans
stökk herkeru“.

355. „Stóð ek með sírum
forvígis þá;
en Epear
ofrhugaðir
flýðu um foldu,
flýðu víðs vegar,
er þeir lofðúng sá
liggja fallinn,
fylki framgjarnan

p. XI, 736-756.

fákvaldanda,
hetju hraustasta
at hildarleiki“.

356. „En ek á fram óð,
sem ofsa bylr
dimnir dynr
yfir Dags systur;
tók ek fólkkerrur
fimmtigi þar;
en at sérhverri
í svörð bitu
tönnnum tveir
teitir kníar,
sæðir sárbeittri
sviðu minni“.

357. „Hefða-k þá banat
báðum köppum:
Aktors mögum
ok Mólíonu,
ef eigi faðir
fólkum-djarfra,
afar-víðlendr
Jarðarskelfir,
borgit hefði þeim
frá böðvar glaumi,
ok miklum mjörkva
megi hulið“.

358. „Veitti Seifr þar
vegsamligan
sigr Pýlverjum
prúðhjörtaðum;
eltum vēr ýta
of allan völl;
vágum vera,
vápn upp tókum“.

359. „Þar til er blakka
at Búprasíoni
hrakit höfðum
hveitisfrjóvu;

til Ólens-hamars,
þar er hól kalla
ýtar liggja
Alefsfu“.

360. „Snèri þar Aþena
aptr liði;
þar lét ek segg
sðastan eptir,
er ek björtum vág
böðvar málmi“.

361. „Hèldu þá Akkverjar
hestum fráum
frá Búprasfoni
til borgar Pyluss;
þökkðu Seifi,
þökkðu Nestori,
guði ok guma,
fyrir góðan sigr“.

362. „Svá var ek áðr,
er ek með ýtum vark;
en Akkilleifr
vill einn njóta
hreysti sinnar
ok harðfeingi;
en ek þeingil hygg
munu þess of iðrast
stórliga, ef eyðist
allr lýðr“.

363. „Hefir þèr heilræði,
hróðvinr minn,
Menstr miðlat
meginprúðr
á degi þeim,
er þik döglíngr
árna lét frá Fiðju
til Agamemnon“.

364. „Várum báðir inni
at öðlíngr sal,
ek ok alfrægr
p. XI, 757-776.

Odysseifr;
heyrðum í herbergjum
heilræði vel,
er þèr faðir fèkk
faranda braut“.

365. „Várum vit komnir
at vel byggðum
ok prúðum sölum
Peleifs aldins;
söfnuðum liði,
sigstyrks báðum
um it alfrjóva
Akkverjaland“.

366. „Hittum at húsum
hetju fræga,
Menst, ok þik,
hjá mærum föður;
var þar ok ágætr
Akkilleifr“.

367. „Brenndi aldrænn
iðfákvaldr
Peleifr bóga
bola feita;
blótaði Þrúðvald
þrumuglaðan
hilmir í hávum
hallargarði“.

368. „Á hèlt skati
skál gullinni;
dreypti dýrveigum
dökklijómandi
á blótbita,
þá er hjartvarmir
leygs um logar
leika náðu“.

369. „En þit báðir
bragníngar úngir
at störfuðut
uxaslátri;

komum vit þá fremst
í fordyri,
ek ok ágætr
Odysseifr“.

370. „Furðaði Akkilleif
ágætan þá;
okkr tók í mund,
inn nam at leiða;
bauð okkr siklíng
sæti at taka;
vel okkr veitti,
sem venja er
góðra gestvina
gestvinum mót“.

371. „En er vit mettr
á mat várum,
ok drykk höfðum
drukkit góðan,
þá nam ek upp
erendi hefja,
at þit ásamt okkr
árna skyldat“.

372. „Várut þit fúsir
farar næsta;
en ykkir hildíngar báðir
gáfu heilræði mjök;
þá bauð öðlíng
Akkilleifi
aldrænn Peleifr
prúðhjörtuðum,
at hann væri æ
efstr at hreysti,
ok annarra ýta
yfirmenni“.

373. „En Menítr
mögr Aktors
þessi heilræði
þér nam gefa“.

374. „„Heyr mēr, hjartkæri
p. XI, 777-795.

hróðmögr minn,
er at sett æbri
Akkilleifr,
en þú eldri ert;
er þó öðlíng
miklu meiri þér
at meginremi““.

375. „„Skaltu því vísi
vittr ráð gefa,
áminningu fá,
ok öðlíng leiða;
mun hann ráð þín
ráða láta,
er þú af góðum hug
gefa náir““.

376. „Þau gaf þér heilræði
hilmir inn aldræni;
hefir þú nú gleymt
hilmis orðum;
en seg nú iðkænum
Akkilleifi
þetta, ef hann
þér hlýða kynni“.

377. „Hverr velt, nema þú
með hjálp tíva
sefa í brjósti
siklíngs vekir;
gott er góðvin
góðum ráðum
vítum at vara,
ok vel leiða“.

378. „En ef hann flýr
fólvis leika
fyrir goðaspá
geigriligri,
ok ef in heilvirda
eiða hans
honum spár hermdi
frá Herjaföður“.

379. „Þá hann samt sendi,
síklingr, þik;
árni með þèr aðrir
ýtar Mýrmíðóna,
ef þú Danásum
dýrum mættir
lið of ljá
at leiki sverða“.

380. „Fái þèr fylkir
sagrbúit
gunnar skrúð,
gramr, at bera;
munu þá Tróar,
ef til vill, halda
öðling vera
Akkilleif sjálfan,
ok af láta
orra-hrífum“.

381. „Þá munu Akkverjar,
Aress þjónar,
þjáðir hvíld hljóta
frá herleiki;
er nú alllítill
ok ýtum stutt
stundarhvíld
stríð at heyja“.

382. „Munut þèr hægla
hrekja vígmóða
bragna frá búðum
ok báru dýrum
aptr til borgar,
er þèr óþreyttir
gángit geystum at
geira dunum“.

383. Svá mælti sjóli,
sefa hrærði
brjósti buðlungs í
ins böðvarfræga;
p. XI, 796-815.

árnaði Patróklus
til öldu-hreina,
þar er ítr sat
Akkilleifr.

384. En er hann kom
at knörrum sjóla
Odyssseifs
ins ágæta,
þar er þíngstaðr
ok þegna dómstaðr
var, ok blótstallar
byggðir goðum,

385. Þá móti öðlingi
Evrýpýlus
ágætr leið,
Evemons niðr;
var seifborinn
sjóli lostinn
hremsu í læri;
kom haltr úr rómu.

386. Draup niðr sveiti
af döglíngs herðum,
rann ok streymdi
af reikar stalli;
fossaði úr undu
ægiligri
dökkur dreyri,
rauð Dags systur.

387. Var-a þó líf
liðit úr brjósti,
nè hyggjandi
hilmis farin;
en er ágætr
arfi Meníts
sjóla sáran leit,
sárt hann viknaði;
harmfullr hilmir
hröðum orðum

öðling ágætun
ávarpaði:

388. „Vesalir seggir,
sjóta akkneskra
fólkvaldendr,
ok fyrirliðar!“

389. „Áttuð þér þá,
þrymu sinnar!
vinum fjarri
ok fóstrejörðu
hunda at seðja
á hvítum mörvum
traustum und múrum
Trójuborgar!“

390. „En inn mér nú,
Evrýpylus,
seifborin hetja!
munu synir Akkverja
hamraman Hektor
heptan láta?
Eðr munu sírar
at foldu hníga
fleini fyrir
fólka jaðars?“

391. Annsaði aptur
öðlings máli
sárr Evrýpylus
orðum þeima:

392. „Patróklus seifborinn,
prúðhjartaðr!
munu-at Akkear
mega verjast;
heldr munu halir
at hrannar dýrum
blásvörtum bída
bana-dægrs“.

393. „Því at allir þeir,
er áðr geingu
hraustastir fram,

ρ. XI, 815-834.

ok hjör skóku,
þeir nú liggja
láðvelli á
skeytum skotnir,
skálmum höggfir“.

394. „Hafa þeim týframir
Tróar banat;
eykst æ Brjáms beimum
ballr móðr;
en nú, buðlungr,
mér björg um veit,
ok mik at dökkum leið
drafnar hreini“.

395. „Drag mér dynföru
úr dreygju læri,
ok sára sveita
þú svartan lát
vatni vörmu
vel af þerrðan,
ok á sár síðan
smyrslum góðum
ok lyfjum ljúfum
láttu riðit“.

396. „Kveða þik, kæri,
kostsama list
Akkilli hjá
hafa ítrum numit;
kenndi kappa
Kíron frægr,
ramra Kentára
rètlátatr“.

397. „En læknar prúðir,
Podaliríus
ok Makáon,
mega hjálp ei veita;
annan ek ætla
inni liggja
með und blóðga
í búðar fylgani“.

398. „Þurfa man hann sjálfir
sára löttla,
læknis góða,
lyfjum kunnigs;
en hinn drýgir
við dreingi Tróju
víggleik váligum
valbrautum á“.

399. Annsaði aptr,
ok við öðling mælti
Menís niðr
meginstyrkr:

400. „Hversu man slíkt
úr hendi fara?
Hvat skal nú af ráða,
Evrýpýlus?
Árna man ek, ítrum
Akkilleifi
erendi at inna,
er mēr áðr fól
Nestor inn gerenski,
gætir Akkverja“.

401. „Man ek þó eigi svá
eptir þik láta,
er þú illum ert
orpinn nauðum“.

402. Mælti svá buðlágr;
tók brjóst undir;
bar böðsnjallan
í búð at þat;
en er þjónn þá sá,
þá hann breiddi
uxa-húðir
undir öðlinga.

403. Lagði þar Patróklus
prúðhetju niðr;
skar með knífi
úr skata læri
ör allhvassa,
eljansára,
vatni vörmu
valdögg af þerrði.

404. Lèt á lofðungs und
lyfjurtar rót
beiska, ok muldi
milli handa;
sú eyddi sárindum,
sviða hepti;
sár nam at styrkjast,
en at stöðvast dreyri.

TÓLFTA KVIÐA.

LÆKNAÐI þannig

lostinn jaðar,
Evrýpýlus,
inni í búð
Meníts mögr
inn meginhrausti.

2. En flokkam saman
fólk um drygðu
Argverjar ok Tróar
týfákvaldir.

3. Átti nú ei Danáum
dski grafit
vörn at veita,
nè víg-garðr,
sá er gerðu þeir
fyrir gnoðir ofan,
ok dski djúpt
drögu kríng um.

4. Höfðu þeir eigi
hundraðsfórnir
vegligar valit
vèum himna;
vildu þó verja
með víg-garði
herfángs gnótt
ok gnoðir skjótar;
var þat allt veggjum
varit þeima.

5. Var hervirki
af höldum stofnat
mærra guða
móti vilja;
skyldi því eigi
skötnum veita
lánga vörn,
nè leingi standa.

p. XII, 1-18.

6. Meðan Hektor
mátti lífs njóta,
ok Akkilles
nam ala reiði,
ok meðan Brjáms
ins böðvísa
borg at ófriði
óbrotin stóð:

7. Þá stóð óbrotið,
nè eyðast mátti,
virki víghjóða,
vera akkneskra.

8. En er hraustastir
hnignir váru
Trójumanna
týfákvaldra,
ok margir Akkverja
málmi vegnir,
en sumir eptir,
er uppi stóðu;

9. Ok er Brjáms borg
in böðvarrama
á ári tfunda
var eydd látin,
ok er Argverjar
á öldu-hreinum
líðu at lofsælu
láði feðra:

10. Þá með sèr ríkir
rèðu tívar,
Jarðarskelfir
ok örva-drottinn,
á at hleypa
hervirki þat
straumum ströðhörðum,
stórvirki eyða.

11. Ám þeir vildu
öllum veita,
er af Íðu tindum
í ægi falla:

• Heptaporus, Resus,
Rodíus, Karesus,
Esepus-á
ok Graníkus,

12. Ok dífum skyldri
Skamandrs-á,
ok Símnóis,
þar er sígu at jörðu
hetjur hálf-alnar
himins tívum,
hjálmar sigþjóða
ok salbendingar.

13. Veitti allra
ósum saman
fljóta þessarra
Febus Apollon,
ok of þrenna þrjá
á þjóðvirki
daga hleypti
höfgum straumi.

14. En í sífellu
Selfr vakti
skúr af skatyrnis
skýjum dimmum,
at því fyrri
freyða knætti
báru bláfaldar
bákn þat yfir.

15. En Jarðarskelfir
á fram gekk;
tvíhendi þrífork
tívi í mundum;
ruddi rögni
at regindjúpum
grundvelli gerstum,
ρ. XII, 18-38.

grjóti ok stofnum,
því er áðr
með erfíði
Akkverjar höfðu
upp um hlaðit.

16. Gerði jafnsléttu
girding stóra
fram með straum-hörðum
Hellu-álum;
eyddi ógnvirki,
ok ægis ströndu
stóra sandflákum
stillir huldi.

17. Snèri fljótum
síðan aptr
um farveg
fyrri renna,
þar er áðr
höfðu árstraumar
vötnum velt
til víðis fögrum.

18. Þannig ætluðu,
at öldum liðnum,
verk þat vinna
vðar máttkir;
en nú sem óðast
örlygi brann
ok gunnar glaunir
of garð styrkan;
dundi dólgharít
(var-a dælt fjöndum)
turna-timbr
at tyrvíngs leiki.

19. En Argverjar,
óðum beystir
svipu Seífs,
svífa náðu
fjöndum undan
at fjarðar dýrum;

lētu sírar þar
fyrir berast.

20. Öttuðust ið-vanir
eimnis reynar
Hektor harðgreypa,
hroll flýjanda;
en hann sem áðr
ólmr veifði
brandi, blám,
sem byr dyndi.

21. Svá sem valbassi,
eðr váligr leó
ógurliku af
aflí drambar,
ok sèr ótt um snýr
snörum hringum
innan um garma
ok ára veiða.

22. En þéttir
þollar branda
saman færast,
snúa dýri mót;
þeyta þéttum
þegnar af hendi
sköptum ok lensum
at skæðum fjanda.

23. Nè þó hugmikit
hjarta skelfr
hans, nè hræðist
heljar-rimmu;
en undrum-ólmr
eljanmóðr
illan honum býr
aldrtila.

24. Snýst ok snýst;
sækir hvervetna;
leitar ok leitar
á lýði fylkta;
en hvar sem fram
p. XII, 38-56.

hrinnir sækir,
þar láta ýtar
undan síga:

25. Eins mundi Hektor
hvatliga snúast,
er hann gegn um gekk
gunnar sveima;
eggjaði ýta
yfir at hlaupa
gröf hervirkis
geysi-djúpa.

26. Þorðu eigi þá
þeingils blakkar
fráir yfir gröf
firinbreiða;
dýrir á fremstum
dskis-barmi
stóðu hneggjandi
hófglymjendr.

27. Því at fældi
firnum horfin
grafar breidd
gullinfaxa;
var-a hlaup stutt,
ef stökkva átti,
nè hægðarleikr
at hverfa yfir.

28. Því á hliðar báðar
mundu hvervetna
fram af slúta
feikna-héingjur;
en uppi váru
afar-hvassir
staurar reknir
í storðar þröm.

29. Höfðu þá rekit
í hauðr niðr
synir Akkverja
eirserkjaðir,

marga ok mikla,
at mætti þeir
vörn of veita
móti vássjundum.

30. Mundi þar eigi
málfeti hægla
niðr haldit,
sá er hvel drægi,
nè sótgaungu
framir liðar
sjálfir treystust
at svífa yfir.

31. Þá mælti prúðr
Polydamant
hraustan Hektor við,
ok at hilmí gekk:

32. „Hektor, ok aðrir þér
herkonúngar
Tróa ok böðsnjallra
bandamanna!
Er-a ráðligt
reiðar-brínum
skjótum at halda
yfir her-díki“.

33. „Ill er gröf sú
yfirferðar;
standa þar hvassir
staurar remmdir;
en staurum hjá
er stórmikill
garðr Akkverja,
ok gumnum hamlar“.

34. „Megu þar alls eigi
ofan stíga
riddarar röskvir,
nè rómu drygja;
þraungt er í djúpi;
þar munu hjörvar
ρ. XII, 57-76.

brögnum búa
benjar rauðar“.

35. „Því ef Højafaðir
háþrúmandi
tjón nú ætlar
illt at skapa,
ok ef ginnmáttigr
guða sjóli
Tróa stoða vill
týfsákvalda:“

36. „Þá vilda-k óska,
at yrði þat
nú á þessarri
þegar stundu,
at Akkverjar
fyrir eggjum blám
hnigi allfjarri
Argos-láði
frægðar-lausr
á foldar þröm“.

36. „En ef við hrökkva
hlynir skjalda,
ok atgaungu veita
frá öldu-hreinum,
er vèr ruðzt höfum
í regin-díki:“

38. „Þá hygg ek eingan
aptr munu
til Brjáms borgar
búast kunna,
fregn þeirri ferligri
frá at segja,
er Akkverjar snúit
sèr við hafa“.

39. „Heyrit nú, halir,
hlýðit mèr nú,
ok eins gerit,
sem um ek mæli:
nú skulu böð-sveinar

bitilhreinum
grafkyrrum halda
á grafar barmi“.

40. „En vër allir
ýtar á sæti
skulum hervæddir
Hektori fylgja;
skulum þètt skynda
skata eptir;
en Akkverjar
munu eigi bíða,
því bráðr bani
er nú brögnum nær“.

41. Mælti svá prúðr
Polydamant;
geðjaðist Hektori
heilnæm ræða;
stökk þegar stillir
á storðar þröm
hervæddr gerva
af herkerru.

42. Nè þá Brjáms líðar
á böð-kerrum
kyrrir stöðu;
stukku ofan,
þá er þeir litu,
þat er lofðúngr,
Hektor hjörframr,
hyggja náði.

43. Bauð kappi hverr
kerrusveini
sínnum at halda
hreini reiðar
rètt í röð,
raska hvergi,
fram með ginndjúprar
grafar barmi.

44. Skiptu sèr þá
skatnar í sveitir,
p. XII, 76-97.

ok ríkt remmdust
ramir beimar;
flokkum fimm
fylkjast náðu,
fylgdust sðan
með foringjum.

45. Þeir er með Hektori
halda náðu,
ok prúðhraustum
Polydamant,
þeir váru flestir,
fremstir at hreysti;
váru fúsastir
fólkgarð brjóta,
ok holum berjast
at hrannar dýrum.

46. Fylgdi þeim inn þriðji,
þat var Kebríones;
en hjá herkerru
skildi Hektor eptir
annan ver
óhraustara.

47. Ræði hinum
horskr Paris,
Alkabóus,
ok Agenor;
en flokk þriðja
færði Helenus,
ok dífum glískr
Deífobus;
báðir váru þeir
Brjámi alnir.

48. Þriðji var Asfus
þjóðum-frægr,
Asfus, hróðmög
Hýrtakusar,
þann er dumbrauðir
drógu fákar
Arisbu frá

undrastórir,
ok frá Selleis
syðlum unnum.

49. En flokki fjórða
fagrlimaðr
Eneas ræði,
Ankíseas burr,
ok með honum tveir
Antenors synir:
Arkelokkus,
ok Akamant;
kunnu þeir allvel
at ímunleikum.

50. En Sarpedon
sigfrægum ræði
böðvarstyrkr
bandamönnum;
tók með sér gramr
Glákus frægan,
ok Asteropeus,
Aresar vin.

51. Því at þeingli
þeir um virðust
fremstir allra
at fræknleika
næst sér sjálfum;
en hann sjálfr var
hraustastr allra.
hjörvi at velfa.

52. En er fylkt sér
fírar höfðu,
ok saman slúngit
salbendíngum,
þá mót Danáum
dreingir fóru,
váru óðfúsir
at örlýgi;
hugðu at dólgar
hrekjast mundu,
p. XII, 97-116.

ok at foldu falla
hjá fjarðar mörum.

53. Hlýddu nú Tróar
týfákvaldir
ok langt at leiddir
liðar þeirra
hollum heilræðum,
þau er herina ræði
prúðlundaðr
Polýdamant.

54. En Asfus
alda stýrir,
hróðmögr herkænn
Hýrtakusar:
hann vildi eigi
eptir láta
kerru sína,
ok kerrusvein.

55. Sókti stillir
til stála-hreina
fremst um fljótra
á fólkhvelum;
fækk-at um flúit
fávíss gumi
dauða-nornir,
ok dapra feigð.

56. Ok þótt stærast
stillir gerði
af fákum frægum
ok fólkhvelum,
þá samt eigi
þeingill skyldi
aptr flaustum frá
fljótum halda
vindasömum at
virkjum Tróju.

57. Því at hryllilig
hylja náði

dauða-dís
döglíng fyrri
fleini ins ágæta
ídomeneífs,
dæðmagar döglíngs
Devkalfsóns.

58. Hèlt hildíngur
til handar vinstri
öldu-hreinum,
þar er Akkverjar
vanir váru
of völl at halda
fákum ok fólkhvelum
flugar-skjótum.

59. Þar hann hestum
hleypti yfir,
ok herkeru;
nè hann hlið um fann
aptr lokuð
efldum hurðum,
nè firin-laungum
felli-ási.

60. Hèldu halir
hliðum opnum,
at þeir brögnum
bjarga mætti,
ef flýja kynni
fólkvígum úr.

61. Hèlt þáingat buðlúngur
beint málfetum;
vildi svá vísir
at vígum snúa;
en á eptir
ólmir fylgdu
halir hildíngi,
hátt kölluð.

62. Hugðu þeir Akkverja
elgi mundu
viðnám veita,

p. XII, 116-135..

en at velli hníga
dökkum hjá
drafnar hreinum.

63. Fávísir sírar;
fundu í hliði
týhrausta tvá
tyrvíngs reyna;
þeir váru arfar
ofrhugaðir
dreingir Lapsþa
darrum-frægra.

64. Þat var þrúðmögur
Þríþóuss,
þrúðstyrkr kappi,
Polýpöytes,
ok Leontes,
ógnar-skæðum
Aresi jafn,
ímun-tíva.

65. Stóðu þar hetjur
hávum fyrir
hliðum frammi
herjum-styrkvar;
eins ok eikitrè
upp um gnæfa
at himins hvolfi
háfsjöllum á.

66. Þau er vindgolu
ok veðra-hret
bíða æ ok æ
allar stundir,
feikna-styrkum,
firinvíðum
rótum remmdar
í Rindar elju.

67. Treystu orku
ok afli handa
hamramir þjónar
hjörva drottins;

biðu atgaungu
 Asfúsar;
 eigi náðu
 undan hörfa.

68. Geingu at römum
 rómu garði
 beint böðramir
 buðlúngs sinnar;
 hældu þurru hátt
 hráskinns-tjörgum;
 æddu æpandi
 ógrliga.

69. Þeir Asfusi
 ítrum fylgdu,
 Jamenusi,
 ok Órestes,
 Adamant, arfa
 Asfúsar,
 Þóoni, ok ítrum
 Öynómási.

70. Meðan hamramir
 í hliðum stóðu
 Lapsþar tveir,
 títt þeir hvöttu
 fagrbrynhosaða
 fólvis reyna
 Akkverja, at bjarga
 björnum sævar.

71. En er þeir skildu,
 at skatnar Tróju
 á megin-múr
 mundu sækja,
 ok er upp reis
 ægi-glymr
 ok dauða-felmtr
 með Danáum:

72. Þá úr hliðum fram
 þegnar óðu
 ok framir frammi

p. XII, 136-156.

fólvi dýðu;
 váru valbössum
 váligum glókir,
 þeim er fjöllum á
 eptir bída
 glammi garma
 ok gumna ópi,
 því er at þeim ferr;
 en út til hliðar
 skjótast, ok brjóta
 skógar-greinar.

73. Bíta ramla
 við rætr neðstar;
 skella tenur
 í skoltum valbassa,
 þar til er ýta
 einna nokkurr
 lífi þeirra
 lætr farit.

74. Eins nam at dynja
 í dólum-fránu
 eiri á ógnramra
 ýta brjóstum,
 þá er Sköglar skrud
 skot of lömdu;
 því ramla rómu
 rekkar drýgðu;
 treystu orku,
 ok ýtum þeim,
 er uppi váru
 á vísgarði.

75. En vápnstelnur
 verar köstuðu
 háturum frá
 hála remmdum;
 vörðu sjálfa sik,
 vörðu herbúðir,
 ok örskreiða
 ægis hreina.

76. Svá sem fjúk fellr
til foldar niðr,
er á fjölblómgván
fjörginjar beð
þétu snarpr
þeytir vindr,
sá er ský rekr
in skuggadimmu:

77. Eins mundu renna
frá rekka mundum,
Akkverja ok Tróa,
örvar hvassar;
dundu dólghattar,
dimmt var at heyra,
ok böðvar ský
in baugnöfudu,
þá er láðs beinuð
ljóstast náðu.

78. Þá Asfus
upp nam at hljóða,
hróðmögr herkænn
Hýrtakusar,
laust lær bæði,
lypti kveinstöfum:

79. „Heyr, Herjasöðr!
helzt kveð-k þik nú
illum, ósönnum
orðum beita!
hugði-k-a hetjur
horskar Danáa
standast mundu
móð böðsváran
ok hamramar
hendr mínar!“

80. „Eru gunndreingir
sem geitúngar
beltis bandmjúkir,
eðr býja sveimar,
þeir er sèr hafa

ρ. XII, 156-185.

hús um reist
á stórgryttum
stig alfara“.

81. „Hverfa þær hvergi
frá holum fylgsnum;
bíða bragna,
er bráðar leita,
ok úngafjöld
fremst um verja“.

82. „Eins eru týframir,
þó tveir um sè;
vilja ei vskja
frá víghliðum,
fyr en gagn fá
at gunni ramri,
eðr falla sjálfir
á foldar þröm“.

83. Mælti svá mildíngir;
mundi þó eigi
huga hræra
Herjasöður;
því at Allvaldr
ætlaði víst
Hektori horskum
heiðr at veita.

84. Þá sviðu sendi
sígstyrkr mögr
Polýpöytes
Píripóuss,
ok Damasus
darri beysti,
ægi gegn um
eirkinnaðan.

85. Mátti-t málmvarin
mæki standast
gríma, en gegn um
gekk eirbroddr;
bein nam at brjóta,
en brálla gerðist

blóði blandinn
 buðlúngs heili.

86. Þar þrúðr vág
 Polýpöytes
 öðling ákafan
 at iðleiki;
 en at vegnum
 vísi þeima,
 Pýlon ok Ormenus
 aldri rænti.

87. En Leontes,
 lýðum-frægr
 Aresar niðr,
 nót of sendi;
 laust Hippomakkus,
 hróðmög Antímakks;
 kom í brynbelti
 á buðlúngi.

88. Síðan nam siklíngur
 sárbeitt draga
 sverð úr slfðrum,
 sveiflaði brandi;
 ramla ruddist
 í rómu sveit,
 hjó iðfrægan
 Antífates.

89. Föll í lopt upp fylkir
 á foldar þröm;
 felldi Leontes
 frægr síðan
 Menon ok Jamenus
 ok Órestes,
 hvern at öðrum
 at haðri frjóvu..

90. Meðan skínanda
 Sköglar málmí
 flettu sírar
 fallna guma,
 ρ. XII, 185-205.

þá með þrúðum
 Polýdamant
 ok Hektori
 halir geingu.

91. Váru margir mjök,
 meginhraustir,
 vildu óðfúsir
 allir brjóta
 víggarð vígstyrkan,
 ok víðis hreina
 alla saman
 eldi brenna.

92. Stóðu gumar
 á grafar bakka,
 ok sik enn
 um hugsuðu;
 því þá er yfir
 árna vildu,
 þá spáfugl birtist
 branda hlynum.

93. Þat var háfleygr örn,
 ok hverfa náði
 vitnis reynum
 til vinstri handar;
 bar blóðrauðan
 í hjúgum klóm
 dreka gallofnir,
 geysi-stóran.

94. Var-at fjör farit
 úr fáfnis brjósti;
 læk á iði enn
 óðr linnr,
 nè gleyma gerði
 grimmum beita
 römum ara mót
 regintönnum.

95. Beygjast gerði
 á bak aptur
 haugvarðr, ok hjó

þann er honum lypti,
í bringu at hálsi
blóðvargs trana.

96. Lèt þá linna
til láðs um síga
ari, orpinn
illum kvölum,
ok í miðjan
mismúngs reyna
fjölda falla
foldar karfa;
en sjálfr brautu
blindviðnir fló
hlakkanda hljóði
á hræsvelgs anda.

97. Skeldust Tróar þá
tíragjarnir,
er þeir kvikanda
knáttu líta
móinn milli sín
á moldar þremi,
jarteikn Allföður
ægiskjalda.

98. Gekk horskum at
Hektori þá
prúðr ok mælti
Polydamant:

99. „Æ þú mèt einhverjar
ávístur fær,
Hektor, á þingi,
er ek heilræði kveðk;
er-a því sæmanda,
þeim er öðrum þjónar,
ómerkum orðum
ypptum láta“,

100. „Hvárki at ráðstefnu,
nè á refsa þíngum;
heldr æ þinn
heiðr at auka.

ρ. XII, 205-225.

En nú man ek
upp um kveða,
þat er hollast mèt
í hug um virðist“.

101. „Nú skulum eigi
naði dýja
Danáum mót
at drafnar mörum;
því svá fremi
sem forynju
gumnar sá,
er þeir yfir gröf vildu“:

102. „Háfleygr örn,
er hverfa náði
vitnis reynum
til vinstri handar;
bar blóðrauðan
í bjúgum klóm
dreka gallofnir,
geysi-stóran“.

103. „Lifandi var linnr;
lèt hann ari falla,
fyr en heim knætti
í hreiðr fljúga;
nè ötulum
úngum mátti
blindviðnir ballr
bráð of færa“:

104. „Svá mun sjálfum oss,
sifr, verða,
þótt vèr hlið hölda
ok hermúra
ballum brjótum
böðvar móði,
ok Akkverjar láti
undan síga“:

105. „Þá munum eigi
frá ægis hreinum
svífa sama veg

sveimum fylktum;
allmarga munum vèr
eptir láta
ýta Tróju,
er Akkverjar
bana munu búa,
er þeir brimdýr verja“.

106. „Þeim mundi sérhverr
svörum yppa
forynju frèttandi
fróðhugaðr;
honum mundu sírar
fremst of trúa“.

107. Reiðr varð þá ramr,
ok með reiðisvip mælti
Hektor inn hjalmkviki
hleyptum brúnum:

108. „Mjök mælir þú
móti várum hug,
prúðlundaðr
Polydamant;
víst muntu vænna
vanda kunna
ráð ok ríkra
at raun þessarri“.

109. „Því ef orð þat
af alvöru
ok heilum hug
hermt þú lætr,
þá hárri hafa
hyggjandi þinni
góðir glaðsheima
gramir farit“.

110. „Alls þú býðr mèr
ballþrumanda
ráðum gleyma
ragna-föður,
þeim er sjálfr mèr
þeingill himna

ρ. XII, 225-245.

hèt, ok báknaði
með bendingu,
þá er þú vill,
at ek vængjalaungum
forsagna-fróðum
fuglum trúak“.

111. „Hirði-k þat sízt,
nè ek hygg at því,
hvárt til hægri þeir
handar sveima,
þeirri áttu at,
er álfröðull
ok Morgunskaera
mönnum fróar“;

112. „Eðr til handar þeir
hverfa vinstri,
at dimmum
dökkva nætr;
heldr munum vèr
hlýtt um láta
ráðum ríks
ragna-föður,
þess er ófeigum
uppheims goðum
ok feigum ræðr
foldbyggvöndum“.

113. „Einn veit ek öllum
öðrum betra
fugl forsagna
framligri sjót:
fjöndum móti
fólvi dýja
frændr fyrir
ok íóstrjörðu“.

114. „Hví þú ófrið
ok orrustu
hræðast náir
í hjarta þínu?
Því þótt aðrir vèr

hjá Argverja
brimdyrum fáum
bana þegit:“

115. „Þá þarftu eigi
því at kvíða,
attu orpinn verðir
aldrtila;
hefir-a þú hjarta,
er hraust um megi
óvini standast
eðr orrustu“.

116. „En ef þú undan
ófriði skýzt,
eðr hölum öðrum
hughvarf telr,
at nokkurr haldi sér
frá herleiki,
þá skaltu beystr
brandi mínum
líf þitt láta,
ok at láði hníga“.

117. Innti svá öðlingr,
ok á undan fór;
en með geysigný
gumar fylgdu;
ok Þrúðvaldr þá
þrumuglaðr
æsti elreka
af íðu tindum.

118. Bar beint of storð
á báru hreina
moldryk magnaðr
marar blóði;
sljóvan Akkverjum
sefa gerði,
en frama jók
fyrðum Tróju,

ok Hektori
herjum-frægum.

119. Treystu halir
táknum Allföður,
ok afrenndum
axla meiðum;
freistuðu fólkmúr
firinstóran
beimar Brjáms
brotinn láta.

120. Turna-tinda
tóku niðr,
ok múr-virki
mundu rjúfa;
styrkum ásum
stólpa felldu,
þá er fram stóðu,
ok er festa höfðu
fremsta Akkverjar
í foldar þremi,
at þeir turnum stoð
styrkva feingi.

121. Undu þeir stólpa
aptr á bak;
hugðust meginmúr
mundu brjóta;
en Danáar
fyr' dólgu stóðu,
æva síga
undan létu.

122. Vígakörð vörðu
vaskir dreingir
breiðum, barðhveldum
böðvar skýjum;
ofan skutu
á óvini,
er und meginmúr
mundu sækja.

123. Ólmir um þustu

Aiantar tveir
 upp' á ógnar-múr
 alla vegin;
 vígmóð vöktu
 vilgi traðir;
 eggjuðu á fram
 Akkverja sjót.

124. Ávörpuðu suma
 orðum mjúkum;
 aðra ávítum
 eggja mundu
 naðels boða,
 þá er neyta gerðu-t
 orku allrar
 at orrustu:

125. „Heyrit, hróðvinir,
 hverr af Akkverjum
 meginhraustastr,
 eðr meðalframr,
 ok óhraustari,
 því at eigi gjörast
 ýtar jafnir
 allir at rómu“.

126. „Er öllum nú
 iðja búin;
 þat munut sjálfir er
 sannast reyna;
 skyli nú eingi
 skjaldar hlynr
 snúa snekkjum at,
 þótt seggr nokkurr
 ýta eggi
 undan hopa“.

127. „Sækit heldr,
 sigdreingir, fram,
 ok hvárr annan
 eggja skyldi,
 ef at ólýmskr
 allráðandi

ρ. XII, 265-285.

þrótt oss um veitir
 þrumudrottinn,
 örlygi af höndum
 orum reka,
 ok dólga til borgar
 drífa láta“.

128. Inntu svá öðlingar
 æstum rómi,
 eggjuðu Akkverja
 ógn at fremja.

129. Var sem á vetri,
 er at vindkers botni
 flugþettir falla
 flókar drífu,
 þá er upp ríss
 ráðgagnvaldr
 Seifr at snjóa,
 ok sýna náir
 skötnum skeyti
 frá skjýjum efri.

130. Svæfir himinblæ
 himna sjóli,
 ok ofan eyss
 á jörð snjóvi,
 uns hátinda hefir
 hulit fjalla,
 annes yztu,
 ok orpin smára
 víð vall-lendi,
 ok vandaðan
 manna hag
 meginframa.

131. Drífr á drafnar
 dimmgrárrar strönd
 ok víðis vága
 verja snjóar;
 en mjöll meinar
 marar alda

fjörur at fergja
fanna þunga.

132. En fyrir ofan
allt um verðr
snjóvi snivit,
þá er svífr niðr
reginúrig hríð
ragna-föður.

133. Svá flugþèttum
flokkum svifu
unnvörp elsnúin
jarðar beina
báðum frá:
at brögnum Tróju,
Trójumönnum frá
til Akkverja;
èn ógnar-múrr
allr dundi
þúngum þráðmóði
þegna fyrir.

134. Mundu þar eigi
ýtar Tróju
ok Hektor herfrægr
hergarðs brotið
hlið heljar-remmd
hraustum mundum,
nè slagbrand lánan
fyrir sókndurum:

135. Ef ei ráðsvinnr
ragna-faðir
Sarpedon sent
sinn hefði arfa;
þann æsti Allföðr
Argverjum mót,
sem ljón í bjúghyrndra
bola sveimi.

136. Brá fyr' sik fram
fagrbláni

ρ. XII, 285-304.

hraustr hilmir
hríngborðsjöfnum,
ágætum, alvörðum
eiri slegnu.

137. Þann hafði eirsmiðr
úr eiri hamrat,
þrætt innan þèttliga
þjóra leðrum;
hafði gullstöfum
gimskýlis hvel
yzt bjartfáit
búit hagla.

138. Baugi hèlt buðlúngr
fyrir brjósti frammi;
veifði vígrum tveim
vöskum mundum;
á fram öð
sem óarga dýr,
þat er fjöllum á
fæðast náði,

139. Þats kynja leingi
var kjöts áni;
en því framgjarn móðr
fremst um byðr
fjár at freista,
í feikntimbraðan
garð at gánga
gildra sauða.

140. Ok þótt húsi hjá
hitta nái
fjárgæzlumenn
fleinum varða,
þá er görmum með
gæzlu velti
flokkum fríðum
feitra sauða:

141. Hyggst-at þó hugprútt
höfða skuli
at óreyndu

frá inni sauða;
gerir annathvært
grimmr fjallbúi:
inn at stökkva
ok ásauð þrifa,
eðr skjótri frá
skörpum vigri
lostið gerist
guma mundu,
þess er með fremstum
fíra stendr.

142. Svá mundi sefi
Sarpedon knýja,
gram inn geðstóra
guðum líkan,
á múr stökkva,
sterk at brjóta
málmþings meiða
meginvirki.

143. Ávarpaði þá
ítr sjóli
Glákus, hróðmög
Hippolokkuss:

144. „Hví erum, Glákus,
af gumnum virðir
at sæti ok at sumbli
ok at svásum veigum
manna mest allra,
þars moldvegr grær
Lýkíu landa?
ok hví lýðir horfa
á okkr, sem værim
væa nokkrir?“

145. „Hví vit allvítt land
eignast höfum
á Ksantus-fljóts
fögurum bökkum?
meiðum margsettan
moldveg frjóvan,
ρ. XII, 304-324.

ok alsett hveiti
akrlendi?“

146. „Skulum því, skati,
at sköfnúngs leiki
Lýkíu fyrða
fremstir standa;
skulum at brennandi
böðvi dýja
dör dynstinnan
dölgum móti“.

147. „Svá at blóðleikum
búnir hörðum
Lýkíu-menn
mæla fái:“

148. „„Víst er ei várum
vant siklíngum,
þeim er landvðori
Lýkíu ráða,
frægðar ok frama,
alls þeir feitra sauða
neyta, ok beztan
bjór um teygja““.

149. „„Því at hugar þeir
háleik stæra,
er þeir fremstum í
flokkum standa,
ok stríðkviðjendr
at stríðum leiki
leiða ljóma til
Lýkíumanna““.

150. „Heyr mæ, hróðvinar,
ef heðum viljat
flýja fólvis leik
framan þenna,
víst vitandi,
at verða myndim
elli-vana þá
ok aldrtila:“

151. „Þá munda-k eigi

með ýtum fremstum
darr it dynstinna
dýð of hafa,
nè þik at mannsæmum
mismúgs flaumi,
siklíngir sóknframar,
sendan látið“.

152. „En ótal nú
okkr umkríngja
naprar, nákalдар
nornir dauða;
er-at dauðligum
dróttum skapat
feigð at flýja,
nè frá sèr bægja“.

153. „Því skulum halda
at hildar leiki,
at einnhverr á okkr
unnit fái;
eðr aptr vit
einna nokkrum
bana búum
fyrir blám eggjum“.

154. Mælti svá gramr;
en Glákus honum
gegndi gunnprúðr,
gerði-t óhlýðnast;
leiddu svá lofðungar
Lýkíu-manna
flokk feiknmikinn
at sólkvígum.

155. Þá varð skelkaðr,
er hann skata leit,
Peteós mögr,
Menesteifr;
þá er þeir tráðu
at turni hans,
vágigum varðir
viga-móði.

ρ. XII, 324-342.

156. Hvarflaði hilmir
hvössum sjónum
yfir aðalgarð
Akkverja lýðs,
hvárt lofða nokkurn
litið feingi,
þann er bölvi bægja
ballu kynni.

157. Leit hann í námunda
naðels-rama
Aianta tvá
ok ítran Tevkrus;
sá var nýla
til sóknar geinginn
tjalði frá
traustu sínu.

158. Eigi mátti þó
óp um heyra,
en þótt halr
hátt kallaði;
svá var váligr
vígmalms glaumur;
hvarflaði herjálmr
með himinskautum.

159. Dundu dörr
dimmt á skjöldum;
buldi blakkfextum
í böðvar-húfum;
hriktu hlið
in herjum-remmdu;
váru slagbröndum
svárum lokuð.

160. Stóðu darrframir
at dólghliðum
fjandr, ok freistuðu
fremst at brjóta,
ok inn at æða;
en til Aiants þá
sendi Menesteifr

mæran kallara,
þótes skjótan,
þeim mælti orðum:

161. „Árna nú, þótes
inn ágæti!
árna skyndandi,
Aiant kalla;
eða þó enn framarr
Aianta báða;
þat væri höldum hlæst
hluta allra,
er nú aldir yfir
man ýta dynja
skelfing skjótliga
skapa-dægrs“.

162. „Því at þúnga nú
þraut oss vinna
Lýkfu-manna
lýðforingjar;
hafa þeir æ
harðmóðigir
frekefðum verit
at fólkvfgum“.

163. „En ef eiga þar
einnig sjólar
þúngri þrymu í
ok þjóðrinnmu:
þá einn með þèr
til orra sveima
týhraustr gángi
Telamons arfi;
skyli Tevkrus
tiggja fylgja,
bogsveigir böðfrægr
bösl at senda“.

164. Mælti hann svá;
en mærr kallari
var-at óhlýðinn
orðum sjóla;

ρ. XII, 342-361.

árnabi kallari,
ákast skyndi
at múr Argverja
eirserkjaðra;
gekk til Aianta,
stóð hjá Ajöntum,
mælti at bragði
til bragninga:

165. „Aiantar, Argverja
eirserkjaðra
fólkstjórar frægir
at fólkróði!
ykkur um biðr
borins Seifi
prúðr ástmögr
Peteóuss“,

166. „Þinnig at árna,
ok þrautir vinna;
stála-dyn um stund
standa móti;
skyldut helzt báðir,
skatar, koma;
þat væri höldum hlæst
hluta allra,
er nú aldir yfir
man ýta dynja
skelfing skjótliga
skapa-dægrs“.

167. „Því at þúnga nú
þraut oss vinna
Lýkfu-manna
lýðforingjar;
hafa þeir æ
harðmóðigir
frekefðum verit
at fólkvfgum“.

168. „En ef eigist hær
einnig, sjólar,
þúngri þrymu í

ok þjóðrimmu,
þá aleinn
oss at stoða
týhraustr gáangi
Telamons arfi;
skyli Tevkrus
tyggja fylgja,
bogsveigir böðfrægr
bösl at senda“.

169. Svá hann mælti;
en mikilfeingr
týframr hlýddi
Telamons niðr;
Öyleifs ágætan
ávarpaði
arfa öðlíngr
orðum skjótum:

170. „Þit skulut báðir hær,
þeinglar, standa,
Aiant ok lýðstyrkr
Lýkómedes,
hvetja Danáa,
at þeir hraustliga
fólkvíg fremji
ok fölvi dyi“.

171. „En ek þángat mun
árna mega,
ok lið ljá
at leiki sverða;
mun ek aprt hinnig
halda brálla,
þá er ek vígsgeingi
veitt þeim hefi“.

172. Mælti þat týframr
Telamons arfi,
Aiant, ok at böðvi
braut nam svífa;
en með tiggja gekk
Tevkrus frægr,

ρ. XII, 361-380.

sifr samfeðra
sjóla borinn.

173. Pandíon fólkvöldum
fylgja náði,
bjúgan bar
boga Tevkruss;
komu vástyrkum
vígtorni at
Menestéifs
ins móðhugaða;
geingu inn á garð
garpar frægir.

174. Þá var þjóðfrægum
þraung um sköpuð,
því at dólgmegir
drifu á vígi,
gæveðri glíkir
geigrdimmu;
þat váru fólkstjórar
ok fyrirliðar
lofsælir, liðramir
Lýkiu-manna.

175. Lèku þá í lopti
ljómar saman;
hófst hergnýr
hræðilligr;
geingust at, ok gunnar
glæstum veifðu
logum lofðungar
linnvarðaðir.

176. Vág þar fyrstr víg
ok ver um deyddi
týframr Aiant,
Telamons arfi:
Sarpedons sinna,
sigprúðan Epíkles;
laust hann hildíngar
hördum steini,

er innan garðs lá
efst hjá vígi.

177. Svá var mikit þat
marar hjarta,
at ei hafit hefði
höndum báðum
beinviðr branda
í blóma aldrs,
slíkir sem nú
seggir gerast.

178. En hátt á lopt
hefja náði
hilmir heljar-bjarg,
hreytti af mundu;
mölvaði fjörni
fjórþólaðan,
braut höfuðbein
hver í sundr.

179. Þá féll hávum af
halr turni,
sem kashlaupari;
kom á grund niðr;
en úr belnum leið
brími muna.

180. En Tevkrus Glákusi,
göfgum arfa
ok herstyrkum
Hippolokkuss,
skeyti skjannaði,
er skati vildi
herja hildar múr
háreistan á.

181. Á skaut hann öru,
þar er óðlíngs leit
arm fyrir víðblikni
varnarlausan;
þá hætti Glákus
gunni at fremja.

182. Stökk hann þá aptr,
p. XII, 380-399.

svá at eingi sá,
ofan af hergarði,
at ei Akkverjar
sáran hann sæi,
ok svárum orðum
happi hrósaði
yfir hal sárum.

183. Sárnaði þá mjök
Sarpedoni,
er hann þat skildi,
at skati var
geinginn gunni frá;
nè þó gramr hætti.

184. En óðlíngur
Alkmaons til,
þestors dáðmagar,
darri lagði,
ok á lagi
lofðung kom;
sfoan úr sári
sviðu kippti.

185. En hann darri
eptir fylgdi;
féll til foldar
fram á grúfu;
en bjartfáðar
böðvar ljóma
hríngluðu hroðnar við
hildar váðir.

186. En Sarpedon
um sigrvirki
hördum höndum greip,
herða náði;
en váligt
víga-tímbr
ógn taki aflremmdu
eptir fylgdi.

187. Þá varð it efra
auðr görva

víggarðr, ok verum
vegr um ruddr,
at upp margir
æða knætti.

188. Veittust sjólar þá
at Sarpedoni,
Aiant ok Tevkrus
týframr samt;
skaut skotvaldr
í skjaldar-fetil,
er um brjóst lá
á buðlúngi
fagrfaínn,
fylki at hlífa.

189. En banagyðjum
bægði Seifr
dæðmegi sínum
dróttvaldr frá,
at hann ei dauða
dapran hlyti
stöfnum at
stála-hreina.

190. En Aiant
at nam vaða,
ok í víðblikni
vigri leggja.

191. Gekk ei geirs oddr
gegn um törgu,
en hildíngi hratt
hölzti óðum;
væk þá vísir
vígi lítt frá,
en á hæl hvergi
hopa náði.

192. Því at hugr
hans vonaði
frægð at fá
ok frama ljósan;
p. XII, 399-418.

snérist við sjóli,
ok sigprúðra
leiddi röddu til
Lýkfu-manna:

193. „Heyrit, Lýkverjar!
hví þér linir gerizt,
harðmóðga svá
hildi at drýgja?
Erumk örðigt,
þótt efldr sják,
einum at dökkum
drafnar mörum
gegn um váfjandr
veg at ryðja“.

194. Árnit nú allir samt
at ógnvinnu;
því at mörgum mundum
er mun lættara
drjúgt at drýgja
dæðframa-verk“.

195. Mælti hann svá,
en mímúngs reynar
æðruðust af öðlíngs
ógnar rómi;
snarpligar sóktu
kríng um sigráðan,
ok hendr herðu,
herráðanda.

196. En á hönd aðra
mundu Argverjar
fylkíngar styrkja
fyrir garð innán.
Þá var mikil þeim
þraut um lagin,
ok verk at vinna
válígt feingit.

197. Því at ei knáir
knáttu Lýkverjar
brjóta Danáa

böðvar virki,
ok báru blökkum at
braut um ryðja.

198. Nè heldr darr-ramir
knáttu Danáar
Lykverja brekja
af hervirki,
þá er eitt sinn
sverða meiðir
atrás höfðu
at því framit.

199. Sem dreingir tveir,
þeirs deilu eiga
lögkvikum á
landamærum,
mælistaungum
í mundum halda,
ok of sameign eru
sundrþykkir,
bletti litlum á,
þar bjöð of deillist:

200. Eins mundu vígi
vera deila;
en þeir vígjum á
vigra dýðu;
ónýttu törgur
af tarfa leðrum
hvárr öðrum fyrir
af hraustum bríngum,
hlífir hrínglagðar
ok hráskinns-randir
fjaðrlèttar
flógu hjörvum.

201. Varð fíra fjöld
fránu eiri
sárum svárt orpin
sollnum dreyra,
bæði þeirs baki
fyrir bröndum snèru,

ρ. XII, 418-438.

ok höggstaði
höldum buðu;
ok allmargir
at auki þáðu
lög gunnremmda
gegn um skjöldu.

202. En of vígturna
ok virkja-timbr
dreyra drifu
dynjandi föll;
blæddi böðþjóðum
báðum at rómu,
Tróum ok Akkverjum
eirserkjúðum.

203. Máttu þó eigi
ýtar Tróju
Akkverjum frægum
á flótta snúa.

204. Váru þeir sem ráðvönd
veiga selja,
sú er á snældu
fyrir sèr of vinnr;
heldr á metum,
heldr á ullu,
jafnar vandliga
á vágarskálum,
at hún líft fái
launa þannig
barnúngum handa
börnum sínum.

205. Eins var orrusta
ok einnis glaumr
með báðum jafnt
böðvar þjóðum;
fyrir en Hektori,
hróðmegi Brjáns,
veitti herframa
Herjaföðr,
þeim er fyrstr

um fólkvígi
inn Akkverja
æða náði.

206. Kallaði þá hátt
konúngs arfi,
svá at allir
ýtar heyrðu:

207. „Rísit upp, Tróar
týfákvaldir!
rjúfit Argverja
reginvirki,
ok brennöndum
brísíngs gneistum
skjótið dökkva á
drafnar mari“.

208. Mælti hann þannig,
þegna eggjaði;
en þeir allir
eyrum leiddu;
ræðust allir á
ógnar virki,
vóðu at váremmdum
víga-tímbrum,
hældu oddhvössum
í höndum dörrum.

209. Bjarg þreif þá Hektor
af hauðrs þremi,
þat hliðum fyrir
frammi hvíldi;
þykkt var at neðan,
þunnt at ofan
jörmunþúngt
jarðar hjarta.

210. Mundu-at tveir
meginramastir
ótignir ýtar
því orkat hafa,
svá þúngu lypta
lagar neggi

ρ. XII, 438-459.

hauðri frá
á hvelkerru,
slfikir sem nú
seggir gerast;
en hann einn hægla
í hring sveiflaði.

211. Sem smalamaðr
sauðar-reifi
hægliga veldr
hendi annarri,
en harðla lítinn
honum gerir
baggi sá
byrðar-auka:

212. Svá mundi Hektor
hellu valda,
ok mót hurðvængjum
hana bera;
þær váru hurðir
hávar, tvíslæstar;
hældu aptir hliðum
heljar-remmdum.

213. Váru tveir at innan
okar ramar;
gekk í átt sína
slagbrandr hvárr;
en báðum
beita knátti
læsing úr
lykill sami.

214. Gekk nær gramr,
grund spornaði;
hendi harðsteini
á hurð miðja;
siglur fóta
sundr knýði,
at ei meginkast
magni sviptist.

215. Brotnuðu þá hurða

hjarir báðar,
 en hella hrundi
 of hlið inn um
 þýngslum þrúðekin,
 en þúngt um rumðu
 hlið hvervetna
 in herjum-remmdu.

216. Nè hurðar-okar
 heldr stóðust;
 hristust hliðvængir
 hvárr öðrum frá
 af vábjargs varpi
 vilgi lættu.

217. Þá stökk inn vígstyrkr
 Víga-Hektor,
 bölmjörkva brugðinn
 und brúna hvolfum;
 glóði gunnmálmr
 of gram allan
 hræðilliga,
 sá er hold varði.

218. Veifði vígram tveim
 vísir í hendi;
 mundi eingi þá
 aptrat hafa
 hilmí, er honum
 hefði móti farit,

þá er of víghlið vóð,
 nema væar einir.

219. Brunnu brúna ljós
 á buðlángi;
 snérist við sigramr,
 seggi hvatti;
 kallaði teitra til
 Trójumanna
 gegn um gunnar sveim,
 at þeir of garð stigi.

220. En þeir hvetjanda
 hlýddu sjóla;
 hlupu á hergarð
 halir þegar
 sumir, en aðrir
 inn um þurðu
 sighlið sjálf
 in svártimbruðu.

221. En Danáar
 at drafnar mörum
 húfhveldum hrukku,
 hart um flyðu;
 reis reginramr
 of refilstigu
 stála-gnýr
 stríðkvíðjöndum.

